



IX. D. 53.

79.
7
46

BIBLIOTECA NAZ.
149
Q.
59
NAPOLI

BIBL. NAZ.
VITT. EMANUE
149
Q
59
NAPOLI

IX. F. 16



Antonii le Grand

HISTORIA NATURÆ,

VARIIS

EXPERIMENTIS

ET

RATIOCINIIS

ELUCIDATA.

SECUNDUM

PRINCIPIA

Philos. & Mathematicæ Stabilita in *Reg. Acad. Sci.*

Institutione Philosophiæ

Edita ab eodem Authore.

Editio Secunda priori auctior.

L O N D I N I,

Apud J. Martin, Regalis Societatis Typographum, ad insignem
Campanæ in Cœmeterio Divi Pauli, 1680.

Admonit le Grand

HISTORIA NATURALIS

PARIS

EXPERIMENTIS

ET

RATIOCINIIS

ELUCIDATA

SECUNDUM

PRINCIPIA

Isaacus Newtonus Philosophus

Edicti ab eodem Autore

Edicti ab eodem Autore

Edicti ab eodem Autore

Edicti ab eodem Autore

HENRICO LUMLEY

ARMIGERO

VIRO JUVENI

Generis Splendore ac Naturæ Dotibus

Ornatissimo.

Nobilissime Domine,

Quòd hanc Naturæ Historiam Tibi nuncupem, velimque sub Nominis tui fulgore prodire, Tua erga me Humanitas, arctæque plurium annorum Necessitudo, non suadet modò, sed impellit. Ea enim est Amicitiae Indoles, ut nihil proprium consequatur, sed primævæ Ætatis alumna, Dominium refugit, & quæ jure obtinet, in Aliorum manibus deponit.

Accessit alia id aggrediendi ratio, fervens Tuus Sapientiæ Amor, ingenitæque erga Res præsertim Physicas propensio. Nam licet, ut præclare animadvertit Illustrissimus Baconius, nimium frequens sit Quorundam turba, qui futili ac irrequietâ Curiositate, Rerum Cognitionem vestigent, aut qui

Epistola Dedicatoria.

in differendo consodalibus Palmam præripere contendant, famamque & existimationem aucupentur; Tu verò æquiori stimulo percitus, sciendi cupidine flagras, non Nominis gratiâ, non contentionis ergo: sed ut Dono divinitus concessio utaris ad Rerum omnium Opificis gloriam, Vitæ Humanæ subsidium, & Fœlicitatis, quâ dum Mortales hâcce Vitâ fruuntur, æstuant, complementum.

Pari igitur animo hoc Opus, quo ejus Authorem soles, complectere, Tuumque verè existima, quod tot Titulis ascivisti, comparasti. Interim Deum summè Potentem supplex oro, ut Te diutissimè incolumem conservet, coelestibusque suis muneribus amplius ornent & augeat.

NOBILISSIME DOMINE,

Servus Humillimus,

LE GRAND.

Præfatio

Præfatio ad Lectorem.

1. **C**UM Principiorum Scientiæ veritas, ex deductionum evidentia clucescat, & eorum certitudo indubitata censeatur, si quæ ex illis eruantur, ab eorum Cognitione omnino pendeant; Animum cupido impulit, explorandi, an jactis in Institutione mea Philosophiæ Principiis, naturæ Phænomena respondeant, atque inter illa talis intercedat nexus, ut apprehendi quidem Illa sine istis; ista vero non vicissim absque Illis, intelligi possent.
2. Nam quamvis hæc, quibus utor, Principia, simplicia videantur, nihilque aliud sint quàm rerum Magnitudines, Figure, Motus, Situs, & Quies; nihilominus asserere audeo, me in toto hoc Opere, ad nulla alia recurrisse, & omnia, quæ passim pro Naturæ miraculis ducuntur, sine nullo Sympathiæ & Antipathiæ adminiculo, citràq; occultarum Qualitatum opem, non solum explicasse, sed veram eorum Rationem reddidisse. Adeo ut, nullus de eorum certitudine, dubitandi locus esse possit, si animadvertatur, quàm multa de Corporibus, de Qualitatibus, de Metallis, de Animalibus, &c. ex tam paucis Principiis deducta sunt, quæ reverà tam apprimè coherere nequirent, ni vera essent, & extra omnem dubitandi aleam posita. Unde Vulgaria hîc tantummodo, & quæ passim occurrunt Phænomena, explicare est animus; non quòd eadem facilitate, eorum, quæ rarò contingunt, rationem reddere non valeam; cum par sit omnium Causa, & quicquid in Universo deprehenditur, Naturæ sit effectus, & eodem modo nascatur, & intereat: Sed ne ad insolita ad certitudinem Principiorum meorum demonstrandum recurrere videar, & ad monstra confugere, tanquam in illorum Evidentiæ testes.
3. Meum igitur hoc in Opere institutum, fuit, non universam

P R Æ F A T I O.

ſum Naturæ Historiam deſcribere ; aut omnia Mundi Phænomena uno libro complecti ; ſed ſolum oſtendere, Principiis in Inſtitutione Philoſophiæ ſtabiliri, illa quæ paſſim ſpectamus, apprimè reſpondere ; & nihil in Philoſophia tractari, quod non commodè eorum ope explicari queat.

4. *Primam igitur partem à Corporum natura auſpicor, & contra Clariffimum Gaſſendum oſtendere adutor, nullum inter Materiæ partes, inane ſpatium reperiri. Argumenta & Experimenta quæ pro Vacui aſſertione aſſeruntur, evanida eſſe, & perperam explicata contendo. Mox ad Corporum Affectiones pergo, ubi aſſertâ indefinitâ Corporis Diviſibilitate, varia Rari & Denſi, Duri & Fluidi, Aſperi & Lævis, Perſpicui & Opaci Experimenta adduco, genuinâ cuilibet aſſignatâ ratione.*

5. *Quia verò Qualitates materialcm Subſtantiam comitantur, & illam quocunq; in ſtatu afficiunt, lubuit veram illarum indolem per Experimenta demonſtrare, & rejectis illis, quas Occultas vulgò appellant, eam in quantitate, motu, figura, partium corporis ordinatione ſtabilire, quod poſtmodum exemplo Caloris, Frigoris, Gravitatis & Levitatis, Saporis, Odoris, & aliarum Corporum Affectionum, quæ Senſum ſerriunt, reddo manifeſtum.*

Deinde Mundi & Cæli Historiam aggredior, à Mundi principio ducens exordium, quod rerum Genetiſ, & Univerſi partium digeſtio, ſequitur ; ejus ſubinde interitus, qui ei ex rerum generatione, & corruptione imminet. Mox adſunt Cæli Phænomena, Sidera, Planetæ, Cometæ. An hæc omnia aliquid in nos, inferiorâque Corpora, aliquid poſſint, aut quicquam certi portentant, variis Exemplis diſcutitur, & quid de hujusmodi Prædictionibus ſit cenſendum, aperitur.

6. *Quartam partem quatuor magna Corpora occupant. Primum Terra, quæ pene nihil reputanda eſt, ſi cum Univerſo conferatur. Deinde Aqua, cum variis ejus Proprietatibus. Mox Flumina & Fontes ſubeunt, quorum ortus indagatur,*

P R Æ F A T I O.

dagatur, sicut & Maris fluxus ac reflexus causa. Quippe hæc sunt, quæ multorum capita torserunt, adegeruntque ad occultarum Qualitatum asylum confugere, ut quicquam de illis fari possent. Post Aquam, Ignis Phænomena sibi conspicienda offerunt; & varii ejus effectus, non apud nos modo, sed & in Terræ penetralibus aperiuntur. Agmen Elementorum Aer claudit, cujus potentia non minus in Naturalibus, quàm in Artificialibus elucet.

7. Quoniam Terra multa recondit, quæ nostram considerationem evocant, nonnulla etiam de Fossilibus adjunxi. Primum de Sale, Auro, Argento, Plumbo, Ære, Ferro, & Metallis aliis, quorum generatio non minus mira videri debet, quàm illorum operationes & effectus. Deinde Lapidés ex eodem Terræ sinu eruo, & discussa varia eorum origine, eorum Distinctionem examino, à diversa eorum constitutione petitam. Denum Magnetem prodo, qui licet inter viles lapides numeretur, & omni splendore careat, peculiare tamen Effectus habet, qui iis miri videntur, qui materiam striatam ut eorum causam non agnoscunt.

8. Post hæc, Meteororum Phænomena panduntur, quæ cum inter Sidera & Terram interjaceant, utriusque naturam participant. Primum de Vaporibus & Exhalationibus, quæ iis formandis inserviunt, ago: Deinde de Ventis, qui veluti vagi per Mundum Hospites, nusquam quiescunt, nec ullibi minus, quàm domi habitant. Ut ab iis Nubes librantur, sic inter Meteora locum servant. Sequitur Pluvia, Grando, Nix, Ros & Mel. Mox Tempestatum, Tonitru, origo & effectus deteguntur. Mox cur Fulmen tantum exasperetur, cur Corpora dura sæpe corripiat, mollibus intactis. Inter Meteora primum sibi locum Iris vendicat, uti & alii Ignés in Aëre accensi, qui prout fortius aut debilius materie adherent, citius aut tardius evanescent.

9. His succedit pars septima de Plantis, quarum varietas penè est infinita. Primum de illarum Partibus, Viribus, Qualitatibus,

P R Æ F A T I O.

Qualitatibus, quæ cuilibet Plantæ communes sunt, agitur. Deinde quarundam Sympathia & Antipathia explicatur; præterea de earum ortu, nutritione, generatione, interitu, aliquid subicitur, quantum sufficere videtur, non solum ad earum Phænomena, sed etiam ad omnem earum indolem intelligendam.

10. Tractatum de Animalibus ordior, ab iis quæ sponte seu ut alii volunt, ex corruptione gignuntur; tum ad Animantia ex semine producta procedo, & examinata Monstrorum causâ, aliquid de vario Animalium pariendi tempore subicio, post ad eorum Affectiones digressus, famis & sitis causas examino, continui per corpus universum Sanguinis circuitus. Deinde quodnam sit tam variarum in eis actionum principium indago; cur nonnulla Odio, alia Amore se prosequantur. Demum cur dispar in illis Somnus, & Morbis diversis corripiantur.

11. Totam hanc Historiam Homo claudit, cætera Mundi corpora formæ elegantia antecedens, & cuncta Animantia Ratione, Intellectu, Animâ superans. Nam licet ad modum ceterorum Animalium iisdem Sensuum organis utatur, non tamen quemadmodum illa, objecta percipit, cum sensus in eo Cogitationis species sit, quæ Brutis non attribuitur. Propterea explicatis de Tactu, Gustu, Olfactu, Auditu, & Visu, quibusdam experimentis, ad Imaginationem & Memoriam pergo, & quæ Somniorum, Insomniorumque sit causa, expono. Tandem causis Passionum, quæ exterius apparent, descriptis, totum opus naturales Hominum propensiones & aversiones claudunt, quarum etiam origo, licet diu occulta, evidens demum redditur.

12. Hæc sunt, amice Lector, Historiæ Naturæ specimina, quæ impræsentiarum edere meditor, contentus hoc in scribendi genere, viam aliis monstrasse, & campum aperuisse, in quo lato passu divagentur. Alia fortè tibi aliàs daturus, ubi rescivero, te pro solita humanitate, conatibus meis favere, & benigne suscipere, quæ Animo benevolo largior & ingero.

INDEX

*image
not
available*

INDEX.

P A R S T E R T I A.

Mundi & Cœli.

Articulus Primus.

DE Mundi Exordio 106

Articulus Secundus.

De Rerum genesi, & partium Mundi
digestione 110

Articulus Tertius.

De Mundi Interiori 113

Articulus Quartus.

De Rerum Generatione & Corruptione 116

Articulus Quintus.

De Cœlo 121

Articulus Sextus.

De Sole 124

Articulus Septimus.

De Stellis fixis 129

Articulus Octavus.

De Luna 133

Articulus Nonus.

De Solis & Fixarum maculis 139

Articulus Decimus.

De Maculis in Orbe Luna apparentibus 143

Articulus Undecimus.

De Cometis 146

Articulus Duodecimus.

De Siderum productionibus 153

Articulus Decimus tertius.

De Prædictionibus Astrologicis 157

P A R S Q U A R T A.

De Terra, Aqua, Igne, & Aëre.

Articulus Primus.

DE Globo Terra 161

Articulus Secundus.

De Aqua 165

Articulus Tertius.

De quarundam Aquarum proprietati-
bus 171

Articulus Quartus.

De Fontibus & Fluviiis 176

Articulus Quintus.

De Mari 181

Articulus Sextus.

De Maris Fluxu & Refluxu 186

Articulus Septimus.

De Igne 191

Articulus Octavus.

De Terra motu, & Ignibus subterra-
neis 198

Articulus Nonus.

De Vitro 202

Articulus Decimus.

De Cineribus & Carbone 205

Articulus Undecimus.

De Aëre 209

P A R S Q U I N T A.

De Fossilibus.

Articulus Primus.

DE Metallis in genere 215

Articulus Secundus.

De Mercurio & Sulphure 218

Articu-

I N D E X.

Articulus Tertius.	
<i>De Sale</i>	222
Articulus Quartus.	
<i>De Auro</i>	226
Articulus Quintus.	
<i>De Argento & Stanno</i>	231
Articulus Sextus.	
<i>De Plumbo & Are</i>	234
Articulus Septimus.	
<i>De Ferro</i>	237
Articulus Octavus.	
<i>De varia Lapidum generatione</i>	240
Articulus Nonus.	
<i>De Unionibus & Gemmis</i>	244
Articulus Decimus.	
<i>De Magnete</i>	250

P A R S S E X T A.

De Meteoris.

Articulus Primus.	
D E Vaporibus & Exhalationibus	257
Articulus Secundus.	
<i>De Ventis</i>	261
Articulus Tertius.	
<i>De Nubibus</i>	267
Articulus Quartus.	
<i>De Pluvia</i>	269
Articulus Quintus.	
<i>De Grandine & Nive</i>	274
Articulus Sextus.	
<i>De Rore & Melle</i>	278
Articulus Septimus.	
<i>De Tempestate & Tonitru</i>	281
Articulus Octavus.	
<i>De Fulmine</i>	284

Articulus Nonus.

<i>De Iride</i>	288
Articulus Decimus.	
<i>De Ignibus in Aëre accensis</i>	292
Articulus Undecimus.	
<i>De Halonibus & Parheliis</i>	297

P A R S S E P T I M A.

De Plantis.

Articulus Primus.	
D E Plantarum partibus	301
Articulus Secundus.	
<i>De Plantarum Viribus</i>	303
Articulus Tertius.	
<i>De obviis Plantarum Qualitatibus</i>	309
Articulus Quartus.	
<i>De occultis Plantarum Qualitatibus</i>	313
Articulus Quintus.	
<i>De Sympathia & Antipathia Plantarum</i>	318
Articulus Sextus.	
<i>De Ortu Plantarum</i>	324
Articulus Septimus.	
<i>De Plantarum Nutritione</i>	329
Articulus Octavus.	
<i>De Plantarum Germinatione</i>	334
Articulus Nonus.	
<i>De Plantarum Interitu</i>	338

INDEX.

PARS OCTAVA.

De Animalibus.

Articulus Primus.

DE Animalibus sponte genitis 342

Articulus Secundus.

De Animantibus ex semine productis 350

Articulus Tertius.

De Monstris 355

Articulus Quartus.

De partu Animalium 358

Articulus Quintus.

De Fame & Sati 362

Articulus Sextus.

De motu Cordis; & Sanguinis circuitu 367

Articulus Septimus.

De Animalium actionibus 371

Articulus Octavus.

De Animalium aversione & concordia 376

Articulus Nonus.

De Somno & Vigilia 381

Articulus Decimus.

De Morbis Animalium 385

PARS NONA.

De Homine.

Articulus Primus.

DE sensu Tactibus 390

Articulus Secundus.

De Gustu 394

Articulus Tertius.

De Olfactu 397

Articulus Quartus.

De Auditu 400

Articulus Quintus.

De Visu 405

Articulus Sextus.

De Imaginatione 413

Articulus Septimus.

De Memoria 418

Articulus Octavus.

De Somniis & Insomniis 421

Articulus Nonus.

De Externis Passionibus 424

Articulus Decimus.

De Naturalibus Quorundam Inclinationibus & Aversionibus 426

HISTO.

HISTORIÆ NATURALIS

PARS PRIMA.

De Corporibus.

ARTICULUS PRIMUS.

De Corpore Extenso.

Quamvis Sensus nostri sæpe mentiantur, & falsis delusi Imaginibus, Mentem nostram circumveniant; nullâ tamen tutiori ratione, ad rerum Corporearum notitiam devenitur, quàm dum eorum operâ, earum

I.
*Corpus existere
Sensibus depre-
henditur.*

Dimensiones metimur, & per signa, quæ oculis ingerunt, earum Existentiam detegimus; iis siquidem impulsu, Materiam, tribus præditam esse Dimensionibus cognoscimus, cujus partes variis cieri possunt *Motibus*, alternantes subire *Formas*, & diverso modo, Sensuum *organa* ferire. Nam licet fortè, quod Oculis objicitur, specie tenus duntaxat, Nobis repræsentetur, & aliud revera quàm sit, exhibeatur; non tamen aliquid *evanidum* esse censendum est, & è rerum catalogo penitus ablegandum; cum necesse sit sub illo Cortice, aliquid Corporeum latere, cui, tanquam fundamento, *figura* inest; quæ fortè ob distantiam, qualis in se est, non apprehenditur, & aliam speciem assumit, ut ad *Sensus Organa* perveniat.

Qui eminùs *Turrim quadratam*, sub teretis Imagine contem-
platur, haud dubium est, quin substantiale aliquid, ejus Organo
ingeratur, quum fieri nequeat, ut quadrata, aut rotunda figura
conspiciatur; & nihil sit, quod eam sustentet, ac fulciat.

II.
*Sensus quoad
rerum Substan-
tias non deci-
piuntur.*

cat enim *Modum* aliquem à Materia avulsum existere; imò si ejus indoles ritè perpendatur, nequidem quoad Perceptionem, ab ea potest separari: Nam licèt clarè Substantiam, seu Materialem, sive Incorpoream, citrà suos *Modos* concipere valeamus; nequaquam autem vice versa, *Modi* illi absque ipsis, possunt intelligi; cum ad eorum naturam spectet, Substantias afficere, & variare.

III.
Opinio Anti-
quorum circa
naturam
Corporis.

Quare Philosophorum prisci, ex figura, magnitudinis, ac resistantia congerie Corpus existere demonstrarunt; eo quòd nihil præter *Materiam in Longum, Latum, & Profundum, extendi* viderent; nihilque ab ea assignari posse, quòd aliam similem à loco deturbet, & *Penetrationem* fugiat. Quippe in hoc Substantiæ *Materiales*, à Spiritualibus discrepant, quòd illæ, sub Sensu nostros cadant, quòd mole sint præditæ, & mutuo Tactui subjiciantur. *Tactus* notuinè, non ille duntaxat accipi debet, qui *Animali* proprius est, & quò, ad Corpora externa tangenda utitur; sed illo generaliori, quò duo Corpora, secundum suas Superficies sibi occurrunt, & quò velut intimo osculo, sibi copulantur. Nam solius rei materialis est *Tangere, & Tangi*, & medio quodam *Termino* adhærere, & connecti. Illud adèd perspicuum est, ut iis dubium esse nequeat, qui vel Imaginatione gaudent, aut Sensibus aliquid decernunt. Quemadmodum *Lucretius, lib. primo* testatur,

*Corpus enim per se communis deliquat esse
Sensus; quo nisi prima fides fundata valebit,
Haud erit, occultis de rebus quo referentes
Confirmare animi quicquam ratione queamus.*

IV.
As dentur Va-
cuitates in Cor-
poribus,

Sola superest discutienda Difficultas, num præter Corpora, quæ in Extensione consistere dicimus, detur in Natura *Inane*, quòd omni Materia destituatur, & tamen *Longitudinem, Latitudinem, & Profunditatem* habeat. *Gassendus*, qui obliteratam penè *Epicuri* Doctrinam restituit, & ingens sibi nomen, *Inania* è tenebris eruendo, comparavit, in librum decimum *Laertii*, de *Epicuri* Physiologia Animadversionibus, non Rationibus modò, sed & Experimentis, spatia vacua debere in Mundo dari asserit; quæ licèt nullum Corpus actu complectantur, ita tamen sunt in Corporibus disposita, ut supervenientem Mate-
riam

riam admittere, & continere valeant. Ad eum serè modum, quo Vas Inane, seu vacuum dicitur, quamdiu omni liquore destitutum est, sed quem recipiendi capacitatem habet. Quia si contingat, huiusmodi liquorem Vase detrahi, & in alium locum transferri, necessum est Vasis superficiem, quæ antea liquorem continebat, *Vacuum* remanere, nisi peregrina alia Materies, ejus latera oppleat, & iisdem omnino ablatis *Corporis* dimensionibus coæquetur. Opinionem suam *Acervi tritici* exemplo confirmat, inter cujus grana, multa *spatiola* intercipiuntur, quæ ab ipsis granis non occupantur; quum eorum superficies, (ut ad oculum patet) à se invicem distent, & ità adaptari nequeant, quin inter se Interstitia relinquant, omni Corpore destituta.

Sed non satis ad *Corporis* indolem attendisse videtur *Gassendus*, quod non in *Phylica* solum, sed & in *Mathematica* extensione consistit, quæque ita illi intima est, ut nequidem Cogitatione ab eo divelli queat. Aded ut *Extensio* cum *Corpore* reciprocetur; & sicut *Corpus* non datur, quod non *longitudine*, *latitudine*, & *profunditate* constet; ita nihil iis tribus Dimensionibus mensuratur, quod *Corporis* rationem non habeat.

At, inter *Corporum* particulas, regiones, seu exigua quædam Interstitia inveniuntur, quæ ob eorum laterum diversitatem, occupari non possunt: Esto, an indè illa *Inania* esse inferendum est? quidni illa *spatiola* Aere, aut subtiliori alia Materia oppleantur? & illas Intercapedines alterius generis *Cortepuscula* separent? Nam si illa à se invicem distant, & varia loca sortiuntur, quomodò per Interstitia inania dici poterunt elongari? cum juxta tritum apud *Physicos* Axioma, *Inter illa, quæ à se mutuo distant, aliquid interjacere necesse est*. Nam quum *Distantia*, quæ non nisi inter plura reperitur, quædam sit *Relatio*, omnisque *Relatio* fundamentum suum habeat, necessum est ut reali innitatur fundamento. *Non Entis enim nullæ sunt affectiones, aut operationes*, ac proindè quod nihil est, realem *Corporum* *Distantiam* constituere non valet.

Non cum quibusdam dicendum est, *Distantiam* in ipsis *Corporibus*, quæ ab invicem divelluntur, tanquam in fundamento reperiri. Nam indè legitimè inferre liceret, illa à se mutuo distare, quocunque modo disponentur, cum eadem fundamenta maneant, sive distent, sive sibi connectantur. Quare

III

V.

Corpus physicum, & mathematicum non differunt.

VI.

Distantia partium ab invicem, non probant dari Spatia Inania.

VII.

Possibilis repletio non sufficit ad distantiam constituendam.

Distantia, alteri rei à positis Corporibus assignanda est, quæ quum *Immaterialis* illa esse non possit, utpote Extensionis ex-
pers, ad aliam *Corpoream* recurrendum est, quæ illam ex-
ficiat.

VIII.
*Extensio est
Attributum
constituens sub-
stantiam ma-
terialem.*

Haud me fugit, Nonnullos philosophos iniquo ferre animo,
triplicem assignatam *Dimensionem*, à Nobis pro Substantia ex-
istimari, quum Modi duntaxat, aut Accidentis Vocabu-
lum ipsi competere videatur: Nam quis, dum de *Baculo* ha-
betur sermo, non statim iudicat Extensionem Baculi esse *Mo-
dum*, Baculum vero *Subiectum*, seu substantiam, qua sustinetur?
Verum arduum non est ostendere, hunc Errorum non nisi loquen-
di Modum inniti; nec minus absurdum esse, id asserere, quàm
si quis audiendo *palatium Regium*, existimaret duas esse Res
distinctas, quarum una alterius foret Modus. Sed ut tota, quæ
in hoc negotio, occurrit difficultas tollatur, notasse suffi-
ciat, eam esse *Substantiæ* naturam, ut citrà *Modum* existere
possit: *Modum* autem è diverso, ita à Substantia pendere, ut
ab illa disjunctus nullatenus existere queat. Constat autem
Extensionem, in Baculo, absque Baculo esse posse, cum multa
sint Corpora, qua Baculi formam non referunt: non potest
verò ex opposito, dari Baculum, quod *extensum* non sit, sive
quod non tribus dimensionibus sit præditum. Ac proinde
tantum abest, ut *Extensio* Baculi *Modus* dici queat, quin
potius statuendum sit, Extensionem substantiæ Substantiæ no-
men sortiri, & esse Baculi, non nisi ejus esse *Modum*.

IX.
*Nihil indivi-
sibile in Cor-
pore concipi
potest.*

Unde apparet, quàm inepte ii loquuntur, qui *puncta* mathe-
matica in re extensa considerant, voluntque ejus partitionem
indivisibili quadam meta terminari: Nam si in Linea, exempli
causa A.— B. per divisionem ad extremum indivisibile perve-
niatur, eo sublato, cætera si pari modo partiaris, ad similes ter-
minos scilicet inextensos devenies: parique posthac cætero-
rum divisione, nihil prorsus in lineâ extensa, præter puncta
indivisibilia, seu mathematica reperies: quod & Rationi ad-
versatur, & quem de rebus extensis, formamus conceptum,
destruit.

ARTICULUS SECUNDUS.

Diluuntur Rationes Epicuri, quibus Inania spatia Corporibus inspersa asserere molitur.

EPICURUS, qui locum cum *Inani* confundit, putatque Corpora omnia in spatiis vacuis recondi; arbitratus est, ni illa darentur, *Non habitura esse Corpora, ubi existerent, aut quò corpus quiescat, aut moueretur.* Nam cum Locus locato adæquetur, debeatque concava illius superficies, hujus extimæ superficiei proportionari: cùmque Locus passim Immobiles habeatur, repugnetque à sua positione dimoveri; superest, ut *Locus* idem semper maneat, postquam Corpus quod illum implebat, alibi continetur, aut successivè loca alia subit; ac proinde necesse est, illum *Vacuum* relinqui, & partes sui immotas tueri.

Sed perperam existimasse videtur *Epicurus*, locum, quod dam per se subsistens *spatium* esse, quod Corpori *magnitudine* aequale sit, & ab eo realiter distinctum: Quia si præcisè ad *Loci* notionem attendatur, nihil aliud esse deprehendetur, quam Respectus quidam Corporis situs, quem habet ad proxima, quæ illud circumstant, Corpora; vel ad remota, à quibus Immobilitatem suam desumit. Adeò ut, asserere rem in *loco* esse, vel novum Locum acquirere, idem sit, quod significare, illam talem *situm* inter alia Corpora obtinere, vel adipisci. Mentis error est, fingere locum, capedinem quandam esse, quam Corpora penetrant, ac deserunt: cum Corpora sua spatia secum adferant, ac tollant. Ac ideo dicimus *Corpus* spatium aliquod occupare, eo ipso, quo tanta pars Universi esse constituitur, & inter res materiales numeratur: & locum aliquem derelinquere, quum desinit *magnitudinem, figuram, & situm* suum, inter determinata quædam Corpora servare.

Aliud Argumentum, quo Inane in Mundo stabilire conatur *Epicurus*, ex ipsa *Motus* ratione petitur: Si nullus, inquit, in natura Locus inanis admittatur, impossibile erit in ea fieri *Motus*; ac proinde Totum hoc *Universum*, nihil aliud erit, quam rigida quædam moles, insecti nescia, & nullius alterius, quam quod existit Corporis, patiens. Nam dato plena esse omnia, Corpus

I.

Non opus est
spatio inani, ut
Corpus quiescat,
aut moueatur.

II.

Corpora secum
loca sua adferunt,
& tollunt.

III.

As fieri possit
motus, sublato
inani spatio.

Corpus ab uno Loco in alium transferri nequibit, quin aliud è suo situ detrudat; adèd ut, si Corpus A moveatur, necesse sit, ut aliud ad minus sibi æquale, à suo loco depellat, nimirum B. Idem B præstare debet, ut novum Locum nanciscatur, & ita in infinitum procedetur, ni quædam spatia dentur Inania, quæ mota Corpora subeant, & veluti in novis diverforiis hospitentur.

IV.

In omni Motu, integer Corporum circulus simul movetur.

Aliquid fortè hoc argumento, *Epicturus* probaret, si nullus præter rectum daretur Motus, & una Parte materiæ motæ cæteræ sequentes in ævum continuarentur; sed alium *usu cotidiano* experimur, nempe Circularem, quo Corpus aliquod, dum movetur, aliud loco suo depellit, hoc iterum aliud, & aliud, donec ad ultimum perveniatur, quod Prioris locum subeat. Hic autem Circulus, sublato omni Inani, peragi potest. Ut

fit hic Circulus X Y Z excavatus, duodecim globulis plenus, dum primus A, versus aliquam partem movetur, secundum B trudit, hic tertium sequentem, donec continuato pulsu, locus, qui à primo derelictus est, ab ultimo C replatur.



V.

Objeçtio contra motum per Circulum factum.

Si cum *Gassendo* regeras, globulum A moveri non posse, nisi duodecimus B moveatur, sed

B moveri nequit, quoniam ut moveatur, necesse est ut C locum A occupet, qui nondum vacuus esse concipitur, ac proinde immoto B remanente, non potest A moveri, & ita omnes globuli qui in Circulo continentur, immoti stabunt:

VI.

Respondetur ad objeccionem *Gassendi*.

Respondeo, *Gassendum* falsa Suppositione inniti, dum imaginatur, globulum C qui immediatè antecedit A, moveri non posse, quin locus vacuus necessariò detur, dum moveri incipit; cum fieri possit, ut eodem Temporis momento quo A locum B occupat, locum priorem deferat, adeo ut, dum globulus A versus B pergit, ipsum B pellat, B vero sequentem, &c. usque ad C, qui locum ab A derelictum, eodem instanti ingreditur, ut dictum est.

Res evidentior fiet in Circulo *ferreo*, qui circa suum Centrum agitur; nam cum quilibet Circuli pars, eodem instanti spatium

spatium occupat, quod à præcedente derelictum est, absque ulla necessitate ad Inane recurritur. Quod si illud in Circulo ferro fieri potest, quidni in Circulo alio, partim ex *Ligno*, partim ex *Aëre* composito fiat? quidni Corpus A quod ligneum esse supponitur, corpus B quod est acreum, à situ suo depellendo, B tantam vim aliud immediatè sequens detrudendi habeat, illud verò aliud alterum usque ad C quod locum A occupabit, eo tempore, quo illum deferet?

Sic quantum Liquoris, exempli loco, *Vini* ex dolio egreditur, necessum est, ut tantum Aeris statim subeat; & nisi Aeri introitus permittatur, in vanum tentabitur, vinum ex dolio promovere: quoniam ubicunque *circularis* Loci mutatio impeditur, fieri non potest, ut corpus locum suum deferat. Ita dum è fistula Aer extrahitur, cujus pars altera Aquæ immergitur, Aqua sursum sponte sequitur, quamvis id ejus gravitati repugnet.

Id autem ità fieri in omni Circulo, satis intellectu facile est, si Circulus ille, perfectus esse supponatur, & cujus partes à Centro aequaliter distent: Verùm idem in eo contingere non videtur, qui non nisi imperfectè rotundus est, & cujus spatia latitudine, & angustia differunt, ut patet in circulo E F G H. Sed hæc Difficultas facile diluitur, si advertatur omnes illas *Inæqualitates* posse Motus celeritate compensari. Nam ponamus spatium G, quadruplo latius, quàm spatium E, & duplo, quàm spatium F & H, necesse erit, ut Materia quadruplo celerius moveatur in E, quàm in G, & duplo celerius quàm in spatio F & H, & ità Motus celeritas loci angustiam pensando, qualibet hora, die, vel anno, tantundem Materiæ per unam *Circuli istius* partem transibit, quàm per aliam. Aded ut nulla adsit necessitas, vacua Interstitia fingendi, aut Condensationem admittendi.


Verùm, cum dicitur Corpora per circulum moveri, haud sic intelligendum est, quasi ovals, aut perfectè circulares esse debeant motus; sed *circulares* duntaxat nuncupari, eo quod ultimum

VII.

Cur aqua sursum interdum ascendit.

VIII.

In Circulo etiam non perfectò, Corpora simul moventur.



IX.

Non est necesse ut omnes motus sint sphericæ.

ultimum corpus, quod propter alterius impulsus movetur, primum motorem immediatè tangat, quamvis Linea, quæ ab omnibus corporibus, simul per unius impulsus, motis, describitur, sit valde retorta.

X.

Cur Lapis Corio
agglutinatus
interdum non
delabatur.



Ex quibus, experimenti illius inter pueros familiaris, ratio redditur, cur Lapis, exempli causa, orbiculo coriaceo saliva agglutinatus, sæpenumero in terram non delabatur, quippe Lapis A ex filo B pendens, parti corii C in orbem efformatæ agglutinatus non decidit, quamvis notabilis sit ponderis, & deorsum materiæ subtilis impetu propellatur; Quia ut Lapis descendat, necessum est subjectum Aerem de loco suo deturbari, qui in lapidis locum sub partem coriaceam intrudi debet: sed cum in illo delapsu, Rimulæ primum inter lapidem, & superpositum corium, valde exilis oriri oporteat, priusquam inter illa magnum interstitium fiat, Aëri recipiendo idoneum, utpote crassiori, & ob intercurrentem ætheream materiam magis expanso, sit, ut Corporum circulo impedito, lapis tamdiu corio adhæreat, quamdiu Aer à delapsuro lapide, expelli nequit, & inter corium & lapidem se ingerere.

ARTICULUS TERTIUS.

Discutiuntur Experimenta, quibus Vacuitates Corporibus inesse, Gassendus contendit.

I.

Primum Gassendi bombardæ pneumaticæ Experimentum, ad probandum vacuum.

HAud dubium est, Philosophiam Experimentis maximè promoveri, illiusque principia ad Veritatem propius accedere, quæ Phenomenis fulciuntur, & Natura miracula, ut suæ evidentix testes advocant. Hinc Gassendus, per Experimenta, quæ occurrunt, Intervalla Inania in Mundo esse, ostendere nititur,

titur, rationibus à Condensationis, & Rarefactionis *motu*, petitis. Detur, inquit, *Bombarda pneumatica*, cujus Tubi pars, quæ Aerem includit, ad duos digitos protendatur; dubium non est, quin tanta Aeris moles illic reperiatur, (si nulla Aeris spatia, partibus materiæ interfint) quantus est locus, seu Tubi capacitas, quæ Aerem complectitur; adeò ut nulla sit pars loci, ita exigua, cui non pars *aerea*, ejusdem magnitudinis respondeat, ac proinde æquales sint numero utriusque partes.

Supponatur igitur ille numerus esse mille, mox Instrumento ad hoc idoneo, Aer comprimatur, & ad unius digiti mensuram redigatur. Quem inter se partes aeræ ordinem servabunt? cum tunc temporis, ex partibus loci, non nisi quingentæ superfint. An fortè geminæ in eodem spatio reponentur? Id Naturæ Legibus repugnat, quum cuilibet Corpori *Impenetrabilitas* sit propria, & non minùs implicet, duo Corpora eundem locum occupare, quàm idem Corpus, in diversis locis reponi. Quare si Aeris corpuscula, in Tubo comprehensa, angustiori loco contineantur, necessum est, ut eorum latera & anguli, apertius inter se disponantur, & intercepta Spatia Inania repleant, ac penetrent, quibus occupatis, haud mirum videri debet, si arctius Intervallum reddant, & minùs quàm antea protuberet.

Verùm, non satis ad ea, quæ in Natura fieri possunt, attendisse videtur *Gassendus*: Quia licet naturaliter Corporum penetratio repugnet, non tamen inde inferendum est, admittenda esse in Corporibus *Interstitia vacua*, quæ superinjectum, exempli causa, Aerem recipiant, aut aliam quamcunque Materiam complectantur, cum possibile sit, ut inter crassiores Aeris partes, quædam *subtilior*, ac magis tenuis Materia sit, quæ è Corporum meatibus egrediendo, efficiat, ut Spatium, quod repletum apparet, alium Aerem recipere possit. Quia vi intrusus Aer *materiam subtilem* expellit, quæ ipsi locum cedendo, per *Bombardæ* Poros erumpit, & elabitur. Non igitur *Aerearum* partium Compressio, ex Inanum spatiorum occupatione oritur, sed ex subtilis Materiæ expulsionem, quæ Aeris partibus locum cedit; dum hæ propius ad se invicem accedunt, & Poros angustiores reddunt, aut tollunt.

Aliud Experimentum *Gassendus*, à Rarefactionis motu defumit: Est *Aeolipila A B C D E*, cujus cavitatis pars una *A B C*

II.

Repugnat Corpus in pluribus locis reponi.

III.

Redditur ratio Experimenti.

IV.


Secundum Gassendii experimentum.

C

Aquâ,

mentum ab
Acolipila de-
sumptum.

Aqua, altera *A E C Aeris*, applicatur; quæ fiet, ut Igni appo-
sita, *Aqua*, quæ in *Acolipila* includitur, expandatur & rarefcat,



adco ut cum impetu e-
rumpat, & abigatur? Ni-
hilominus globi, seu Ae-
olipilæ capacitas, semper
plena remaneat? Nam si
Aeris A E C & *Aque*
A B C partes, numero
pares erant, priusquam Ig-
ni *Acolipila A B C D E*
adhiberetur, debebunt,
quæ supersunt partes,
post aliquam evaporatio-

nem plura loca occupare: Ac proinde sicut agger pulveris, mo-
dico Vento excitatus, in Nubis speciem diffunditur, ob Aerem
pulveris granis intermixtum; quidni eodem modo *Aeris* &
Aque partes, *Acolipila* incluse, per intronmissa Corpuscula agi-
tate, totum illud spatium occupant, quod inania Interstitia
intercipiebant?

V.

Explicatur ex-
perimentum
Acolipilæ.

Respondeo, illud nullo modo sequi, quoniam *Aque A B C*
partes *Acolipila* incluse, non dilatantur, quoniam spatia va-
cua obtinent, quæ prius *Aeris A E C* partibus immiscebantur,
sed solum quod *Acolipila* Igni apposita, *Calor* exiguas *Aque*
partes exagitet, efficiatque ut inter se collidantur, & magno
molimine, ab invicem recedere nitantur. Quippe subtilis
Materia, vi Igni intronmissa, earum Meatus distendit, ac dila-
tat: quo fit, ut solito magis compressæ, & sese extricare co-
nantes, per foramen *D* cum impetu versus *F* egrediantur, &
quandam naturalis Venti speciem referant. Itaque tota *A-*
que expansio, supra superficiem *A C*, soli materię subtili per
Acolipila poros ingressæ, tribuenda est, quæ ejus particulas agi-
tando, non sinit eas amplius coherere. Ut ipsemet *Gassendus*
fateri cogitur his verbis: *Idque agentibus corpusculis ignis, quæ &*
superingressa, & rapidissimo cuncta redeuntiaque inter latera Ae-
olipila, non interquiescere illa sinit: sed heic illeic sic esse cogunt, ut
totum spatium videri possit.

VI.

Tertium expe-
rimentum, à Sa-

Aliud est Experimentum singulare, quo sibi Inania Spatia, in
Corporibus certò detexisse videtur *Gassendus*. Cum nosset vir
Clarissimus,

Clarissimus, non quantamlibet *Salis* mensuram, sed certam quandam quantitatem, posse in Aqua dissolvi, cum usuveniat, quæ aliqua *Salis* portione saturata est, reliquum quod imponitur, respuat, & indissolubile relinquat; Id aliter contingere non posse arbitratur, quàm quod Sal in tenuissimas Particulas digestus, *Aquam* undique permeet, & vacua Intervals repreat; quibus expletis, omnis exsolutio cessat, modo haud absimili, quo stomachus cibo gravatus, quicquid ingeritur, remittit. Sed cum *Salis* particulae, non unius sint figurae; quippe *Salis communis* cubicae sunt, *Aluminis* octahedricæ, &c. assignanda quoque erunt, diversæ figurae spatia, quæ talia esse, ex eo maxime probatur, quod Aqua Sale communi imprægnata *Alumini*, *Sali Ammoniaco*, & *Saccharo* adhuc pateat. Quæ Corporum admissio, aliam in Causam refundi non potest, quam in ea Loculamenta, quæ Aquæ partes intercipiunt; quum illis oppletis, *Aqua* plus hujusmodi *Salium* exsolvere nequeat, & veluti satiata torgeat.

Aliquid hoc Experimento *Gassendus* probaret, si Nobis persuadere posset, *Aquam* Sale intromisso minime augeri, & eundem prorsus, quem antea, locum occupare; Cujus tamen contrarium usu cotidiano videmus. Quippe licet in cyatho Aquâ pleno, certa quædam *Salis* portio, citra effusionem accedere possit, non tamen sine ejus superficiei expansione: constat enim *Salis*, aut Cinerum introductione, *Aquam* attolli, & ad modum globi, in cyathi medio assurgere. Ut in *Thermometro*, seu *Tubo vitreo* conspici licet, cui si *Sal* infundatur, *Aqua* illico augetur, & sensim altius se insinuat.

VII

Quomodo Sal in Aqua dissolvatur.

At, inquires, si nullæ in Aqua *interapedines* inveniuntur, quæ Salem impositum accipiant, quæ sit, ut certa illius quantitate satietur, & reliquum respuat? Hujus rationem reddere arduum non erit, si partes *Salis rigidas* esse, dulcis autem *Aquæ molles*, & ad inflexionem propensas supponamus. Nam cum *Salis* partes, sibi invicem transversæ incumbant, *Aquæ* dulcis partibus, (quæ in continuo versantur motu) occasionem præbent, illas interlabendi, & ad modum Annulorum eas circumplectendi, atque ita disponendi, ut inter illas facilius fluant, & Motum suum continuent, quàm si solæ relinquerentur. Quia cum *Salis* partibus implexæ sunt, *Materia subtilis*, cujus Vi agitantur, id tantum agendum habet, ut eas circa *Salis* corpora,

VIII

Cum certa Aquæ quantitas, non nisi certam Salis mensuram dissolvere possit.

scula, quæ complectuntur, citissimè deferat. E diverso, dum solæ existunt, *dulcemque* Aquam componunt, ità inter se confunduntur, ut Materia Subtilis, partem suarum virium, in ipsis diversimode inflectendis impendere debeat. Cum citra illius impulsus immotæ maneant, & à se invicem disjungi nequeant. Cum igitur Aquæ dulcis partes, finitæ sint, & virtus quam habent se movendi, limitata sit, necessariò contingere debet, ut postquam certum partium numerum Salis, circumlambendo complexæ sunt, cæterarum resistantiam superare non valeant, ac proinde *Aqua* veluti satiata, superinjectum Salem exsolvere non potest, quoniam non supersunt partes Aquæ flexiles, quæ *Salis* corpuscula, circumvolvendo amplectantur, & liquefactionem efficiant. Id cotidiè in Aqua communi, & Aqua fortè manifestum fit, quæ non nisi certam ac determinatam *Salis*, aut *Metallorum* quantitatem exsolvere queunt. Undè si exsoluta ea mensura, unicum Salis granum injiciatur, sic cum remanet, ac si in loco arido reponeretur.

IX

Superest ut celeberrimi *phenomeni* rationem reddamus, quod solertem *Torricellium Florentis* observasse narrat *Gassendus*. Ille siquidem Tubo vitreo assumpto trium pedum, (qualis describitur cap. 17. part. 6. Institut. philosoph.) cum septem digitis, & onciis novem, quem cum *Hydrargyro*, seu Argento vivo replevisset, eundemque digito, illius oppresso orificio invertisset, in stagnantem in Vase *Hydrargyrum*, tum amoto digito, observatum esse, *Hydrargyrum* in subjectum Vas non totum defluere, sed intrà Tubum, ad duorum pedum & digitorum ferme trium altitudinem subsistere, absolutis prius, quibusdam sursum deorsumque Vibrationibus, relicta interim parte tubi superiori non solum *Hydrargyro*, sed & quovis alio Corpore destituta.

Quantum experimentum
tubi vitrei hy-
drargyro ad
certam mensu-
ram repleti.

X.

Genuina præ-
dicti experi-
menti ratio.

Hoc experimentum, quanquam magni à pluribus fiat, videturque in Mundo *Vacuum* stabilire, nullius tamen apud eos est momenti, qui in Corporibus *Poros* admittunt, quos Materia quædam Subtilis penetrat, & ea loca obtinet, quæ à crassioribus Corporibus deferuntur. Ea enim est primi Elementi Materię indoles, ut non *Vitrum* modò, sed & *Adamantem*, *Chalybem*, & quodeunque aliud durum Corpus trajiciat. Nam licet *Vitrum*, utpotè frequenti fusione depuratum, *Poris*, seu foraminibus carere videatur, ambigi tamen nequit, quin continuos habeat,

habeat, & nullibi interruptos. Quod ejus pelluciditas sufficenter arguit. Quippe cum generatur, liquidum sit, Materia subtilis circa ejus particulas undique fluens, innumeros ibi Meatus efformat, per quos transmissi secundi Elementi globuli, Luminis actionem in omnes partes transferre queunt. Licet ergo spatium illud, quod ab Hydrargyro derelinquitur, Vacuum appareat, nullaque sensibili Materia repleatur, ab alia subtili repleti potest, quæ Sensus nostros fugiat. Nec illud *Gassendum* ipsum latuit, dum Experimentum explicando, *Caloris frigorisque corpuscula* admittit, in *tubi capacitatem* penetrare, perque ipsum *infundi*. Quod idem de *Lumine* sensit, cum illud rem Corpoream esse agnoscat, tenuemque esse materiam, quæ Tubum trajicit, ac penetrat. Quare frustra ad Inania spatia recurritur, quum iis subtili Æthere repletis, tantum loci novis corporibus recipiendis adinveniatur, ac si revera vacua manerent.

Præterea quis nescit *Nihilum* nullius esse proprietatis capax: at, si versus superiorem Tubi partem ignis applicetur, illico similis ibi Rarefactioprehenditur, quæ in Thermometro peragitur, & qua Hydrargyrus ad descendendum adigitur. Unde fat evincitur veram illic materiam esse, quæ mutationem illam subit.

Cæteris validius Argumentum excogitasse videtur *Lucretius*, ad Inane Spatium in natura asserendum: si nimirum duo Corpora plana *polita* sibi mutuò applicentur, quia cum se mutuò contingerent, unum ab altero dimoveri non posset, quin eo temporis momento, tota unius superficies, à tota alterius superficie, dimoveretur. Nam licet fortè ex una parte, magis à se invicem sejungerentur, quam ex alia: ut hircere tamen primum inciperent, nulla ex parte se contingerent, nisi in Linea extrema opposita. Aliàs ea Corpora non plana, aut inflexa forent, quod est contra *hypothefim*. Quo dato, Aer quantalibet Velocitate circumfluens, non nisi successivè spatium ab extrema ora ad aræ medium interjectum percurrere potest; ac proinde necessum est, ut quo temporis puncto Aer in ipsa, tantillumve ulterius est, quod spatii superest, ad medium usque inane sit, nec nisi per consequentia temporis momenta impleatur.

Hanc rationem *convincentem* esse existimat *Gassendus*, arbitraturque nulla alia ipsi æquivalente posse enervari. Sed revera si quod

XI.

Nullum esse in
Tubo Vacuum.

XII.

Quintum argumentum à
Corporibus unitis
desumptum.

XIII.

Non dantur in
Natura Corpora
exactly polita...

si quod supponit, probe examinetur, apparebit omninè falsum esse, & nulli sudamento inniti. Supponit enim duo Corpora omninè polita esse, quod tamen reperiri posse ipsemet abnuat, *Phys. sect. 1. lib. 6.* quia licet *Marmor, Ferrum, Lignum,* & alia id genus corpora, in quibus neque manu, neque oculo ulla inæqualitas agnoscitur, politissima videantur; suadet tamen Ratio, ut credamus illa inæqualissima esse, quatenus ea polities, non nisi variis granulorum, seu limæ, seu sabuli ductibus impressa est, quibus plurimas fossulas exarari ac derelinqui oportet. Ac proinde verisimile non est, duo reperiri posse Corpora plana ex ulla materia adeo dura & polita, & sibi mutuo tam exactè congruentia, ut inter illa nihil Aeris relinquatur. Si verò contingat corpus alteri perfectè polito conjungi, non poterit ab illo separari sursum perpendiculariter trahendo, sed necessum est, ut corpus superius ad latus trahatur, quo pacto, horum corporum separatio successivè fit, ita ut Aer facili negotio, in locum ab illis derelictum succedat.

ARTICULUS QUARTUS.

De Corpore Divisibili.

I.
*Divisibilitas
omnibus Corpo-
ribus competit.*

EPICURUS, qui Substantiam Materialem ex *Atomis* componi asserit, eisque ortus interitusque rerum assignat; imaginatus est, Corpora ita variis modis subdividi posse, ut ad minima Corpuscula demum perveniatur, quæ ratione soliditatis suæ, ulteriorem partitionem abnuant, & nulla Vi naturali, exsolvi se patiantur, ut ait *Aufanius*,

tenuissima cæcis
Principia, & nostros non admittentia visus,
Parvarum serie constant connexa Atomorum,
Sic solidum imprimis, nullique secabile segmen.


II.
*Gassendi opi-
nio, de Corporis
divisibilitate.*

Hanc Opinionem tueri conatur *Gassendus*, sumpto à rerum concretarum dissolutione, Exemplo; nam sicuti, inquit, videmus Naturam Corpora in particulas impensè exiguas resolvere, & non

& non nisi ad certum earum Numerum progredi; ita colligendum est, non in infinitum, illas comminuere, cum illius vis limitata sit, brevique exhauriatur & desinat; ac proinde quædam Corpuscula superesse debent *Individua*, & ulterioris partitionis expertia.

Scio *Gassendus*, non *Mathematicam* Indivisibilitatem hujusmodi *Atomis* tribuere, sed eas duntaxat insectibiles existimare, ob duritiem, & mutuum earum Partium implexum; sed quomodocunque *Epicuri* mentem *Gassendus* interpretetur, aliquid à *Corporis* natura videtur, quod individuum sit, & partitionem refugiat. Divisibilitas enim, omni Substantiæ Materiali propria est, & ita ei annexa, ut eam immediatè, essentialitèrque sequatur: nam si probè ad Conceptum, quem de Corpore habemus, attendatur, statim occurret, esse quid *Extensum*, & tribus *Dimensionibus mensurabile*: Quo autem pacto fiet, ut quod longitudine, latitudine, & profunditate constat, Divisionem non patiatur? Statuendum est igitur, omne Corpus esse partibile, & ita indefinitè sectioni obnoxium, ut nulla unquam divisione exhauriri queat.

Hanc Divisionem pluribus exemplis Mathematici demonstrant. Verum, unum inter tot seligamus. Duas lineas parallelas nobis ob oculos proponamus, A B nimirum, & C D, quas secundum longitudinem *Indefinitas* supponamus, & unius digiti spatio à se invicem distantes: Hoc posito, linea E F inter illas duas interjecta, & quas perpendiculariter attingit,



unius quoque digiti longitudine ut sit necessum est. Tum puncto A Lineæ A B sumpto, quod ab ea unius digiti intervallo etiam, prout lubuerit, apprehendemus, sumamus supra C D, ad dextram ejusdem lineæ E F, tot puncta, quot voluerimus, exempli causa G, H, D, &c. à se mutuo, pro nostro arbitrata distita;

III.
Implicat dari
Corpus quod sit
indivisibile.

IV.
Cum puncta sine
fine in Corpore
assignari possint,
sequitur Corpus
esse in infinitum
divisibile.

III
a Corpore
distita

diffusa; atque concipiamus à puncto A tot lineas rectas proficisci, quæ ad omnia illa puncta G, H, D pertingant. Hoc dato, manifestum est, quod Linea A G, sit transitura per punctum I Lineæ E F; Linea A H, transitura sit per punctum L paulò altius, & Linea A D per punctum M, quod alteri adhuc supergreditur, & ita de reliquis: Sed quoniam lineæ C D, indefinita est, potestque indefinitus punctorum G, H, D, similium numerus, supra ipsam accipi; sequitur quod quæ à puncto A ad omnia illa puncta ducentur lineæ, infinita puncta, in lineæ E F notatura sint, inter se differentia, & quæ magis semper ac magis ad extremitatem E accedent, sed ita quod nulla omnium earum linearum, unquam per punctum E transeat. Quoniam supponitur, quod Linea C D, sit lineæ A B parallela. Unde concluditur, cum indefinitus punctorum numerus, in determinata quadam materiæ portione assignari possit, quod materia, sive Corpus, sit in infinitum divisibile.

V.

Quomodo Corpora cum sint omnia divisibilia non sunt equalia.

20. Opponet fortè quis pro *Gassendo*; si ad Corporis Naturam spectat, ut in infinitum sit divisibile, sequetur Corpus A quod exiguæ molis esse supponitur, Corpori B duplo majori, fore æquale: Atqui absurdum est Corpora diversæ Magnitudinis esse mole paria; igitur falsum est, ambo esse indefinitè partibilia. Major videtur evidens, quia non minus in A infinita Divisibilitas intelligitur, quàm in B, quod altero est duplo majus.

VI.

Mentis finitæ non est aliquid de Infinito determinare.

Ad hanc Objectionem responderi potest cum *Cartesio*, parte prima principiorum, articulo vigesimo sexto; Nos non debere nimium in iis explicandis sollicitos esse, quæ sub Intellectum nostrum non cadunt, quæque à Nobis perspicuè & distinctè concipi nequeunt. Ad Mentem enim *Infinitam* duntaxat pertinet, Infinitum intelligere, & de ipso aliquid determinare. Ineptum verò foret, id quod de Corporis essentia capimus, tanquam falsum respuere, quoniam Mente Infinità præditi non sumus, & Infinitum comprehendere non valemus. Quam ob causam *Cartesius*, illa in quibus nullos extensionis fines advertimus, non ut *Infinita*, sed ut *Indefinita* considerat, cum in infinitum dividi possint, & ad eorum partem ultimam non liceat pervenire.

VII.

Duo Corpora a diversæ molis

Aliter Responderi potest secundò, *Divisibilitatem* in Corpore minori A, non tantam esse, quanta in corpore B duplo majori reperitur;

reperitur ; hoc est, A in partes æquæ magnas, ac ipsum B distribui non potest ; nihil tamen obstat, quin in tot, sive æquæ multas discerni queat ; quia Corpora non quoad *quantitatem* Continuum sectibilia dicuntur, sed quoad *Discretam* ; Pars siquidem millesima unius Materiæ, in alias mille partes subdividi potest, non minus quam ipsa Materiæ moles : quia dividendi aptitudo, non per actualem partitionem decrescit, aut tollitur, non magis quam in Homine, *scribendi aut pingendi vis*, dum litteras in papyro exarat, vel ductis lineis, in tabula effigiem delineat.

Paradoxum quibusdam videbitur, quod non minor partium numerus in *Acari* corpusculo reperiatur, quam in *Tauri* mole ; nihilominus si Engyscopio perfecto utamur, inveniemus *Acari* corpus, utpote vita præditum, non minus organicum esse, quàm quodvis ingens aliud Animal. In eo siquidem rostrum cum proboscidula deprehenditur, qua cutem penetrat, sanguinemque ex ea, in alimentum extrahit. Si gradiatur, ad posticam partem, sole præsertim splendente, egeri sæcula videtur, pulicis magnitudinem æquans. Præter varias tum supra, tum infra cutem asperitates, duo in fronte ramosa cornua deteguntur, atque seni pedes, hinc & inde adinstar eorum, qui in *Canceris* cernuntur, in latera diffusi, quorum duo partem priorem, posteriorem quatuor alii fulciunt. Verùm, licet omnes hæ particulæ quibus Animalculum circumvestitur, plurimæ sint, paucæ tamen reputandæ sunt, si cum iis comparentur, quæ intrinsecus latent. Quippe in eo, *stomachum* reperiri necesse est, *intestina*, *cor*. *Cerebrum*, quibus vitæ functiones peragantur. Oportet *venulas* adesse, quibus alimentum per corpus deferatur ; *arterias*, quibus vitalis spiritus, *nervos*, quibus animalis, *musculos* denique, *tendines*, *articulos*, ac innumera alia, quorum ope Animalculum nutriatur, sentiat, moveatur, & alia vitæ munia exerceat. Quæ omnes partes, etsi exiguæ sint, non minus tamen, quam majores Divisioni subjiciuntur, quoniam extensæ sunt, & in partes separabiles.

VIII.

Innumere partes
in Acari cor-
pore sunt.

ARTICULUS QUINTUS.

De Corpore Raro & Densò.

I. *Spongia liquore inflatur, & majorem locum occupat.* Spongia, Aquæ intromissione turget, & ita inflatur, ut ad majus spatium se diffundat.

Nonnulli existimant Spongiam rarefieri, per *nova Quantitatis augmentum*; quasi nihil materiæ accedat, sed sola superveniens quantitas, Spongiæ partès separet, & ejus magnitudinem augeat. Verùm, quis credet *Aquam*, dum rarefit, & in *Aerem* degenerat, ad solius novæ quantitatis augmentum, tantùm dilatari? Quis non videt *Spongiam*, Liquorem haurire, eumque in ejus penetralibus recondi, qui postea, Spongia compressa, effluit, sinitque ejus partes, ad se invicem accedere, & intimè uniri. Rarefcit igitur Spongia, dum ejus partes, à se mutuo remouentur, earumque meatus supervenienti Aqua replentur. Illa autem eadem Densà evadit, dum ejus partes sibi invicem incumbunt, & illam materiam abigunt, quæ eorum intervalla priùs occupabat. Aded ut Spongia, non modò rara dicenda sit, dum sicca est, & omnem Humorem excludit; sed maxime dum peregrinis Corporibus, intra ejus meatus receptis, saturatur & turget.

II. *Qui fit, ut valvæ arida tempestate facile claudantur, ægre autem nubila.* Valvæ, tempestate humida, nonnunquam ægrè, interdum nulla vi obserari, & aperiri possunt. Cujus contrarium in *Afferibus*, quibus dolia vinaria compinguntur, experimur: quippe Aeri, sicco tempore exposita, à se invicem disjunguntur, & rimas hiatusque præ se ferunt.

Valvæ, aut Januæ madida tempestate intumescunt, quoniam Aqua, vel Aer aqueis vaporibus refertus, ligni poros penetrat, eorumque latera distendit; quibus ampliatis, necessum est, totam Corporis molem dilatari, & latius spatium occupare.

III. *Cui fides intumescunt aeris humiditate.* Sic Testudinis fides cælo humido intumescunt, uti ex eorum divulsione, difficilique verticulorum circumactione fit manifestum. Sic lignei globuli, *fissuras* admittunt, si aquæ imponantur, & intra rimas liquorem infundi sinant. Referunt quidam fide dignissimi Authores, Terræ portionem è locis *Nilo* vicinis

vicinis sumptam singulis diebus pondere augeri, usque ad decimum septimum Junii, qua die Nilus turgescit, donec fluvius ad justam altitudinem pervenerit. Quod aliunde quam ab Aere oriri non potest, qui tunc condensatus, & Aqueis particulis refertus, Terræ pondus conciliat.

Ea ratione Constantinopoli factum est, ut obeliscus à basi revulsus in locum pristinum restitueretur. Nam id facere ag-
gressus Artifex, ingentem aquæ copiam adferri jussit, qua funes, quibus obeliscus librabatur, madefacti, intumescere, seseque ita contraxere, ut obeliscum sublimius evectum, in priori loco reponeret.

IV.
*Ut obeliscus
revulsus suo loco
restitutus.*

Doliorum verò *asser*es comprimuntur, minoremque locum occupant, quoniam eorum partibus Calore agitatæ, nonnullæ exiliunt, & in auras feruntur. Quibus ablatis, haud mirum est si partes reliquæ, ad se invicem accedant, & non tantum loci, quantum antea, occupent.

V.
*Ut Doliorum
asserres nubila
tempestate com-
primuntur.*

Sit *Lamina ferrea* duobus pedibus, exempli causa, longa, cui *baculus ligneus* ejusdem magnitudinis adaptetur, aded ut, neutrum longitudine alterum excedat. Tum ferrea lamina in Ignem validum & acrem immittatur, donec concepto undique Ardore incandescat; mox *forcipe* erepta, cum bacillo ligneo conferatur, apparebit ferream laminam, non secundum latitudinem modò, sed & secundum longitudinem auctam esse, & ipso ligneo Bacillo majorem evasisse. E foco verò erepta, & aliquamdiu Aeri exposita, refrigeratur, & pristinam magnitudinem recuperat.

VI.
*Pars ferrea in
Ignem projecta,
augmentum
acquirat.*

Hujus Mutationis causa, in Corpus peregrinum, quod *fer- rum* penetrat, aut elabitur, refundenda est: Augetur enim, dum Ignis particulæ ejus Meatus subeunt, atque eos dilatando, ad majus spatium protendunt. Nam cum Ignis particulæ in continuo sint motu, non possunt non latera, quibus arctantur, extendere. Lamina autem ferrea, Aeri exposita, ad pristinam longitudinem revertitur, & denuò bacillo ligneo fit æqualis, quoniam ex ejus poris, Ignis egreditur, quibus succedentes aeræ particulæ, minùs illos concutiunt, minoremque locum ad sui dilatationem requirunt.

Hinc candentis ferri acie, aut filo sulphureo accenso, *vitrum* refecari solet, eo quod, vitri particulæ Ignis calore concussæ, locum ampliorem postulant, ac proinde partes contiguas vali-

VII.
*Cur ferro can-
denti vitrum
refecatur.*

dius propellunt. Eandem ob causam, metalla *fusa* attolluntur, majusque quàm antea spatium exigunt.

VIII.

Aqua in Vapores conversa, centies majorem locum occupat.

Aqua, vi solis in Aerem attollitur, & ita diffunditur, ut longè amplius Spatium, quàm antea, occupet, quippe si Nonnullis fides habenda est, *Aqua in Vapores* versa, locum ad minus centies majorem complectitur.

Tantæ diffusionis Causa, non ipsis Aquæ partibus assignanda est, ut quidam perperam opinantur; quum fieri non possit, ut aliquid nova magnitudine, sive Dimensione augeatur, quin etiam nova Substantia Extensa, hoc est, novum Corpus accedat. Expanditur igitur *Aqua*, cum ejus partes dissolvuntur, & relictis inter se spatiis ab invicem distant. Quia nihil aliud in Vaporibus contingit, quàm quod Aquæ partes, quæ antea intimius jungebantur, distrahantur, & aliæ Materiæ locum dent, quæ illas dividat. Ad eum modum, quo *Pulveris cumulus*, dum Vento sursum attollitur, & in latius spatium dispertitur. Quippe ea dilatio, non *Pulveris* granis attribuitur, sed ipsi Aeri, qui eorum interstitia intercipit, & grana ab invicem separat.

IX.

Cur Corpora, quæ condensantur, albescunt.

Corpora, quæ condensantur, & ad molem minorem rediguntur, passim albescunt, & quodam candore afficiuntur. Ut *Butyrum, Adeps, Oleum*, & hujusmodi alia.

Quia in condensatione, expulsi Atomis, seu corpusculis, quæ *adipem, oleum*, &c. componebant, illaque ad majus spatium extendebant, necessum est, eorum particulas restringi, & adductis ad se extremis, in orbem contrahi, quæ postmodum veluti tot sphærica specula, totam lucem regerunt, & Album colorem efficiunt. Nam duo potissimum sunt, ut præclare observat clarissimus *D. Boyle tract. de Color.* quæ corporibus albedinem conciliant. *Primum*, ut exiguis & innumeris constent superficiebus, quæ ita lumen admittant, ut integrum postmodum, & intermeratum reverberent. Adeo ut *lumen*, nec per refractionem, nec umbrarum admixtionem, jacturam aliquam patiatur. *Secundum*, ut lux integra, quæ ad Corpus appellit, remittatur, nullis radiis intra ejus poros absorptis. Ad quod efficiendum, sphærulæ maximè conducunt, ut *lutius* postea, cum de *Colore* agetur, apparebit.

X.

Unde oritur fermentationis in cerevisia novella.

Cerevisia novella, aut mustum, si in vasibus stricti orificii reponatur, intumescit, & tanto impetu ferverescit, ut non raro utriusque contrahio periclitetur. Oritur

Oritur hæc turgescencia, ex partium liquoris *Heterogeneitate*, quæ inter se implicitæ, ob varias suas figuras consociari nequeunt, & à se invicem extricare se nituntur. Et hanc esse *Fermentationis* liquorum rationem, ex eo clarè deducitur, quod horum liquores separati, & segreges facti, nullum tumultum excitent. Ut *Ardentes Spiritus*, *Aqua distillata*, & similia à Chymicis præparata, quæ citrà ullam alterationem, diu servantur & consistunt. Spiritus enim Vini arctè inclusus, nullum dilatationis indicem præ se fert. Sin autem huic spiritui nonnihil *Terebinthina* admisceatur, aded ejus partes tumultuantur, ut aliquandò visa sint Vasa Hermetice obsignata, frangi & dissiliri.

Panis ex farina *Tritici* germinantis, si conficiatur, etiam absque fermento attollitur, & ità effervesceat, ut in massam coagulatus, contineri nequeat, sed veluti aucta mole diffunditur, & in ipso furno late diffuit.

Id provenit, quod in germinante *Tritico* partes *salina* maxime vigent, & in exaltatione sua positæ sunt. Unde dum massa subacta in cibano incalcescit, ejus partes cibani *astu* excitatæ, perturbatè excurrunt, & alia resistentia sibi corpuscula impetunt, eaque quodammodo præcipitant. Quo fit, ut panis spongiosus evadat, & levitatem nanciscatur.

Thermometra *Aqua forti* impleatur, sed ita, ut repleta aliquod Spatium relinquat, à residua Aeris parte, qui antea in Tubo erat, occupatum: fiet, ut illa Aeris portio, intensiori calore distenta, *Aqua forti* recedente, & se in inferiori Tubi capite recolligente, omnem tubi capacitatem repleat. Ediverso, vi frigoris, in tantas angustias redigetur, ut *Tubum vitreum*, penè ab *Aqua forti* totus occupetur.

Procedit illa varietas, à continuo novæ *Materiæ* ingressu, per vitri meatus, quæ Aerem impurum in Tubo contentum, sua Agitatione ita rarefacit, & ita extenuat, ut ejus particulis diductis, Aquam fortem impotentius resistentem, loco suo propellat; quæ, regrediente denuò Subtili Materia per Vitri poros, Aeris particulis rursus intimiùs sibi connexis, ad priorem locum revertitur, ab Aere infimum Tubulum iterum subeunte adacta. Si verò asperum sit Cælum, & intentius, ac penetrabile sit *frigus*, illa Aeris pars in superiori Tubi capite existens, discedente sublimi materia, ita in indefinitum decrescit, ut totus Tubus, ab *Aqua forti* compleatur.

XI.

Cur fermentatur panis: ex germinante tritico confectus.

XII.

Quomodo in Thermometro Aer condensetur, aut rarefiat.

Castanea

XIII.

*Castanea in
ignem injecta
cum strepitu
frangitur.*

Castanea Igni apposita, paulatim turgescit, & mox cum strepitu effringitur.

Illud non à peregrina Materia sit, ut quidam imaginantur, quæ *Castaneam* subit & egreditur, sed ab ipsis crassioribus Castaneæ partibus, quas Materiæ Subtilis actio poros earum penetrantis, ab invicem separat, easque ita exagitat, ut corticem cum fragore ac strepitu effringat.

Eodem ritu, Columna marmorea, cujus *Cabam* meminit, quanquam mole ampla, ligni accenti appositione penitus effracta est, eò quòd Aer intra ejus meatus inclusus, subita rarefactione, contineri non potuerit, sed obstaculis, quibus coerceretur, divulsis, exitum quæsierit, locum, in quo liberius spatiaretur, vestigans.

XIV.

*Pulveris pyrii
granum quan-
tum dilatur.*

Ab ea Corporum dilatatione, oritur nonnunquam, ut exigui Corporis quantitas in immensum propemodum diffundatur, quemadmodum in Fumo, Vaporibus, Flamma cernitur; quæ tanta est, ut pulveris Tormentarii *granum*, uti à *Joh. Chrysof. Magneno* demonstratur, in Igneam sphaeram decies termillies octoginties quater majorem, quam sit ipsum granum, expandatur.

ARTICULUS SEXTUS.

De Duro & Fluido.

I.

*Unde Lapidum
& gemmarum
durities.*

CORpora duritie distinguuntur, ut *lapis, lignum, cos, pumex*, *Gemma*, è quibus nonnulla faciliè, alia verò non nisi ægrè, & cum labore abrumpuntur.

Dura Corpora esse censentur, quorum partes juxta se mutuo quiescunt, & ita inter se cohærent, ut ab alia Materia, quæ inter illas moveatur, non interrumpantur. Aded ut firmiora illa habeantur, quorum inflexibiles sunt partes, & sibi mutuo contactu connectuntur. Unde *Gemma* licet in hoc omnes conveniant, quod à lima non tangantur, aliæ tamen aliis duritie antecellunt. Nonnullæ enim *plumbo albo* poliuntur; quibusdam *are* opus est; aliæ *smiridem* non admittunt. Hinc magnum inter *Adamantem*, & *CrySTALLUM* discrimen interest, etsi ambo

ex

ex eadem Materia fiant, & iisdem in locis nascantur: quoniam *Cryſtallus* mollior teneriorque eſt, utpote cujus partes nondum coaluerunt, & quibuſdam Motibus diverſis agitantur. Firmior compactiorque eſt *Adamus*, quoniam partes ejus inſenſibiles, immediatiuſ ſe contingunt, & mutuo complexu intimiuſ implicantur.

Lateres ex *Argilla* conſecti, duriores evadunt, ubi Igni fuerint impoſiti, quamvis tunc ampliores habeant meatuſ, & eorum partes magiſ à ſe invicem diſtent.

II.
Cur lateres
cocti ſunt duriores non coctis.

Hanc Duritiem *lateribus* accidere exiſtimo, quod Igniſ actio ex laterum cavitatibuſ, non *Aqua* partes modo, quaſ longas, & ad modum *Anguillarum* tenuium lubricoſ eſſe ſuppono, expellat; Verum etiam cæteraſ aliaſ fluidaſ, quæ non ita arctè ſibi ipſiſ annectuntur. Unde fit, ut iſi ſublatis, quæ ſuperſunt, ad ſe proximiuſ accedenteſ, intimiuſ implicentur, & compingantur, in quo *Duritie* indolem conſiſtere perſpicuum eſt.

Ab hoc novo partium implexu oritur, quòd plurimæ in *Braſilia* planta, quæ licet quamdiu ſolo adhærent, flexileſ ſint; ubi verò ayulſæ ſunt, & ſuccum alimentarem per radicis orificia haurire deſierunt, inflexileſ evadunt, & ſummam duritiem nanciſcuntur. Memini me alicubi legiſſe, certum quoddam *Argilla* genus reperiſ, quæ, quamdiu fluvii fundo ſternitur, & aquis obruitur, manu tractabilis eſt, in Aerem autem traducta, dura evadit, & adamantinam propemodum firmitatem acquirit.

III.
Ut quedam
Corpora mollia,
dura evadunt.

Aqua fluida in *Glaciem* concreſcit; *Fuſculum*, *Sanguis*, & ſimilia, ſi ſibi ipſiſ relinquantur, coagulantur, & quandam firmitatem acquirunt.

IV.
Ut *Aqua* ſanguis, lac, &c.
firma evadunt.

Illud accidit, dum eorum particula, externa agitatione ceſſante, ſibi mutuò adhærent, & arctiuſ connectuntur. *Sanguis* enim, & *fuſculum*, firma evadunt, dum tenuioſe eorum partes exhalantur, & craſſioſe duntaxat remanent, quæ ſibi ipſiſ relicta implicantur, & ad quietem adiguntur. Id in oleo *Aniſi* quoque experimur, quòd æſtate, dum maximè Corporum agitatiò ſit, fluidum manet, & nonniſi in Vaſe poteſt contineri: Ineunte vero Hyeme, dum radii Solareſ Terram debiliuſ concutiunt, congelatur, & in Corpus Durum evadit. Idem de lacte dicendum eſt, quòd licet natura fluidum ſit, & facile aliis Corporibuſ ſe inſinuet, in *Cæſum* tamen abit, quando Salis particula,

IV.
omniſe riuſ
conſiſtunt

particulæ, quæ in coagulo existunt, Lactis substantiam penetrant, huc & illuc ejus particulas commovendo, ut crassiores, quæ in ramos quosdam flexiles desinunt, sibi mutuo implexu jungantur, & suo pondere exiliores feri partes, è loco suo deturbent. *Lac* autem in *Butyrum* evadit, quando cremoris partes, perpetuo concussu agitæ, à reliquis divelluntur, & ramis suis sibi adhærentes, demum in continuum unum Corpus coeunt.

IV.

Sal in Aqua vis
illius motus
dissolvitur.

Sal in Aquam injectus, liquefcit, & sensim exsolvitur; quamvis Aquæ multò præponderet, & ad ima loca tendat.

Id contingit, dum *Aqua* partes, quæ jugi Motu cientur, *Salis* particulas subeunt, & rupto paulatim earum nexu, illas à se invicem dirimunt, & Continuitatem abrumpunt. Talis enim dissolutio, non nisi à Motu peragi potest: nam licet *Aqua* intra Vasis vitrei cavitatem, exempli causa, contenta, quiescere videatur, & nullam Agitationem Sensus nostri deprehendant; nihil obest quominus aliquæ partes *Aquæ*, ab imo vasis vitrei sursum ferantur, & aliæ à summo deorsum; & aliæ à dextra ad sinistram, & è converso, à sinistra ad dextram pergant. Quo fit, ut *Aqua* statim *Salem* dissolvat, & ejus partes ab invicem separet.

V.

Ut fluida duritiem induunt.

Liquida Corpora sæpè Duritiem assument, & firma efficiuntur: sic ovi *albumen*, dum coquitur, durum evadit, & ex ovi albumine *pullus*, cujus partes solidæ sunt ac stabiles.

Nascitur è liquidis Corporibus *Durities*, ex eorum partium contextu & figura, dum nimirum ita aliæ aliis aptantur, ut veluti uncipis & anfulis se mutuò comprehendant, & viminum ritu, unæ alteris ita implicantur, ut amplius movere se nequeant. Sic purissimus *Vini* spiritus, & spiritus *Urinae*, post longam fermentationem eductus, si misceantur, in novam speciem concrefcunt. Idem præstat *Vini* spiritus cum ovi albumine concusso permixtus. Nec alia ratione spiritus *Terebintinae*, post repetitas distillationes, in corpus stabile concrefcit.

VI.

Ut Aqua communis nitro indurefcit.

Aqua communis, si per Terræ portionem *nitro* fætam transmittatur, diuque Igni apposita bulliat, nihil firmitatis præ se fert, Igne autem amota, *Salis* massam relinquit, & *Crysallos* quodammodò procreat.

Hujus phænomeni ratio est, quod *Aqua* ad naturale frigus redacta,

redacta, plurimæ Salis Atomæ, vi caloris antea concussæ, & veluti sui juris factæ, dum Aqua gelida est, moveri desinant, & sibi invicem approximantes, unâ coeunt, seseque mutuo complectuntur. Quo fit, ut in Crystallinos abeant, & suæ naturæ figuras recuperent. Sic *Alumen* in figuras octohedras, *Sal Ammoniacus* in hexagona, *Sal marinus* in cubos, *Sal nitri* in pyramidas, Salesque alii in alias figuras sua sponte efformantur.

Si quid acidi, lacti tepescenti imponatur, illico partes caseosæ, à serosis & tenuioribus sejunguntur, & in spissius crassa-
mentum abeunt, ut in oxygala illa Anglis familiari, vulgo *oxymela*.
Spissitudo nominata, cernitur. VII.

Hujus ratio in hoc posita est, quod *Lac* non omnino fluidum sit, sed consistentiam aliquatenus crassam habeat, cujus pori, seu meatus densioribus particulis, scilicet *caseosis* cinguntur: Hinc si quid subtilius, acriusque illos pervadat, quale acidum est coagulum, spissiores particulas, quibus meatus opplentur, facile abigit, expellitque, quæ sibi mutuo adhærentes, à seroso & tenui liquore separantur. Quod etiam contingit, si *Lac* aliquo tempore servetur, donec *Acorem* contrahat, quoniam tunc citra coaguli opem præcipitatur, & locum infimum petit, modo Igni adhibeatur, & teporem aliquem adipiscatur: eo quod lacte inveterascente, tenuiores ejus particule fluidæ evadunt; dein Ignis calore excitatæ, proprio acore, vim acidi coaguli pensant.

Oleum ex panno, Aquâ pura dilui non potest sed *lixivio* opus est, maximè *sapone*, qui fluiditate Aquæ cedit, & minorem ex partium consistentia motum testatur. VIII.

Hujus ea est causa, quod Aquæ partes ab *Olei* partibus, quoad figuram dissentiant, & sese penetrare, ac dividere non queant. *Oleum* enim ramosis partibus constat, Aquæ vero lubricæ sunt partes, & ad Anguillarum modum effictæ. Unde panni oleo imbuti, poros ingredientes, intactas illas prætereunt & elabuntur. *Aqua* enim *Oleum* incidendi vim non habet, nec in ejus intimas partes penetrandi, ac proinde nec aliquam ejus portionem educendi. *Lixivium* vero, ob salei ei admixtum, id præstat, quippe cum *Sal* inflexibiles habeat partes, & telorum instar, Corporum meatus ineat, *Oleum* facile incidit, cum quo ubi introducta fuerit *Aqua*, *Olei* particulas secum deferret;

E

quando

Oleum ex panno Aqua tolli non potest, bene autem Sapone.

Alia etiam sunt genera Olei, quæ sunt in animalibus, & in plantis.

quando scilicet ex panno exprimitur, & compressione ad exitum cogitur. Hinc ad delendas è panno maculas, *sapo* maxime conducit, utpotè ex *Oleo*, *Sale*, & *Aqua* mixtus. Quoniam olei corpuscula ob familiaritatem facile ununtur, quæ aqua extrahit, dum Salis partes alluit & comitatur.

IX.

Cur aqua in vitro assurgit, aut deprimatur.

Si liquor, exempli causa, *Aqua*, aut *Vinum* in vas vitreum mundum, & cujus oræ undique æquales sunt, ad summum infundatur, ejus superficies omnino plana evadit; secus verò, si ex parte duntaxat vas compleatur, quoniam tunc temporis, liquoris superficies concava redditur, & magis in medio, quam versus extremum demittitur.

Id accidit, quòd Aer, in priori casu, liquorem undique pariter nifu premat, nec ulla subest ratio, cur fortius unam ejus partem, quam alteram demittat. In posteriori autem casu, Aer circa massam ex *aqua* & *Vino* compositam circumactus, dum de foris in Vitri cavitatem devolvitur, non ita dispositus est, ad se secundum interiorem vitri superficiem descendentem, quam ad motum suum continuandum versus medium. Ex quo, cum vitri extremam oram transilire debeat, lineam curvam in eam describit, priori oppositam; Adeò ut liquorem magis circa medium premat, quam versus extrema, ubi tantillum magis, quam in medio assurgere debet.

X.

Plumbeus globus, situs, quæ impetu cedit, melius complanatur, quam si super firmam & immotam incudem adhibeatur.

Globus plumbeus super Pulvino, aut Incudi pendule impositus, quæ impetu cedit, melius complanatur, quam si super firmam & immotam incudem adhibeatur.

Ratio est, quoniam ad globi complanationem, non sat est, quod magno impetu percutiatur, sed insuper requiritur, ut impetus ille, per aliquod tempus duret, ut interea globi partes, situm mutare queant: Dum verò ejusmodi globus, firmæ ac stabili Incudi imponitur, malleus eodem pene momento, quò globum compressit, repercutitur, & ita non illi tempus sufficit, ad illum æquè complanandum, atque si diutius innixus insisteret, Incude nimirum, aut quovis alio corpore cedente. Sic *vervecinum* super manu facilius quam super Incude frangitur, eo quod à manu adjevatur, quæ impetui cedendo, ejus fractioni auxiliatur.

XI.

Quomodo pila intromisso aere durior evadat.

Si Aer syringis ope, in folle pugillatorio comprimatur, pilam duriores efficit, quamvis Aer ipse durus non sit.

Quia Aeris partes, in pila conclusæ, cum ejus meatus penetrare

trare nequeant, ita inter se comprimuntur, ut figuras suas mutare cogantur, ad modum tot exiguorum arcuum, seu tendinum, quæ figuram suam resumere, & mox majorem locum occupare contendunt. Unde fit, ut pilam undequaque premendo, duram efficiant, sive ita dispositam, ut *Tactui* resistat.

Corpus Durum in stagni medio existens, immotum manet, & nisi Vi externa, ad Motum adigatur, eandem semper distantiam à circumductis Corporibus servat.

Id ex eo potissimum accidit, quod partes *fluidi*, à quibus Corpus durum, exempli causa, *lignum*, undique ambitur, variis motibus agitentur, & quædam sursum, aliæ deorsum, nonnullæ dextrorsum ferantur; Adeo ut Corpus illud, contrarios fluidi Motus excipiens, in æquilibrio consistat, cum non sit ratio, cur in unam partem potius, quàm alteram ferri debeat. Si verò totum fluidum, versùs aliquam unam Regionem tendat, Corpus durum, illius Motui obsequitur, & cum illo deferitur; quoniam tunc temporis supponitur impetuum inæqualitas tolli, & tota *Aqua* versùs unum locum tendere.

Crusta, qua domuum Parietes vestiuntur, Aquæ admixtione, Duritiem comparat, & quam non antea habuerat firmitatem, adipiscitur.

Susplicari non subit, quid hæc durities oriatur, nisi quòd in *Crusta*, multi sint meatus, quos Ignis ea magnitudine excavavit, ut eos crassiores Aeris particule, subire nequeant; quoniam non illis Vis sufficiens inest, ad ea obstacula, quæ in *Crusta* inveniuntur, repellenda: quod Aquæ particule efficere possunt. Unde Humor diu cum illa Materia crustacea agitatus, grana seu grumulos circumlabendo, variè eorum Poros aperit, & in minores multò, quàm antea erant, partes dividit: Cum verò omnes illæ Particulæ, jam in tenuissimum pulverem redactæ, plus superficiæ habeant, quam habebant, dum grumulos seu grana componebant, immediato contactu sibi adherentes, & juxta se mutuò quiescentes, Corpus Durum componunt.

Nec alia ratione, Cæmentum ex *polline*, *ovi albumine*, *lapidibus in cineres redactis*, marmoris instar indurefcit, quo piscina miranda *Cumas*, in crustatos habet parietes. Nam constat pulverem magnetis & silicis, ovi albumine addito, & gummi Draconis, in pastam redactum paucis diebus duritiem nancisci. *Baco Cæment.* 8.

XII.

Trabs lignea in Aqua immota manet, et si Aquæ partes contigebat moveantur.

XIII.

Liquor nonnunquam ad duritiem Corporum conducit.

II

Trabs lignea in Aqua immota manet, et si Aquæ partes contigebat moveantur.

XIV.

Quomodo cæmentum instar marmoris indurefcit.

ARTICULUS SEPTIMUS.

De Aspero & Levi.

I.

*Atulita Corpora
esse ad oculum
Polita apparent,
Aspera tamen
sunt.*

M Armor, *Chalybs*; *lignum* *Lævia*, si oculo, aut manu explorentur, apparent: *Scabra* autem, si Engyscopio deprehendantur.

Ratio est, quòd affricus ille, quo Corpora lævigantur, durissimis pulveribus sit, quorum grana ita duci nequeunt, quin fossulas quasdam interexarent, & sulcos post se relinquant. Sic *Vitrum*, *CrySTALLUS*, & similia, licet omnimodam Politiam præ se ferre videantur, cum nihil exuberans in eorum superficiebus deprehendatur, & eorum Partes æquali situ videantur terminari: Nihil tamen obest, quominus *Scabra* dicantur; quia licet *Vitrum* fusione, ex tenuioribus Cinerum particulis componatur, cum tamen illæ irregulares sint, & angulosæ, non ita vi Ignis inflecti possunt, ut sibi mutuo cohæreant, & omnem suam figuram amittant; Possunt enim Cinerum anguli atteri, nunquam verò ita adaptari, quin eorum aliqui emineant, & cæteris protuberent. Et quamvis hæc partium *Vitri* inæqualitas, *Sensibus nostris* haud appareat, non tamen aliter esse inficiandum est, quum Sensus nostri non sufficiant ad omnes Corporum Affectiones detegendas, & in iis sæpe hallucinentur, quæ clarissima Ratio esse demonstrat. *Linea* in papyro ducta, *recta* nobis apparet, quæ tamen admoto *engyscopio*, curva videtur, & multis inæqualitatibus intercepta.

II.

*Corpora aspera
aliquid Albedinis ostendunt.*

Corpora, quæ scabram superficiem habent, *Candorem* præ se ferunt: ubi verò humore fuerint perfusa, colorem mutant, & ad *nigrorem* accedunt.

Ratio est, quod scabra Corpora innumeris *facieculis* constant, quarum plurimæ versus Nos ita convertuntur, ut in quamcunque illius partem *Lucis* radii dirigantur, plurimos versus Nos reverberent, ac proinde *Candorem* producant. Aspersa autem scabri Corporis superficie, tolluntur illæ *inaequalitates*, sive *facieculæ*, quæ *lucis* radios reflectebant, ac proinde *negessum* est, ut non nisi veluti *planum* Corpus ad oculum radios remittat, & obscurius videatur.

Lævigata

Lævigata Corpora, acceptos lucis radios, versus unam partem omnes reverberant, ac proinde pars illa illustrior, clariorque multò, quam cæteræ, apparet, quæ obscuræ potius, & tenebrosæ cernuntur.

Id provenit, quod Radium, qui à Corporibus reflectuntur, expansio, à varia eorum partium inclinatione & eminentia producat. Hinc *Adamantes* Artificum manu, angulosi fiunt, quatenus ex multis eorum faciebus, fulgor in plura loca diffundatur. Sic *Vasa Argentea*, ubi ferventi dealbamento excoquantur, candida evadunt, nivisque albedinem æmulantur; Verùm si in aliqua sui parte poliantur, candore amisso, subobscura apparent, & tanquam confecta è Vitro specula, versus unum locum, radios reverberant. Quoniam eminentes particulæ, quæ ipsis asperitatem scabritiemque illis conciliabant, complanatione tolluntur, ac proinde necessum est, ut incidens lumen totum in certum locum dirigatur. Uti in *Thorace ferreo* videmus, qui ex lævigatione modò splendescens, modò obscurissimus apparet.

Quædam corpora *Mucorem* facile contrahunt, ut *Ædes* tegulis, aut stramine obductæ murorum extremitates, *Vetæ solum*, cui pridem Cultura defuit.

Res *mucide* redduntur, cum tenues particulæ, inter exhalandum, à crassioribus occupantur, impediunturque, nè ulterius avolent: quoniam tunc in Corporum superficie, mutuo complexu inviscatæ detinentur, & in hirsutam *lanuginem* abeunt: Sic consenescentes Arbores plus *musci* gignunt, quam juveniculæ, quia Succus, qui illas permeat, non ita vegetus est, ut totus in ramos abeat; sed sive ob subtilitatem, sive imbecillitatem in via sistitur, & corticem quadam lanugine obducit.

Pumex, sicut alii plurimi *Lapides*, lævigari non possunt, nec ulla arte adigi, ut politiem patiantur.

Ratio est, quod *Pumex*, Corpus sit porosum, laxioresque meatus habeat, quàm ut ejus partes in sese inflecti possint, & illum situm acquirere, qui ad Lævorem requiritur. Unde ad Corpora læviganda, *Pumex* nonnunquam conducit, quia asperitate sua, partes Prominentes suis dentulis deterit. Nam quantumcunque alteri Corpori affricetur, semper quandam scabritiem retinet, quam ipso Tactu, licet experiri.

Corpora Lævia in agendo resistendoque, Scabris præstant, ut videre

III.
Lævia Corpora
unam partem
cæteris illustri-
orem habent.

IV.
Unde oritur
mucor in Cor-
poribus.

V.
Cur *Pumex* ne-
quit lævigari.

VI.
Polita Corpora

fortius quàm
Aspera agunt
& resistunt.

videre est in *culturis*; & *ensibus*, qui æruginè obducti, minùs scindunt, aut penetrant, quàm dum politie nitent, & omni æruginè solvuntur.

Quia, Aspera Corpora, inæqualem superficiem habent, quum eorum partes nonnullæ promineant, aliæ verò deprimentur. Superficie enim inæqualitas, Motum impedit, facitque ut incussa in illam Corpora, debiliùs resiliant & reverberentur. Pila enim à Polito Corpore, ad majorem distantiam remittitur, quàm ab Aspero. Quod qui *pila* lusu capiuntur, abundè observant, quia *pila* in Corpus Inæquale impulsà, ad minorem distantiam reflectitur, quàm dum Læve offendit, & ex inflexis eodem modo partibus surgit.

ARTICULUS OCTAVUS.

De Perspicio & Opaco.

I.
Cur Vitrum est
ipsa charta
pellucidius.

Quædam Corpora, penè toti Lumini sunt pervia, & paucos radios reflectunt. Alia liberam radiorum trajectionem impediunt; & non nisi secundum aliquas partes, sinunt se penetrari. Sic *Vitrum*, magis *papyro* transparens est, & liberiorum radiorum trajectionem permittit.

Licet in utroque Corpore, Meatus sint, qui impulsum Lumen recipiant, non tamen eodem modo disponuntur. In *papyro* enim, ob filorum quibus constat, implexum, Pori perturbantur, & *Luminis actionem* impediunt. Nam qui à fronte patent, sequentibus non respondent, & versùs partem diversam porriguntur. In *Vitro* autem, talis est Partium ordinatio, ut Meatus ubique continuentur, & ita directè collocentur, ut Lumen liberè per illos transiliat. Juxta illud Epicurei vatis,

*Persciunduntur enim, nisi recta foramina tranant,
Qualia sunt vitri.*

Quia cùm generaretur, liquidumque esset, Ignis Materia, circa ejus Particulas undique fluendo, innumeras illic Cavitates induxit, per quas *globuli*. Secundi Elementi, liberè permeantes,

antes, Luminis actionem, quæ in illorum pressione consistit, in omnes partes, secundam lineas rectas transferre potuerunt.

Viri perspicuitas minuitur, quo magis mole augefcit; evaditque opacius, quo ei plus ejusdem Materie adjunctum est.

Id in aliud refundi non potest, quam in *Meatum inaequalitatem*: quia cum *Vitrum* omnino pellucidum non sit, & pluribus crassis partibus constet, quæ Luminis radios reflectunt; necessum est, quosdam illius Poros, adjuncta nova Materia includi, ac proinde luminis actionem impediri. Eo modo, quo Quis per hiantes dextræ manus digitos, objectum facile discernit, ubi verò alterius manus digitos apposuerit, relictaeque à priori rimas ocluserit, quicquam videre commodum desinit. Ita licet tene Vitrum, incidentes radios transmittat, visioni tamen obstat, si augeatur, & ad aliquot digitos excrefcatur: quia ejus Meatus interrumpuntur, & inæquales redduntur. Dispositionis autem partium inæqualitas, sola sufficit; ad id opacum efficiendum, quod antea diaphanum erat, & pellucidum.

Aqua etsi ad oculum perspicua videatur, totaque Lumini pervia, est tamen si *Gassendo* credimus, *Nebula*, sive caligine obscurior. Quippe si Quis è turris cacumine, aut edita fenestra, in subjectam Tellurem oculos demittat, eam interjecta etiam densa caligine, deprehendet. Idem tamen ipsi non continget, si ex Aquæ superficie, fundum ejus contempletur, quoniam non nisi ad numerum pedum longè minorem, poterit imam ejus partem detegere. Unde *Urinatores*, & qui sub Aquis nantant, testantur, ultra *duodecim* aut *quindecim cubitos*, non tantum Solem, sed nec quicquam aliud circa se discernere. Quod, opacum Corpus *Aquam* esse arguit, & multo nebula spissior.

Dici potest, illud Aquæ contingere, ob Partium ejus Crassitiem: quoniam cum illæ irregulares sint, & inæquales figuras habeant, facile impediunt, ne globuli Secundi Elementi, eam per lineas rectas pervadant. Opacum enim Corpus, fieri intelligitur, quum supradicti globuli, non nisi per vias obliquas progredi possunt; dumque eorum cursus, per implexa Corpuscula infistitur. *Nebula* verò, *Aqua* transparentior est, quia tenuioribus partibus constat; quæ Materie subtilis Motibus obsequuntur, & faciliorem ei viam præbent. Nam etsi utriusque

Partes.

II.

Quomodo Vitrum reddatur obscurius, per novarum partium adjunctionem.

III.

Aqua opacior est quam caligo sive nebula.

V.

Partes irregulares sint, quoad magnitudinem tamen distinguuntur; cum partes *Nebula* subtiliores sint, minúsque inter se implectantur. Unde fit, ut globuli Secundi Elementi circa ipsas liberiùs ferantur, easque situ suo faciliùs deturbent. Quo fit, ut *Nebula* minùs *Visioni* obftet, & ad oculum commodiùs Lumen transmittat.

IV.

Quare multi
Liquores sunt
opaci.

Vinum, Lac, Sanguis, & plurimi alii Liquores opaci sunt.

Communis est horum omnium ratio, quòd puri Liquores non sint, & plurimis Corporum pulvisculis inspergantur. Cotidiana enim *experientia* notum est, *Vinum*, dum distillatur, multa Corpuscula post se relinquere, quæ non in Vapores abeunt, aut in Halitum ascendunt. Unde *Vini Mercurius*, quem recepto nomine, *Aquam Vitæ* appellamus, limpidissimus est: quoniam ablatis heterogeneis Partibus, quæ radios antehac frangebant, fit undique Lumini pervius. *Lac*, tali peregrinæ materie opacitatem suam debet, quia secreto coagulo, quod superest *serum*, majori ex parte diaphanum est, & liberiùs Luminis actionem admittit. Quod idem de *Sanguine*, & similibus liquoribus asserendum est, qui Turbidi non efficiuntur, nisi cum diversa Corpuscula eis admiscuntur, quæ eorum Poros occupant, aut interrompunt.

V.

Crystallus perspicuitatem suam igni impositus amittit.

Crystallus si in Ignem deiciatur, vel uno alterove momento, intra Cineres calidos detineatur; Perspicuitatem suam amittit, & ita nativo suo decore destituitur, ut in aliud Corpus degenerasse videatur: Quæ etiam jactura, nulla Arte refarciri potest.

Tanta in *Crystallo* mutatio, Corpusculis igneis assignanda est, quæ ejus Meatus subeuntia, illorum ordinem intercipiunt, ac proinde novam partium *seriem* inducunt. Inversa autem partium dispositio, perspicuitatem in Corpore tollit, & quod antea pellucidum erat, tenebrosum efficit. Ut postea cum de *Qualitatibus* sermo fiet, dilucidius ostendetur.

VI.

Unde duobus pelucidis corporibus ægrum oritur.

Ex duobus liquoribus pellucidis, inter se commixtis, *nigrum* Corpus nonnunquam exurgit: Quippe infusio *gallarum* limpida, solutioni *Vitrioli* permixta, fit Atramentum.

Id oritur, quòd utriusque liquoris particulæ, ad se invicem proximè accedentes, veluti clausis ordinibus collocentur, ac ita radiorum *lucis* transitum impediunt. Quippe si *Aqua stygia*, aut spiritus *Vitrioli* nigricanti huic liquori adjiciatur, is aquæ

aque fontanæ instar, denuo pellucidus evadit, quoniam novæ Infusi particulæ, contigua Corpuscula separant, & clausos Meatus referant. Nec alia ratione fit, quod spiritus vini, in quo *Anethum* coctum fuit, Aquæ mixtus albescat, & oleum *Tartari*, aquæ admixtum *Opacum* reddatur, quam quod partium ordo perturbetur, & corpusculis interjectis, liber transitus æthereæ materiæ præcludatur.

ARTICULUS NONUS.

De Inflexo & Compresso.

ARCUS ex *chalybe*, vel *ligno* fabricatus, reflexus, recurrit, & ad pristinum suum statum spontè reducitur.

Illud indè oriri arbitror, quod Arcus ea Inflexione, angustiores Poros nanciscatur, quam ut Materia Subtilis, eos liberè subire possit. Quo fit, ut in eos fortius solito impingat, eosque denuo pervadere nitatur. Quod non uno modo fieri potest; quippe si *Arcus* nondum Inflexi Meatus, æque in introitu, ac in egressu, latos esse apprehendamus, *Intensi* verò angustiores fieri in egressu, haud dubium est, quin Materia Subtilis, quæ per latiores partes ingreditur, se angustioribus extricare, & ultra pergere conetur. Si verò *Remissi Arcus* Pori, figuræ sphaericæ fuisse supponatur, & in *ellipticos* Inflexione evasisse, evidens est, ut dum Materia subtilis, per *ellipticos* ingressum molitur, eos ad figuram sphaericam reducere contendat; & ex consequenti, *Arcum contortum* statui priori restituere. Quia licet globuli Secundi Elementi, parvitatibus suis intuitu, vi exigua polleant, ad Pororum parietes contutendos; quia tamen quamplurimi, ejusdem *Arcus* Cavitates continuò permeare contendunt, illorum omnium Vires simul junctæ, atque in hoc conspirantes, ut Arcum reducant, id efficiendo sufficere possunt.

Ea ratione, ferrea illa *fila* Serpentis instar, spiratim circumducta, & intra capsulam tensa, capsula reserata, *Serpentis* sese in oculos evibrantis speciem referunt. Sic inflexi Arborum rami, maximo cum impetu reducuntur, & ingentia etiam pondera secum devehunt.

I.

Quomodo Arcus post inflexionem spontè reducitur.

II.

Cur inflexi Arborum rami reducuntur.

F

Chorda,

III.

Cur omnes excursus & recursus in re tractili sint æqui-temporanei.

Chorda, seu *nervus*, duobus suis extremis ad res hinc inde fixas alligatus, & à suo situ abductus, æquali temporis mensura excurrit & recurrit, quamvis non idem semper spatium metiatur. *Gassendus.*

Ratio est, quod sicuti in re pensili, singula singulorum excursuum momenta, temporis casus exæquantur, per altitudinem ejus Circuli, cujus Arcus à pensili describuntur: pari modo in re tensa, omnia tempora, quibus nervi pars in medio accepta ex uno latere excurrit, uni temporis æqualia sunt, quo alterum extremum, si præscinderetur, rectâ totam longitudinem trajiceret, atque in alterius locum perveniret, ad quod invariata semper vis retrò traheret. Eadem autem ac intemerata vis, idem continuò præstare potest, & si aliunde lateralia excursuum spatia continuò minuuntur, continuò etiam motus velocitas decrescit.

IV.

Quare chorda si majori vi intendatur, non pari modo excurrit.

Si roges, unde sit quod *nervus* duplo longior, si eadem vi intendatur, duplo segnus excurrat: si verò *nervus* vi duplo majore intendatur, non duplo velocius excurrit, sed solum si vis quadruplo sit major.

Dici potest, quod cum omnes *excursus*, in quacunque nervi, seu chordæ longitudine, uni, eidemque trajectioni rectæ exæquantur, trajectio in casu priori, non potest non fieri duplo temporis, ut duplum spatii assumitur, eadem vi motrice percurrendum: In posteriore autem casu non potest, quia quum assumptis tribus rebus coequatis, tempore scilicet, spatio, ac vi motrice, necessum sit, eodem spatio permanente, ut quantum temporis minuitur, tantum vis motrix augeat, & quæ est proportio spatii ad tempus, eadem sit vis motricis ad spatium, sequitur ut spatio ad tempus se habente ut duo ad unum, vis ad spatium se habeat, ut quatuor ad duo, ac proinde non ad ipsum tempus se habeat ut duo ad unum, verum ut quatuor ad unum.

V.

Bacula possunt longam inflexionem, se reducantur, franguntur.

Quædam Corpora, ubi diu inflexa manserunt, si reflectantur, franguntur, & in partes abeunt: ut in quibusdam baculis ligneis cernitur, quæ ad pristinum statum reducta, cum fragore rumpuntur.

Causa hujus fracturæ, à Subtili Æthere pendet, qui, dum Corporum particulas, quæ ejus Motui obstant, sejungere molitur, non solum earum resistantiam superare debet, sed etiam illorum

illorum Corporum, quæ illas ambiunt. Quia verò res quæcunque, in eo statu perseverare contendit, & Corpora semel mota, sponte moveri pergunt; Materia Subtilis, illa concutere nequit, quin illis novam Vim addat, & effectum augeat; quo fit, ut partes illas ita commovendo, & impellendo, separet, & ab invicem omnino sejungat.

Arcus diu incurvatus, præsertim si ex ligno, vel etiam ex ferro fabricatus sit, paulatim Vi resiliendi destituitur, & statum, ad quem Inflexione adactus est, retinet. Lamina plumbea, ad Arcus modum curvata, nullo modo resilit, sed veluti iners quædam Materia remanet, & non minùs huic, quàm alteri figuræ se accommodat.

VI.

Arcus vim resiliendi tandem amittit.

Arcus ligneus diu inflexus, resiliendi Vim amittit, quia ejus Partibus, non tanta Durities inest, quin Materia Subtilis faciliè novos Poros in ea sibi efformare possit, quibus ad suam mensuram dispositis, liberè per eos transmittitur, & decurrit. Pars autem plumbea, in modum Arcus extensa, non recurrit, quoniam cum Plumbi Partes molles sint, & flexiles; faciliè se penetrari patiuntur; Adeò ut Materia Subtilis, faciliè recentes Poros in ea sibi efformet, per quos cum commodè trajiciatur, nulla sit particularum Plumbi repulsio, ac proinde nullus earum resultus.

Experiantur nonnulli, quod bombarda explosa, erumpens globulus ad quinquaginta aut centum pedum distantiam, obvium corpus magis penetret, quàm ad decem, aut viginti.

VII.

Cur globus magis penetret re-motum, quàm nimis propinquum Corpus.

Ratio est, quod globulus nimis citò impulsus, tam citò remittitur, ut non satis spatii habeat, ad tantum effectum præstandum: modo haud prorsus dissimili, quo malleus globulum plumbeum incudi superpositum feriendo, illum minus complanat, quàm si pulvino supponeretur. Ut antea dictum est artic. 6. de Duris & fluidis corporibus.

Antiquitatis ex observatione placitum est, Vasculo repleto in lagenas diffuso, liquorem deinde Vasculo rursus inditum non explere ut antea: sed ut plus admittere queat, & in vino magis quàm aqua illud esse conspiciunt. Baco.

VIII.

Liquores compressi minus loci occupant.

Id inde oritur, quod liquor in vasculis non ita comprimatur, ut in lagenis, & in vasculis liquori præcipue obvius sit; & in lagenis exigua liquoris quantitas lateribus lagenarum occurrat, quæ illum ita comprimunt, ut se laxare rursus nequeat.

IX.

Cur Aer extra
vasa pneumati-
ca violenter
erumpat.

Aer si intra *Vas pneumaticum* comprimatur, vi magna erumpit, ut patet in Machinis illis, quæ solius Aeris opera, *Aquas* sursum versûs jaculantur, aut *tela* summo cum impetu emittunt.

IV

Cur Aer extra
vasa pneumati-
ca violenter
erumpat.

Quidam id fieri autumant, quod *Aer* vi intrusus, in quadam *Vacuitates* recipiatur, quæ antea inclusum Aerem distinguebant, & illum quoquoersum propellebant. Verùm si ita sit, quorûm *Vasis* pneumatici aperto foramine, *Aer* tanto cum impetu erumpit? Si quælibet Aeris pars, intra illa inania spatia recondatur, & suam extensionem servat, quomodo Compressio fit? & tanto cum nisu Aer exilit, si nullam intra illas cavitates vim patiatur?

III

Cur Aer extra
vasa pneumati-
ca violenter
erumpat.

Ratio igitur hujus *Virtutis Elastice* est, quod Aere sic compresso, ejus partes, eodem modo, quò antehac dilatari non possint. Nam cum omnes pene flexiles sint, & singulæ independenter à vicinis moveantur, quandam sphaerulam habere debent, quæ Circulari suo Motui, circa Centrum suum, peragendo sufficiat. Dum verò comprimuntur, tale illis Spatiolum deest, in quo moveantur, cum unaquæque alterius locum ingrediat, & sibi ipsis obstat. Cumque interim Vis eadem globulorum Cœlestium remaneat, & eodem, quo antea impetu, Aeris partes ab ipsis concutiantur; eæ suis extremitatibus se mutuò feriendo, & unæ alias loco deturbando, Viribus simul junctis, impetum faciunt, ut ea *coarctatione* se liberent, & *latius* spatium nanciscantur.

Hinc fit, ut Aer in vase pneumatico, quale in *Institutione Philosophiæ part. 6. cap. 15.* descripsi, compressus, Aqua inferiorem ejus locum occupante, cum impetu erumpat, ut quamlibet fere datam altitudinem per se excedere queat.

X.

Vesica Aere inflata, si comprimatur, sponte resurgit.

Vesica, Aere intromisso, distenta, post Compressionem, sponte resurgit, & priorem tumorem recuperat.

Quia Aeris in *Vesica* inclusi particulae, cum in perpetuò sint Motu, & circa Centra sua quodammodo volitent, ægrè coarctationem & complicationem patiuntur: ac proinde ubi pressio cessat, denuò ope *Materiæ Subtilis*, à qua agitantur, extenduntur, & *Vesicam* ut antè dilatant.

XI.

Cur ventus in Angustis violentius flat.

Eidem causæ attribuendum est, quod *Ventus* è montium faucibus erumpens, in planitiem grassetur; Et *Fluvius* intra alvei angustias decurrens, Motu rapidiori feratur; Quoniam iis in locis,


locis, ventus compressus, aut Aqua, vi majore erumpit, partibus ejus se ab ea coactione, quam in angusto transitu patiuntur, liberare nitentibus.

Hinc etiam *Corium* & *pannus*, si vehementius extendantur, spontè resiliunt, & ad priorem brevitatē revertuntur: quoniam plurimi eorum Meatus, per illam tensionem coarctati, haud patiuntur, ut Materia Subtilis, non nisi vehementi motu eos pertranseat: Unde simulatque extensio illa violenta cessat, denuò referantur, & particulæ meatus illos nimis angustatos circumstantes, à subtili illo æthere, ad priorem brevitatē situm, quam ante extensionem habebant, reducuntur.

Digitus madefactus, & ad Vitri marginem *Aqua*, aliove *Liquore* pleni, circumlatus, si vehementer premat, Aquam primum crispare, & in tenues exilire rores faciet; mox continuo motu, Aquam ad subsultum excitabit, & guttas eliciet.

Id fit, quòd circumducto, supra Vitri marginem, *digito*, duræ sed flexiles tamen Vitri particulæ, premantur, & ejus partis, quæ tangitur, Meatus nimis angustentur, ut solitam Cœlesti Materiæ viam præbere possint. Ubi verò digitus, ad alias marginis partes defertur, Materia illa Subtilis, depressæ jam partis Poros repetit, eosque iterum extendit, & ad statum priorem reducit: Aque ex repetita Velocitate, particularum Vitri depressi, & earundem, per Materiæ Cœlestis incursum, erectione, primum totius Vitri agitatio oritur, mox liquoris tumor, ac demum ejus crispatio, & guttularum in Aerem subsultus, & eruptio.

Advehitur è *Prussia* Solidum Vitrum, quod *lachrymam* passim appellant, Itali *puliche*. Ejus figura adinstar longioris olivæ est, retorto collo, & haud multum ab ea lagena abhorrens,



XII.
Unde *Corium* extensum, ad priorem brevitatē reducitur.

XIII.
Digitus in margine scyphi ductus, exilire Aquam facit.

XIV.
Quomodi *lachryma* è *Prussia* adducta, una ejus parte fracta, tota in pulverem redigatur.

qua

qua *Chymici*, in Aquis distillatis recipiendis utuntur, nisi quod solida sit, & omni vacuitate soluta, qualis hac imagine A B designatur. Extremo ejus apice B disrupto, non semper diffringitur; ubi vero pars colli crassior 4 frangitur, vel forcipe adimitur, confestim totum Vitrum in pulverem tenuissimum, seu pollinem, non sine strepitu abit.

Tam notabilis effectus, nulli alteri causæ quam Materię subtili, assignari potest; quæ fracto *lachryma* rostro 4, confestim irruit, & tanto cum impetu ejus poros subit, ut cum exitus occludatur, Vim suam, in *Lachrymæ* collum exerit, & in tenuissimum pulverem comminuit.

Verisimile enim est, quod Artifex qui *candatos* hujusmodi globulos effinxit, modum adinvenerit, Vitrum subito refrigerandi, dum maximè ardens est, in liquorem sibi notum immergendo. Quippe experientia constat, *Vitrum* eo pacto refrigeratum in tenues particulas desilire, quia cum Vitri partes, ejus medio viciniore, latiores sint, minuuntur autem, quo magis ad superficiem accedunt, necessum est, ut materia subtilis angustiores poros penetrans, illos nimium concutiat, & Vitrum in pulverem tenuissimum dividat.

XV.

*cur non frangitur
extremitate
superiori avulsa.*

Ubi vero *cande* extremitas, exempli causa 3 frangitur, aut abscinditur, effectus non sequitur, quoniam ea pars adeo exigua est, ut non sensibiliter interiùs quam exteriùs refrigerata, æquales ubique meatus habeat, ac proinde materia subtilis eos penetrans, æqua vi fertur, & ubique pari impetu transmittitur.

XVI.

*Lachryma de-
novo colla in
pulverem non
abit.*

Sic si curetur, ut *Lachryma*, Ignis opera candescat, & lentè postmodum refrigeretur, ejus pori postmodum æquales evadunt, uti in *chalybe* contingit, qui Igni rursus admotus, æquales ubique meatus adipiscitur, & eandem quam antea habuit duritiem, retinet. Quare ejus rostro fracto, vel avulso, quum nulla sit materia, quæ non pari facilitate undique egredi possit, qua ingressa est, in frustra abire non debet. Cujus contrarium accidit, si Igni commissa, penitus candescere non permittatur, quia licet cuspe 3 fracta, aut forte etiam parte 4 avulsa non in pulverem abeat, ubi vero ad A propius sectio aut fractio fiet, effectus ob datam rationem sequetur.

HISTORIÆ

NATURALIS

PARS SECUNDA.

De Qualitatibus.

ARTICULUS PRIMUS.

De Qualitatibus in Genere.

Nihil magis horrere debet Philosophiæ *Alumnus*, quam ea asserere, quæ Intellectu non capit, aut demonstrandum aggredi, quæ Definitione explicari nequeunt. Id tamen Nonnullis contigisse videtur, qui *Qualitates* secundum priscorum Sensum tuerentur, & eam ipsis indolem assignant, quam nequidem Mente possunt attingere. Quid scire juvat, *Qualitatem esse, qua quales aliqui dicuntur?* An hoc Aniculæ ignorant? an quenquam Agrestium latet; se *Candore* albos fieri, & *Rubore*, rubidos? Aperiendum potius est, in quo præcisè *Qualitatis* natura consistit, quo pacto subiectum afficit, & qua ratione per illud diffundatur. Pandant igitur bona fide Aristotelici, quam sibi in mente *Qualitatis Imaginem* fingant, & non diutius nos *Verbis* suis, rerum Veritatem obscurantibus fatigent. An est *Qualitas* à Substantia, cui adhæret, aliquid physicè distinctum? An rebus, quas denominat, veluti *Ehritas* supervenit? Quanam igitur genuina sit ejus natura; Nobis explicent, efficiantque, ut quod *Verbis* proferunt, clarè Menti nostræ innotescat. Si id efficere non valent, quod ipsis impossibile esse arbitror, quorum derelictis

Qualitates
prout vult
explicatum
sunt inintel-
ligibiles.

VI
Qualitas
est quodlibet
quodlibet
quodlibet

II.

In quo Qualitatis natura consistit.

derelictis fuilibus iis Qualitatibus, Naturæ Legibus haud patrocinantur, & Intelligibilibus Principiis se accommodant.

Quid *Quantitate, Motu, Situ, Figura, & Quiete* notius est? iis enim omnes Naturæ Effectus demonstrari possunt, & nihil tam abstrusum est, quod eorum ope non eruatur. *Horologium* portatile movetur, & citra vim externam, Horas dimetitur, & indicat. *Clavis* seram penetrat, & debite applicata, eam aperit. An necesse est, in *Horologii* facultatem quandam comminisci, quæ illius rotas agitet? aut in *Clavi*, aliquid ab ea distinctum fingere, quo sera recludatur? Quis sanæ mentis non fateatur, Rationi magis consonum esse, tam constantem Horologii motum, convulso *chalybi*, rotarum dispositioni, figura, contextui, &c. & *Clavis* ad seram aperiendam potentiam, figure partiumque ejus ordinationi tribuere; quam ad nescio quas Qualitates recurrere, quas non *explicare*, imo nec *concupere* possunt? Sed ultra intentum promoveor, cui Animus est, non tam *Rationibus* hic Qualitatis naturam asserere, quam *Experimentis* confirmare. Quare primum è *Mari* deduco, & è volubilibus Aquis Sententiæ nostræ firmitatem eruo.

III.

Aqua maris, sola partium agitatione Colorem mutat.

Mare cum agitur, & vario Ventorum concursu attollitur, Colorem suum mutat, & quod Cærulea specie antehac apparebat, mox verberatis inter se fluctibus, Candidum conspicitur: Ut eleganter more suo describit *Lucretius*.

*Ut Mare cum magni commorunt æquora Venti,
Vertitur in canos candenti marmore fluctus.*

Certè, Hujus mutationis Causam nullus supervenienti Qualitati assignabit; nam quod Agens illam produceret? quoque pacto, realis entitas, per tam immensam Aquarum molem diffundetur? Aqua igitur Maris Candidum Colorem induit, dum in *spumam* vertitur, hoc est, cum illius partes, quoad *magnitudinem, situm, figuram* variantur, & in Bullulas abeunt; à quibus reflexum lumen, oculo eum Colorem repræsentat, quem Candidum appellamus.

IV.

A sola partium dispositione mutationes oriuntur.

Sic *Mercurius* sublimatus, instar lactis albescit si aquæ fervidæ immergatur, & aliquot *urine* spiritus guttæ immisceantur, dum per Chartam bibulam filtratione transmittitur. Sic *Minium* & *Corallium* aceto exsoluta, olei tartari infusione, candidum colorem

rem induunt. Sic *Aurum*, si cum *Argento* confundatur, & postmodum *Aqua* forti separetur, veluti nigricans pulvis ad i-
mum tendit, priori *Colore* penitus extincto. Cujus mutati-
onis causa alia querenda non est, quam partium *figura*, *textu-
ra*, *ordo*, &c. Quippe

Intervalla, *via*, *connexus*, *pondera*, *plage*,

Concursus, *motus*, *ordo*, *positura*, *figura*,

Cum permutantur, *mutari res quoque debent.*

Aqua Vasi, validis undique lateribus cincto imponatur, & ejus supernum operculum, *Chymicorum* more, luto obturetur: deinde ardentibus Carbonibus aliquamdiu impositum, remove-
atur, donec refrixerit, mox novo Calore adhibito, iterum fer-
vescat: deprehendes *Aquam* in vase contentam, repetitis ali-
quoties alterationibus, non *Colorem* modò, sed & *odorem*, *gustum*-
que mutasse, & à pristino statu degenerasse.

Oritur hæc mutatio, à novo partium *Aquæ ordine*, *figura*,
situ, &c. Ex horum enim mutatione, *Alteratio* sequitur,
quando scilicet *Partes* *Insensibiles*, figuram mutant, & varium
situm, & ordinem adipiscuntur. *Ignis* enim vehementia, Li-
quoris particulæ, à se invicem disjunguntur, & aliam positio-
nem acquirunt, quibus necesse est, diversam à priori indolem
in *Aquam* induci, & eam novo modo Sensus nostros afficere.

Ea ratione contingit, ut *ostrea* æstivis mensibus nonnunquam
rubrum Colorem induant, aliquam scilicet Sanguinis speciem
præ se ferendo, qui Color hyeme ingruente evanescit, quoni-
am tunc imminutus calor, vitalem succum perfectè excoquere
non valet, & eam luctam inter liquoris partes efficere, ut *San-
guinem* componant. Sic *medici* censent Sanguinis ruborem ex
spiritu vitalis salinei aciditate, ortum suum trahere: Eo pror-
sus modo, quo *Jalapia* ab affuso tantillulo spiritus *Vitrioli*
rubescunt.

Impleatur Cyathus *Aqua tepida*, cui postmodum soli-
orum *Sena* manipulus immorgatur, mox mixtione peracta, ali-
quot olei tartari guttulæ infundantur; cernetur illico tota *A-
qua* rubescere, & purpureo Colore aspergi; cum interim nul-
lus insit *Aquæ*, foliis, aut etiam ipsimet oleo rubor.

Nascitur hic Rubor, dum *Oleum tartari*, foliorum Substantiam
pervadit,

V.

Quomodo *Aqua*
per iteratas
concoctiones, à
primeva Quali-
tate discedat.

VI.

Ut *ostrea* æstate
rubescunt.

VII.

Aque Senæ im-
positum cum
oleo tartari,
Colorem ejus
immutat.

pervadit, ejusque partes ita concutit & separat, ut aditum tenuissimis Aquæ particulis aperiatur, quæ *Sena* meatus subeuntes, earum texturam immutant, efficiuntque, ut Luminis radii in Aquam impingentes, & ad Oculum remissi, talem Coloris speciem exhibeant. Atque *Ruborem* isthoc pacto creari, ex hoc evidenter deducitur, quòd aliud *Oleum*, exempli causa, *Chalcantinum*, sive oleum Vitrioli, eidem Aquæ infusum, talem Effectum non operetur: quoniam ipsi Vis deest, ad *Sena* foliorum Substantiam penetrandum, & ita ejus partes sejungendum, ut Aquæ particulis viam faciat.

VIII.

Ex frigiditate
poribus calor
interdum ori-
entur.

Pari ratione de *Calore*, aliisque Qualitatibus est sentiendum: quippe sensu Tactus experimur, vehementem in *Aquis Sygiis*, cum metalla exsolvuntur, esse Calorem. Similiter in spiritu *nirri*, qui butyro *Antimoni*, aut plumbeæ scobi affunditur: Cum interim Aquæ fortes, ac metalla, si separentur, gelida sint potius, quam calida, sicut & *salis Ammoniaci* spiritus, & limati plumbi pulvis.

IX.

Pomum in pa-
rietem impa-
ctum, ea in par-
te, Qualitatem
novam acqui-
rit.

Pomum, si in pomum aliud impingatur, aut è manu spontè decidat, quæ contunditur pars, à cæteris odore, gustu, & aliis Qualitatibus distinguitur, imò in eo tanta Mutatio oritur, ut alterius prorsus naturæ videatur.

Illà diversitas à sola Partium transpositione provenit. Nam quid aliud contusæ parti advenit? An forte eo impetu, quo in Terram, aut in parietem impingitur, quicquàm ei subtrahitur, aut per Poros Corpuscula ingrediuntur, quæ eam Mutationem adferant? quodvis admittatur, inconcussus manet, partem *pomi* contusam, ab integra discriminari, per varium Partium ejus Ordinem; cum nihil eam subire, aut ea elabi possit, quin Partes ejus alterentur, & alium *Situm* obtineant.

Sic *malum, pyrum*, & similis fructus, ex validiori in mensa volutatione emollefcit, protinusque dulcescit, leniter solummodo in partes distributis spiritibus, ut loquitur illustrissimus *Baco*, quorum inæqualis distributio Austeritatem procreat, dura autem volutatio medium est, inter concoctionem simplicemque maturationem. Sed de iis latius dicetur *part. de plantis.*

ARTICULUS SECUNDUS.

De Calore.

A Qua in Cacabo immota existens, paulò post, Igne supposito, agitur, ebullire incipit, & ad marginem usque porrigitur, quæ antea, vix Ollæ dimidium opplebat.

Quoniam *Calor* Aquæ partes commovendo, eas à se invicem divellit, efficitque, ut non amplius iisdem limitibus contineri valeant, sed majus spatium requirant, in quo expandantur. Corporibus enim, quæ rarefunt, peculiare est, ut introducta per Poros Subtili Materia, mole augeantur; sed maximè ubi Calor accedit, qui eorum partes ad Motum ciet, & ab invicem dividit.

Solis Calor ad rerum vegetationem conducit, easque maximè vivificat. *Ignis* autem calor, passim destructivus est, nihilque Activitate sua producit.

Id provenit, quòd *Solis* æstus moderatus sit, & ob *Solis* distantiam, perennemque Terræ circa ipsum gyrationem moderate dispenfetur. *Ignis* autem Calor (cum non nisi pauca attingat, Corporibusque proximius, quam par est, admoveatur,) statim evanescit, & sive ob Hominum ignorantiam, sive impatientiam, in ea temperie servari nequit, quæ ad rerum vegetationem est necessaria. Quòd si ad debitam temperiem, Hominum artificio reduci potest, nihil obest, quominus *Ignis* calore ova excludantur, *planæ* prodeant, *Insecta* generentur, & *viva* omnia ejus beneficio foveantur.

Corpus tepidum, si ei Manus dextra Calida admoveatur, frigidum Nobis apparet; è contra calidum esse arbitramur, si illud sinistra Manu frigidiorè attingamus.

Variis ille Sensus, non tam ab ipso Corpore tepido provenit, quam ab ipsis Manibus, quæ illud explorant; quia licet eadem vis tepido Corpori insit, ad utramque Manum agitandam; quia tamen Calide Manus partium commotio, eam, quæ in tepido Corpore est, Agitationem excedit, sit, ut Calor tepidi Corporis, ad manum dextram relatus, frigidum videatur. Non enim Particularum corporis alicujus Agitatio, per se spectata,

I.

Cur Aqua Igni
in cacabo superposita ad
marginem
porrigatur.

II.

Cur Calor Solis
non autem Ignis
sit productivus.

III.

Corpus tepidum
Nobis calidum
apparet, si
gelida manu
tangatur.

Caloris nomen sortitur, sed solum, dum *Tactum* afficit.

IV.

*Cur Balnea inter-
dum calida,
interdum frigi-
da judicantur.*

Sic qui *Turcarum* balnea, diversis gradibus Caloris distincta ingressi sunt, cum in tepidioribus aliquamdiu commorentur, antequam ad ferventiora admittantur; experiuntur eandem *Aquam*, quæ ipsis subeuntibus vix ferenda videbatur, in regressu veluti frigidam apparere; Eo quod Corpus jam per balnearum æstum calefactum, à debiliore calore percelli non potest. Nec dubium est, quin illud quod *Scythis* utpote gelidam regionem incolentibus calidum videtur, id *Aethiopes* gelidum esse existiment.

V.

*Caveæ hyberno
tempore non
sunt calidæ.*

Unde quorundam error deprehenditur, qui existimant loca subterranea, ut *caveas*, & similia, hyberno magis quam æstivo tempore esse calidiora: cum hæc Caloris diversitas, ex eo duntaxat oriatur, quod corpore ad contactum utamur, diversimode per *hyemem* & *æstatem* affecto: Nec satis attendamus rem eandem posse *Calido* frigidam apparere, & è diverso *frigido* calidam. Quippe si *Cryptæ* verè hyberno tempore calidæ sunt, unde *oleum* in eis asservatum congelatur, id autem ipsi non contingat æstate, cum ejusmodi loca frigida esse videantur? Sunt igitur loca subterranea, hyberna tempestate *calida*, quoniam Corpore *frigido* ad illa accedimus; & *Æstate calida*, quoniam eò temporis diversa Affectione concutimur.

VI.

*Cur Aurum
acrius urit
quam flamma.*

Metallum fustum, & præsertim *Aurum*, fortius urit quàm ipsa flamma, à qua agitur, & fervorem suum accipit.

Id accidit, ob partium *Auri* cohæSIONem, quod cum pingue sit, ac densum, non nisi parum dilatatur, ac proinde vehementius urit, & Calorem diutius conservat. *Ignis* enim Atomii in *Auro*, quodammodo revinctæ tenentur, nec illis liber exitus patet. Hinc huc, illuc exsistentes, Corpora obvia penetrant, & illa forti sua agitatione discutiunt. Quo fit, ut Manus fustum Aurum attingere nequeat, quin illic tota cutis fodicetur & comminatur. Eadem ratione *Oleum* bulliens acrius, quàm *Aqua* comburit, ob pinguium suarum partium connexionem, quæ receptas *Ignis* particulas tenacius servant, nec patiuntur inde exilire.

VII.

*Clavus non nisi
calefactus, postquam
malleo percussus
movetur desinit.*

Clavus malleo percussus, aut vi intra lignum durissimum adactus, nullum calorem concipit, quamdiu lignum penetrat: imò calefacti tantummodo deprehenditur, dum progredi desinit, & iteratis mallei ictibus, Caput ejus complanatur.

Hujus.

Hujus ratio ex ipsius *Caloris* essentia deducitur, qui non in directo Corporum motu consistit; sed in sola Insensibilium partium Agitatione. Quare *Clavus* nullam calefactionem adipisci potest, quando *totus* movetur, & secundum sui extensionem, totus lignum perforat: sed quum eo pacto movere definit, & mallei ictibus, caput ejus complanari incipit. Quia eo duntaxat tempore, tenues ejus particulae motum moliantur, & eam Agitationem comparant, quæ ad Calefactionem requiritur.

Si quis partem ferream, fabril Instrumento, quod *Lima* vocatur, deterendo poliat; experietur partem ferream, multum Caloris contrahere, *lima* interim gelida remanente.

Ratio est, quod Instrumenti partes, ferri superflua detrahendo, non solum seipsis, sed & aliis, quas continuo affrictu, ex Ferro circumcidunt, quæque intra ejus Dentulos, aliquamdiu remanent, fricando, satis notabilem Agitationem in Ferro excitent, ac proinde Calorem producant. Idem tamen de *Lima* existimandum non est; nam licet ejus partes, Vim eandem patiantur, quam Ferri partes, quia tamen, plus extensionis habent, multoque illud longitudine excedunt, non eandem partem, bis iisdem Dentulis, quam expoliant, attingunt, sed semper aliquod Temporis intervallum interest, inter partium *Lima* frisiones, quo durante, pars illa *Lima*, quæ nonnihil Caloris comparaverat, illam amittit.

Halitus qui ore emittitur, Calorem in Manibus excitat; illum verò è liquore, exempli causa, *jussulo* expellit, si vehemens sit, & cum impetu protrudatur.

Calor, oris halitu nascitur, si levis est, hoc est, si partibus variè agitatæ constet, & inæqualiter per Manum feratur. Quippe nihil aliud dici potest esse Calor Corporum, quàm eorum Partium Insensibilium varia determinatio, qua aliter, atque aliter feruntur. Spiritus verò ore emissus, è Liquore Calorem abigit, quando celer est, & totus versus unam partem dirigitur: quoniam tunc, partes Liquoris subtiliores, Motus proprios seorsim exercere non valent, & versus unam partem, omnes propulsantur. Ad eum modum, quo *fluvius*, versus unam Regionem decurrit.

Calx, Aqua injecta, Calorem concipit, & ita effervet, ut ipsamet etiam flamma fortius adurat.

VIII.

Pars ferrea quæ lima teritur, calefit, non autem ipsa lima.

IX.

Quare Halitus calidior emittitur ore aperto quàm propemodum clauso.

X.

Calx Aquâ affusa, calefit.

Haud

Haud dubium est, quin *Lapidis Meatus*, dum in *Calcem* excoqueretur, qui antea solis Secundi Elementi globulis patebant, fuerint Ignis virtute laxati : Adeò ut Aquæ particulas, sed tantum Primo Elemento cinctas, postmodum admitterent : quæ in duras *Calcis* particulas irruendo, illas concutiunt, & separant; præsertim si magna sit earum copia, & à diversis partibus in eandem ruant.

Sic *lapis* ex pice navali, & græca, tartaro, sulphure, halinitro, sarcola & petroleo, æquis partibus, cum altero tanto *calcis* vivæ, commixtis ovorum luteis compositus, & in fimo equino, aliquorum dierum intervallo asservatus, si *aqua dulci* perfundatur, *Ignem* concipit ac deflagrat.

XI.

Cur *calcis calor*
sit *calore flammæ* vehementior.

Reddatur autem *Calor*, in *Calce* genitus, flamma ipsa acrior; quia *Calx* ramosis partibus constat, quæ dum à materia Primi Elementi, quæ particulas Aquæ cingit, separantur, vehementius Manum feriunt, & *cutim*, velut tot *Acus* penetrant, & lacerant. Et eadem ratione *Carbo*, cujus partes longis & multiplicibus ramosis implicantur, acriorem, quam flamma emittit Calorem, & pertinacius objecta sibi Corpora corripit. Sic *Metalium fusum*, & ipsum maxime *Aurum*, vehementius quam *Oleum* exurit, & haustum Calorem diutius retinet; quia *Aurum* ex magis compacta pinguedine constat, quofit, ut minus dilatatur, & particulas suas exsilire patitur. Ut jam dictum est.

XII.

Cur *ferum candens* ad *secandum Vitrum* adhibetur.

Filo sulphureo accenso, aut Ferri candentis acie, *Vitrum* passim refecari solet.

Quoniam, uti antea explicatum est, corporis partes calore agitatae, amplio rem locum exigunt, ac proinde instantia Corpora propellunt, & à se amoveant. Fieri enim nequit, ut partes calefactæ celeri ac turbinato motu concutiantur, & majus spatium non possulent. Id non in Corporibus modò, sed & in Metallis videre licet, quæ à Calore distenduntur.

XIII.

Ut è duobus liquoribus frigidis calor erit.

Liquores, qui separatim frigidi sunt, si simul permisceantur, impensius calent. Sic *Spiritus Vatrioli*, oleo *Terebinthinae* affusus, magnum gignit calorem. Observatum nuper est, spiritum Vini, *Aqua forti*, aut spiritui *Nutri* paulatim depromptum, ingentem & diuturnum calorem producere.

Nascitur hic calor, ex partium, quibus Liquores constant, diversitate; quæ nimirum ejus sunt figura, ut aptius, dum
miscentur,

miscentur, conjungere se valeant, quàm dum ab invicem separantur; ac etiam se mutuo connectendo, Materiz primi Elementi innatent, eo saltem tempore, quo bullire deprehenduntur. Quod inde confirmari potest, quòd ebullitione peracta, obviam fit, multas ex iis coaluisse, & plurima exigua dura corpora componere. Eodem modo, *Oleum vitrioli*, Aqua frigida perfusum, Calorem concipit; Et *Aqua fortis*, cui Sal Ammoniacus infusus fuit, Sulphure injecto incallescit.

Ex duobus Corporibus calidis, inter se commixtis, tertium interdum exurgit naturæ dissimilis: quippe si spiritus *Nitri*, qui calidus est, ac penetrans, *Sali Lixiviali* conjungatur, Nitrum exurgit, quod refrigerat magis, quàm aliquem Calorem inducit. XIV.
Ex duobus corporibus calidis aliud aliud quando frigidum nascitur.

Id oritur quòd *Nitri* ac *Salis* particulæ, ita implicentur, ut aculeos suos, quibus antea corpora exsolvebant, penitus amittant. Spiritus enim nitrosi Corpuscula, quæ prius fugitiva erant, facileque foras amandabantur, ita cum fixis illigata manent, ut in auras evolare amplius non queant. Ac proinde mirum non est, si nitrum calefaciendi vim amittat, & corrosivum esse desinat.

Nix, si in *Hypocausto*, aut alio quodam loco reponatur, sensim fit compactior, & mole decrescit. Similiter *Nubes* in Acre suspensa, Calore condensatur, & modo à cæteris Corporibus diverso, quæ per Calorem dilatantur, magnitudine minuitur, & ad minus spatium se extendit. XV.
Qui fit ut Nix per Calorem condensetur.

Licet Calori peculiare sit, Corpora reddere Rariora, & solutis eorum partibus, per ampliora spatia diffundere; nihil obest tamen, quominus *Nivem* & *Nubes* condenset, & earum molem imminuat, antequam etiam, ulla Aqua ex ea profluat, vel de suo pondere aliquid amittat: Hoc enim idèd contingit, quòd particularum glaciei capillamenta, quæ *Nivem* constituent, cum sint earumdem medio tenuiores, eò, Calore accedente, facilius liqueunt, & se hinc & inde inflectendo, ob circumambientis Materiz Subtilis Agitationem, amplexatum eunt vicinas glaciei particulas; non iis interea derelictis, quibus antehac implicabantur, & ita constrictiorem molem componunt.

Id in *Nubibus* clariùs elucet; quia cum Glaciei Particulæ, quibus componuntur, magis à se invicem distent, & majora intervalla habeant, non ita vicinis appropinquare possunt, quin XVI.
Idem in Nubibus peragitur.

eo momento, à quibusdam aliis separentur, ac proinde cùm inflectuntur, necessum est, in minorem locum redigi, & Corpus densius, compactiusque efficere.

XVII.
Calor Calcem
& Cineres in
Vitrum con-
vertit.

Calx & Cineres, Ignis ardore, in *Vitrum* convertuntur: *Vitris* enim *Crystallinis* apud Venetos, materia est, ex mixtis æqua proportionem lapidibus, quos ex *Pavia* prope fluvium *Ticinum* vehunt, & herbæ cujusdam noxiæ Cineribus, apud Arabes dictæ *Kall*, nascentis in deserto, inter *Alexandriam* & *Rosettam*. Baco *sylva sylvar*.

Hic effectus nunquam sequitur, nisi quum Ignis diurnus est, & magno robore præstat: quia cùm *Calcis*, vel *Cinerum* particulæ, crassæ sint & irregulares; non ita unæ aliis incumbere possunt, ut sibi mutuò adhæreant. Quare Ignis validus adhibendus est, qui Vim suam in illas exerceat; quia tunc temporis, dum tenuiores Tertiæ Elementi particulæ, simul cum globulis Secundi, à Primi materia arripiuntur, & undique circa ipsas citissimè moveri pergunt, earum Anguli paulatim atteruntur, & lævioribus redditæ superficiebus, nonnullisque earum etiam inflexis, unæ supra alias repentes, fluentesque, non punctis solum, sed & exiguis quibusdam superficiebus junguntur, & ita sibi mutuò adhærentes, *Vitrum* component.

ARTICULUS TERTIUS.

De Frigore.

I.
Cur manus
frigida Igni
admota, cor-
ripiatur.

Contingit interdum inclementi, & aspero Cœlo, Hominibus manu, aliasque etiam Corporis partes obrigescere, & ita stupore affici, ut si Igni admoveantur, extemplo corripiantur, & acriorem cruciatum sentiant.

Quoniam Ignis particulæ, quas in Motu esse supponimus, in *Manus*, aliorumve membrorum, quæ frigore concresecunt, *nervos* impingunt, ac veluti tot mucrones confodiunt. Tanta autem partium vellicatio, citrà Dolorem fieri non potest. Unde frigori expellendo, non statim Manus, quæ rigescit, Igni apponenda est; sed miti primùm frictione demulcenda, & sensim mollique agitatione vellicandi Articuli, qua revocari

sanguis

sanguis queat, & sopitæ partes reviviscere. Quare in *Suecia*, *Dania*, & aliis Regionibus, quæ *frigore* maxime infestantur: ubi contingit quemquam isto modo, Calore destitui, aut aliquam ejus Corporis partem corrumpi, eum *Aquæ* gelidæ immergunt, aut affectæ parti *Nivem* adhibent: quoniam Corporis Meatibus sensim apertis, spiritus vitales, per eos leniter influunt, & quælibet partes paulatim pristinum situm & ordinem recuperant.

Sic Jacobus Magnæ Britanniæ Rex, *Barclæo* referente, dum in *Dania* versaretur, cumque summo gelu, Aurium & Nasum extrema penitus torperet, fermeque encareantur, Incolarum consilium secutus, *nivem* iis servandis applicuit, ne *Sphacelo* aut *gangrenâ* penitus corrumperebantur.

II.

Quid Jacobo Rigi in Dania contigit.

Nec alia assignari potest Ratio, cur *poma congelata*, in *Aqua* frigida immissa, pristinae integritati restituantur, quam quod Humore congelato, illa concretio leniter exsolvatur, & vi moderata pereat.

III.

Poma congelata ut restituantur.

Quædam Corpora, nunquam frigiditatem suam deponunt, ut *marmor*, & similia, quæ quacumque Anni tempestate, gelida sunt, & appositæ Manui rigorem inferunt. Imo ipsa *Glacies*, in æstate suam Duritiem retinet, & non minus quam hyberno tempore, frigore concrevit.

IV.

Marmor æstate frigiditatem non deponit.

Familiaria hæc Experimenta, frigus nihil aliud esse, quam *Quietem* ostendunt: Hæ enim Corporum partes, sibi mutuò adhærent, & ita inter se colligantur, ut non nisi tenax Compositum efficiant. Verum quo pacto fit, ut *marmor*, *glacies*, & alia similis naturæ Corpora, suam frigiditatem servant, & pari rigore semper intendantur?

Respondeo, id ex parte globulorum Æthereorum, qui eorum Poros penetrant, oriri. Qui enim majusculi sunt, vimque movendi efficaciorē habent, *Calorem* procreant. Qui autem, minusculi sunt, & aliis robore cedunt, *Frigus* in Corporibus inducunt, ut sequenti Experimento clariùs patebit. Gelidum igitur *marmor* est, quod Meatus ita contractos habeat, ut solas minutissimas Corporis Subtilissimi particulas admittere queat, & majores, quæ Motum operantur, excludat. Cùmque *Aqua* nunquam gelu concrevat, nisi Materia, quæ ejus partes interlabitur, plus solito subtilis sit, fit, ut Glaciei Meatus, qui tunc excavantur, ad mensuram particularum hujus Materiæ Subtilissimæ,

H

hissimæ,

lissimæ, sic coarctantur, ut aliquanto majores penitus excludant. Atque hæc ratio est, cur gelidissima *Glacies* maneat, quamvis in mediam Æstatem reservetur. Id ex ejus dissolutione deprehenditur, quoniam *Glacies*, non adinstar *Cere* liquefcit, cujus flexiles particulæ, *Ignis* Agitationi cedunt, & ejus impetu separantur. Obest enim Pororum ejus angustia, quominus Calor ad interiora perveniat, nisi prout superficies liquefcunt, & vi ejus effringuntur.

V.
Quomodo Aqua
ope Salis in
glaciem ver-
tatur.

Aqua scypho vitreo contineatur, cui *nix* aut *glacies*, *Salis* admixta, ita circumponatur, ut ejus exteriora contingant; ubi hæc solvi cœperint, Aqua in Glaciem convertetur. Quod non Hyeme solum, sed & quocumque Anni Tempore experiri licet.

Hujus Experimenti ea est ratio, quod Globuli Cœlestes majusculi, qui *Aquam* sua Agitatione liquidam reddunt, cum plus virium habeant, quàm illi, qui *nivis* partibus interlabuntur, & commodiorem in rigidis & lævioribus *Salis* & *Nivis* particulis, locum reperiant, in quo moveantur; fit, ut eò necessariò pergant: Cumque Corporum *penetrationem* natura non ferat, & omnis Motus per *circulum* fiat, Globuli Ætherei minores, in *Sale* & *Nive* contenti, majorum accessu, egredi coguntur, & loca derelicta per Vitri poros petere. Quia verò illi Globuli, ad continuandum *Aquæ* Motum non sufficiunt, sequitur ut illa concrefcant, & glaciæi frigus duritiemque nasciscatur. E diverso, *Nix* *Sali* commixta, dissolvitur, & in liquorem abit, quoniam à majoribus illis Globulis agitur, qui *Aquam* suo motu *liquidam* antehac reddebant.

VI.
Quomodo spi-
ritus Vini
refrigerat.

Nec fortè alia ratione fit, quod *Spiritus Vini*, qui natura calidus est, Inflammationes, & *Anginam* gargarismo sanat; atque etiàm Corporis membrum *pyrio pulvere* exultum refrigeret: quàm quòd *Spiritus Vini*, ita dispositos habeat Meatus, ut parti Inflammatione turgenti applicitus, minusculis duntaxat Æthereæ Materiæ globulis ingressum præbeat, qui ejus partes remissius agitantes, Dolorem hoc pacto minuunt, ac mitigant.

VII.
Morbi per medi-
caminum ana-
logiam curan-
tur.

Sic *cepa* assata, vel fulminanti *Auro* cum Sulphure mixto, inflammatæ *hemorrhoides* curantur; eo quòd *cepe* succus paulo acrior, & nonnihil acidi in se continens, quemadmodum *Sal Armoniacus* & *Tartareus*, qui in *Auro* fulminante reperiuntur, humorem sibi homogeneum proliciunt, & cum eo admiscen-

tur.

tur. Nec dubium est, inter *medicos*, quin plurimi morbi, ob eandem partium analogiam, Animalibus communicentur. Ut de figulicujusdam Filio D. Boyle refert, qui ulcerosis strumis laborans, canis lambentis linguâ, ita ab eis liberatus est, ut morbus in medicum, scilicet *Canem* traductus sit.

Aer Corpus frigidum, exempli causa, *Marmor* circumambiens, frigidior est, quàm qui ab eo magis est remotus.

Id provenit, quòd circa Marmor, non nisi, Subtilissima Materia passim infideat, sive illa quæ ipsum subire parata est, aut quæ ex illo effluit: cum verò subtilis materia, ob suam tenuitatem, crassiores *Aeris* particulas, quæ in Nobis *Caloris sensum* procreare possent, agitare non valeat, sit, ut circumvicinus Aer frigidior sentiat.

Nec fortè aliam ob causam sit, quòd juxta *fontes* illos, è quibus Aqua sparsim, maximo impetu exilit, nonnihil *aure frigide* sentiat, quàm quòd crassiores *Aeris* particule, quæ concitando calori inserviunt, cum erumpente Aqua arripiantur, sola *Æthere* materia illic continuo remanente.

Aqua dum gelu concrevit, dilatatur, & ad majorem locum porrigitur: ut patet in *Ampulla Vitrea*, longo satis & angusto collo, ad *Thermometre* figuram accedente. Quippe si hujusmodi vas Aqua calida repletum, *Aeri*, vigente hybernis mensibus *frigore*, exponatur, Aqua sensim descendet, donec ad certum aliquem frigoris gradum pervenerit: mox veluti recuperatis viribus, paulatim intumescet, & sursum feretur, donec gelu adstricta subsistat, & immota maneat.

Hæc Rarefactio, ex eo originem ducit, quòd Liquoris particule, in *Ampulla Vitrea* inclusi, paulò antequam gelu concreverat, ob imminutum *Materiæ Subtilis* Motum, rigidæ evadant, curvasque figuras induant; ac proinde, non tam arctè, quàm dum flexiles erant, sibi adherere & conjungi possunt. Hinc sit, ut dum vehementer à *Materia Subtili* concussæ, ad tam angustum spatium redigere se nequeant, majuscula spatia requirant, in quibus dilatentur.

Hinc nonnunquam contingit, ut *vasa* etiam ingentia marmorea, ab Aqua congelata perforentur, ut se vidisse testatur *Cabanius*. Imo Artifices sæpè experiuntur *vasa ænea* confringi, si Aqua in eis inclusa, congeletur. Observavit enim nobilissimus Dominus Boyle, Aquæ congelatæ spatium, quandoque no-

VIII.

Marmor frigidum Aerem ipsum ambientem reddit.

IX.

Aqua dum gelatur rarefit.

VIX

X.

Unde franguntur vasa in quibus aqua congelatur.

na, aut decima sui parte dilatari. Alias quomodo fieret, ut tubi ferrei, quales Tormentis adhibentur, Aqua repleti, & summa industria conclusi, frangerentur, ubi cælo frigido fuerunt expositi? uti in *Anglia*, aliisque Europæ partibus multoties probatum est.

XI.

Unde rigide
manent glaci-
particulæ.

Quod autem Subtilis Materia, rigentes Aquæ particulas agitare, & non inflectere possit, mirum videri non debet, quum vis minor ad Corpora movenda requiratur, quam ad illa eadem inflectenda. *Baculum* enim *ferreum* Manibus de loco deturbare facile possumus, non autem idem torquere, & Arcus adinstar curvare.

XII.

Qui glaci-
æstivo tempore
intacta serva-
tur.

Glacies tempore æstivo asservata, *duritiem* suam retinet, nec facile Igni admota, liquefcit.

Quia glacies sic arctatos habet meatus, ut ad mensuram subtilissimæ duntaxat materiæ particularum formatos habeat: Quo fit, ut majores excludat, nec patiatur, ut calor ad interiora ejus penetret, nisi quatenus exteriora liquefcunt. Ut antea dictum est.

XIII.

Quomodo Corpo-
ra frigida a-
quam in glaci-
em mutant.

Corpora gelida, exempli causa *Aer*, Aquam contactam in glaciem sæpe convertunt.

Quia corpora gelida, contactu non solum partium Aquæ Insensibilium motum imminuunt, sed cum plurimas glaciales particulas, hoc est, *leves* & *rigidas* contineant, fit ut globuli Ætherei majores ex aqua in corporum gelidorum meatus transgrediantur, & parvi globuli vicissim ex istis transeant. Cumque parvi hi globuli ob exiguum suum motum, Aquam in sua fluiditate tueri nequeant, oportet, ut Aquæ particulæ inter se quiescant, & sua quiete in glaciem convertantur.

XIV.

Fructus & sti-
am Lapides fri-
gore corrupti-
puntur.

Frigustantæ malignitatis est, ut Corruptionem Corporibus inducat, Colorem immutet, & omnem ab eis decorem adimat. Id non in *ovis*, ac *fructibus* modò experiri licet, sed in *lignis*, *lapidibusque*, qui ita nonnunquam gelu corripuntur, ut fragiles fiant, & ædificiis extruendis inutiles.

Putredinem gelu Corporibus adfert, dum Partes Aquosæ expanduntur, quoniam tunc fibræ, & aliæ solidiores particulæ, infringi solent, & interverti. Nihil autem aliud *Corruptionis* nomine, intelligi potest, quam *partium transpositio*, dum illæ, quæ certo quodam modo conjunctæ erant, à se mutuò avelluntur, & novas affinitates ineunt. Hinc *Animalium oculis* frigore

frigore concretis, observatum est, *Crystallinum* novas Affectiones sumpsisse, & è diaphano candidiorem esse factum.

Ob eandem rationem, in *Russia*, & frigidis aliis Terræ Regionibus, sæpe contingit, ut Incolæ *Nasum*, *Aures*, & alias corporis partes, veluti gangræna infectas, vi Frigoris amittant.

Tanta enim est Frigoris vis, ut partium ordinem atque contexturam pervertat. Nam in quid aliud referendum est, quòd *Trabes* in quibusdam Aquilonaribus Regionibus, ita gelu constringantur, ut ni prius moderato calore laxentur, in partes abeant, & Domibus extruendis inidoneæ reddantur? Quorsum *Marga* ad sæcunditatem Terræ apposita, intenso frigore ad id potissimum conducit? quoniam vi frigoris dilatato qui in meatibus continebatur Humore, partium contextus solvitur, sic ut in minutias redactæ à superveniente pluvia facilius dissolvantur.

E contra frigus interdum Corpora à Putredine vindicat, nec patitur ulla labe infici; ut testantur *Hirundines*, quæ penetrabili frigore, in stagnis *Poloniæ* rigentes, per totam Hyemem veluti exanimæ servantur, nulli Corruptioni obnoxiiæ.

Corpora frigore intacta servantur, & à putredine, per longum tempus libera manent, quoniam Frigus, cujus natura in *Quiete* consistit, partium *Motum* inhibet, impeditque ne illæ ab invicem sejungantur; partium enim dissolutio, Corruptionem promovet, quia per eam, Corporis textura invertitur, & ipsi aliquid continuè decedit.

Sic *cibaria* & potus, diutius hyberno, quàm æstivo tempore incorrupta persistunt. *Flores* quoque & fructus, in nivium conservatoriis, vigorem servant illibatum.

XV.
Frigus pervertit ordinem partium.

XVI.
Frigus quedam Corpora à Corruptione servat.

ARTICULUS QUARTUS.

De Gravitate & Levitate.

Si duo rotundæ figuræ Corpora, *plumbeum* unum, & alterum *lignum*, ejusdem, vel diversæ Magnitudinis, ex una *linea horizontali*, eodem Temporis momento dimittantur; æquali prorsus Tempore, ad *Terram* pervenient, nec ullum in eorum descensu

I.
Duo corpora motu inequali æquali motu servantur si sint spherica.

descensu discrimen deprehendi poterit. Quod *Gassendus*, talium Experimentorum diligens observator, non semel animadvertisse testatur.

Hujus *uniformis* Motus causa, alia assignari non potest, quàm æqualis Cœlestis Materiæ, à Centro Terræ se removendi, propensio. Nam quamvis illa pari Temporis intervallo, & omnibus viribus suis à Centro recedat, non tamen tota, in Corpora occurrentia, potentiam suam exerit; sed præcise ea tantum pars, quæ Terreno Corpori magnitudine adæquatur. Cùmque etiam Corpora in compositione discrepent, & alia sint aliis *solidiora*, hoc est, plus Materiæ sibi propriæ habeant, subtiliores etiam habent Meatus qui non nisi tenuissimæ Primi Elementi Materiæ, & paucis Secundi globulis sunt pervii. Talia sunt *Chalybs, Argentum vivum, aurum*. Alia sunt rariora, seu minùs solida, ut *ligna* & similia, quæ cùm magis patentes habeant poros, plus Cœlestis Materiæ in se continent, ac proinde globulorum Cœlestium Motui faciliùs obsequuntur.

Nunc ad propositum; si quod in *plumbeo* & *ligneo* Corpore, materiæ Cœlestis est, substrahatur, dematùrque id quod materiæ terrestribus Globulis Cœlestibus admixtum est; illud, quod Materiæ Cœlestis unicuique Corpori subordinatæ superest, inque illud vim suam exerit; agit in id, quod Materiæ Terrenæ reliquum manet. Nam *plumbeo* Corpori, utpote solidiori, & ad resistendum potentiori, major Cœlestis Materiæ vis, ad illud deprimendum adhibetur; minor verò ad rarius & minus solidum deprimendum: ac proinde æquali velocitate descendunt, & ad terram unà pervenient. Nam ut motus æqualitas habeatur, hoc duntaxat requiritur, ut Materiæ Cœlestis vis, Terrestris Materiæ proportionetur; quæ ubi major est, major quoque activitas ad illam resistantiam superandam requiritur; & ubi minor, minori quoque Cœlestis Materiæ potentia opus est, quæ Corpus deorsum detrudat.

II.

Cur non nisi corpus
Aqua gravius
Aque immergitur.

Hinc si Corpus, quod *Aqua* gravitatem superat, ipsi Aquæ imponatur, illico ejus fundum petit. Si verò levius sit, pro vario suæ levitatis gradu, aut Aquæ, parte sui duntaxat aliqua immergitur, altera *emersa*: Aut penitus liquori innatat. Sic *vas terrenum*, Aere oppletum, Aquæ innatat: quia cum pari Aquæ mole comparatum, ipsa levius est. Idem verò Vas Aqua repletum, in imum Aquæ dimittitur, quia cum æquali
Aquæ

Aquæ portione comparatum, ipsa gravius est. Hinc fit, ut *Cyathus* labro in Aquam obverso, non in Aquæ fundum ruat: quia Aer intra ejus latera inclusus, cum illo, pro uno Corpore existimatur, quod quum Aquâ levius sit, necessum est, ut Aquæ innatet, & non nisi hausta Aqua demergatur.

Huic experimento adversari videtur, quod in granis Auri vel *Argenti* deprehenditur, quæ cum pari fortis aut regalis Aquæ quantitate ponderosiora sint, in ea nihilominus sustententur. Sed id salinis Corpusculis tribuendum est, quæ per Aquam diffunduntur & quodam vinculo sese ab imo usque ad summum fulciunt, & ita sua cohæsione Metallî granula sustentant. Id ita esse ex eo deprehenditur, quod ubi præinfusus aliquot olei tartarei guttis, Aqua communis infunditur, illico *Argenti* aut Auri granula imum petunt & ad fundum delabuntur, quasi Aquæ ingressu, illorum solutio solveretur.

Lapis, sive *pila*, ex summo *Navis* procedentis malo decidens, vel ab *Equitante* in altum projecta, ac deinde delapsa, ad pedem Mali, vel in *Equitantis* manum cadit.

Ratio est, quod *pila* in descensu suo, aut ascensu, non lineam rectam describit, sed obliquam. Nam etsi iis, qui in navi sunt, recta perpendiculariisque appareat, id est, secundum longitudinem directâ, est tamen revera curva, aut parabolica. Quod quis faciliè experietur, si curru vectus, manum extra currum protendat; & Auriga equos instigare jussu, lapidem directè sursum projiciat, is in ejus manum recidet: Si vero currum illico subsistere jusserit, lapidem videbit, non sursum directè tendere, neque ad perpendicularum recidere, sed oblique, & quasi arcum, seu lineam curvam describere, cujus unum extremum, sit ea parte, quâ lapidem projiciet, alterum, quâ illum recipiet. Ratio autem cur lapis, ipsi directè sursum tendere videatur, & secundum idem perpendicularum imminens, est quia, quantum ille antrorsum procedit, iter deflexum peragens, tantundem illo antrorsum promoveatur. Causa verò, cur lapis motus, à rectitudine deviet, & curvam sequatur lineam, est ejus compositio, quatenus ex duplici vi motrice originem habet, brachii scilicet sursum, illi propria, & ipsius curru, seu terre, ipsi brachio secundum Horizontem impressa.

Corpora alterius figuræ, quàm sphericæ, inæquali motu, deorsum feruntur: ut de Cubicis, & Angularibus patet: quæ licet ex

III.

Pila è summitate mali delapsa in navem etiam progredi-ente ad pedem mali cadit.

IV.

Corpora cubica inæqualiter ad ex

Terram descen-
dunt.

ex eadem Materia componantur, & magnitudine etiam consentiant, nihilominus quoad Motum differunt, & inæqualiter Terram petunt.

Ea Motus diversitas, ex illorum *figura* pendet; quæ licet causa dici nequeat, quare deorsum deprimantur, ad eorum tamen Motus varietatem multum confert. Quæ enim *Aspera* sunt, tardius per *Aquam*, vel *Aerem* dilabuntur, & quo latior est eorum superficies, Corpori, per quod trajiciuntur, obstinatiùs resistunt; quoniam illud inconstanter dividunt, & secundùm planas superficies, quas obijciunt, in latera inclinant. Sic *Aqua* & *Glacies*, in sublimi suspenduntur; & *Nivis flocci* majores frigore constricti, lentius quàm *Aqua gutta* decidunt. Nec alia assignanda est Causa, cur *Aves*, alis expansis, se in medio Aere librent, quàm quòd Aer, planæ extensioni magis obluetetur, atque ejus descensum impediat.

V.

Cui demersi
Homines post
aliquod Tempus
emergunt.

Demersorum Corpora, post aliquod Temporis spatium, emergunt, & Aquis, sub quibus diu latuerant, innatant.

Id passim effuso *felli* tribuitur, quod Nonnulli putant, Corpus grave efficere, illudque in fluviorum fundo morari. Sed id *Anicularum* commentum esse arbitror, aut ab iis confictum, qui phænomeni alicujus rationem reddidisse autumant, si aliquid obtrudant, quod cæteris insolitum apparet. Emergere igitur *submersos* existimo, quòd Aqua in eorum Corpora introducta, laxiores Poros ingrediatur, & membranas extendat; quarum expansione, multæ quoque aliæ Cavitates laxantur, quæ *hausto Aere*, ad majus spatium porriguntur: quippe hujusmodi *membrana*, ob partium suarum nexum, Aquam respuunt, & solo Aere repleti queunt. Unde Corpora extensione majori comparata, & solito leviora effecta, sursum propelluntur, & Aquis supernatant.

VI.

Ex iis qui sub-
mersi sunt, vi-
rorum corpora
supina, mulie-
rum autem
prona natant.

Sic ratio videtur manifesta, cur submersa *mulierum* corpora, vultu in fundum inclinato fluitent, *virorum* autem supina, atque erecta in Cœlum facie. Quia cùm mulier ventricosa sit, ut loquitur *Lemnius*, uteroque protenso, ac conceptacula laxiora habeat, alvum nimirum, intestina, meatus urinarios, ubera fungosa ac prætumida, quæ quoniam humore ubertim implentur, ventrem pondere gravari necessum est, atque Aquarum distentione deorsum ferri. Id in *Ovo* animadvertere licet, quod falsugini injectum, fluitat quidem, sed pars, cui pondus inest, premitur,

premitur, ac subsidit: pars Aere oppleta, illa scilicet, quæ rupto putamine, lacunam exhibet, ubi per vetusta sunt, ac subolida, eminet, sursumque nititur. Viri autem angusta habent ilia, adstrictos ductus urinarios, aqualiculum minus protensum, scapulas amplas, pulmonem fistulosum ac prælargum; Quæ omnia efficiunt, ut eorum cadavera supina sint, & in dorsum innatent.

Hinc Homines, si inter natandum, submerisionis periculum immineat, *thorace*, quantum fieri potest, inflato, spirituque cohibito, juvamen capiunt. Hinc *pisces*, quò levius per undas ferantur, vesicas in abdomine inflatas gestant. Pari ratione *Apes*, quò minus graventur, & Aeri nudo commodius innatent, Corporis truncum Aere impletum habent.

VII.

Qui Homines & pisces submerisione se tuentur.

Experiuntur Figuli *Lateres* post coctionem, è fornace e-

VIII.

Lateres cocti sunt crudis graviore.

ductos, ponderosiores evadere, ac fieri seipsis crudis graviore. Oritur nova hæc gravitas, ex eo quod crudorum *Laterum* meatus, qui eorum partibus interjacent, coctorum meatibus alii angustiores sint, alii magis pateant, & laxiores quidem Aere duntaxat referti sint, postquam fuerint exsiccati. Quo fit, ut eo tempore sint levissimi: *Angustiores* autem, non nisi subtili materia occupentur. Ubi verò cocti fuerint, quam plurimas Cavitates habent, ejus omnino magnitudinis, quæ apta sit particulis Aquæ recipiendis, quæ in illos influunt, ubi refrigerandi, Aeri exponuntur. Quippe magna semper hujusmodi particularum vis in Aere reperitur, quem non nisi ægrè deferunt, & quæ in laterum poros se intrudendo, eorum gravitatem augent. Cujus rei Argumentum est, quod si idem *later* fervidus, statim ut è fornace extractus est, ponderetur, levior deprehendetur, quam postquam Aeri, aliquo tempore fuerit expositus: Et si postmodum in aqua elixetur, ponderosior adhuc evadet, eo quòd Aquæ partes, quæ ejus meatus subierint, egredi amplius non valeant.

Si *virgula* liquori, exempli causa, *Aquæ*, in situ verticali immergatur, eo impetu majori extruditur, quo altior liquor fuerit.

IX.

Virgula impacta in aquam, eo vehementius ascendit, quo altior aqua fuerit.

Hujus phænomeni evidens causa, ex ipsa *gravitatis* ratione petenda est: quia quum virgula non sursum feratur, nisi in quantum ab Aqua impellitur, necessum est, ut quo major est extrudentis Corporis Vis, majori cum impetu emittatur.

I

Verum

Verum vis illa, augmentum accipit, quo majus est expellentis Aquæ pondus, cujus scilicet nisu, virgulam expellit; Ac proinde quo altior Aqua fuerit, impetu majori, Virgula foras expellitur, & citius ascendit.

X.

Corpora per impares numeros descendunt.

Motus gravium secundum numerorum *Arithmetico* ordinem intenditur, sive per numeros impares acceleratur: Aded ut, si *Lapis*, exempli causa, in primo temporis scrupulo, per unam ulnam decadat, in secundo, per tres descendet, per quinque in tertio, per septem in quarto, & sic consequenter secundum succedentes impares numeros.

Hujus *phenomeni* ratio esse videtur, quod Corpus grave, primo temporis scrupulo, sensim, unum celeritatis gradum comparavit. Quippe si à principio, hanc velocitatem obtinuisset, duplo quidem celerius descendisset, & ejus, quod peragravit spatii, exempli causa, *exapedæ*, aut, si mavis, sex pedum, *duplum* confecisset. Itaque sub secundi temporis initium, gradum celeritatis jam acquisitum habet, & integrum; quo quidem duplum intervallum conficit, ejus quod primo scrupulo peragratum fuit: Cæterum *gravitate* sua paulatim vim nanciscitur, quo spatium ei æquale dimetitur, quod primo temporis momento peractum est. Quare utroque jam impetu simul agitatum, *triplum* spatium seu sex *exapedas* occupabit. Tertio subinde temporis momento, duos jam habet Celeritatis gradus, & integros, quibus *quadruplum* primi intervalli, seu *exapedæ* metitur. Interea per ingenitam gravitatem, qua continuo premitur, sensim gradum alium acquirit, quo alterius *exapedæ* spatium pari modo peragrat. Tribus igitur celeritatis gradibus instructum, quorum duo sunt *integri*, alius sensim comparatur qui quintuplum intervallum, quod à principio pervasit, penitus transgreditur, & sic in posterum per impares numeros processus sit: quod comparati impetus & vigorem suum semper servant, & insita gravitas eadem permaneat. Hinc ea *Vis*, seu impetus, paulatim increfcit: si à principio eam vim nactus esset, quam sub finem obtinuit, duplum intervallum, quod pervasit, omnino confecisset. Celeritatis enim gradus, qui sensim augentur, singuli unam *exapedam* conficiunt: Impetu pleni & jam comparati, eo tempore duplum intervallum percurrunt. Dum interea innata gravitas vim suam exerceat, nec otiosa manet, inò paulatim suam etiam pervadit.

pervadit exapedam, quæ cum aliis duabus, quas plenus unus & integer celeritatis gradus, secundo temporis scrupulo conficit triplum ejus intervalli, quod primo tempore acquisitum fuerat, suppeditat, & sic deinceps secundum succedentes impares numeros motus intenditur.

Tempora 1. 2. 3. 4. 5. 6. 7. 8.

Intervalla 1. 3. 5. 7. 9. 11. 13. 15.

Apud omnes receptum est, Animalium Corpora post mortem, Vivis esse graviora.

XI.

An Corpora mortua vivis sint graviora.

Hujus mutationis ratio passim in *spirituum* tam Vitalium, quam Animalium carentiam refunditur, qui cum non agiles modo, sed & leves esse supponantur, eorum gravitatem minuire videntur. Cumque Flamma inter Corpora interiora, pro levissimo habeatur, mirum videri non debet, si hoc phenomenon à nonnullis Flammæ levitati adscribatur, quæ per totum *Animalis* Corpus diffusa, illudque vivificans, Vitalis nomen merita est. Verùm etsi hæc ratio verisimilis esse videatur, author tamen sum, ut rei exploratæ prius, quam huic ratiocinio assentiatur. Quippe clarissimus D. Boyle, hujus rei periculum factururus, *muræ* trium drachmarum cum dimidia, in exquisita libra imposuit, simul cum funiculo circa ejus colulum alligato, quo immediatè post strangulatus est, & peremptus. Mus idem lanci denuò impositus, quamquam nihil ex eo decidisse observatum sit, inventus est prioris gravitatis $\frac{7}{8}$ unius grani amisisse. Idem vir nobilissimus in *catello* 10 vel 11 unciarum expertus est, qui in una bilancis lance, eodem modo strangulatus, inventus est post mortem non gravior, sed quatuor grani levior. Quæ experimenta iis omnino adversantur, qui receptæ Traditioni assentiunt, *Mortua Corpora Vivis præponderare*, & novam gravitatem, spirituum extinctione acquirere.

Sagitta vi sursum emissâ, pari celeritate, è puncto elevationis descendit, ac ad illud ab emittentis manu perrexerat, quamvis sit inæqualis.

XII.

Sagitta pari celeritate ascendit & descendit.

Ratio est, quod *Sagitta* in ascensus initio, majori cum celeritate ferantur, quam in fine descensus. E contra verò, tardius in fine ascensus, quam initio descensus; ac proinde necessum est, ut earum descensus æque citus sit, atque ascensus.

XIII.
Cubi diverse
materiei, sibi ip-
sis impositi
æqualiter des-
cendunt.

Cubus *ligneus*, & cubus *plumbeus*, separatim inæqualiter deorsum feruntur, si verò *ligneus* *plumbeo* imponatur, demittaturque, ut *plumbeus* rectà deorsum tendat, pari velocitate descendit.

Ratio cur Cubus *ligneus*, & *plumbeus* inæqualiter seorsim descendant, in promptu est, cò quòd ultra vini *Materiæ* subtilis impellentis, vis major Cubo *plumbeo* inest ad resistendum Aeri, quam *lignea*. Nam si Cubus *plumbeus* *sedecim* sit librarum, *ligneus* verò *unius* libræ, medii resistentia ut *duo*; Cum uterque Cubus ejusdem esse magnitudinis supponatur, proportio virtutis *plumbei* ad resistentiam medii se habet ut 16. ad 2. *lignei* vero ut 1. ad 2. Ac proinde necessum est, ut Cubus *plumbeus* celerius cadat. Ubi verò Cubus *ligneus* *plumbeo* fuerit impositus, adcò ut nihil Aeris interceptum sit, debet utriusque *gravitatio* reddi æqualis, cum resistentia communis sit, & utriusque simul medium cedat.

XIV.
Cur Aqua per
foramen navis
sursum ascendit.

Aqua ad modum Corporum levium, per fundum navis perforatum, sursum erumpit.

Quia cum *Aqua* gravis sit, corpusque cui incumbit, præmat, fieri non potest, ut *Aqua*, *Navis* fundum circumfluente, ab aqua superiore non extudatur. Aquæ enim partes, quæ navis lateribus adhaerent, gravitant, eamque, quæ interior est, premunt, efficiuntque, ut foramen penetret, sursumque evehatur. Unde si Tubus foramini navis adhibeatur, haud dubium est, quin fons arte factus haberi possit.

XV.
Unde oriatur
diversa Corporum
gravitas.

Corpora gravitate distinguuntur, ut *Argentum Vivum*, multo ipsa *Aqua* ponderosius est; & nulla sunt Metalla, quæ se non gravitate excedant. Hinc *Aurum*, si *Cassendo* fidem habeamus, decuplo gravius est *Terra*; *Plumbum* septuplo, *Argentum* magis quàm quintuplo, *Stannum* quadruplo, *Magnes triplo*, *Cos* penè duplo, &c.

Varia hæc gravitas, à cujusque Corporis fabrica oritur, non extrema duntaxat, & quæ Oculis objicitur; sed & ab intima illa, quam Animo concipimus, in quolibet Corpore inesse. Dubitari enim non potest, quin Corporum omnium particulis, plurimi Meatus intercipientur, quos *Materia* Subtilissima pervadit, ex quorum multitudine, aut paucitate, Corporum diversitas inducitur. Unde *Argentum vivum*, *Aqua* ponderosius esse intelligitur, si concipiantur pauciores ejusmodi Meatus ipsi

ipsi inesse. Nam licet imaginemur *Aquam*, & *Argentum vivum*, partibus ejusdem magnitudinis constare, earumque Motus esse similes, Earum tamen diversitas clarè apparebit, si quælibet *Aqua* pars supponatur esse funiculi adinstar molliis & laxi. *Vivi Argenti* autem partes, cum pauciores rimas & poros habeant, esse aliorum funiculorum adinstar, sed multò duriorum & constrictiorum. Idem de iis Metallis censendum est, quæ Terram aliquoties gravitate superant: Cum tota eorum differentia, à multitudine aut paucitate Pororum pendeat, qui Materiam Subtilem excipiunt, & ejus Motibus variè se dilatant, aut constringunt.

Plumbum tardius in *Aqua*, quàm in *Aere* descendit: & pars lignea, quæ multum ferentem gravat, in *Aquæ* superficie subsistit, & vix ullius esse ponderis videtur.

In Corpore, duplex intelligi potest Pondus: unum *Absolutum*, quod semper indivisum manet, & nulli mutationi est obnoxium; Quippe ab ipso Corpore indiscretum est, & non nisi majus reddi potest, quum ei partes adjunguntur, & intimiori nexu, inter se coherent. Sic *Aurum*, *Plumbum* pondere excedit, quia ejus partes arctius constringuntur, & Poros angustiores habet. Alterum pondus, *Relativum* nominari potest, quod secundum diversam materiei positionem variatur; & hoc pacto *Plumbum* in *Aqua*, minus grave dicitur, quàm in *Aere*: quoniam *Aqua* ei fortius resistit, & de ejus pondere plurimum detrahit. Sic *lignum Aquæ* innatat, & non nisi Corruptum demergitur, quia *Aqua* ligno gravior est, & illud sursum propellit.

Sic observatum est, quod Adolescens, mediocriter pinguis, qui centum & triginta libris gravis erat, in *Aqua* autem non nisi octo unciiis gravitabat.

Gravia Corpora in descensu, non uno tenore feruntur, sed motum accelerant: ut in *saxis*, & *lapidibus* experiri licet, qui majorem ictum insilunt, quo ex majori altitudine delabuntur. Id quoque *Funependula* testantur, quæ tantundem spatii ascendendo, remeuntur, quantum in descensu conficiunt; qui recursus, sicut & *lapidum* gravior percussio, non nisi ex celeriori motu provenire possunt.

Ratio est, quod quando Corpus descendere incipit, non nisi parum movetur: quoniam Materia Subtilis, quæ locum ejus occupat,

XVI.

Plumbum videtur gravius dum per unum Corpus transit, quàm per aliud.

XVII.

Gravia descendendo motum accelerant.

XIX.

Gravia descendendo motum accelerant.

XVIII.

Gravia descendendo motum accelerant.

occupat, quæque sola in ipsum agit, non ea celeritate propellere potest, quæ à Centro recedere conatur: Ubi vero, Corpus semel concussum est, & descendere incipit, *Subtilis Aether*, qui sub Corpore est, & qui magno molimine, superiora occupare contendit, illud deorsum continuè depellit, & novos celeritatis gradus, prioribus adjungit.

Sic dum per *tubum* oblongum, ferreos globulos flatu emitimus, spiritus è pectore expulsi, obvium globulum sic repetitis ictibus percutit, ut impetus novi accessu augeatur, nec illicò evanescit, qui primò impressus est, sed ex aliis atque aliis, qui succedunt, *vehementior* evadit.

Vel aliter dici potest, quòd *Gravium* motus ex eo acceleratur, quòd Corpora decidentia, vim novam acquirant: quia licet primo Momento, tardè incedant, secundo tamen velocius progredi debent, quoniam priorem Motum retinent, & præterea augmentum accipiunt, à Subtilissimæ Materiæ Actione.

XVIII.

Fit acceleratio
motus per acquisitionem novi
gradus.

Non tamen fingendum est, gravium Motum, debere perpetuò augeri, & omnes limites transcendere; sed certos habent definitos Terminos: *Aer* enim Corporum motibus oblectatur, eorumque Vires retundit. Hinc *globulus ferreus*, si eminè è Bombarda explodatur, minorem stragem edit, infirmiusque objecta ferit, quam si cominè emittatur, & nullum medium, ejus transcursum impediat: Hinc etiam videre licet in pneumatica D. Boyle machina, gravia Corpora, omni Aere extracto, magno impetu in initio ruere, & omnem *gravitatis* suæ vim exercere. Quemadmodum *projecta*, in ipso sui motus principio, omnem celeritatem, quam admiscere, exerunt.

XIX.

Cur stula non
in Aqua ponderet.

Situla Aquæ plena, in puteo aut stagno Gravitatem suam amittit; quum levissimo impetu de loco deturbari possit, & non deorsum sursumque duntaxat traduci, sed & ad latera simili facilitate transferri.

Hujus rei Causa est, quòd Aquæ partes, dum intra se miscentur, & mutuo contactu adhærent, nullam pressionem, in se exercent; quia cum omnes eadem soliditate polleant, & unæ aliis densiores non sint, æquali Vi, à Cœlesti Materia, Centrum versùs deprimuntur; & ita *Situla*, ob æqualem earum pressionem, levissimo accedente impetu, de uno loco in alium transfertur. Pari ratione, Homo sub Aquis *demersus*, nullam gravitatem experitur, quoniam Aquæ, quæ ipsi incumbunt, minùs à
Globulis

Globulis Cœlestibus, qui eas intercurrunt, premuntur, quàm *Homo* ipse, qui solidius est Corpus, ac proinde minùs Materiæ Subtili pervium.

Hinc oritur, quod *Urinatores*, non nisi ponderis appensiope, ad maris fundum tendere queant, eo quod *Aqua* eos circumambiente, æqualiter premantur, & tam ab inferiori, quàm superiori sustineantur.

ARTICULUS QUINTUS.

De Sapore.

Dura Corpora, cujusmodi sunt *lapis, ferrum, Calx cornu cervini* &c. Insipida sunt, nec Linguam ullo modo afficiunt.

I.
*Lapis, ferrum
& alia dura
Corpora insipi-
da sunt.*

Quoniam durorum Corporum particulae, ab invicem disjungi nequeunt, & simul cum saliva in ore misceri. Nam cum Corpora ita obfirmata sunt, ut liquefcere non possint, & illa Corpuscula suppeditare, quæ Humoris opera, in Linguam deriventur, hand mirum est, si insipida sunt. Nam licet *Saccharum*, dulci sapore, dum resolvitur, Gustus Organum afficiat; ubi verò, completa infusione, in frusta compactiora reductum est, nullo sapore illud perfundit; quoniam tunc subigi non potest, & eo modo dilui, qui ad Affectionem imprimendam requiritur. Ob eandem causam, *Pilularum* Sapor, dum integræ deglutiuntur, vix percipitur, quia non satis in transitu morantur, ut partes earum exteriores liquari, & solvi possint.

Sic *Tirebinthina* cocta, & in pulverem comminuta, insipida existimatur, quodd viscus per gustus sensorium diffundi nequeat, nec saliva dilui, cum tamen liquida amaritudinem præ se ferat.

Corpora pene omnia, Sapore distinguuntur, ut *Mel* dulce est, *Absinthium* amarum &c.

II.
*Cur Corpora
sapore distin-
guantur.*

Generalis omnium Saporum causa, *Sali* potissimum attribuenda est; cum constet corpora omnia, Sale detracto, insipida esse; cumque Sal multiplex sit, varièque in *mistis* temperetur, contingere.

contingere potest, ut alio modo in *Melle* temperetur, quam in *Absinthio*. Cum autem variari commixtio non valeat, quin organum diversimodè afficiatur, & mira sit *Salium* varietas, fieri nequit, ut Saporum diversitas non oriatur.

III.

*Dulcia saturi-
tatem citius
quam Acria
creant.*

Dulces Cibi citius saturitatem ingerunt, quam *Acris*: lacticia, saccharata, *Butyrum*, *Mel*, &c. citius appetentiæ satisfaciunt, quam *Acetosa*, *Alliata*, &c.

Quidam id fieri existimant, quod *Acria* non nisi exiguum alimenti suppeditent, multum verò excrementi. Sed parvi hæc ratio videtur esse momenti, quia non statim post cibum sumptum, Digestio sequitur; nec ita citò concoctio celebratur, ut inde Saturitas proveniat. Temporis enim intervallum requiritur, ut hæ Corporis functiones peragi queant. Citius igitur *Dulcia* appetitum explent, quam *Acria*, quia *Acria* ventriculorum sua acrimonia vellicando, ultra sollicitant, appetentiamque conciliant: *Dulcia* verò, quum corpusculis *levibus* consent, leniterque ventriculum afficiant, non illum ultra vellicant, aut intra ejus fibras subeunt.

IV.

*Ignis Saporem
acutiores in
Carne producit.*

Ignis acutiorem Carni Saporem conciliat: Experimur enim, quod *Caro* ad Ignem tosta, acrius linguam quam antea feriat, Saporemque gratiorem nanciscatur.

Quia evidens est secundum *Chymicos*, nullum esse cibum, qui non aliquid *Salis* contineat, æquali propemodum mensura, per eorum massam diffusum. Unde fit, dum *Caro* Ignis calore agitur, aliqua *Salis* portio, versus ejus superficiem fertur, & instar partium liquidarum exhalat, fumumque, quem è cibis assis crumpere videmus, componit. Verum cum inspidæ duntaxat particule attollantur, valeantque sursum petere, vix *salina* ad duos tresve digitos assurgunt, quin sua gravitate ad descensum adigantur, compellanturque in Carnis superficiem descendere, ex quo *acer* ille sapor oritur, quem in assis carni-bus experimur.

V.

*Acerba stuporem
dentibus pari-
unt.*

Quæ gustu acerba sunt, stuporem quandam dentibus adferunt: ut *Pyrum* maturescens, *Portivum*, *Vinum* immitte, vulgo *Vin vert*; *Succus* uvæ acerbæ, vulgo *Verjus*, & similia.

Id oritur quod adstringentia quædam Corpuscula, *gingivas* obsideant, easque occupent, quæ Dentibus compressa, plus æquo ab iis corpusculis stringuntur, stuporeque afficiuntur. Huic stupori levando, mollior *panis* portio passim adhiberi solet; quia cum

cum panis spongiosæ sit substantiæ, facile filamina ipsi impli-
cantur, ac eorum vis retunditur.

Corpora amara, cujusmodi sunt *cortex Aurangii, Theriaca*, &
plura alia purgantia medicamenta calefaciunt; Acida verò
qualia sunt succus *Aurangii*, succus Uvæ acerbæ, refrigerant.

VI.
Cur Acerba ca-
lesciunt, refri-
gerant autem
Acida.

Quoniam *Amar*a subtilibus, rotundis, & obtusis partibus con-
stant, quarum agitatione calor excitatur, & conservatur. E
diverso cum *Acidorum* Corporum particulæ longæ sint, & Aquæ
indolis participes, motum ignearum partium inhihent potius,
quàm promovent; quo fit ut pro Corporibus frigidis passim
habeantur.

Fructus *Immaturi*, & ad quorum temperaturam, Temporis
intervallum requiritur, primo gustatu peracerbi sunt, & Lin-
guam asperant, deinde Maturati, dulcescunt, & gratum Sapo-
rem ingerunt.

VII.
Cur Uvæ &
fructus immat-
uri, acerbis
sunt.

Quoniam Fructus, duris primùm, & oblongis partibus constant,
quæ Linguae fibrillas scissim movent, & eas contrahunt. Deinde
Igni, aut *Solis Calore*, maturitatem assequuntur, dum ejus vir-
tute, Succus ille crudior, qui acorem generat, in Aerem exha-
latur, & successivis diebus attenuatur. Quis enim in fructi-
bus, dum maturescunt, continuam resolutionem, ac partium di-
visionem non deprehendit? quo fit, ut Duritiem suam deponant,
& coctione perfecta, molliores efficiantur.

Lingua, quæ *exsucca* est, & nimia ariditate constringitur,
ægrè solidi esculenti Saporem sentit: neque si ultra modum
humida est, & liquore aliquo nimium perfundatur.

VIII.
Sicca Lingua
aut nimium
humida, nihil
sapit.

Causa in promptu est, quòd Sapor, non in *Humido* duntaxat,
aut *Sicco* situs est, sed in utriusque mixtione. Unde mirum
non est, quòd Lingua nimium sicca, esculentum solidum haud
percipiat, quoniam illud, Humido deficiente, subigi nequit,
quod ad Gustum efficiendum requiritur. *Lingua* enim, cum
spongiosa sit, humore indiget, tanquam Saporis vehiculo. In
arida enim Lingua, fibræ plus æquo contrahuntur, & inhabiles
redduntur, illam Affectionem recipiendi, quam Sapor im-
primit. Ratio autem, cur è diverso, *lingua* nimio *Humore* tur-
gens, Saporem non admittat, est quòd Lingua, quæ rara &
mollis est, spongiæque naturam æmulatur, Meatus suos habeat
Humore refertos, in quo superveniens Humor devehitur, & à
quo impeditur, ne ad intimos Linguae recessus perveniat.

IX.

Quare Sapores,
melius tempore
matutino di-
stinguuntur.

Sapores Tempore *matutino*, exactius discernuntur, præsertim, si nihil in os primo ingestum est, quod Linguam labefactet.

Quia, eo tempore Lingua, veluti tabula rasa est, quæ nondum alios imbut Sapores. Oportet enim recipiens, à recepti indole liberum esse, & ab ejus Qualitatibus esse denudatum. Quod non in *Gustum* modò, sed & in *Auditu*, *Olfactu*, cæterisque aliis Sensibus observatur: Noctu enim Auditus acutior est, & cæci fidelius relata mente retinent.

X.

Ætæro laboran-
tes, nullum Sa-
porem rectè
percipiunt.

Qui ictero laborant, vitiatos omnes Cibus esse credunt, & quod dulce est, amarum esse opinantur.

Id ipsis contingit, ob flavam bilem, quæ Linguae salivam inficit; Quia cum illa ex acribus Particulis componatur, salivam ita corrumpit, ut quicunque ingeruntor Cibi, ingratus Sapor, qui ab inæqualibus illis Corpusculis oritur, alium depravet, & totam suam amaritudinem, aliis esculentis affricat: perinde, ac si nonnihil *fuliginis* aut *fellis*, *Pani*, aut *Carni* admisceatur. Tantæ autem depravationis Causa est, quod Humor crudus, qui per Venas & Arterias vagatur, ad Linguam, ob ejus carnem spongiosam, se recipiat, & ejus cavitates occupando, quicquid Saporis supervenit, vitiat & corrumpit. Hinc Medici, Linguam sibi ostendi deprecant, quia cum illud membrum, pro sua magnitudine, multum Sanguinis contineat, plurimum quoque sacci morbifici admittit, qui Colore vim ejus prodit, & Corporis infirmitatem revelat.

XI.

Unde oritur
Omphacii
acerbitas.

Si ex immitibus Uvis Succus exprimatur, is *Omphacium* tantum conficiet, quod quodam acore, Linguam vellicat. Si verò ex maturis uvis exprimitur, *mustum dulce* habetur, quod Linguam lenit, eamque grato acumine penetrat.

Omphacii acerbitas, ex asperitate, inæqualitateque partium, quæ succum componunt, provenit; quia cum ille, qui ex immitibus uvis exprimitur, nondum sit probè decoctus, quandam cruditatem retinet, quam longis & inflexilibus particulis ferunt acceptam.

Hinc *Omphacium* ex malo sylvestri confectum, maximè oculorum infirmitati auxiliatur, cujus particulae, veluti tot tenuissimi *fabuli* granula, Oculorum sordes abstergendo, pristinam videndi facultatem restitunt. Pari modo de certis quibusdam *Fontium* Aquis philosophandum est, quæ sua acrimonia, non
oculos

oculos modò, sed & vitra Optica mundant, obstaculaque amovent, quo luminis radii liberiùs transfundantur.

Multum verò dulce est, quoniam à Calore sufficienter decoctum est, & omnes ejus partes æquantur & lævigantur. Non obest, quòd adhuc turbidum sit, & Luminis actionem non recipiat; Id enim *heterogenea* ejus partes impediunt, quæ nondum secretæ sunt: quæ ubi cum sæce in fundum descenderint, vel sursum, purgatione sublata fuerint, Vinum limpidum evadit, & Luminis globulos admittit.

Fructus ferè omnes, Sapore distinguuntur, adèd ut nonnulli *Acerbum*, *Austerum* alii, alteri *Acidum*, & omnes *dulcem*, cum maturuerint, *Saporem* referant.

Ea Saporum differentia, ex diverso corpusculorum plexu, diversaque Plantarum organizatione oritur. Non enim omnes eadem textura, eademque partium dispositione constant. Hinc insitæ *Abores*, Fructus delicatiores ferunt, quia in gemino fibrarum plexu, Succus Alimentarius meliùs percolatur, & magis irregulares meatus pertransit. *Austerus* igitur Sapor, in Fructibus percipitur, dum illorum partes, nondum probè subactæ sunt, & percolatæ. Alii fructus *Acrem* linguæ Saporem imprimunt, quoniam partes habent oblongas, rigidas, & maximè subtiles: quo fit, ut Linguam pungant, ac partiantur, & cum aliquo Caloris sensu dilatent. Maturati fructus, ut dictum est, *dulcescunt*, quia Succus Plantæ poros permeat; & accuratè percolatus, Solisque Calore agitatus, omnem cruditatem exuit. Unde hujusmodi Fructus, Linguam placidè liniunt, & quodam levore internas ejus partes subeunt.

Cibus, non eundem omnibus Saporem profert, & non raro contingit, ut qui uni gratus est, alteri displiceat.

Id ex diversa Organi dispositione provenit. Si enim alicui rigidiores, & minùs dociles insint *fibra*, minùs Saporem percipiet: quoniam vi majori opus est, ut illæ fricentur, & affectionem recipiant. Si verò delicatioribus fibris gaudeat, vehementiùs Saporem percipiet; quoniam illæ faciliè pulsari se patiuntur, & levi affricu vellicari. Aliquid simile in Agrestium *manibus*, experimur, quæ callo obducto, tribulos & spinas citra ullum doloris Sensum tractant, cum teneræ Puellæ manus, vix illa attingere, sine molestia possit.

Unde oritur, quod in eodem homine non raro contingit, ut

XII.
Unde mustum
dulce est.

XIII.
Sapor in fructibus varius est.

XIV.
Unde provenit, quod idem cibus non legibus omnibus gratus est.

XV.
Ut res eadem diversi Saporis

esse percipi-
atur.

III.

gustus organo, vel per ætatem, vel morbum immutato, res varii Saporis esse existimantur, eo quod textura *organis* immutata, Corporum particulæ non ei amplius conveniunt, & quandam stragem in eo procreant. *Ibi enim ut loquitur Lucretius,*

*Fit, prius ad sensum ut quæ Corpora conveniebant,
Nunc non conveniant, & cætera sint magis apta,
Quæ penetrata queunt sensum progignere acerbum.*

Id in *puellis*, & *prægnantibus*, primis præsertim mensibus contingit, ut iis cibis maximè delectentur, quos aliàs rejicerent, & aversarentur.

XVI.

Sapor non est
in rebus, quæ
sapidæ appel-
lantur.

Ex quibus contra Aristoteles clare evincitur, Saporem non rebus inesse, sed *ex rebus*. Sapor enim non nisi in ore reperitur, qui varius est, pro organi varietate, & diverso Linguae atque palati statu. Aliàs quidni idem omnes saperent, parquæ fieret omni organo impressio? Non nisi in *rebus* igitur, quas sapidas passim appellamus, Sapor esse dicitur, ob corpusculorum configurationem & contexturam, quæ eadem manentia, in diversis organis, diversum Saporem procreare possunt.

ARTICULUS SEXTUS.

De Odore.

Animalia odo-
re explorant
quid illis con-
veniens est, aut
noxium.

Tanta est inter Saporem, ac Odorem affinitas, ut iisdem ferme modis generentur, & organa stimulent. Animalia enim *Olfaetu* cibos venantur, & quos ipsis gratos Natura reddit, quasi Odoratu cognoscunt. Hinc Feles ad *Calamentham* feruntur, *Fœniculus* Serpentes allicit, *Ocimus* Scorpionem delectat, mustela *Rutam* expiscatur, &c. E contra quicquid eis adversatur, ejusdem organi ope, fugiunt, & non nisi vi ad illud trahuntur. Ut Serpentes *galbani* odor offendit, Scorpiones *Aconitum* horrent, inimicum Muscis est *Sulphur*, *Ocimus* Capris noxam adfert, *Origanum* formicæ aversantur.

Hujus *Sympathia*, *Antipathia*ve Causa, in *Olfaetus* organum refunditur; quod Odorum diversitatem recipit, prout ejus fibræ.

fibræ afficiuntur. Si enim Halitus, qui ex re odorifera manat, delicatus est, & leni affricu Narium nervos præterlabatur, *gratum* Odorem excitabit, & quadam suavitate organum afficiet: si verò Nervi, qui Naribus inferuntur, acrius pulsentur, & complexu asperiori stringantur, *ingratus* odor sentitur. Quippe aliud non est Odor in Corporibus odoriferis, quàm tenues & Insensibiles eorum Partes, quæ à se invicem secretæ, in Aere volantes, & intra Narium cavitates, ope Aeris inspirati receptæ, motum in Nervorum extremitatibus excitant. Motuum igitur diversitas, diversos Odorum Sensus efficit, & prout Organi fibræ lenius, aut acrius feruntur, affectionum varietas exurgit. Hinc ex *Rosa*, *Moscho*, & similibus, suavis Odor emanat, quoniam Halitus, qui ab iis profiscitur, filamina subtilia & flexilia habet, quæ facili Cerebri appendices penetrant, & absque ulla asperitate, se ipsis insinuant. *Sulphur* verò, acrem imprimit Odorem, ob filaminum quibus constat, horrorem & inæqualitatem. Quia cum *Sulphur* facili inflammetur, supponendum est, multis pinguibus Halitibus constare, qui acriori Materiæ admixti, non possunt non filamina aspera, & spinarum instar horrida reddere, à quibus necessum est, fibras dirè vexari, & morderi.

E diverso, si *Sulphuris* vis, alterius Corporis mistura retundatur, gratus odor procreatur. Nam licet *Zibetum* purum, acriter oleat, si tamen tria ejus grana cum decem *Ambre* granis, instillata succi Alimonii gutta, teratur, unguentum obtinebitur suavissimum. Ita *moschus* si purus est, ingratum spirat odorem; aliquot tamen spiritus rosacei ardentis guttis admixtus, maximè fragrat, naribusque valdè blanditur.

Si quis propius ad Corpora Odorifera accedat, non probè eorum effluvia, sive manantes Vapores percipit. Unde *flores* magis grati sunt odoris, si paucillim distent, quàm si nimium prope Organo admoveantur.

Causa est, quòd Odor, non in crassioribus, & humidioribus, ut antehac de *Sapore* dictum est, partibus consistit, sed in tenuibus & siccis, unde qui in propinquo est, non solum Florum, sed & Herbarum, imò etiam ipsius Terræ halitus haurit. Si verò paululùm distet, non nisi Subtiles, & magis vividas excipit; quippe Crassiores longè avolare nequeunt, & post levem excursum subsidunt. Quare quædam distantia necessaria est,

II.

Ut ex male olentibus, suavis odor procreatur.

III.

Ad Odores percipiendos, quædam distantia requiritur.

IV.

non est ut.

ut vividiores Odoratorum Corporum particulæ, liberè vim suam exerceant, & gratum Odorem procreare possint.

IV.

Suffimenta minus è propinquo sentiuntur.

Hinc oritur, quod *Suffimenta* è propinquo minàs sentiantur, quàm ad certam distantiam. Quia cum *Suffimentum* in *halitu* consistat, ex Corpore odorifero vi Ignis educto, magis expurgantur à crassioribus ac terrenis illis corpusculis, quæ odorem ut plurimum obtundunt. Quemadmodum *Vinum* Aqua dilutum, minus sentitur, quoniam Aqua vim ejus frangit ac hebetat.

V.

Plantæ in Syria & Arabia, nostris odore excellent.

Plantæ in Regionibus calidis, fragrantiorè Odorem emittunt, quàm quæ sub Cælo asperiore radices agunt. Ut in *Syria*, & *Arabia*, Caloris beneficio Aromata gignuntur, & Arborum fructus qui illic nascuntur, tenaciores & acutiores Odores reserunt.

Ratio est, quòd Calor, multùm ad Odorem fragrantiam conferat. Illius enim opera, *Plantarum* succus optimè digeritur, & uberiori copia in altum sublatus, in Vaporem odoriferum ducitur. Certum enim est, omnem Odorem *sulphure*, aut *Sale* contineri, & illa Corpora plus Odoris fundere, quibus plus *Salis*, aut *Sulphuris* inest. Nam Calore, partes sulphureæ magis inter se conciliantur, & Vim suam efficacius exerunt. Quia expressis Aquei Humoris partibus, quod remanet Substantiæ, exactius concoquitur, ac proinde gratiorem Odorem spirat. Hinc ad hanc fragrantiam servandam, res odoratas *oleo* communimus, aut pyxidibus recludimus, ne Vapor continuo fluxu abeat, & viscosi halitus penitus erumpant.

VI.

Calor ad odoris suavitatem plurimum confert.

Hinc oritur, quod *Fructus* eò majorem spirent odorem, quo magis *igne* coquantur; & res quæcumque, æstu dominante, magis olent, quàm dum frigore constringuntur; quoniam tunc *sulphureosa* substantia, quæ Corporibus inest, quodammodo hebescit, & intra sua repagula coercescit. Aere autem calido, agitatæ Corporum partibus, dissolvitur, & in auras erumpit. Undè pauca reperi semina, quæ odorem aliquem efflarent; quia cum plexum pressiore habent, & uliginosa substantia constent, halitus effluviùm difficulter emittunt, nec Vaporem inclusam avolare sinunt. E diverso *contusio* latitantem in Corporibus aridis, odoris suavitatem, ad maximum vigorem reducit. Sic *Citrionum* compuncti cortices, illa magis odora efficiunt.

VII.

Unde suavis aut gravis ille

Homines non eundem Odorem emittunt: nonnulli enim suavem

suavem, & gratum afflant, ut de *Alexandro* Historici odor, qui ex Hominibus emanat, referunt; cuius sudor maximè excipientium Naribus blandiebatur. Alii autem scētent, & gravem tetrumque odorem spirant: ut *Simi*, qui plurimum horrido noxioque halitu inficiuntur.

Suavis Odor ex iis Hominibus emanat, in quibus succi alimentitii concoctio accuratè peragitur; quod fit, dum Corporis agitatione, ità Pori laxantur, ut crudæ Humoris particulæ educantur, & à cæteris avolent. Vel ex parte ipsius Temperamenti, oriri potest, si in eo Calor multum dominetur; nam si is ità probè percolatus, divisusque fuerit, ut nihil superflui Humoris superfit, gratum gignit odorem. Quale Temperamentum in *Alexandro* fuisse, testatur *Ira*, continua Corporis Exercitatio, cutisque polities, ac tenuitas. Cum verò Succus Alimentitius, non probè digeritur, vel in aliquod pravitatis, seu Corruptionis vitium degenerat, necessum est, tetrum Odorem provenire; ut in *Simis* passim experimur, qui foetidum halitum emittunt; Quia Meatus, per quos *Mucus* è Cerebro est trajiciendus, nimium constringuntur; ac proinde illic corrumpitur & putrescit. Omnis enim *Corruptio* foetorem generat.

Aqua, ex *Rose*, *Arantii*, & similium floribus extracta, toto anni tempore, fragrantiam habent; Inodora autem redduntur, ea anni tempestate, qua Flores ipsi maximè videntur.

Id provenit, non quod ejusmodi Aquæ, minus odoris per id tempus spirent: sed quia, cum omnia Floribus plena sint, efficitur ut eorum odor quoquoque per Aerem fusus, ità olfactus organum occupet, ut ab ipsis Aquarum odoribus percipere nequeat: Et sic inodora habeantur.

Substantia ex *Pomo*, *Rosa*, *Cinnamomo*, & similibus odoriferis Corporibus extracta, & seorsim ab ipsis asservata, eundem præ se fert odorem, quem ipsæ res antea præ se ferebant.

Causa est, quòd Odoris natura in quadam *Sulphuris* contextura consistit. Sulphuris autem nomine, intelligunt *Chymici* pinguem, vel oleosam substantiam, quam è Corporibus educunt, quæ pro commissionum varietate, in diversis Corporibus, varietatem subit. Quare quum hujusmodi substantia, ope *Chymica*, à Corporibus avelli possit, mirum non est, si eundem Odorem referat, quem ipsæ res antea referebant.

Qui

odor, qui ex Hominibus emanat, referunt

VIII.
Cur Aqua distillate non olent eo tempore quo flores fragrant.

IX.
Odor è Corporibus educitur.

X.

Qui Rheumate
laborant, odores
non percipiunt.

Qui Rheuma contraxerunt, infirmi sunt olfactus, nullosque propemodum odores excipiunt.

Quia Rheumatis humor, ita Olfactus organum occupat, ut illos meatus obstruat, quibus se Odoratus vapor insinuare solet. Nam non raro contingit, ut hic morbus nervum odoratorium, *Naribus* insertum corripiat, ut vix ducendo halitui via supersit. Quare mirum non est, si obstructi Rheumate nervi, Vaporem odoris vehiculum haud admittant; aut si illum recipiunt, ab eo, ob insolitam obstructionem, non afficiantur.

XI.

Unde minus
hyeme olfaci-
mus.

Tempore *Hyberno*, minus olfacimus, debiliusque odorata Corpora nares feriunt.

Id oritur, quod tempore *Hyberno*, meatus frigore contrahantur, ac proinde minus halitus è Corporibus erumpat. Ad di etiam potest, quod eo tempore, densior sit *Aer*, quem cum halitus dividendi vim minorem habeat, mirum non est, si minus olfacimus. Hinc provenit, quod *congelata* Corpora, nulum profususpirent odorem, eo quod poris obferatis, halitus non avolet, & intactum maneat olfactus organum.

XII.

Canes Homines
odoratu vin-
cunt.

Bruta Animantia, *Olfactu* Homines superant: Unde illud *Maronis*, *Odora Canum vis*. Quippe *Canes* acutissimo odoratu pollent, & cætera Animalia, ea facultate antecedunt.

Hujus perfectionis causa, Canum organo adscribi potest, quod illud scilicet, pluribus fibris, iisdem delicatioribus exuberet, & exactius dispositis ad Odores recipiendos. Inest enim *Canibus* Organum siccior, quippe pituita, non in illis via ordinaria defluit; sed per quosdam Meatus, quos in extremitatibus nasi, distinctè cernimus. Vel dici potest, *Canes* olfactu Homini- bus præstare, quoniam non ita crassis Ciborum Vaporibus replentur, sicuti *Homines*, qui fumis ex stomacho, & ex vario esculentorum mixtura emissis, obstant ne tenuiores Corporum particulae, quæ odorem efficiunt, recipiantur. Unde ipsimet *Canes*, si multum in culinis versentur, aut pastu largiori saginentur, sagacitatem suam amittunt, & Olfactus deterioris evadunt, quàm si in suis latibulis recludantur, & eis duntaxat cibus, venaturis idoneus administretur.

XIII.

Cur Homines
debiliorem
quàm Anima-
lia habeant
Olfactum.

Imò si Homines solis fructibus, aut radicibus victitarent, haud dubium est, quin cæteros, qui lautioribus cibis epularentur, olfactu essent superaturi. Ut de quodam *Joanne Leodiensi* refert præclarus *Vir Kenelmus Eques Digbens* in suo tractatu de Corporibus,

Corporibus, capite vigesimo septimo: Qui timore in Sylvam, ob appropinquantes milites, adactus, multis Annis illic vitam transegit, sylvestribus pomis, glandibus, & radicibus vescens. Post verò, Agrestium insidiis captus, ubi verba proferre didicit, narravit se odoratu, quandiu inter feras degit, cibos explorasse, ipsum insequentes Venatores percepisse, eorumque insidias non rarò elusisse. Quo exemplo notum fit, Narium sagacitatem, generosorum Ciborum Vaporibus corrumpi, & non nisi Homines Olfactu, cæteris Animantibus cedere, quia Cibis lautioribus pascuntur, & Nares crassius obsoniorum Vaporibus interficiunt.

Vel etiam dici potest, quod Animalium plurima Sensorii vivacitate Homines antecedant; quemadmodum in *Corvis, Vulturibus, Canibus* experimur, qui ferarum, Dominorumque vestigia odoratu sequuntur; *Tygridibus*, quæ arreptos catellos, narium ope vestigant; *Columbis hirsupedis*, quæ ablatos pullos, & in domum aliam ad centum aut ducentos passus dislitam translatos requirunt & expiscantur. Non obest, quod

XIV.
Animalia quædam odoratu eminent.

Errant sæpe canes, itaque & vestigia querant;

Quoniam id tantum oritur, ob temporis aut loci Longitudinem, quo odor diffusus est: vel dum emissi è Corporibus odores, vento distrahuntur, aut alii supervenientes iis admixti, confusionem faciunt.

ARTICULUS SEPTIMUS.

De Sono.

NON è Corporibus solidis duntaxat Sonus emittitur, sed & ex fluidis, & quæ ob Partium suarum flexilitatem, aliorum Corporum Motibus cedunt. *Aeris* enim pars, ab alia percussâ, ad Aures nostras deferretur, & Nervos, in intimis earum cavitatibus reconditos, ferit. Unda dum inter se colliduntur, quoddam murmur excitant, & prout per planum vadum, aut lapidibus interruptum, delabuntur, acutiorem, vel obtusiorẽ Sonum edunt.

I.
Corpora liquida etiam Sonum edunt, dum inter se colliduntur.

L

Ratio

fistula latera, qui inferendis in sensorio plagis inserviunt. Ad eum modum, quo *malleus* Incudi lentè admotus, nullum sonum odit; quia non sat Aer repercutitur, ut illam motus frequentiam generet, qui ad Aures appellat.

Instrumenta musica, passim Concava sunt, atque etiam interdum, ad figuram sphaericam deflectuntur.

Quia Aeris currentis, & recurrentis percussiones, in cavo multiplicantur, & ita diutius Aures demulcent. In cavis enim Corporibus, non tantum externus Aer, creberrimis ictibus agitur, sed maximè etiam Internus. Juvat quoque in *Instrumentis* musicis profunditas, quod in ea melius inter se Soni admisceantur, & pars una agitata, cæteras facilius reddat suæ motionis participes.

Sic Accipitrum *tintinnabula*, patentibus ad latera foraminibus, tinnitum majorem edunt, quam globulus in Aëre sub dio impactus: quoniam sonus tintinnabuli parietibus constrictus, integer, fortiorque ad exitus appellit. Ob eandem causam, *Musica* intra ædes, tempore gelido, gratior evadit, quoniam tum fides, aut lignum in instrumentis, magis crispantur, & *cava* ac porosa efficiuntur. Ex opposito in Cubiculis, quæ *peristromatis* ornantur, Sonus minus distinctus percipitur, quam in iis, quæ ligno vestiuntur, ex eo quod Sonus è duro ac terso corpore magis resiliat, quam ex molli, ex quo non nisi modicum ejus remittitur.

Surdus, aut quicumque alius, cui obstructæ sunt Aures, potest *Barbiti*, aut alterius *Instrumenti* Sonum percipere, modò illius jugum intra dentes habeat, & illud tenaci morfu completatur.

Nonnulli imaginati sunt, ab ore ad Aures quosdam Meatus porrigi, qui Sonum ad eam deferant, eisque eandem Affectionem imprimant, quæ per Auditus organi infundibula transmittitur. Sed illud falsum esse, ex eo ostendi potest, quod Ore aperto, idem Effectus non sequatur; quod tamen fieri deberet, si talia essent ab ore ad Aures Soni vehicula. Deinde quidni *frontis*, aut *nasi* contactu, Sonus percipiatur, quum ab illis partibus, Meatus ad *Aures* perveniant, & par sit inter illas communicatio?

Dicendum est igitur, *Barbiti Sonum*, posse ab eis, qui pressis dentibus illud contingunt, percipi, in quantum Chordarum

IV.

Cur instrumenta musica passim excavantur.

V.

Instrumentum aut locus ad soni varietatem conferunt.

VI.

Quomodo Surdus barbiti Sonum percipit, dum illius jugum dentibus premit.

IV

Vibrationes, ex *Barbita* traductæ in dentes, ab eis in *Membranulam*, quæ cavorum dentium radices tegit, transferuntur; mox Aeris inclusi ministerio, *Tympanum* concutientes, demum subjectam *trium ossiculorum Catenulam* quatunt. Quia præcise Corpus sonare dicitur, dum percussum, tremulo motu, plurimas Vibrations conficit, & Aeris vehiculo, per intercepta Corpora transfunditur. Est enim inter nervos consensus, qui in interioribus oris partibus sparguntur, cum iis, qui Aurium Musculos interfecant. Quod ex eo maximè dignoscitur, quòd asper, & tetricus sonus hebetes dentes, & eos malè efficiat.

VII.

Duarum chordarum, unisonarum, una pulsata, alia quoque contremiscit.

Si duæ *Testudines*, aut *Cythara*, ad certam distantiam collocentur; quarum duæ chordæ ita tendantur, ut unisonæ fiant: una plectro vehementius percussâ, altera quoque contremiscit, tantoque impetu movetur, ut *paleam*, & quodcumque leve aliud corpus agitet, & excutiat.

Ratio est, quòd chorda certo excursuum recursuumque numero flagellata, Aerem agitat, qui si in Chordam, pari ratione tensam incurrat, simili modo eam impellit.

Præsertim si secundum *Octavam*, aut *Quintam*, ut appellant, consonæ fuerint: earum enim excursus ac recursus tunc temporis minus sunt perturbati, sed certis crebrisque intervallis conveniunt. Quippe in *Octava* singuli chordæ laxioris vel longioris, cum *secundo, quarto, sexto*, &c. chordæ tensoris aut brevioris conveniunt. In *Quinta* cum *tercio, sexto, nono*, & ita de cæteris.

Unde prædictus tremor nunquam contingit, ubi duæ Chordæ difformiter tenduntur. Consonantiæ autem, non se mutuo tantum, sed aliæ, alias, ob motuum similitudinem excitant, & ita sibi ipsis auxiliantur, ut easdem Affectiones subeant. Ut in omni musico Instrumento licet experiri.

VIII.

An detur pulvis Albus, quo tormenta sine strepitu exploduntur.

Inter sermones, qui apud vulgum sparguntur, communis est, dari pulverem quendam *album*, quo, sine ullo strepitu, Tormenta exploduntur.

Id quamvis magna cum securitate Nonnulli jactitent, fictitium tamen esse constat, & inter Hominum commenta annumerandum. Fieri enim nequit, ut compressus *Aer*, in apertum sine strepitu expellatur: Quicquid enim ejus est virtutis, ut globulum ea celeritate, qua flamma è pulvere exiliens, expellat, necesse est

necessum est, ut Aerem pari virtute feriat, & similem strepitum edat.

Inter Animantia, soli *Homines*, & *Aves*, Sonos *musicos* edere valent; Cætera enim vocem semper æqualem emittunt.

Hæc diversitatis ratio, à *gutturis*, & *Asperæ Arteriæ* structura petenda est, cujus *Annuli* extendi, & contrahi possunt. Duplex enim in *larynge*, ut animadvertit præclarus Anatomicus *Thomas Willis*, in *Anatome Cerebri*, nervus recurrens est, qui quatenus circa Arteriam reflexus, *Trachææ* annulos, per quâdam ejus propagines deorsum movet; Et quatenus in nervum à plexu *ganglioformi* demissum terminatur, *Trachææ* plicas, per alias ejus propagines superius ducit. Hinc dum *Laryngis* annuli per recurrentem nervum adducuntur, & deorsum moventur, Vox gravior efficitur; acutior autem evadit, si iidem Annuli, à *furculis*, quos *sexti paris* vocat, in laryngem delapsi, sursum attollitur: quoniam tunc larynx angustior reddita, Sonum per illam transmissum quodammodo frangit.

Si barbitum juxta fumantem *Candelam* pulsetur, idem fidiū motus, in ipso fumo producet.

Vulgaris hujus experimenti ratio est, quod tremulæ chordarum vibrationes fluctuantem Aerem commoveant, quarum iterato appulsu, Flamma ipsa, utpote facile mobilis, concitatur, & ad fidium numeros se accommodat. Hinc si intra tenebrosū cubiculum, Solis radius per foramen excipiat, & prope ipsum Radii ductum, musicum instrumentum percutiatur, videre licebit Atomos in radio volitantes, tripudiare, & ad numeros quodammodo saltare. Idem in *Aqua* deprehendetur, si politam superficiem habuerit: quia fidium symphoniam commota crispabitur, & impetui cedit. Idem in duobus scyphis vitreis cernitur, si *Aqua* ad unius vel alterius digiti altitudinem, imposita, ad unisonum reducatur, (quod Aurium judicio, per circumactum in orbem digitum facile dignoscitur) quia tunc aptata unius Vitri margini inflexa *acicula*, ad numeros exiliet, prout alterius vitri margines, digito admoto prementur.

Toni minus ad Somnum conciliandum conducunt, quam alii soni, cujusmodi sunt *Bombus Apum*, *Ventus*, *Aquæ* strepitus, & grata legentis vox.

IX.

Chry soli Homines & Aves, Sonos musicos edere possunt.

X.

Fumus ad motum fidium, concitatur.

XI.

Toni minus idonei sunt ad somnum conciliandum.

Quia

andum, quam
Soni.

Quia cum Sonus à Corpore sonoro, ad Auris Tympanum diffundatur, à Tympano autem, ad nervum *Acasticum*, ab hoc, ad *Cerebrum*, nervorum centrum, & ab eo demùm ad Arterias, venas, intestina; non potest non Sanguis, vel spiritus moveri: cumque Toni pari tenore ferantur, nec aures prælabantur, magis aliis Sensum perstringunt, attentionemque excitant, quo fit, ut somno inducendo, minus idonei sint.

XII.

Musica mores
corrumpit.

Multorum annorum experientia comprobatum est, molliori cantu, variisque musicæ modulis, mores corrumpi: *Buccinâ* verò, *Tympanis*, ac *Tuba* clangore excitari animos, & Homines bellico spiritu impleri.

Quia cum Hominum Affectus, aliud non sint, quam Sensationes, à spirituum motu productæ, sit ut Sonus à Cerebro ad vasa illa derivatus, in quibus Affectus generantur, affectus varios producat. Cum autem mores Affectus sequantur, mirum non est, si Soni plurimum ad corrumpendos, aut reformandos animos conferant. Unde *Plato* in civitate rectè legibus instituta, judicavit molliores illos canendi modos extirpandos esse. Imò *Lacedæmonii*, non levi poena molliores cantus multabant, sanxeruntque, ne plures chordæ quàm *septem* in lyra adhiberentur.

XIII.

Cut Aure obstru-
tata, murmur
auditur.

Digito Auri imposito, adeò ut obstruatur, murmur subitò in Aure auditur, obtusi bombi instar.

Quia apud medicos in confesso est, halitum ex Auris cochlea continuò erumpere: cui admotus digitus viam obstruens, impediensque, ne sueto ritu egrediatur, tum Aer in Aure conclusus, tum halitus exitum tentans, partium suarum Agitatione, tympanum pellunt, tenduntque: quo ex motu, affectio quædam, instar gravissimi bombi percipitur. Imò Aures interdum, etsi digitus non apponatur, personant, à tinnitu scilicet Aurium ex statu tenuissimi halitus procreato, ex arteriola, vel venula prodeuntis, quo impetum Tympanum, eo modo afficitur, quo afficeretur à tintinnabuli sono.

XIV.

Sonus facilis
per trabem, quam
per aerem trans-
mittitur.

Sonus facilis secundum *trabis* percussæ longitudinem diffunditur, quam per *aerem* solum. Nam moto *Trabis* extremo, liquet eodem instanti, motum ad alterum deferri.

Id contingit quòd major sit *trabis* continuitas, quam partium aeris. Quippe si unum *trabis* extremum, exempli causa, A agites, patet eodem temporis momento, motum iri alterum extremum

mum B: verum, si Aerem in loco C impellas, oportet ut Aer ad minimum usque ad D progrediatur, antequam maneat E, eo quod ejus partes, haud aliter quam spongia cedunt; Tempus autem impendit transeundo à C usque ad D, atque interea virtutis suæ partem deperdit: unde fit, ut Sonus, qui nihil aliud est, quam motus aeris, citius & fortius audiatur in puncto D, quam in puncto E.



Vox à Concionatore, in *Templo*, aut ab Histricione, in *Theatro* emissâ, totum Templum, aut Theatrum complet, aliquot Hominum millibus referta.

Id fit, non quod tota unius Hominis vox, ad omnium aures perveniat; Vox enim ore emissâ eliditur, & in frustula abijt, sibi similia: non modo prorsus absimili, quo pressus liquor, utris foramine diffunditur, seu quo *Fullones*, Aquam ore exsufflant; quia tunc Aqua in innumeras guttas dispergitur, & spatium satis magnum replet. Loquentis quidem ore, totalis quædam vox emittitur, sed quæ in innumeras voculas distribuitur. Ac proinde nulli duo ex Auditoribus eandem vocem excipiunt; sed eandem dumtaxat audire dicuntur, propter similitudinem, ac veluti originem, ex eadem totali & generali voce. Ad eum modum, quo illi eundem liquorem haurire dicuntur, qui ex eodem fonte, aut flumine bibunt.

Soni in uno loco excitati, seu magni sint, seu parvi, æquali tempore, ad eundem locum feruntur, è quo excipiuntur.

Hujus ratio est, quod cum Aer continuus sit, si percutiatur, in orbes formatur: quemadmodum Aqua tranquilla, lapide injecto in *Circulos*, ut jam antea dictum est, effingitur. Et sicuti pari tenore, orbes in flumine diffusi, ad ripam pergunt, seu ab ingenti saxo, seu à lapillo fuerint excitati; ita Sonus ad Audium, æquali temporis spatio pervenit, seu tormento bellico excitatus fuerit, seu à *bombarda*, seu alia minori machina.

Contingit interdum ut duo Soni diversi audiantur, quum unica dumtaxat *chorda* plectitur.

Id à chordarum defectu provenit, quæ quum aliquantulum falsæ

XV.

Quomodo vox una in omnium aures diffunditur.


XVI.

Soni æqualiter diffunduntur.

XVII.

Unde oritur duplex in una chorda Sonus.

falsæ sint, & inæquales, duo tremorum genera, uno eodemque tempore admittunt, quorum *unus* nempe, qui graviorem sonum edit, quique præcipuus est, à tota chorda pendet: *Alter* vero, qui acutiorem, ex inæqualitate partium chordæ. Cogita, exempli causa, quod si chorda A B plectatur, tum quoties illa progreditur, & regreditur ab 1 ad 6, ut sonum naturalem edat, partium ejus inæqualitas, alium in ipsa minorem tremorem efficiat; quo fit, ut progressa ab 1 usque ad 2, recurrat versus 3, atque inde versus 4, atque ex 4 ad 5, & denique ad 6, quod quidem Sonum generat præcedenti acutiorem per duodecimam: con- simili modo, si secundus iste tremor sit tantum prioris duplus, dabit *octavam*, si quadruplus *quintam*, & si quintuplus *decimam septimam* majorem.



XVIII.

Cur Fulgur prius videatur, quàm Tonitru ad Aures nostras perveniat.

Sonus tardiùs ad Aures, quàm Lumen ad Oculos devehitur. Hinc *Fulgur* videmus, prius quàm *Tonitru* Aures nostras feriat: Et Lignatoris *securis* Nobis longè remotis, ad ictum alterum elevata apparet, antequam prioris Sonus audiatur.

Vulgaris hujus Experimenti causa, ex parte *Aeris* fumitur, qui licet tenuibus, & à se invicem disjunctis Partibus constet, quia verò illæ ramosæ sunt, & flexiles, una earum mota, non eo ipso instanti, succedentes commoventur, sed gradatim: adeo ut, una pars agitata, aliam impellat, hæc porro sequentem, ad instar *Circulorum in Aqua*, qui non eam totam statim percurrunt, sed continua serie pergunt; donec ad ripam perveniant, aut marcescente impetu, extinguantur. *Lumen* verò, celerius ad Oculos nostros devehitur, quia in Globulis inflexilibus ac solidis fit. De ratione enim Corporum solidorum est, ut dum eorum extremitas premitur, in eodem prorsus Temporis momento, pressio in altera extremitate sentiat. Unde Sonus, faciliùs per totam *Trabem* defertur, quam per ipsum *Aerem*, ut jam dictum est; quoniam trabis partes, strictius inter se ligantur, & majorem continuitatem servant, quam partes Aeris, quæ flexiles sunt, & aliis Corporibus facile cedunt.

XIX.

Tormentorum

Nec alia assignari potest ratio, cur *Tormentorum*, aut *Campanarum*

narum Soni, distinctiùs prope fluminis ripas excipiantur, quàm *strepitus meli-*
in locis à flumine disitis; quàm quòd rigidiore, ac magis den- *us prope Aquas*
sæ Aquæ partes, aliis Impetum suum illicò impertiant, & Mo- *auditar.*
tu continuo, in suo cursu perseverent.

Sint duæ Chordæ ejusdem crassitudinis, & æquali pondere XX.
tensæ; sed quarum una, alteram Longitudine excedat; quæ *Chordæ longi-*
brevior est, Sonum acutiorem edet, longior verò, magis obtu- *tudine inæqua-*
sum, & minus ab Aure perceptibilem. *les diversum*
Sonum edunt.

Hujus *Soni* differentia, ex crebrioribus, vel rarioribus Chordarum Vibrationibus pendet. Cùm enim Chorda brevior, plures excursus & recursus faciat, Aeremque frequentiori ictu flagellet, acutiùs sonat, & citiùs ad Aures Sonum transmittit. Quia Gravis, & Acuti Soni discrimen, non à velociore, aut tardiore motu, ut *Aristoteles* existimavit, oritur; sed ex Vibrationum varietate, quæ si frequentes sunt, & iteratis ictibus Aerem verberant, *Acutus* Sonus efficitur. Si verò Chorda, rariore itus ac reditus efficiat, non nisi *gravem* Sonum pariet.

Pari ratione explicatur, quomodo chordarum ejusdem *ten-*
sionis, sed longitudinis diversæ, minor citius reducatur. Quia licet motu æquali, ratione scilicet spatii & temporis, utraque *chorda* decurrat, quia tamen minor, motu contractionis, minus spatium decurrit, quam longior, & minus spatium æquali motu citius decurrit, quam majus, non potest non minor chordarum, citius reduci.

Unde liquet, si Chordæ digitum apponas, statim postquam illam pulsaveris, antequam sæpius recurrere potuerit, strepitum quidem excipiet, sed an *Gravis*, *Acutus*ve sit, discernere non poteris: quia manus, Vibrationes impedit, obstatque, ne Chorda Aerem premendo dilatet, & successiva flagellatione expellat. Hinc lentus status, qui in *Tibiam* immittitur, nullum Sonum procreat; nec similiter is, qui ex *Pulmonibus*, ad os Animalis defertur, aliquod murmur edit; quoniam intra *Tibia latera*, uti nec per Arteriam, ipsumque os Animalis, nullus pulsus repulsusque Aeris fiunt, qui Sonum gignant, & prout repetuntur, illum *Gravem*, aut *Acutum* reddunt.

Echo multoties Voces regerit, & eundem Sonum distinctis XXII.
intervallis multiplicat. Ut de quadam *Claudianum vi. Honor.* *Qui sit ut Echo*
meminit, quæ septies Vocem unam reddebat, *pluries voces*
repetat.

*Plebis adorata reboat fragor, unaque totis
Intonat Angustum septenis vocibus Echo.*

Gassendus expertum se testatur in *Charentonii sacello*, quod *Parisiis*, tribus aut quatuor milliaribus distat, unam syllabam in alterutro ejus extremo *decies septies*, quasi ex altero esse redditam; è medio verò prolatam, toties ex utroque esse repetitam.

Hujus Naturæ *Miraculi* Causa est, quòd Sonus ab obice interposito reflectitur, & ultrò citròque agitur. Nam sicut innumeri Radii ex objecto visibili, non modò ad Oculum, sed huc & illuc transferuntur; ita præter Vocem, ad Aures delatam, innumeri alii Soni, in Aere disperguntur, qui in dura & concava incidunt, & ad Aures percutiuntur; quo fit, ut eadem Vox iteratò, ac reflexè audiatur. Quia Sonus non uno momento, uti Lumen, provehitur, sicut dictum est, sed Temporis successù, ad sui propagationem indiget. Et ideo, Sono priore, in proximo Aere extincto, alius in Aere remotè gignitur, qui à solidis, & utcumque lævigatis Corporibus percussus, Aerem Auribus vicinum plurics diverberat. Multoties igitur Vox in *Charentonii sacello* redditur, quoniam loca ita sunt tali ordine disposita, ut propiora prius, & remotiora posterius Vocem referant. Juvat quoque, si loca, sive Corpora, quæ Vocem remittunt, sibi mutò opponantur, & vicissim reflectant, quod in *Charentonii sacello* fiebat, priusquam illic *Carmelitarum Cœnobium* extrueretur. Quia tunc gemina erat Columnarum series, inter quas emissà Vox, ultrò citròque versabatur, *Pile* ad instar, quæ in unum parietem impulsà, ad aliud contindò reflectitur.

XXIII.

*Cur Echo non
nisi in una parte
auditur.*

Echo quamvis Sonus sit, qui circulariter undiquaque extenditur, non nisi tamen in una parte *circuli* auditur. Quia non nisi ex reflexione partis illius circuloꝝ, quæ quàm longissimè porrigitur, ac proinde tantum versus partem illam, versus quam reflectitur, excipi potest. Ut ex lapide in aqua injecto observamus circulos, qui ibi formantur, longius versus illam partem extendi, in quam lapis projectus est, quàm in contrariam.

XXIV.

*Sonus denso corpore
impeditur.*

Si quis ad fenestram denso satis vitro obductam, sermonem habeat,

habeat, vix ejus verba excipi poterunt: non verò si ad fenestram *charta* munitam loquatur.

Ratio est, quod Sonus Aeris motu peragitur, cumque nihil, aut parum Aeris per *Vitri* meatus subeat, cieri auditus non potest. Quippe supponitur interjacens vitrum, adeo firmum esse, ut à Sono concuti non possit: vel nullæ sint rimulæ, quibus Aer gliscat. Auditur autem is, qui per fenestram *charta* obductam loquitur, quia per Chartæ poros facile Aer ingreditur, & ejus ope, Sonus propagatur: præsertim si tensa sit Charta, quia ea ratione facilius tremat, porosque habet magis laxos, & explicatos.

Refert Nobilissimus *Digheus*, in suo de Natura Corporum *trahatu*, se in Cubiculo superiori latæ ac rotundæ (sed *ellipticam* XXV.
Quomodo Sonus submissus à distante potius, quàm à propinquiori audiri possit.) Turre parietes spectasse, eo artificio extructos, ut duo Viri, ad opposita diametri puncta stantes, facile ac distinctè secum colloqui possent, aliis interim, qui in medio collocabantur, ne syllabam quidem excipientibus.

Id contingit ob Sonorum, qui per totam Cameram disperguntur, coitionem: nam cum totus cubiculi Aer, voce emissâ, concutiat, ejus Motus per amplum spatium diffusi, in elliptico pariete resiliunt, & ita per reflectionem, in extrema Cubiculi parte uniuntur; & qui tali loco Aures admoverit, ea est auditurus, quæ in altera parte, submissâ etiam voce, fuerunt prolata.

Pari ratione explicari potest, quomodo ope *tubi*, ad modum XXVI.
Ut Sonus ope tubi augeatur. *coni* contracti, Sonus augeatur, & major procul, quàm propè audiatur: quia cum Sonus in ea proportionem augeatur, in qua Tubus contrahitur, necessum est, ut fortior, tubum pertranseundo, evadat. Sic qui obtuso sunt auditu, cornu, cujus os unum, alterum amplitudine excedit, *Auri* adhibent, ut Loquentium verba excipiant. Imo si quis princeps, ea noscendi cupidine tangeretur, quæ in hortensi *exedra*, ab iis qui illic umbras captant, proferuntur, id faciliè exequetur, si ab eo loco Tubos, ad intimum conclave deducat, quorum angustiora ostia, ad illam pertingant.

Ubi juniorum Apum examen avolat, & priore relicto, alveo excedit, pulsatis *laminis*, *sartaginibus*, *sænaris* *falcibus* sistuntur. XXVII.
Ut Apes dum volant, strepitum revocantur.

Quidam imaginantur, strepente hoc sonitu Apes delectari,

& eo allecæ, in pensilem uvam, confertumque glomum se colligere: sed id verisimile non videtur, cum si in Aere altius ferantur Apes, quantumcumque illa instrumenta pulsentur, non propterea retinentur, aut descendunt, sed inceptum iter persequuntur. Quare causa alia adinvenienda est, & hæc videtur esse, quod Soni strepitu, plurimum Aer concutiat, everbereturque, cujus motus Apes impatientes, conglomerare se coguntur. Habent enim Apes alas tenuissimas, non plumæas, ut *Aves*, sed ex pellicula tenuissima compactas, quibus prædictam Aeris Agitationem diu sustinere nequeunt. Quod forte etiam ratio est quod vento flante, vel nocte intempesta nunquam egrediantur, sed sudo tantum tempore, & cum omnis procella abest.

ARTICULUS OCTAVUS.

De Lumine.

I.

Lumen transmissum per duorum parietum foramina, non ab iis cernitur, ab iis in Cubiculo sunt.

IN uno Cubiculi pariete, *foramen* excavetur, ea magnitudine, ut *Facis*, aut *Candela* flammam excipere queat; & in illius foraminis regione, aliud paulò latius opponatur; Dein Nocte intempesta, *Candela*, aut *Facis* flamma minori foramini exterius adhibeatur; ita ut radii, per illud trajecti, ab opposito foramine excipiantur, atque illud pertranseant; totum Cubiculum eo modo obscurum apparebit, ac si nullus in eo fieret radiorum transcursus. *Gassendus.*

Hujus Experimenti ea est ratio, quod nulli ex Radiis, qui Cubiculum pervadunt, ad oculos pertingant, neque illos percellant; quod necessum est fieri, ut Visio habeatur. Unde qui Nocte serena, oculos in altum dirigunt, & suprema speculantur, supra *Horizontem* omnia æquè Tenebris offusa esse aspiciunt, cum tamen, immensa illa Spatia, Terræ umbræ cono excepto, splendescant, & à radiis solaribus, non minis trajectiantur, quàm dum Meridies est, & Lumen suum Sol ad Nos diffundit. Quoniam *Radii*, qui per ingentia illa interval- la sparguntur, ad Nos non perveniunt, & nullum in Visus nostri organo Affectum operantur.

Quo.

Quo experimento, ostenditur *lumen* sic ab Oculo pendere, ut si nullus foret oculus, vel nullus esset apertus, nulla *lux* esset, & nullus splendor, qualem dum oculos in cælum tollimus, præclaramque hanc rerum speciem, vel in ipso meridie deprehendimus.

II.
Sine oculo lux non datur.

Scintilla ignea, aut *Nitedula* per longum spatium, Lumen suum diffundit. *Scintilla* enim *quingentis* procul *passibus* de nocte, absque perspicillis aspici potest: si vero illa adhibeantur, *quinguenta*, imò pluribus forsitan leucis poterit deprehendi.

III.
Ignis scintilla ope perspicillorum ad 50 leucas potest videri.

Nonnullis mirum videtur, tam exiguum Lucidum Corpus, tanta Vi pollere, ut interjectam Materiam in *recta linea* impellere queat. Sed id mirari desinent, si supponant Materiam Subtilem, quæ per Corporum diaphanorum meatus diffunditur, esse instar fluidissimi liquoris, cujus pars una premi nequit, quin cæteræ sequentes pulsentur. Exemplo sit *tubus* duplicatus A B C, utrinque Aqua plenus, & qui ad quatumcumque velis spatium porrigatur, si dum Aqua tranquilla est, & omni Motu destituitur, alia Aquæ *gutta*, in una extremorum, puta A infundatur, nemo concedere abnuet, hujus Aquæ gravitatem ad totam Aquam, versus aliud extremum C elevandum sufficere, ac proinde ad totum hunc liquorem in tubo A B C inclusum movendum.




Similiter Quis non fatebitur, Scintillam igneam, posse Cœlestem Materiam in Aeris meatibus, per ingens etiam spatium diffusam agitare? Cum Ignis actio multo Gravitatis vim superet, atque etiam Subtilis Materia, quæ in Aeris, imo etiam Aquæ poris recluditur, utroque illorum sit fluidior. Clarè igitur intelligitur, *Candele* flammam, aut *Nitedula* Lumen, debere Materiam Subtilem, in globo *quinguenta* leucarum semidiametri comprehensam movere, quoniam vi Motus sui, circumambientem Materiam pellit, eodem prorsus modo, quo *lapis in funda* rotatus, istius fundæ medium premit, atque vi *circularis* sui Motus, funiculum secundum lineam rectam extendit. Quippe Materia Subtilis, quæ

quæundique *Nitedulam*, aut *Cundelam* involvit, in gyrum etiam vertitur, & ab eo loco recedere contendit.

IV.
Ut radii luminis non se
impediunt.

Non parva tamen ex data luminis explicatione, oritur difficultas, qui sit, ut scintilla, quæ per lineam rectam, subtilem Materiam in Aeris poris contentam expellit, videri possit, si è diametro, alia similis virtutis opponatur. Nam globulum aliquem Aeris *A B C D* supponamus, cujus centrum sit *E*, supponamus autem in *A* & *B* lucida duo Corpora æqualis virtutis, sequitur, quòd vel lucida illa Corpora ex locis *C* & *D* è diametro oppositis non cernentur, quod experientia adversatur; vel quòd subtilis materia in centro *E* posita, in pluribus simul locis erit, quod Corporum nature



repugnat. Quod ita probatur: *A* non potest cerni ex *C*, quin materia subtilis centralis *E* impellatur versus *C* secundum lineam rectam: Eademque ratione *B* videri nequit ex *D*, quin eadem materia *E* impellatur versus *D*. Et sic de infinitis Corporibus lucidis in globi istius superficie positis.

Difficultas hæc tantum oritur, ex eo quòd difficulter apprehendamus liquidorum Corporum partes, varias eodem tempore actiones recipere posse, quoniam observare assuevimus, Corpus *durum* non posse eodem tempore versus partes diversas moveri. Cum tamen in *liquidis* ita fieri certissimum sit. Neque id experiri difficile erit in duobus aut tribus tubis, exempli causa, *A C*, *B D*, *F G*, quorum æqualem esse diametrum suppono, quique ita sint decussatim positi, ut spatium in medio *E*, tribus illis commune sit, nec tamen majus, quàm si illorum tantum uni inserviret. Nam supponatur quod tres homines, tria illorum extrema *A B F*, inflent, Aer, qui in medio isto *E* occurret, impelletur eodem tempore versus *C*, versus *D*, & versus *G*. Non quod idcirco necesse sit, aut etiam possibile, ut partium ejus quælibet moveatur eodem tempore, versus tres hæc partes: sed sufficit ut illarum quædam moveantur versus *C*, aliæ versus *D*, aliæ autem versus *F*, & quidem ter celerius moveantur, quàm illæ, quæ alias tuborum horum partes implent; quod utique credibile est, cum ter validius impellantur.

impellantur. Jam verò hoc ad materiam subtilem applicando, facile intelligitur, qua ratione, illa diversas diversorum Corporum lucidorum actiones, versus diversas partes eodem tempore transmittat.

Si quis Noctu, dum omnis splendor abest, manu *facem ardentem* teneat, & illam agitando, in *Speculum*, quarta milliaris parte distans, oculos coniciat, non prius Motum in manu sentiet, quàm eundem in *speculo* est deprehensusus.

Hujus Experimenti ratio est; quòd lumen, non tam Motus sit, quàm ad Motum præparatio. Nam licet Motus in instanti fieri nequeat, & Corpus ab uno loco in alium, absque tempore transire; non implicat tamen, quominus Luminis actio, minimo momento, ad quamcumque distantiam extendatur. Nam aliud est, Motum in *momento peragi*, & aliud, eum in *momento transmitti*. Lumen ad modum *actionis baculi* transmittitur, cujus partium quælibet, in alterutro Baculi extremo sentiri potest, eodem Tempore exactè, quo in altero producit. Ac proinde nihil obest, quominus *sax* vibrata, eodem prorsus instanti, in *Speculo* dissito cernatur, quo ejus Motus in *Manu* sentitur; quoniam *Luminis* propagatio momentanea est, & ad sui trajectionem, Tempore non indiget.

Est quoddam Lapidis genus, *Lithæosphoros* vocatus, passim in Agro *Bonomiensi* crescens, qui si leniter calcinatus, Soli exponatur, Lumen ita concipit, ut in obscuro Conclavi positus, non nihil Luminis fervare deprehendatur, *Carbonis* instar accensi, modico Cinere aspersi, cujus Lumen paulatim languescit, & demum penitus extinguitur.

Non putandum est, cùm quibusdam, Solis Lumen in *Bonomiensi* illo lapide conservari: cùm hujusmodi Lumen, eo absente, omnino pereat, & ita ab eo pendeat, ut nequidem momento, extra ejus præsentiam, subsistere possit. Dico igitur, novum lumen, à radiis solaribus in eo accendi, quod postea in loco caliginoso, sit conspicuum. Cùm enim Solaris Calor, in puris radiis diffundatur, *Lithæosphorum* faciliè penetrat, & amota prius, per calcinationem, crassiori Humoris portione, quem in intimis ejus Cavitatibus excitat, qui ramosis ac tenuibus Partibus implexus, non nisi successivè elabitur. Unde fit, ut Lumen paulatim decreascit, & non nisi post completam partium divisionem extinguitur. In obscuro duntaxat Conclavi, Lumen

illud

V.
Dum quis facem noctu agit, eodem instanti, eam in speculo distanti deprehendit.

VI.
Quomodo Bonomiensis Lapis, Lumen in tenebris retinet.

illud aspici potest, quoniam debilissima est, & à fortiori facile impeditur, ne amplius retinam perstringat. Ut patet in *ligno putrido, cicindela*, & similibus noctilucis, quæ interdiu nullum *Lumen* emittunt.

VII.

Ars calcinandi lapidem Bononiensem, perit.

Quamvis nonnulli *Litbeosphorum* Calcinandi modum, se nosse præsumant, vereor tamen, ne ars illa nunc penitus extincta sit, quum multis jam abhinc annis, penes unum duntaxat, eumque *Sacerdotem* latuerit, quo etiam nuper defuncto, magna subest suspicandi ratio, ne hoc phænomenon non nisi in scriptis, in posterum inveniatur, cum id arcanum, alteri fuisse impertitum non referatur.

VIII.

Capite percusso, plurimæ ignis scintilla oriuntur.

Si caput percutiatur, aut oculo ictus insigatur, plurimas luminis scintillas exhibere videtur.

Quia ea percussione, Humores maximè commoventur, præsertim Sanguis Arteriosus, cujus maxima vis in nervum opticum appulsa, illum vehementer agitat, & afficit. Aliud enim non est sensus *Visus*, quam localis motus, quo exigua *Retina* filamenta feriuntur.

IX.

Cur post Solem aspectum, clausis oculis, lumen intueri videmur.

Affectio, Luminis appulsu, Oculo impressa, aliquandiu durat. Nam oculis post Solem conspectum, paulo post, clausis, varios colores intueri videmur.

Hoc aliudè non provenit, quam quod nervi optici capillamenta, insolito motu concussa & agitata remaneant. Sed cum commotio, qua adhuc post clausos oculos palpitant, & quasi contremiscunt, non satis valida sit, ad reddendum tam illustre *Lumen*, quàm illud fuit, à quo venit, *Colores* minus intensos, & veluti dilutos repræsentat. Hinc propter eandem rationem, nonnulli luce una extincta, post aliquod tempus, aliquid lucis vident.

X.

Lumen Candela noctu majus apparet, quàm interdiu.

Candelæ accensæ *Lumen*, majus tempore nocturno apparet, quàm diurno; si Oculus ab ea per aliquod spatium distet, & non nisi minus conspicitur.

Hic Error, ex duabus Causis potest oriri. Primum, ex parte *Videntis*, qui cum ejus distantiam non accuratè dignoscit, illam non minùs quàm *Stellam* abesse imaginatur. Accedit quoque, quòd quum Candelæ imago, quæ in Oculi fundo effingitur, *Stella* imaginem multo excedat, occasionem præbeat, illam majorem esse, quàm revera est, existimandi. Altera Causa est, ex parte *ipsius rei*, quæ cernitur; quippe in *Candela* noctu

noctu eminus lucente, non Lumen solummodò, quod è Candelà, rectà ad oculum provenit, conspicitur: sed & illud quoque, quod ex Aere crasso, & opacis, quæ illam circumstant, Corporibus, proficiscitur, nam illa receptum in se Lumen, ad oculum remittunt; quod cùm ipsi Candelæ adscribatur, necessum est, eam longe majorem apparere.

Passim creditur quædam esse *Animalia*, quæ Lucem in oculis habeant, eamque de nocte, dum cuncta Tenebris obfuscantur, in oculos eorum reflecti, ut de *Felibus*, *Noctuis*, *Canibus*, aut aliis passim jactatur, quæ prædam suam noctu venantur, obstacula declinant, & abstrusa quæque rimantur.

Verùm, facile crediderim, eos qui illud asserunt, rem non satis examinasse, imò dicere audeo, illa quæ vocant Experimenta, experimento adversari. Nam si ab Oculo lumen aliquod procederet, posset illud ab alio aliquo deprehendi, aut in lente vitrea colligi, aut speculo; quod nulla adhuc experientia probari potuit. Quare statuendum est, *Animalia* illa, tantummodò per eam Actionem videre, quæ ab objectis advenit. Noctu enim semper aliquid Luminis existit; unde *Nix* Lumen aliquod noctu emittit; quia illa melius quàm cætera alia minus candida Corpora, acceptos radios reflectit. *Noctue* igitur, *Feles* & alia *Animalia*, res objectas noctu deprehendunt, non quia ex oculis Lumen emittunt, quodque in eorum oculos deinde remittatur; sed quoniam eis Retina præparatior inest, magisque recipiendis radiis idonea, ut à debili etiam lumine, quod ab objectis resilit, affici possit. Quippe constat pupillam in *Felium* oculis, in Solis splendore ita coarctari, ut vix instar fili nigrescat. In umbra verò aded ampliatur, ut noctu veluti globulus pene ipsius oculi capacitati æqualis cernatur.

Luminis radii *Vitrum* facilius pertranseunt, quàm *Aquam*, & *Aquam* facilius, quàm *Aerem*.

Ratio est, quod Subtilis Materiæ actio, in qua luminis rationem consistere, non semel diximus, magis ab Aeris partibus, utpote mollibus, & male nexis impeditur, quàm ab illis Aquæ, quæ firmius resistunt & obnituntur. Quanto enim firmiores & solidiores Corporis alicujus pellucidi partes sunt, modo exiguæ sint, luminis transitum facilius permittunt; hinc *Vitrum* aut *CrySTALLUS*, ob partium suarum firmitatem, luminis radios facilius admittunt.

XII.

An noctu Feles
& Noctue
videant.

XIII.

Radii luminis
facilius per
vitrum sta-
jiuntur, quàm
per Aquam.

XIV.

*Cur charta oleo
peruncta pel-
lucida evadit.*

A causa simili oritur, quòd chartæ folium oleo, aut alia pinguedine perunctum, lumen faciliùs transmittat, quam absque liquore, quoniam liquor ille, chartæ meatus subit, qui antea sua inflexione aut curvitate, luminis transmissioni obstabant, opacamque reddebant. Transfusum enim per Chartæ poros Oleum eorum figuram, aut magnitudinem, vel etiam utramque variat, ac proinde diversam partium papyri dispositionem inducit.

ARTICULUS NONUS.

De Colore.

I.

*An veri sint,
Pavonis can-
da, & Co-
lumbæ colli
Colores.*

PAVONIS *cauda*, COLUMBÆ *pluma*, mirificè colores variat. Uti eleganter *Lucretius*,

Namque alias fit, uti claro sit rubra pyropo,

Interdum quodam sensu fit, uti videatur

Inter caruleos, virides miscere smaragdos.

Caudaque pavonis longa cum luce repleta est,

Consimili mutat ratione obversa colores.

Nascuntur hi colores, dum Pavonis *cauda*, & Columbæ *collum*, lumini obijciuntur, & receptos radios reflexione, aut refractione ad oculos remittunt. Verum est, quòd nonnulli hujusmodi Colores, *Apparentes* tantùm nominant, & inter illas imagines recensent, quæ Nos deludunt, & non nisi specie tenus, naturam habent. Sed rationem, qua id asserunt, non capio. Nam si admittunt Colorem, non aliud esse, quam lumen ipsum in Corporum superficiebus modificatum: quidni fateantur, Colores illos, quos *spurijs* appellant, genuinam naturam obtinere? An brevior Causæ duratio, *Effectus* Veritatem destruit? An Filius forte geniti nomen haud meretur, quoniam statim ab hausta luce extinctus est? Quis dicet *Herbarum virorem*, qui aliquot tantùm diebus oculos delectat, minùs verum esse Colorem, quàm *Smaragdi*, qui diutius perseverat, & non nisi longo tempore alteratur? Nihil enim ad Colorum veritatem, longa duratio spectat, & non minùs illi, qui momento

mentó evanescunt, quàm qui diu oculos afficiunt, genuini *Coloris* nomen sibi vendicant.

Variantur igitur in quibusdam Corporibus *Colores* pro diverso aspectu, ob diversam *refractionem* & *reflexionem*, quæ in tenuissimis pilis plumæ sunt; quatenus luminis radios diversimodè excipiunt. Sic Imagines illæ, plumario opere depictæ, quæ ex *India* devehuntur, pro situs varietate, tum violaceum, seu splendidum cæruleum, tum smaragdinam viriditatem exhibent: quoniam mollissimæ *pluma*, ex quibus contextæ sunt, ita facies habent compositas, ut diversis modis lucem repercutiant.

Sed hæc ultra intentum, ad experimenta pergamus.

Duo specula, unum ex *albo*, aliud ex *nigro Marmore* conficiatur; *Album* radiis Solaribus expositum, distinctionem clarioremque Solis imaginem referet, quàm *nigrum*, ex quo non nisi languidi radii resilient, qui non satis inter se coeuntes, confusam solummodò rei objectæ similitudinem procreabunt.

Id accidit, quod Luminis actio, qua Subtilis Materię partes, à Corpore lucido versùs speculum *nigrum* impulsæ, tendunt, penè ab ipsius partibus extinguatur, & pauca ex illis partibus extrorsum regerantur. *Album* verò, actionem illam remittit, & incidentes Radios ferè omnes reflectit. Nam licet *Album* & *Nigrum Marmor*, iisdem ferè partibus consent, & nullum in eis discrimen Sensu discernatur; certum est tamèn, in *Nigro* alias insuper molliores reperiri, quæ radiorum partem absorbeant, & illorum Vim effringant; ac proinde *Nigrum Corpus*, ad instar *tapetis* se habet, qui *pila impulsæ* Motum quidem recipit, sed illam haudquaquam repercutit. *Album* verò, ad modum *parietis duri*, qui adactam pilam remittit, & absque ullo sui motu reverberat.

Hinc oritur, ut si duas lævigatas laminas, alteram *albi* marmoris, alteram *atri*, tempestate calida, Soli per aliquod temporis spatium exponas, & utramque manu apposita contrectes, experieris *nigram calidissimam* evasisse, candidam verò, maxima ex parte *frigidam*. Quod aliunde oriri non potest, quàm quod *atra* marmoris lamina, ob cavitates suas, luminis globulos liberè admittat; *Candida* autem, ob majorem partium suarum densitatem, receptum lumen reverberet, nihilque ejus, ut ità loquar, sibi retineat. Uti in conclavibus albis quotidie experimur, quæ plus luminis reflectunt, & illud totum penè

II.

Ut sit colorum variatio.

III.

Duo Specula ex vario marmore confecta, diversimodè obiectum Solem referunt.

IV.

Unde lamina alba marmorea minus calefit, quam nigra.

IV.

Unde lamina alba marmorea minus calefit, quam nigra.

foras amandant. Unde cubiculo undique clauso, Solis lumen, per *foramen* exiguum admissum, splendidum apparet, si charta *candida*, radii excipiantur: tenue verò, & quodammodo languidum, si in Corpus *atrum* incidant.

V. Marmor politum, magis atro colore suffunditur, quàm Asperum, & cui aliqua scabrities inest.


Marmor politum
nigrius apparet,
quàm scabrum.

Ratio est, quòd in Aspero, multæ superficies eminent, quæ lucem incurrentem, omni ex parte reflectunt. Aliò enim radius, ab una parte Corporis remittitur, & aliò ab altera. Corpus verò politum, cum una duntaxat continuata superficie constet, pauciores Radios ad oculum reverberat. Deinde, cum nullum sit in natura Corpus adeò Nigrum, ut non plurimas partes contineat, quæ ab aliis sejunctæ, Corpus Album sint composituræ, ut differentia, quæ *Polito* & *Aspero* Marmor interjacet, testatur: dici potest, *lævigatum* marmor, maximè nigrescere, quòd albicantes ejus partes, Lumen receptum, versùs eandem partem reflectant, in qua, si non sit Oculus, idem sit ejus intuitu, ac si Lumen extingueretur. Sed in ea parte situs, cernit in Marmore Lumen hoc, una cum Coloribus, & figura objectorum, à quibus lumen provenit; non aliter, quàm ab alio quopiam speculo.

VI.

Corpus perfectè
politum, non
nisi ab una par-
te videri potest.

Quòd verò *politum*, seu *lævigatum* Corpus, unum tantum radium ad idem oculi punctum reflectat, ita demonstratur: sit



B F planum perfectè *lævigatum*, sit lux in puncto A, Oculus sit in H, sit radius reflexus D H, ita ut anguli A D B, H D F pares sint; evidens est, quod nullus alius radius productus ab A, reflectetur ad H, modò planum B F perfectè *lævigatum* sit. Sit enim quilibet alius radius incidentiæ, exempli causa, A C, dico angulum A C B esse majorem angulo A D B; est enim exterior triangulo A D C, igitur posito angulo reflexionis æquali scilicet A C I, nunquam radius reflexus C I perveniet in H, nec concurret unquam cum D H, sed potius magis ab eo distrahitur, quo ulterius producitur. Idem de aliis omnibus radiis directis incidentibus inter B & D censendum est. Unus igitur tantum radius reflectetur in H, scilicet D H. Dixi supra, si Corpus perfectè *lævigatum* sit, alioquin.

alioquin secus accidet, mutata scilicet plani ratione.

Quædam Corpora, eundem semper *Colorem* servant, & quomodocumque Lumini obtendantur, illud semper pari modo remittunt, ut *carbo*, nunquam non niger appareat: *Nix*, mediis in tenebris, *candida* conspicitur.

Tam constantis Coloris Causa, partium dispositioni ac situi adscribenda est; quæ quamdiu eadem in Corporibus manent, ad certos angulos Lumen excipiunt, & illud ad Visus organum remittunt. *Carbones* enim extincti, *nigri* videntur, quoniam superficiem innumeris rugis, incisurisque asperam habent, quæ Luminis radios suffocant, & eorum robur frangunt. Quod non ratione tantum, sed & ipso Sensu probari potest. Si Quis enim levi manu *Carbonem* attrectet, illico Asperitatem quandam sentit, ei similem, quam in *Pumice* experimur, quam antea diximus, nulla posse arte lævigari. Caloris enim Vi, dum *lignum* comburitur, multum fumi ac halitus avolat, ac proinde Ignis, intra Ligni cavitates rarefactus, Carceres suos diffringit, & Poros dilatat; quos subeuntes Luminis radii, illic absorbentur, & ad oculum non resiliunt.

Non tamen cum Quibusdam imaginandum est, Colores formaliter Corporibus inesse, sed effectivè tantum, in quantum, per certam Particularum Insensibilium dispositionem, & Luminis reflectionem, illos in Oculo producant: Non alio prorsus modo, quàm *Acus*, quæ omni dolore destituta est, in Cutim adacta, Motu suo, figura, ac duritie dolorem procreat.

Sic Sulphurea omnia, *Rubrum* colorem referunt. Sic *Terebinthinae* spiritus, cum plumbi calce digestus, Rubedinem inducit; Et spiritus *fuliginis*, liquori acido, vel Aquæ communi commixtus, in *lacteum* colorem abit. Sic si duæ laternæ statuantur, una è vitro coccinei coloris, altera cærulei compacta, lumen ex utraque emissum, & in charta alba receptum, *purpureum* colorem exhibebit.

Vitrum, dum integrum est, & in laminam extenditur, Pelucidum est, & si aliquem Colorem, *Atrum* magis, quàm *Candidum* refert. Ubi verò pistillo contusum est, Colorem alium induit, & Album oculo exhibet.

Ratio est, quòd *Vitrum contusum*, innumeras superficies habeat, quarum singulæ, Lumen excipiunt, & veluti tot specula reflectunt. Nam cum *Vitrum* omni humore careat, & singulæ

VII.

Quædam Corpora constantem Colorem retinent, ut Carbo, Nix, &c.

VIII.

Quo Sensu Colores dicuntur inesse Corporibus.

IX.

Cur Vitrum contusum, candidum appareat.

ejus partes (quod adhibito *microscopio* experiri licet) sphaericam figuram habeant, una unam partem Luminis remittit, alia aliam, & ita porro, adeo ut totum Lumen regerant, & illud, eodem quo receperunt ordine, reverberent. Hinc *Alba Corpora*, maximè opaca sunt, quia Luminis radiis, à singulis punctis reflectunt, & nullos sinunt, intra cæcas suas Cavitates recondi.

X.
Unde Albedo in
nive oritur.

Pari ratione, *nivis* candor explicatur, quæ cum ex *bullulis* contexta sit, lucis radiis, pro bullarum, quibus componitur, copia, ad Oculum remittit. Nec obest, quod ex unaquaque *bullula*, unus dumtaxat radius, ad oculum remittatur: quia cum nullo modo sensibiles sint, non impediunt quominus continuorum radiorum copia, ad Oculum dirigatur. Hinc fit ut *nix*, quæ aliud non est, quam Aqua congelata, candidior tamen glacie appareat, quia cum *glaciei* superficies, non sit æquè crispata, ac *nivis* superficies, sit ut cum in nive devexitates ubique sint, ex quibus reflecti lumen valeat, quæ in glacie non reperiuntur, *nix* glacie candidior videatur.

XI.
Pisces putrescentes in
machina D.
Boyle, nullum
Colorem præ
se ferunt.

Ligna putrescentia, sicut & *Pisces* malè olentes, quique in Corruptionem vergunt, *candorem* quendam præ se ferunt, si Aeri exponantur. In machina autem D. Boyle impositi, Aere extracto, omnem Colorem amittunt.

Causa est, quod Corporis putrescentis particulae, eo modo agitantur, qui ad luminis sensum requiruntur. Corruptio enim Corporis, non nisi ejus partium motu accidit, è quibus nonnullæ avolant, & à cæteris se junguntur. Quæ autem supersunt, acceptam vibrationem, interjecto Aeri impertientes, illum tenui luce perfundunt. Cum autem è machina pneumatica D. Boyle, totus Aer extractus esse supponatur, mirum non est, si *piscis*, qui antea radiabat, nullam amplius lucem prodat. Aer enim virtute sua elastica, luminis agitationi auxiliatur, & ubi vehementior est ejus motus, lux quoque vigore excrescit.

XII.
Cur inferior pars
Sanguinis, in
disco nigrior
apparet.

Sic putat *Fracassi*, eam Sanguinis partem, ubi in disco frigidus evadit, nigriorem in imo, quàm in superficie videri, non quia uti vulgus existimat, melancholici humoris portio est; sed quoniam infima Sanguinis portio, non uti superior Aeri exponitur; quod si fiat, non minus *rubidus* ac floridus, quàm qui in superficie est, evadit.

Referunt

Referunt viri præclari, & fide dignissimi, quendam *cæcum* organistam, qui prope *Ultrajectum* ad Mosam, vitam traducit, adeo *Tactum* valere, ut diversos Colores, sola manus contrectatione discernat.

XIII.

De quodam,
qui manu colo-
res distinguit.

Hujus rationem adferre, haud admodum difficile erit, si animadvertatur partium *interruptionem* in Corporibus, plurimum ad Colorum productionem conferre: cum manifestum sit, plerisque colores ex Corporis Asperitate, partium figura, ordine, situ, motu proficisci. Ut in *rubro marmore* patet, cuius polita pars, quam maximè in Colore, à rudi discrepat. Et partes flavæ in *panno serico*, à cæruleis plurimum distingui per microscopium deprehenduntur. Cumque igitur in objectis Coloratis ea sit partium diversitas, quæ radorum tum Reflexionem, tum Refractionem admittunt: fieri potest, ut vir ille, oculis orbatus, ita Tactu polleat, ut objecta *colorata*, ex partium asperitate distinguat.

Corpora mixta diversum à priori Colorem adipiscuntur: sic *Anisi* oleum, oleo *Vitrioli* affusum, subito rubrum colorem induit: *Spiritus Terebinthinae* cum Saturni saccharo, seu calce plumbi commixtus, rubri Coloris tincturam procreat. Flava bilis, secundum *medicos*, ex sulphure & sale adulsis progignitur, &c.

XIV.

Corporum mix-
tio novum colo-
rem inducit.

Oritur hæc diversitas, ex interna partium Corporis dispositione. Certum enim est, ex partium minimarum unius Corporis alteratione, varium oriri debere colorem. Ut in *herbis* ad oculum cernitur, quæ in mortario pistillo tunduntur. Partium enim temperatio, seu ordo, est veluti primum Colorum rudimentum, cui lumen superveniens, & ex illis particulis diversimodè reflexum, vel refractum, ultimam addit Coloris perfectionem.

XV.

Ut ex pelluci-
dis corporibus,
nigricans
oritur.

Infusio galliarum limpida, solutioni *Vitrioli* permixta, fit *Atramentum*: huic si spiritum vitrioli, aut Aquam fligiam adjicias, liquor nigricans instar Aquæ fontanæ, fit denuo pellucidus. Hunc oleum Tartari rursus in *Atramentum* reducit. *Nullis de Ferment.*

Cum duo pellucidi liquores simul commisti *Atramentum* conficiunt, idè est, quoniam particule in utrisque contentæ, invicem approximantur, & veluti clausis ordinibus collocatæ, radorum lucis transitum inibent. Cum ab alio liquore in-

fuso,

fuso, *Atramentum* hoc denuo clarescit, idè est, quoniam infusi nova corpuscula particulas priores contiguas, ab invicem dispertiunt, ac in ordinem clausorum aperturas adiungunt.

XVI. Omne pene *pulveris* genus, candidum est, si siccum fuerit, cur *pulvis passim* Albus sit. & valde tritum.

Quoniam omnia illa corpuscula, in quæ resolutus pulvis est, *spherica* sunt, & veluti tot globuli, qui acceptos luminis radios, in idem punctum remittunt. Et si contingat pulveris grana in *mucronem*, vel angulum definire: non Albedinem, sed colorem alium exhibent. Nam sæpenumerò animadverti insigni microscopio adjutus, Arenæ Candidæ granula, globosa esse, vel conoidica, hoc est, cum superficie curva lævigata: granula verò Arenæ, altero colore imbutæ, aspera esse, & multis Angulis intercepta.

XVII. Caro *vitulina*, sicut & gallinæ, si coquatur, albescit, & rubedinem quam cruda habet, exuit.

Ratio est, quod intro misso in Carnem Calore, humor educitur. Humor enim in Corporum meatibus inclusus, Albedinis est impedimentum, ut perspicere licet in omnibus siccis, quæ educto humore candida evadunt: quia *Humor* fractionem tantam non permittit, quantam *Aer*: Tanta autem fractio ad reflexionem necessaria est. Hinc corpus recens dealbatum, obducta scilicet calce, subnigricare primùm videtur, deinde temporis successu albescit; quia initio multum humoris admixtum est, qui ubi avolat, & Calx seccatur, candidum evadit.

XVIII. Colores, qui per tincturam, in pannum, aut sericum inducuntur, facile splendorem suum, si *Soli* diu exponantur, amittunt, & in alium evanidum colorem degenerant.

Id duplici ex causa oritur: *prima*, quod ex tinctis Corporibus, plurimæ partium, quæ tincturam componunt, *Solis* agitatione, exhalantur. *Secunda*, quod multa corpuscula, quæ in Aere vagantur, se panno exposito intrudant, quæ ejus splendorem obtegendo, pristinum Colorem expungunt. Unde qui rei velliariæ curam habent, multum solliciti sunt, ne indumenta diu Aeris exponantur, sed in loco debito, ab Aeris injuriis immuni recondantur.

Nonnulli ad *Dentes* dealbandos, spiritu *vitrioli* utuntur, arbitantes eo spiritu, nitorem quandam Dentibus conciliari, utpote extersivo &c.

Verùm

Verum, id inter vulgares Errores annumerandum esse cen-
seo : Cum constet ex spiritu *Vitrioli*, & *sale alcali*, flavum co-
lorem exurgere : Cumque ex gingivis, sicut & aliis Corporis
partibus aliquid *Alcali* continuò transfundatur, necessum est,
ut spiritus *Vitrioli* dentibus fricandis deputatus, ubi Sali fuerit
commixtus, simili Colore eos tingat, sive flavedinem eis im-
pertiat.

XIX.
Spiritus Vitrioli nocivus dentibus.

Vas ex Vitro confectum, & *Cucurbitæ* adinstar oblongum,
Aqua repleatur, mox radiis Solaribus ita exponatur, ut ii per
angustum in superiore parte Vasis foramen, ex obliquo pene-
trent ; In Charta, aut Linteo excepti, varios Colores exhibe-
bunt. Nam qui supremum locum occupabit, *Ruber* conspicietur,
infinus *Ceruleus*, medius autem, aliquantulum *Candidus*
apparebit.

XX.
Quomodo diversi oriantur in Vitro oblongo, Soli exposito, Colores.

Hujus Phænomeni ratio, ex varia Radiorum transmissione
petenda est : Nam Experientia constat, Radios per foramen il-
lud obliquè transeuntes, refringi debere, ac proinde, omnem illam
Colorum varietatem, ab eo pendere, quòd partes Materiæ
Subtilis, quas ad modum exiguarum sphaularum, quæ per
terrestrium Corporum Meatus devolvuntur, concipimus ; pro
Causarum diversitate, quæ earum Motus determinant, variis
modis moveri. Aded ut *Color* qui superiori parte Vasis pin-
gitur, *Ruber* sit, quoniam Globuli Cœlestes, qui Luminis acti-
onem transmittunt, multo celerius circumrotantur, quàm
secundùm lineam rectam pergunt. *Ceruleus* verò, in infima
parte conspicitur, quoniam iidem Globuli, multo tardius ro-
tantur, quàm rectà procedunt. Causa enim ibi supponitur,
quæ eorum Motui oblectetur, & eorundem Circumvolutionem
impediant. In medio verò, *Candidus Color* apparet, quo-
niam Materia Cœlestis, æqualem habet circumvolutionis &
processus proportionem. Quippe Corpora illa *Alba* appel-
lantur, quæ efficiunt, ut Globuli Ætherei, eadem mensura ro-
tentur, quæ secundum rectam lineam pergunt. Aded ut, to-
tum Colorum discrimen, ex diversa illorum proportionem so-
lùm pendeat, quæ inter illorum motum *rectum* & *circularem*
intercedit. Quemadmodum in Institutione philosophiæ ex-
plicatum est.

Refert *P. Athanasius Kircherus*, de *Arte lucis & umbrae*, quod-
dam esse ligni genus Mexicani, quod illius Regionis Incolæ,

XXI.
De ligno ex Mexica ad Coati,

ducto, quod
varium Colorem
in Aquam
inducit.

Coati, nominant, quod Aquæ varium Colorem insinuat. Quippe si ex eo Vas aliquod torquetur, eique Aqua limpidissima imponatur, paucò tempore interfecto, eam Colore *Ceruleo* imbuat, qui tamdiu in Aqua subsistit, quamdiu intra Vasis latera continetur: In ampullam autem crystallinam transmissa, & multo Lumini objecta, pristinam perspicuitatem recuperat, ni à radianti illo Lumine, ad modicam umbram transferatur; quippe tunc *smaragdina Viriditatem* exhibet. Et si in minori adhuc luce ampulla traducatur, Aqua *Rubra* videbitur, non multò à *Nigrore* abhorrens.

Aqua prædicto Vasi imposita, *Ceruleum* primò præfert Colorem, quoniam ambigi nequit, quin infusus liquor, Meatus ligni subigat & maceret, ac proinde multæ ligni Particulæ educantur, quæ Humori admixtæ, efficiunt, ut Luminis radii, eo modo frangantur & reflectantur, quo necessum est, ad *Cæsi Coloris* speciem oculo exhibendam. Aqua verò, in Ampullam vitream transmissa, *limpida* denuo evadit, propter Solis, cui exponitur, fulgorem. Quia licet particulæ è lignoeductæ, radios aliquos Reflectione, aut Refractione emittant; adeò tamen Vis Luminis prævalet, ut totam eam partium dispositionem expungat, & inoffenso Cursu permeet. Sic quotidie videmus Solem, per *Prisma vitreum*, lucentem, non Iridis Colores exhibere, quos tamen ipsi radii, in *Charta* recepti, satis exactè referunt. Deinde Ampulla crystallina, ex ingenti luce, ad modicam delata, jucundam & amœnam *Viriditatem* ostendit, quoniam ex Solis splendore, qui multum Luminis suppeditat, è *Cæso* Colore, quem ipsa Vasis cavitas producit, *Viridis Color* exurgit, qui ex *cæruleo* & *flavo* componitur. Demum imminuto adhuc Lumine, *Pullus Rubor* videbitur, quia ob Luminis decrementum, Rubor ille languescit, & modificatione mutata, in *Pallum*, & quasi *ferrugineum* degenerat.

Articulus

IXX

et collat
et collat

ARTICULUS DECIMUS.

De Occultis Qualitatibus.

Spongia Aqua afficitur, eamque, quasi illi maritari gauderet, attrahit.

Spongia improprie *Aquam* attrahere dicitur; cum è contra, Aqua potius ad *spongiam* ascendat, & in ejus Poros intrudatur. Nam quum Spongia Aquam contingat, illam aliquantulum premit, efficitque ut Aquæ pars compressa assurgat, & Spongiæ fissuras ingrediatur: ut in *Calamo scriptorio* patet, cuius contactu, atramentum illico sursum evehitur, ope nimirum *rimule*, quæ ejus cuspedinem interfecat. Quippe si cuspidis Calami insecta, atramento admoveatur, nihil liquoris attollitur: aut si quid Calamo adhæret, confestim delabitur, & defluit, fit igitur Aquæ ascensus, dum *spongia* pressione, Aer de loco deturbatur, qui mox Aquæ superficiem propellens, illam sursum deducit, & vi quadam ad incumbentis Corporis ingressum adigit.

Panis recens, si vino, alterive liquori supponatur, ad duos, vel tres digitos, illum attrahet, & contra Naturæ Leges, sublata omni pressione, in distans operatur.

Vinum in *Panis* Cavitates transmittitur, quia cum illæ ampliores sint, quàm Aeris partibus tantum recipiendis sufficiant, Aeris partes in ipsis inclusæ, undique à Subtili Materia circumcinguntur, quæ illas concitatus agit, quàm alibi moverentur, si sibi ipsis implexæ remanerent. Cum autem omnia Corpora, quæ moventur è locis, in quibus coarctantur, elabi contendunt; fit ut dum Aeris partes, è superficie liquoris meatibus, quæ illum contingunt, egrediuntur, partes Aquæ, vel alterius liquoris illis succedant, & derelictum locum occupent. Et quoniam etiam liquoris partes, melius *Panis* Cavitates implent, non tam celeriter in illis agitantur, atque Aeris partes; ac proinde ex illis non egrediuntur, nisi ut superiores panis meatus permeent, & *Aeris* locum aliquantulum

Quippe ambigi nequit, quin in pane recens cocto prius quantumvis

I.

*Vulgo censetur
Spongiam
Aquam attrahere.*

II.

*Panis recens
quomodo Liquorem attrahit.*

III.

Ut Aqua per

*calcem plumbi
erebitur.*

tumvis obliqui, liquoris ascensui auxiliuntur: sunt enim velut *Tubuli*, per quos Aqua ab Aere externo pressa sensim transfunditur. Id simili experimento probavit Illustris D. Boyle. Tubum enim Vitreum & oblongum accepit, illumque *minio*, seu plumbi calce replevit, tum imam Tubi partem in Aquam depressit, quæ temporis lapsu, ad quadraginta digitorum altitudinem promotæ est; per eos scilicet meatus, qui veluti tot *syphones* Aquam traducunt.

IV.

*Ovis Lupum,
Pullus Mil-
vum, Columba
Accipitrem
fugit.*

Ovis, *Lupi* aspectum horret: Pullus, primo intuitu *Milvum* fugit; & Columba, toto conatu *Accipitrem* declinat.

Solent passim Philosophi hujusmodi Aversiones, in mutuum odium referre, & reciprocae inimicitiae attribuire, quæ inter hæc Animalia intercedit. Sed id jure asseri nequit. Non enim *Lupus Ovem*, sicut hæc illum odit: imo *Lupus Ove* delectatur, & ut sibi conveniens bonum prosequitur: cum ipsi sit in alimentum, & ejus carnibus vitam suam sustentet. Pari modo de *Milvo*, qui pullum insectatur, & de *Accipitre* qui Columbam adoritur, differendum est. *Ovis* igitur viso Lupo, in fugam se conjicit, quoniam talis est in ea fibrarum plexus, ut à *Lupi* Corpore reflexum Lumen, eam Affectionem producat, ex qua fugæ motus sequatur. Evibrantur enim è *Lupi* Corpore radii, qui tenuissima nervorum opticorum fila moleste afficientes, Cerebrum, spiritusque in eo contentos commovent, eosque in Nervos & Musculos deducunt, eo modo, quo ad fugam arripiendam, necessarium est.

V.

*An Umbra sit
corpori nociva.*

Quædam *Umbra* malignantis naturæ esse dicuntur, & dolorem, aliudque incommodum conciliare. Sic *Serpens* fraxineas umbras fugit. Sic qui umbras captant, per somnum afficiuntur.

Oriuntur hi effectus, non ab *Umbra*, quæ cum aliquid negativum, seu privativum sit, positivam Virtutem habere non potest; sed à Corpusculorum *profluviis*, quæ ex Corporibus emanant, ex Arbore nimirum, vel ex *plantis* proximè constitis, vel palude vicina, vel alio quolibet Corpore. Quod verò quis Umbram captans, Affectionis ab illis corpusculis imprimendæ capax sit, ex eo facile colligitur, quod tempore æstivo, Corporis meatus magis pateant, hiantque idonea hujus erumpentis materiæ receptacula: ac proinde quid mirum, si Corpora facilius afficiantur?

Afferunt

Asserunt passim *Cabalista*, certis verbis virtutem quandam inesse, quibus se multa patrare asserunt. Memini me apud *Paracelsum* alicubi legisse, ad nomen *osy osya* serpentes gradum sistere, & veluti torpentes immotos jacere.

VI.
Nulla vis nominibus inest.

Verum, id gratis à *Cabalistis* assertum esse arbitror, cum linguæ verba, etiam dignioris, uti vocant, efficaciam nullam habeant; non magis quam viri probitas, aut rei sanctæ significatio, vocibus virtutem inferre potest. Non respondendum est, *Poetas* & *Oratores*, in Auditorum animos, motus excitare, quia non id occultis verborum viribus id peragunt, sed Rationum momentis, aut vocum flexibus. Fictitium igitur est, quod *Plinius* lib. 28. Nat. hist. cap. 2. depromit, *Fruges* scilicet *excantari*, *incantari serpentes*: Cum vocabula nihil operari naturaliter queant, & nullam cum Cælis, & Intelligentiis, sympathiæ connexionem habeant.

Vulgò jactatur, quod *Nasus*, ex servi, aut alterius Hominis carne excisus, eo extincto, nasus quoque putrescat. Idem de Canis *morsu*, in rabiem acti referunt, qui ad mortem ejusdem Canis viget.

VII.
Nasus ex carne alicujus excisus non perit, eo pereunte.

Ratio hujus nulla suppetit, cum falsa illa omnia esse existimem, & temerariè à Scriptoribus, chartæ mandata. Aut si quid hujusmodi aliquando contigit, casu evenisse dicendum est.

Pulvere *sympathetico*, Vulnere distantia sanantur, si instrumento, quo impactum est vulnus, pulvis adhibeatur, & telum subindè *fasciis* circumligetur, ac diligentissimè foveatur.

VIII.
Non pulvere sympathetico, vulnera distantia curantur.

Quamvis id magni etiam Authores tueantur, adduci tamen nequeo, ut credam, vulnera, vi talis pulveris curari. Nam si quod in *chalcanto*, sive vitriolo calcinato experimur, confideremus (si virtutem adstringentem excipias, in Sanguine sistendo, cicatricèque obducenda insignem) nihil reperitur, quod ad curationem vulneris promovendam conferat. Nam licet fortè spiritus è vitriolo erumpentes, ejus sint energię, ut ad modicam distantiam exferri possint, supra omnem fidem tamen est, quòd Vis Naturalis Agentis, per medium, ad plurium miliarium distantiam transmitti queat. Nec tanti facienda sunt, quæ passim apud vulgum jactantur exempla, quum omnibus notum sit, quam ad credendum humana mens proclivis sit, & quam plurimi inter Mortales sint, qui decipi volunt, ne inter alios.

alios *Increduli* habeantur. Si quæ autem vulnera, eâ arte curata sunt, id ad eorum *elutionem*, ac *mundiciem* referendum est, cum præscribatur, ut mundum semper vulnus servetur, & *urina* abstergatur, quæ ratione *Salis* in ea contenti, detergendi, & adstringendi vim habet. Quod ipsi *Canes* præstant, dum lambendo, ac ipsa *saliva*, tanquam medicamento, vulnera sua curant.

IX.

Quomodo vetula
infantes fasci-
nat.

Fertur passim, Vetulam infantulos fascinare, eisque malefici-
cium inferre. Hinc Virgilius,

Nescio quis teneros oculus mihi fascinat agnos.

Id oriri potest, quod *Vetula* malignæ suæ imaginationis auxilio, & nervis musculisque ad contentionem adactis, infestis quosdam spiritus, veluti radios ejaculetur, quibus tenerum infantium corpus læditur, præsertim si in proximo fuerit. Fit enim *fascinus*, teste Plinio, ex spiritu fascinantis, per oculos fascinati, ad Cor ipsius ingresso. Nec multum à vero abest, posse evibratis spiritibus, aliquid noxæ adferri, quum constet *Menstruo* turgentem mulierem speculum inficere: Tussientem in alio tussim excitare; & oscitantem, oscitantiam in proximo inducere.

X.

Ut Scorpius
morsui applici-
tus virus
educit.

Araneus, aut *Scorpius*, si parti corporis, cui ictus aut morsus inflictus est, applicetur, emissum à se virus retrahit, vel remouet. *Gassendus*.

Causa est, quod Scorpii vel Aranei substantia, ad modum spongiæ se habeat, dum partes per contusionem distractæ, Nervorum ope sese retrahunt, & venenum adhuc cohærens secum adducentes, id quoque quod irreperat, retrahunt. Id enim modo haud ab simili peragitur, quo *oleum*, lixivii ex *sapo*ne ope, è panno eluitur: Nam uti Olei particula, quæ in pannum irrepsere, *Saponis* particulis utpote congeneribus, & ad olei naturam accedentibus, facile agglutinantur; & istæ illas abducunt, dum illæ à *Sale*, cui cohærent, cum Aqua exprimuntur: Sic veneni Corpuscula Vulneri in hærentia, iis facile sociantur, quæ in alliso Animali sunt: ista vero, dum versus Animalis Corpus retrahuntur, illa simul ex vulnere educunt, & quodammodo exfugunt.

XI.

An Lupus rauce-
dinem iis, quos

Vulgò creditur, Hominem à *Lupo* primò conspectum obmutescere, atque ipsius linguam ita præpediri, ut non Vocem proferre, nedum Clamorem ciere queat. Id

Id quidem olim jactatum est, sed vanè, & absque sufficienti *primo aspicit,*
examine; quum experientiâ constet, parem in Homine com- *inducat.*
motionem excitari, seu ipsum *Lupus*, seu ipse *Lupum* prior vi-
derit. Ego ipse in *Artesia* venando, Oculos non semel in
Lupos, in me obtutum vertentes conjeci, & tamen nullam
raucedinem sensi, neque ullam in Voce alterationem depre-
hendi. Imo illos sepe solo clamore fuga distraxi. At quor-
sum igitur Nonnulli, ad *Lupi* conspectum, raucedinem con-
trahunt, & subito veluti Muti efficiuntur? Dico id timoris in-
terventu provenire, dum de Seipsis, aut de Grege nimium solliciti,
metu corripiuntur. Nam tunc præpropere clamare nitenti-
bus, *Pulmò* festina nimis demissione, ac elatione læditur, con-
cutiturque *Arteria*, præ nimia Aeris inductione, qui in illa
quasi suffocatur. Accedit quoque, quod relaxati *Linguae*
musculi, ob nimiam spirituum defectionem, haud satis expeditè
ad Vocis formationem extendi queant. Quibus omnibus
Instrumentis deficientibus, necessum est, quandam *Raucedini-*
nem procreari, & linguam, ad Vocis articulationem reddi in-
habilem.

Quædam Plantæ, inter se inimicitias alunt, & mutuum o-
dium testantur: Ut *Quercus* & *Olea*, *Brassica* & *Ruta*, *Filix*
& *Arundo*, quæ ita dissident, ut una ab alterius vicinitate
abhorreat; nec queant sine alterius detrimento, se contin-
gere.

Ratio hujus odii est, quod istæ stirpes unius alimenti sint a-
vidæ, & inæquali facultate illud attrahunt. Hinc fit, ut quæ
potentior est, totum Terræ succum depopuletur, illumque sibi
alliciat; quo destituta altera, necessum est extenuari, & in-
felicitè crescere. Vel dici potest, *Plantas* loco vicino con-
sitas, mutux Nutritioni obstat, propterea quod è radicibus,
per Terram serpentibus, Corpusculorum effluvia, seu halitus
emittant, quæ aliarum *Plantarum* radices male afficiunt, aut
enecant. *Olea* enim, vicinam humum tanta amaritudine
replet, ut *Brassicæ* & *Lactucas* penitus corrumpat. *Filix A-*
rundini insidiatur, halitu per ejus poros insinuato, qui eos ob-
struit, aut fibrarum plexum turbat.

Heliotropium, ob Solis imaginem, quam refert, notissimum,
Solem continuò contemplatur; & ita ejus motui obsequitur, ut
se ad illum indefinenter convertat. *Id*

XII.

Quæ causa Odii
inter plantas.

XIII.

Quomodo Heli-
otropium ad
Solem conver-
tatur.

Id ipsi accidere existimo, quòd Frutex ille, multa uligine abundet, & crassa Humiditate imbnatur, quæ radiis Solaribus agitata, ob Rarefactionem, intra eosdem limites contineri non potest, ac proinde per laxiores Poros, hoc est, per eos, qui versùs *Solem* verguntur, exitum querit: Cùm verò hujus Fruticis *collum* sit facilè mobile, agitatus humor, qui in tenuissima filamina prorumpit, illud circa eam partem convertit, in quam diriguntur. Peculiarem hujus Floris uliginem *Ros* ille arguit, qui in ejus medio, dum Sol altissimus & calidissimus est, conspicitur; qui non *Roris* matutini reliquæ dici possunt, quum ille, post paucas horas, ab orto Sole, evanescat & exhaletur. Sed sit Humor ille, qui ad Solis præsentiam, ex ejus trunco, effluit, & usque ad Floris folia evehitur.

XIV.

*Horologii Ad-
mirabilis ex-
plicatio.*

Sic mirabilis illius horologii, à P. *Lino Leodii* inventi, quo globulus Aquæ internatans, diei horas indicaret, cœlique motum exactissime imitaretur, ratio reddi potest, Kircheri exemplo, qui suberis fragmento cujusdam Heliotropii grana inferens, invenit suber ab illis in Solem converti, indiculoque apposito, notatas in vase horas designari. Quia cum ad solem, non in Orientem modo, sed & in Occasum Heliotropium convertatur, non potest non horas in vase adnotatas indicare.

XV.

*An Ossa & Can-
cri in plenilu-
nio, nova mate-
ria repleantur.*

Ossa in Plenilunio, medulla opplentur, & *Cancris* circa idem tempus, nova substantia turgent: *Luna* verò decrecente, & medulla & substantia illa minuitur.

Hujus Experimenti ratio, eadem reddenda est, qua à *Plutarcho* Quællio quædam solvitur: quorsum scilicet, *Equi*, quos *Lupi* sunt infecuti, cæteris cursu præsent: quippe postquam ingressit illos, fortè Velociiores, quoniam qui pedibus eos æquare non potuerunt, à Lupis hausti sunt: vel quia laxatis, incussò metu, Artubus, novam agilitatem comparavère, qua retenta, celeriores, quàm ante videntur; Tandem aliam addit solutionem, quæ à vero haud multum abhorret, fortè id quod proponitur, falsum esse; quod de *Ossibus* & *Cancris* passim vulgatur eodem modo obtrudendum est: cùm Viri exactissimi, his in rebus, Observatores, testentur se contrarium esse expertos, & *Ossa Cancrosque* omni Anni tempestate, promiscuè plenos, aut vacuos inveniri. Quibus assentior.

XVI.

*Cur Cervina
pellis supra alias
emergat.*

Pellis *Cervi*, si à Coriariis in fundo cuppæ constituatur, quæ tam bubularum quàm aliarum pellium acervo sit supposita; ex

ex quo primùm Aqua infusa est, non quiescit, donec omnibus evolutis, sese subduxerit, & toto cumulo superiorem se statuerit.

Hujus causam refert *Gassendus* in ampliorem pilorum Cervi, quam cæterorum Animantium cavitatem: (singulos enim pilos canales esse, sive tubos quosdam *microscopia* offendunt) adeo ut illi Aere oppleti & intra Aquam constituti, nixum faciunt, ad modum vesicæ inflatæ. Quod ad Animalis celeritatem haud parum conferre existimat, dum ob calorem à motu excitatum, ea capacitas spiritu diffatur: sicuti probabile est, eam pennæ partem, quæ cava est, multum in *Volucris* conducere, ut facilius in Aere sustententur.

P. HISTORIÆ

HISTORIÆ NATURALIS PARS TERTIA.

Mundi & Cœli.

ARTICULUS PRIMUS.

De Mundi Exordio.

I.
*Quid censuerit
Plato de Mundi
exortu.*

Quamvis Orbis Universi origo, satis Nobis per Fidem constet, nullique Fideli fas sit, de illius incunabulis ambigere; haud tamen abs re fore arbitror, si Rationis vires explorentur, tenteturque, an ejus ductu, ad Mundi principium, perveniri possit. Inter *Antiquos*, qui illud detexere, & tanto operi Effectorum Moderatorumque assignavere, præcipuus Divinus *Plato* fuit, meritò eo nomine dignus, qui è rerum genitarum contemplatione, Mundi Opificem agnovit, & ex Effectuum natura, supremam Causam complexus est. *Universum*, inquit in *Timæo*, cernitur, tangitur, & Corpus habet; omnia verò talia sensus movent, quæ sensus movent, opinione per sensus dignoscuntur. Hæc verò talia esse constat, ut gignantur & genita sint. Quicquid autem gignitur, ab aliqua Causa gigni asserimus. Opificem quidem, & Mundi patrem invenire difficile, & cum jam inveneris, prædicare in vulgus.

II.
*Partium Mundi
dispositio
Opificem ejus
asserit.*

Enimverò omnia quæ in Universo spectantur, Creatorem prædicant, & nihil Natura Mortalium oculis objicit, quod non sui Authorem loquatur, & ad ejus venerationem excitet. Quem

Quem non Mundi partium dispositio, ad ejus exortum allèrendum impellit, faterique cogit, non esse *Aeternum*? An casu, cæcoque fortunæ ductu, prodière hæc omnia, quæ miramur? An *Terra*, an *Cælum*, an *Sidera* spontè, & absque peregrino Consilio, sua loca occupavère? Quæ *Atomis* vis? Quæ *materie* potentia, ut mundum tanta varietate insignem efficerent? Si *Solem*, si *Terram*, si *Planetas* componere valuerunt, quidni *Urbes*, *Domos*, *Templa*, *Porticus* potuère? quæ minorem operam exigunt, & humana arte quotidie eriguntur.

Machina concinnè elaborata, non nisi à perito *Artifice* proficiscitur, & ejus præstantiam, solertiamque arguit. At quid hac *Universi* Machina admirabilius fingi, aut excogitari potest? in qua nihil iners & otiosum reperitur, nihil temere, aut frustra effectum est. *Stirpes* contemplare, omnibus peculiariis vis indita est. *Animalia* intueri, cuilibet suum inest ingenium, & attributa naturæ propensio. In *Cælum* mente conscende, illic *Sidera* aspicias, sed locis suis disposita, cursum suum æquali tenore perficientia, & non nisi certa vicissitudine munia sua obeuntia. Sicut *simulachrum*, ait *Mercurius Trismegistus*, aut *Imaginem sine Sculptore*, aut *Pictore*, nullus fieri dicet, hoc autem opificium sine *Opifice* factum erit? O multam cecitatem!

III.
*Fabrica Mundi
Opificem suum
predicat.*

Totum eadem, qua partes ejus, natura imbuitur, cum ex illis resultet, & ab earum diversitate distinctionem suam mutuatur. Nihil autem constantius, quàm partes, quibus Mundus coagmentatur, dissolvi, & ortui interituique esse obnoxia. *Terra* Generationis, Corruptionisque theatrum est, quæ raro eandem faciem refert, quæque secundum *Temporum* vices, aliam atque aliam personam induit. *Ignis* quotidie perit, & qui tanto robore pollere videtur, momento evanescit. *Aqua* à siccis Corporibus exsugitur, & Motu suo quo Corpora penetrat, in flores & gramina degenerat. Nihil in Orbe diu perseverat, & clarè evincitur natum esse, quod aliquando desinere potest.

IV.
*Partes Mundi
cum sint corrupti-
biles, illum
talem efficiunt.*

Quidam hujus Argumenti vim eludere nituntur, dicendo *Generationem*, & *Corruptionem*, Mundi quidem partibus competere; nihil tamen obstare, quominus *Totus* idem perseveret, & *Aeternus* habeatur; cum rerum summa eadem maneat, & non nisi quoad exteriora alteretur, non alio modo, quo *Cera*, quæ non aliam naturam adipiscitur, dum varias *figillarum*

V.
Objectis.

Impressiones patitur, sed alteri tantum *figuræ* subest, & retenta Substantia, habitum commutat.

VI.

Responsio ad
Objectionem.

Ipsis ultrò demus in Mundo, non nisi Accidentariam Mutationem contingere, non tamen inde probè concludetur, *Totum* dissolvi non posse. Nam si unius alteriusve partis ruina fieri potest, quidni viginti, centum, mille, & omnium; cum videamus labes aliis alias in orbe accidere, & multa uno die perire, quæ intacta per plurima secula remanserant. Et quamvis hæc non passim contingant, & multi Anni absque huiusmodi cladibus interlabantur, non tamen inde legitime inferetur, illas evenire non posse. Cum multa sæpe ingruant, quæ longo antea Temporis spatio ignota, inauditaque fuere. Nihil ad rem pertinet, quòd *Cera*, non nisi extrinsecus Mutationem patiatur. Quippe Mundus motione intestina concuti potest, & susque deque subverti. Annon nova quoditiè nascuntur, & vetusta pereunt? uti in Partibus mutatio fieri potest, ita Totum iisdem perturbationibus affici, & aliam prorsus faciem assumere.

Hinc *Lucanus* lib. primo:

*Communis mundo superest rogos, Ossibus Astra
Mixturus.*

VII.

Mundi ortum
Historiæ re-
stantur.

Sed quoniam Naturæ Historiam exarare hic propositum est, lubet Mundi originem ex *Antiquorum* monumentis deducere, & quousque, eæ, quas habemus Historias, porrigantur, aperire. Nulla hominum gesta ante *Thebanum, Trojanumve bellum* commemorantur, & quicquid Posteritas novit, nostrorum Temporum Scriptoribus debet. At, si Mundus æternus est, omnique principio caruit, quomodò factum est, ut qui præexistere *Poetæ & Historici*, facta suorum non cecinere? & scriptis mandavere, quæ tam immenso Temporis decursu, ab Heroibus suis patrata sunt, aut à Legissatoribus in Universo fuere condita? Verùm, cum nihil horum extet, tacitè innuitur, Mundum creatum esse, & haud multò ante illa Tempora, ortum habuisse.

VIII.

Id verum inven-
tio confirmat.

Præterea, quis Mundum semper extitisse fatebitur, cum ultrà Historiarum fidem, rerum plurimarum cultus, emendatio, sive etiam inventio recentem esse arguat? Cum barbaros

baros primum Homines, & parum à ferarum asperitate abhorrentes Antiquitas memoriæ mandet, tradatque non eundem eis, quo nunc utimur, victum fuisse, sed glande prius, & baccis alitos, ut loquitur *Macrobius*, serò de fulcis sperasse alimoniam? Cùmque exordium rerum, & humanæ nationis opinemur, ut aurea primum sæcula fuisse credamus, & inde Natura per metalla viliora degenerans, ferro sæcula postrema fœdaverit? Ac ne totum de *Fabulis* mutuari videamur, quis non hinc mundum quandoque initium habuisse arbitretur, cum ultra duo Annorum millia, de excellenti rerum gestarum memoria, ne Græca quidem Historia exstet? Quippe supra *Ninum*, à quo procreata *Semiramis* existimatur, nihil in Libros celebrerelatum est. Si enim *ab aeterno*, ut loquuntur philosophi, Mundus incepit, cur per innumerabilem sæculorum numerum Cultura caruit? Cur rerum plurimarum experientia ad aliquas gentes recenti ætate pervenit? Hæc enim Mundi Æternitati adversantur, dum opinari nos faciunt, certo mundi principio singula paulatim ac successivis Annis principium habuisse.

Non obest, quod passim obijciunt *Platonici*, Mundum potuisse ab æterno produci, cum non repugnet quosdam Effectus suis principiis esse cœvos, ut *Soli* lumen, *opaco* umbram, & similes. Quoniam non hic quæstio est, an Mundus æternus esse potuerit, & Deo utpote Creatori cœvus; verum an revera talis sit; cum manifestum sit Deum non necessitate, sed sponte operari, eo prorsus modo, quo Opifex sui opificii causa est. Nam licet Mundi Idea, in mente Divina admittatur æterna, non inde sequitur opus quoque sempiternum esse, nisi quis asserat, rem conceptam à perceptione esse inseparabilem, & Donum illicò esse constructam, dum illam *Architectus* conceperit.

Neque minùs quas profitemur Artes, Mundi initium arguunt; cum quælibet, paucis elapsis abhinc Annis, *Authorem* suum habuerit, & cujusque nomen, patriam, sortem *Codices nostri* referant. Noscimus enim, Quis *Aratro* primus Terram eruerit; Quis *Ferrum* ministraverit in Mortalium perniciem; Quis ludi *gladiatorii* Author fuerit; & Quis etiam in ordinem *saltare*, Quis disjunctis manibus, pedes agitare docuerit. Si verò à principio, imò ante principium factus est Mundus, quomodo,

IX.

Dei æternitas non mundi æternitatem arguit.

X.

Artes indicant Mundum non diu extitisse.

quomodo post tam longam Annorum seriem, non eodem, quo nos usi sunt cultu? quomodo neglecta *litterarum* formatio, à qua sola æternitatis Memoria servatur? Quo pacto non prius Agro *Vitis* inserta est, cur tamdiu à campis *Olea* exulavit? Qui *pixis nautica* tamdiu latuit, cujus subsidio, nunc *Maria* trajicimus, & novas Terras, novosque Homines detegimus. Hæc omnia, Mundi æternitati palam adversantur, insinuantque, non longam retro hujus ætatem, productum editumque fuisse. Hinc *Lucretius*.

— *Habet novitatem, summa recensque
Natura est mundi, neque pridem exordia capir.*

XI.

Quo Anni tem-
pore productus
est Mundus.

Qua verò Anni tempestate conditus fuerit Mundus, non certo inter Authores liquet, quibusdam *Veri*, aliis *Autumno* faventibus. Sed quorsum alterutra præferenda sit, non video: cum in orbe, Ver & Autumnus continuo regnent, & secundum diversas ejus partes dominantur. In una, frigore Corpora rigent, in altera, aestu fervescunt: In una

Vere madent udo Terra, ut cum Virgilio dicam, in alia, *pampinco* gravidus *Autumno* floret *ager*. Absurdum autem videtur, Mundi exordium secundum aliquam Tempestatem determinare, quum in eo, quatuor simul Tempestates reperiantur. Si verò, de plaga illa *Boreali* intelligatur, in qua Homines primum nasci, & degere Deus voluerit, probabile est, ejus respectu, *Autumnus* fuisse: quum Rationi consentaneum sit, omnia à Deo esse condita, nihilque ab eo fieri, quod non sit numeris omnibus absolutum.

ARTICULUS SECUNDUS.

De Rerum genesi, & partium Mundi digestionem.

I.

Terræ & Cœli
productio à
Mese descripta.

Moses, ejus narrationi non Neoterici modo Philosophi, sed & Veteres adstipulantur, *Capite primo Genesios*, Mundi Creationem magno cum apparatu describit, orsus à Terræ, & Cœli productione, quibus veluti Centro, & peripheria, totum

totum Univerſum complexus eſt. In principio, inquit, creavit Deus Cœlum, & Terram: Sed Terrâ, quam ſtagnans Aqua tegebat, undique Tenebris obvolvabatur, fiebatque *Inanis*, & infeconda. Quia licet *Spiritus*, ſive Subtilis Materia, toti Terræ moli incumbere, ejuſque inertiam excitaret, quia verò tumultuariè coibat, & non certo adhuc motu *ſerebatur*, *Vacua*, id eſt Inviſibilis tamdiu remanſit, donec Omnipotentis Verbo *lux facta eſt*, quæ Tempora dirimeret, efficeretque, ut quæquæ ſuis in locis conſpicerentur.

Hoc ſiquidem verbo, Deus Materiæ partibus Motum ingeneravit, eiſque illam propenſionem indidit, ad hunc Motum, in recta linea continuandum, quem *Lumen* appellamus. II.
Opus primæ
dici.

Ea enim eſt Naturæ lex, ut Corpora omnia, quæ in orbem aguntur, à Motus ſui centro, quantum in ſe eſt, recedant: Et in hoc conatu Naturam lucis conſiſtere, fuſe in *Inſtitutione philoſophia* explicatum eſt. Verùm, cùm in initio, non magna materiæ huius ſubtilis copia, in *Vorticum* Centris exiſteret, ea Actio, qua Globuli Cœleſtes præmuntur, non longè pertinebat; ac proinde ea loca, ad quæ illius effectus non porrigebatur, obſcura manebant, & Tenebris circumſepta.

Itaque ex Lucis, & Temperarum mixtura, Mundus in diverſas provincias diſtinctus eſt, & non niſi Materia Subtili, cætera Corpora pervadente, tenuiora à craſſioribus, & gravia à levioribus ſecreta ſunt. Hoc *primæ Dici* opus, & Supremi Entis Omnipotentia argumentum. Nam nihil de novo, poſteris diebus productum eſt, ſed omnia duntaxat in ordinem reſtaurata, & cuilibet Corpori ſuus assignatus motus.

Die ſecundo, interjecto inter Aquas *Firmamento*, nonnullæ locum ſuperiorem ſortitæ ſunt, aliæ Terræ ſuperficiem percurrentes, gignendis alendiſque *Piſcibus* ſunt deputatæ. Quippe ſi *Firmamenti* etymologiam ſcrutemur, nihil aliud quàm magnam, ac maximè diſfuſam Extensionem ſignificare repemus, quam ex *Vorticum* diſpoſitione ortam eſſe concipimus, dum inter ſe ſunt adaptati, & ita ſibi ipsis adhæſerunt, ut unius *Ecliptica* aliorum *Polis* reſponderet, atque unius Motus, aliorum gyrationem juvaret potiùs, quàm impediret. Itaque Materia Cœleſti, ingentes illas Corporum moles intercurrente, *Aque ab Aquis* ſecretæ ſunt; & quæ Terram tegebant, firmamenti poſitione, ab aliis, quæ ſolidis craſſiſque Corporibus incumbant;

bant, longo intervallo avulsæ sunt : Ac proinde Aquæ, quæ sub Firmamento, ab iis, quæ supra firmamentum, divisæ sunt, ac separatæ. Constat enim Mosen *Cælestia Corpora*, nostri intuitu, superiora existimare, Terram verò quam incolimus, inferiorem locum occupare.

IV.

Opus dii
tertiæ.

Tertio die, in unum locum congregatae sunt Aquæ, & arida facta est Terra : quia cum Terra Aquis undique obvolveretur, nihilque ejus appareret, bonum Naturæ Authori visum est, Aquis in certa quædam loca colligere, quatenus iis nudata, omnis generis *Gramina, Plantas, Arbores*, è sinu suo erueret. Hinc *Sicca* vocata est : Aquarum vero collectioni, nomen *Maris* inditum. Verùm, quoniam Telluris rotunditas obstabat, nè in unum Aquæ convenirent, nullaquæ Cavitas aderat, quæ tanto liquori recipiendo sufficeret, Fide credendum est, eo ipso die, formatos esse *Montes*, aliasque Telluris partes assurrexisse, quæ Vallibus post se relictis, diffusum antea Aequor reconderent, & suis lateribus tuerentur.

V.

Opus quartæ
diæ.

His stabilitis, & disposita suo ordine Mundi Materia, ad ejus ornamentum perfectum est. Quarto namque die, duo Ingentia *Luminaria*, in firmamento posita sunt, ut essent in *Tempora, Dies & Annos*, hoc est, quibus diurnus, annuusque Terræ Circuitus, Planetarum revolutiones, & statæ Solis periodi innotescerent. Eadem opera, innumeræ Stellæ adjectæ sunt, quæ propria Luce gauderent, & Radios undique vibrarent.

Nam cum primi Elementi Materia, ex assiduo particularum Secundi motu cresceret, majorque ejus quantitas esset in universo, quàm ad implenda illa spatia, quæ globulis interponuntur, necesse erat ; quicquid ex ea residui fuit, postquam illa spatia impleta sunt, ad *Vorticum* Centra confluit, ubi Corpora quædam sphaerica fluidissima composuit, nempe *Solem, & Fixas Stellæ*. Postquam enim particulæ secundi elementi, magis attritæ fuerunt, minus spatii quam prius occuparunt, nec idèd ad Centra usque diffusæ sunt, sed ab iis omni ex parte æqualiter recedentes, loca ibi sphaerica reliquerunt, à materia primi Elementi, ex locis omnibus circumjacentibus eò affluente replenda.

VI.

Opus quintæ
diæ.

Quinto die, adjecit Deus, ut ex Aquis moventia Animantia ederentur, fierentque ex Acre *Volatilia*, quæ per ætherea spatia

spatia ferrentur, & in liquida materia, Corpora sua libarent. Eodem verbo, *Reptilia* prodire, quæ absque pedum adminiculo graderentur, & pectore suo Terram ferirent.

Demum perfecto domicilio, instructoque omni rerum varietate Palatio, Microcosmus in Macrocosmum introductus est, *Vita, Sensu, Ratione* præditus; utpote ad Mundi Imperium genitus, & cui *Pisces* Maris, *Aeris Volatilia*, cæteraque Terræ *Animantia*, obsequium præstarent. His peractis, ab opere cessatum est, & impositus laboribus finis. Hanc totam Mundi genesis paucis Versibus Danæus, in Physica Christiana complexus est, quam hic exscribere non pigebit.

VII.

*Sextæ diæ
opus.*

*Prima dies Cælum & Terram lucemque creavit,
Altera distendit spatium, discrimen Aquarum:
Tertia secernens undas, dat gramina Terris:
Quarta creat Solem & Lunam, cælestiaque Astra:
Quinta dedit Pisces, eadem genus omne Volantum:
Sexta tulit pecudes, Hominem quoque, quem Deus ipse
Condidit, inde operis requies Lux septima fulsit.*

Non immorandum est, quod *Hebræorum* nonnulli, à verisimilitudine abesse existiment, quod Mundus sex dierum intervallo conditus sit, ac propterea hanc dierum delineationem *allegorice* accipiendam esse aliqui Patres duxerint: Cum *Deus* in mundi productione, non eo modo, quo absolute posset, processerit, sed quo à nobis Mortalibus intelligitur & apprehenditur. Id enim præstare voluit, quatenus nos homunculi nosceremus, nihil absque ordine eum operari, qui capere haud valemus, qui in simultanea creatione, ordinis ratio habeatur.

VIII.

*Cur mundus sex
dierum spatio
creatus sit.*

ARTICULUS TERTIUS.

De Mundi interitu.

EX dictis manifestum sit, conditum esse Mundum, & ea esse Corruptioni obnoxia, quæ ortum babuere. Nam quidni principium destructivum nanciscatur, quod productivum habuit?

I.

*Quod principium
babuit, finem
quoque ha-*

Q

bere necessum
est.

buit? Et esse aliquando desinat, quod semel esse incœpit? Annon *Materia*, ex qua totum Universum conflatum est, interitus origo & causa est? Quid unquam ea substantia, sempiternum fabricatum est? Cuncta quæ spectamus, quotidie labuntur, & veluti destinato cursu ad finem properant.

Is enim primis labris physiologiam gustasse haud videtur, qui æternum esse putat, quod semel ortum est, ut loquitur *Velleius* de Platonis sententia, apud *Ciceronem lib. 1. de Nat. Deor.* Quæ enim est coagmentatio non dissolubilis? Aut quid est, cuius principium aliquod sit, nihil sit extremum?

*Nam veluti privas a cibo, natura Animantium
Diffluit, amittens corpus, sic omnia debent.
Dissolvi, simul ac defecit suppeditare
Materies rectâ regione averfa viai.*

Lucretius libro primo.

II.
*Priscorum opi-
nio de Mundi
duratione.*

Verum obstabis, non defuisse *Philosophos*, qui Mundo æternitatem asseruerint, putarintque ingentem hanc Machinam, tam assabrè esse confectam, ut pati aliquod exitium nequeat. Hujus Sententiæ fuere *Zenophantes, Melissus, Aristoteles*, & alii, impietatis eos insimulantes, qui Mundo Durationis terminum adscriberent, & aliquando esse perituum profiterentur. Neque *Plato & Pythagoras*, huic Opinioni adversati sunt: Quia licet Mundum finem habiturum esse crediderint, non tamen nisi à Deo corrupendum esse censuerunt; ea ratione nixi, quod tanto Opifice indignum sit, opus suum destruere, & tam miro artificio elaboratam *Machinam*, aliquando dissolvi. Parentis esse fœtus suos servare, & nullo pacto, ad eorum perniciem impelli.

III.
*Mundus naturâ
& corruptibilis.*

Sed cæcorum sunt hæc Judicia, qui non probè ad Mundi constitutionem attendentes, rati sunt, inter ejus partes, vincula intercedere, quæ nulla ætas, nulla secula perrumpere sufficerent. Sed ut Authoritatem Auhoritati opponamus; Annon aliter *Epicurei & Stoici* senserunt? quorum ultimi, præter *Jovem*, nihil immortale esse sunt opinati, & hanc Terram, Mare, Aerem, Cælumque ipsum æqualiter interitura affirmant, & in alia Corpora degeneratura. Ut vaticinari videtur Tragicus poeta in *Herc. Oct.*

Cæli

*Caeli regia concidet,
Certos atque obitus trahet,
Atque omnes pariter Deos
Perdet nox aliqua, & chaos.*

Sed quorsum Veterum Philosophorum testimoniis, ad Mundi Corruptionem asserendum opus est? quum quæ præsentibus nobis accidunt, decrementa, ejus arguant, & senescentem ætatem loquantur? Quare advocanda Scripturæ Authoritas, ut sciamus omnia, quæ in mundo sunt, delabi, & ad finem properare? Quis nescit *Tempestates* deficere, & à pristinis viribus declinare? Decrescit quotannis *Æstatis* fervor; non *Hyems* solitos imbres seminibus alendis suppeditat; non ita fata *Vere*, læta prodeunt; nec *Autumnus* talem tenero dat palmitè fructum. Omnia denique minuuntur, & à primæva virtute paulatim descedunt. Si Terram scrutamur, si Montium radices subeamus, quàm tenuis *Auri Argentique* vis, quàm raræ Metallorum venæ reperiuntur, si eas cum illis conferamus, quas prisca referunt, & Historiæ etiam nostræ testantur.

Neque minora sunt aliis in rebus decrementa; nam Quis non experitur, pauciores quàm Majorum temporibus extare Homines, & Arva *Agricolis*, Castra *militibus*, *Maria nautis* pene destitui? Quid autem tam generalis Rerum defectio, aliud quàm mundi Senium arguit, & omnes Creaturas ad extrema vergere? Occidi necessum est, quod paulatim decrescit, & occulto tramite, ad exitum decurrit. Hæc igitur inconcussa Dei *Lex* est, ut omnia, quæ originem accepere, denascentur, & quæ longo Tempore aucta sunt, senescant, & emorian-
tur.

Sed quorsum tot sermones, ad imminentem Mundi Senectutem ostendendum, cum videamus Hominum *Vitam*, indies minorem fieri, & paucis Annorum curriculis terminari.

IV.
*Generalis rerum defectio,
Mundo finem
imminere portendit.*

V.
*Solito brevior
Hominum vita
Mundi senium
prædicat.*

*Et genus hoc, vivo jam decrescebat Homero;
Terra malos Homines nunc educat; atque pusillos.*

Lucretius lib. I.
Quondam ultra octingentos, & nongentos Annos Homines

Aura, ut cum Poeta loquar, *vescebantur athera*: nunc vix centenarium Annum attingunt, & si fortè cò pervenerint, tanta Animi molestia, tantoque Corporis dolore vexantur; ut nihil magis exoptent, quàm Vitam suam, cum Morte commutare. Qui igitur cum continua *Mundi* labe, *Tempestatum* defectiōne, *Mortalium* senio, mundi *Æternitas* consistere potest, & quod perpetuò alteratur, esse sempiternum?

VI.

*Elementa ad
Mundi destru-
tionem con-
spirant.*

Aliud Argumentum ex particularibus Mutationibus desumi potest, quæ semper mundo labem inferunt, & diversa ratione ad ejus exitum conspirant. Quas non strages Ignis mundo attulit? quot Regiones Sol, quem *Vita parentem, universque Animam* appellamus, corripuit, & quæ antea produxisse videbatur, extinxit? Quoties *Aqua* mundo infusa fuit? Quot contigere diluvia, quorum Aquis obruta Tellus, infœcunda per aliquot menses reddita est, incolis orbata, & in pristinum chaos tantum non redacta. Quoad Nos, licet mortem nondum simul experti, & longiorem nobis Vitam, quam aliis speremus: Ratione tamen ad credendum adigimur, illam Nobis quondam adfuturam, quum iisdem corporeis Infirmitatibus subjiciamur, quibus ii, qui nos præcessere, fuerunt obnoxii. Similiter, quamvis totius *Mundi* Ruinam non viderimus, nihilque adhuc oculis objectum est, quod ejus Interitum præfagiat, par est tamen conjicere, illum ipsi imminere, quum iisdem morbis teneatur, quibus cætera, quæ periisse referuntur.

ARTICULUS QUARTUS.

De Rerum Generatione & Corruptione.

I.

*Quomodo ex
Ligno Ignis
generetur.*

N I H I L apud nos solentius, quam Ignem ex ligno generari, & Corpus subtile ac fluidum, ex crassa ac dura materia procreari.

Generatur Ignis ex ligno, non *nova forma* exortu, ut *Aristotelici* putant, sed sola partium dispositione, situ, cæterisque aliis modis, quæ cujusque Corporis formam constituunt. Nam nihil ligni deperditur, dum ardet, & in *flamam, carbonesve* convertitur,

convertitur, sed alia tantum sit partium connectio, & alius à priore existendi modus. Ut enim Ignis excitetur, debent Globuli Cœlestes, qui omnia intervalla circa Terram occupant, vi aliqua expelli ab intervallis nonnullarum partium terrestrium, quæ deinde à se invicem disjunctæ, atque in sola materia primi Elementi natantes, celerrimo ejus motu rapiuntur, & quaquaversus impelluntur.

Ab eadem partium dispositione, figura, motu, textura, pulli in ovo generatio proficiscitur: Cum albumen, quod ante gallinæ incubatum, non nisi insipidus liquor, diaphanus, similis substantiæ, & in aqua frigida facile dissolubilis erat, Gallinæ calore accedente, in *Animal* convertatur, cujus partes aliæ opacæ, aliæ ruberæ, flavæ aliæ, quædam fluidæ, & quædam consistentes sunt, &c. Nec mirum quibusdam videri debet, quod ex sola partium dispositione, figura, &c. tanta corporum varietas in Mundo oriatur, cum ex viginti quatuor Alphabeti Litteris, tanta dictionum diversitas procedat, ut incomprehensibilis propemodum videatur.

Ex frusto Ligni cremato, *Sal* generatur, ut *Chymici* testantur, qui in distillationibus *Mercurium*, *Sulphur*, & *Salem*, extrahunt, Cujus ultimi partes Aquæ immiscentur, & veluti cum illa incorporantur.

Hujusmodi educationibus, Generationis nomen non nisi improprie tribuitur, cum in iis nulla partium adaptatio secundum figuram, quantitatem, & motum, fiat; quam ad genuinam generationis rationem requiri antea diximus, sed partium tantum discretio. Salis enim particulæ, cum minutæ sint & exiles, facile à ligni partibus obruuntur, quæ nunquam pungunt,apidæque evadunt, ni prius seorsum ponantur, & à cæteris, Caloris vi fecernantur. Manifestum est, *Argenti* unciam, cum ingenti massa *Auri*, ita posse coalescere, ipsique ita intimè commisceri, ut nulla *Auri* pars detur, in qua non aliqua *Argenti* portio reperiatur: Nemo autem, qui sanè philosophatur, affirmabit *Argentum*, dum Aqua forti, ab *Auro* separatur, generari: sed solum ejus particulas, quæ in *Auro* commiscebantur, extrahi; & suæ naturæ libertati-que restitui. *Sal* igitur ligno commistus, naturam suam retinet; etsi non sentiatur, vimque suam exerat; id provenit, quod ab innumeris ligni partibus obducatur, & ejus aculei, aliorum

II.

Ex sola partium dispositione albumen ovi in pullum convertitur.

III.

An Sal è ligno, aut alia materia generetur.

aliorum Corpusculorum occurſu, quodammodò refringan-
tur.

IV.

Ut Metalla ſolo
vapore ſolvun-
tur.

Metalla ſolo vapore nonnunquam ſolvuntur, ut apud *Chymicos* ſolenne eſt, *Aurum*, & alia duriffima corpora, Calore externo, per *balneum Mariæ*, hoc eſt, aquam calidam, in quam ex parte, vas immergitur: vel *balneum roſis*, id eſt, vaporofum halitum, ſolvere.

Id fit, dum Halitus per valis meatus tranſmiſſus, & in Metalli poros deductus, ejus partium plexum ſolvit. Nam ſicet Calor ille *lentus* ſit, quia tamen diurnus eſt, ad modum guttæ aquæ ſe habet, quæ lapidem cavat, & ſenſim ad intimas ejus partes penetrat. Hinc *Chymici* tantum Caloris hujus vim experti, miras nobis fermentationes pollicentur, nec ambigunt, quin ſint aliquando *Aurum* & *Argentum* confe-cturi.

V.

Pomum putri-
dum alia ſana
corrumpit.

Pomum putridum, ſi ſincero admoveatur, illud corrumpit: imo nonnunquam contingit, ut plurima ſana, ab uno ſolo putrido depraventur.

Id ab Halitu, è Pomo putrido erumpente provenit, qui ſatis validus eſt, ut ſincera Poma ingreſſus, à ſubtili materia, in illis exiſtente agitatus, eorum partes ſimiliter, ut in pomo putrido ſunt conſtitutæ, diſponit; atque ſic per contactum, putrido illo halitu mediante factum, parem in ſinceris *pomis* putredinem ingenerat. Simili ratione, pomum ex pomo maturitatem contrahit, nam *citro* conſciendo, poma cumulati-
tim confunduntur, & una contacta una, feſtinatam maturi-
tatem inducit, juxta illud, *Botrus contra Botrum citius ma-
tureſcit*.

VI.

In Aceto Vermes
generantur.

In Aceto, paſſim *Vermes* generantur, cum illud corrumpi, viſſique illius debilitari inceperit, qui exigui admodum, ob-
longi tamen, & Serpentium ritu, liquori innatant.

Quia cum in Corruptione, partium compages ſolvatur, & particulae ſulphureæ, ut cum *Chymicis* dicam, cum ſalinis flu-
orem adeptis, evaporentur, ſit, ut earum plurimæ foras e-
rumpendo, alicubi in vicinia coeant, & invicem conjunctæ,
ea Animalcula producant. Eadem ratione, Vermes in *Cafeo*
gignuntur, & in *fructibus* ſimilia Animalcula, cute etiam
integra, oriuntur; quia hæud dubium eſt, quin mollia inte-
ſtinos motus patiantur, & inſenſibiles eorum particulae, a-
gitationem

gitationem suam habeant, quæ in confusionem aguntur.

Aromatibus vis inest, Corpora à putredine servandi: hinc mortuorum Corpora *Aromatis* imbuuntur, ut diu intacta in sepulchris supersint.

Ratio est, quod *Aromata*, iis partibus constant, quæ facile à subtili materia commoveri queunt, ac proinde novam fermentationem in Corporibus excitantes, otiantem materiam, in agitationis suæ societatem adsciscunt, & plurimas eorum particulas effluentes cohibent, impediuntque ne avolent. Sic *Flores* & *Fructus*, melius saccharo asservantur: Nam id tenues volatilesque eorum particulas mulcendo, intus retinet, & gratum eis saporem conciliat.

Tritici *grana*, molarum compressione, in *farinam* abeunt, quæ mox Aquæ admixta, manuum opera, furnique calore, in *panem* degenerat, quicquid in ventrem immixtus, & acido penetrantique succo diminutus, in *sanguinem* tandem convertitur.

Hujus progressus causa, à solo motu petenda est, qui omnem penè mutationem in Corporibus generat, & illam diversitatem inducit, quam in Cælo, Terræque spectamus. Non enim existimandum est, in *Rerum Generatione* aliquid novi acquiri, aut earumdem interitu, quicquam deperdi, quod in ipsis antea, non continebatur, sed novam tantum partium connexionem oriri, & alium à priori existendi modum. Adeo ut, dum Tritici *grana*, in *farinam* primum, deinde in *panem*, & demum in *chylum*, & *Sanguinem* commutantur, nihil aliud, in toto eo progressu reperitur, præter motum localem, quamvis species ipsa mutari videatur. Ut appositè *Ovidius* describit *decimo quinto Metamorph.*

— *Omnia mutantur, nihil interit,
Neò perit in tanto quicquam, mihi credite, mundo.
Sed variat facièmque novat: nascique vocatur
Incipere esse aliud, quam quod fuit ante, morique
Desinere illud.*

Ubi verò talis partium seu insensibilium, seu sensibilium Mutatio non contingit, nulla fieri potest Mutatio, ut in *Talco*, *Auro*, *Hydrargyro*, & Aliis, quæ tam arcto vinculo copulantur,

VII.

Aromata servant
Corpora à putre-
dine.

VIII.

Quaratione Tri-
ticum in panem,
& postea in san-
guinem conver-
tatur.

tur, ut nulla vi se jungi queant; aut eo modo subigi, quin pristinæ formæ restituantur.

IX.

Quomodo dicantur Vapores in Aquam converti, aut è contra.

Nihili communius apud Philosophos, quàm *Aquam* in *Vapores* converti, & vice versa *Vapores* frigore ita condensari, ut *Aquæ* naturam denuò assument.

Scio Aristotelicos non arbitrari, hanc mutationem esse mutuatam, cum sibi fingant, in omni generatione, novam Substantialem *Formam* acquiri, & aliam interire, ac proinde ut *Aristotelis* verbis utar, secundo de generatione, capite ultimo. *Si ex Aere Aqua fiat, & ex eadem Aqua rursus Aer, fore Aerem specie eundem, non verò eundem numero.* Sed id verisimile non videtur, cum in iis Mutationibus, earundem prorsus partium restitutio fieri possit. Nam sicuti *Machina* centum aut ducentis partibus constans, ubi dissoluta fuerit, à perito *Artifice*, refarciri, & in integro reformari potest: ita quidni *Aqua* penitus eadem, pristinam formam denuò induat, si eadem *Vaporis* particulæ, ad se invicem accedant, & iterum uniantur? Quis dicet *Aquæ* guttam, quæ per *Alembicum* evaporatur, & eadem vase excepta concrescit, specie distingui? cum omnes ejus partes colligi denuò possint, eidem *figuræ* subjici, similemque *locum* occupare. Tota igitur, quæ *Aquæ* & *Vapori* interest, differentia, ex solo Motu & Figura pendet, quoniam *Vaporis* partes magis agitantur, magisque à se mutuo dissident, quàm partes *Aquæ*, quæ minùs cientur, minusque spatium occupant.

X.

Mutatio corporum à partium transpositione pendet.

Sic *lignum* ex multiplici partium transpositione, in flammam ac fuliginem, ac demum in Cineres fatiscit. Sic *Vegetabilia*, ubi putrescunt, in *Vermes*, aut pulverem, vel uliginosam Substantiam abeunt. Nec intelligi potest, quo alio ritu, infinita illa *Animalcula*, quæ per *Telescopium* in *caseo* putrescente deprehenduntur, proveniant, nisi quia *Corporum* illorum, quæ mutationem subeunt, partes, quoad *situm*, *figuram*, &c. mutatae sunt, & diversas affinitates inierunt.

ARTICULUS QUINTUS.

De Cælo.

CONSTAT Corpora in Cælo, non minùs quàm supra Terram mutari, & novas figuras, novosque Colores acquirere; ut *Phases*, quæ in *Venere* contingunt, testantur, quæ haud multum à *Lune* phasibus differunt; & eodem penè modo oculis obtenduntur.

I.
Novæ phasæ
in Venere qua-
re contingunt.

Hujus varietatis Causa, ab ipsius *Veneris* motu pendet, qui fluido Cælo innatans, circa Solem volvitur, & prout supra, infra, aut ad latera ejus fertur, novas phasæ procreat. Cum enim *Planeta* mutuato à *Sole* lumine illuminentur, diversas Nobis facies exhibent, prout circa Solem excurrunt, & in ejus oppositione sunt, aut Conjunctiōe.

Quippe constat *Venerem* uno tempore quadragetis se majorem exhibere, quàm altero: Eteandem, quum maxima conspicitur, *corniculatam* formam gerere, *sphericam* autem, quum minima est. Quod phænomenon, arguit *rotundam* *Venerem* in celsissimo esse situ, & *corniculatam* in humillimo. Quæ apparitiones sat indicant *Venerem* sicut & *Mercurium*, non Terram ambire, sed per circulum, circa Solem converti, ac proinde Terram nostram *Venerem* inter ac *Martem* esse collocatam.

II.
Unde fit quod
Venus aliquan-
do major, ali-
quando minor
videatur.

Cometæ diversas Cæli regiones peragrant, & ita cito motu feruntur, ut intra paucos dies ex Oculis penitus evanescant. Quippe deprehenduntur ingentia ultra Solem spatia trajicere, & ex uno cælo, in aliud transire.

III.
Cometæ ex uno
Cælo, in aliud
transmigrant.

Hoc phænomenon, demonstratam à nobis in *Institutione philosophiæ*, Cæli fluiditatem evincit, sine qua, non Corporum motus, non trajectio fieri potest. Nam quo pacto Sidera, aut Cometæ, ab uno loco, in alium transferri possent, si ubique solida adsint Corpora, quæ eorum cursum remorentur, aut impressum impetum retundant? Cometæ igitur celeriter per Cælorum spatia vagantur, quoniam Cælum, Aeri nostro simile, licet multo purius, solidis Corporibus cedit, & facile se penetrari sustinet.

R

Corpora,

imo maximè tenebrosam à Nobis visum iri, nisi alia Corpora interjacerent, quæ aliquot radios ad Nos reflecterent; sive quæ globulos Secundi Elementi, quos *Sol*, aut *Stella* in ipsa propulerunt, versùs oculos nostros remitterent. Nam cum illi Vapores rari sint, plurimùmque dilatentur, Cœlestes Globuli non satis multas particulas offendunt, ut æque celeriter in *gyrum* ac secundum *lineam rectam* ferantur, ac proinde contingit, ut Cœlum Colore cæruleo tinctum appareat, ut antehac de illius natura dictum est.

Quod verò Cœlum ipsum, *Ceruleo* colore tinctum non sit, ex eo constat, quod Sidera omnia trans ipsum spectata, à Nobis cærulea aspiçi deberent, quemadmodum ea, quæ trans *Vitrum* coloratum ponuntur, ejusdem cum vitro Coloris apparent.

VI.
Cur tamen
cæruleum
non est.

Plures Stellæ in Cœlo nascuntur, quæ antea visæ non fuerant, uti de *Merope*, seu *Electra* narrant Mathematici, quæ diu ante Trojanum bellum conspicua, paulatim posthac extincta est. Aliam *Tycho Braheus* in Cygni constellatione adnotavit, quæ etiam in Cœlo, per multos Annos apparuit, & demum ex oculis veluti Senescens evanuit.

VII.
Quæ sit ut quædam
Stellæ, in
Cœlo evanes-
cant.

Horum, sicut & aliorum Siderum de novo orientium Causa, passim à *Mathematicis*, in Cœlorum corruptibilitatem refunditur. Quod enim in alio generatur, ab eo suæ procreationis materiam mutuatur, & ex ejus dissolutione provenire necessum est. Majus enim Corruptibilitatis rei alicujus Argumentum adferri non potest, quàm si dicatur, in ea multa oriri & interire; & genitorum moles decrescere, & minui, quod in novis Stellis contingere, posthac manifestius reddetur.

ARTICULUS SEXTUS.

De Sole.

SOLIS Effectuum præcipuus, maximèque communis est Calor, quem per diffusa undique spatia, ad nos transmittit. Quippe nullibi Solis radii appellant, quin Calorem illic ingerant, & eas mutationes inducant, quas à Flamma produ-

I.
Quo pacto Sol
calidus esse
dicitur.

ci quotidie cernimus. Hinc *Parmenides* & *Heracitus* apud *Stobæum*, credidère Cœlum Ignem esse, & Stellas veluti inflammatos centones, in eo locari, quibus ad Nos *lumen* devehitur, & tanquam è fontibus, rerum inferiorum vigor profuit.

Qui *Aristotelem* sectantur, hunc Effectum Solis virtuti duntaxat, non verò illius substantiæ acceptum referunt, quem ignea natura præditum esse inficiuntur, & Vi sola, non autem ad tactum Calidum esse. Ad instar *Zinziberis*, & *spiritus vini*, quæ Calorem in ore & in stomacho excitant; quo tamen destituuntur, si manui apponantur. Verùm, undè illis constat, Solem *eminenter* tantum, & non reipsa calidum esse? An Sensu aliquo id percipere? An fortè tam propè, Soli admoti sunt, ut illum manu contingerent? Quidni potius *nativum* ei Calorem attribuunt, cum in omnibus, Igni assimiletur, & ejus naturam omnimodè referat? Nihil hic supra Terram *flamma* mobilis cernimus, quum omnia penè Corpora agitet, & sua activitate dissolvat. Annon idem *Mathematici* ope *Telescopii* deprehenderunt, qui Solem *Auri* instar in fornace fervescantis, aut *Maris* undique igneis fluctibus acti, ebullire vidisse testantur? Quid verò aliud est *formalis* Calor, quàm varius exiguarum partium Corporis motus, dum diversimodè agitantur, & aliter atque aliter inter se feruntur. Quod Soli contingere, nemo inficias ibit, nisi qui ejus naturam penitus ignorat. Quod autem de *Spiritu vini* & *pipere* adferunt, non tam in illorum, quàm nostram rem facit, quum illa calida esse non percipiantur, nisi in illorum partibus, Subtilis Materia, primò motum excitet, & illas à se invicem disjungat. Solis verò particulæ, in perpetuo sunt motu, & quamvis ultra terminos, quibus includuntur, non excurrant, situm tamen variant, & ad partes diversas feruntur.

II.

Cur Sol sphericam habeat figuram.

Sol libero oculo intuenti, Sphæricus apparet, præsertim si oculus eximio *telescopio* muniatur, cujus vitrum concavum, diluto aliquo liquore, exempli causa, *Ianthino* tingatur; quippe tunc non disci duntaxat, ut antea figuram referet; sed totius sphærici Corporis convexum detegit. *Gassendus*.

Hujus Phænomeni ratio est, quòd Materia primi Elementi, quæ Solis Corpus componit, ab illius Centro, omni ex parte recedere conatur, & æquali nisu circumjacentem materiam premit.

premit. Nam *Natura Lex* est, ut Corpora quæ circulariter moventur, à Centro circuli, quem describunt, quantum in se est, recedant, & per amplius spatium dilatari contendant: ac proinde loca post se relinquunt spherica, ab alia Subtiliori materia replenda. Cùmque etiam *Vortex*, in quo Sol formatus est, à circumambientibus aliis Vorticibus undique prematur, & à Motu suo, per lineam rectam persequendo impediatur, necessum est, ut *Rotundus* maneat, & aliam figuram nunquam adipiscatur. Ut patet in *Vitro*, quod in orbem effingitur, dum transmissus per tubum *Aer*, Vitri partes æqualiter premit, & non minùs ad fundum, quàm in latera protruditur.

Nullam adhuc in Sole mutationem *Mathematici* deprehenderunt, quem eadem constare magnitudine, iisdemque polere viribus, cum quibus formatus est, agnoscunt. Quod nulli adducunt, ad probandum *igneæ* naturæ non esse, cum pabulo non indigeat ad sui Nutritionem, & eo deficiente non extinguitur.

III.

*Sol sub eadem
semper magni-
tudine & figu-
ra conspicitur.*

Licet Sol pro *Ignē* habeatur, & iisdem quibus flamma, videatur defectibus obnoxius, non tamen inde concluditur, pabulo, quemadmodum hic, qui apud Nos est *Ignis*, quo alatur indigere. Nam secundùm Naturæ Leges, quodlibet Corpus, in eodem semper statu permanet, donec à peregrino agente inde deturbetur. Unde patet *Ignem*, cùm fluidæ ac mobilis sit naturæ, facilitè supra Terram à circumjacente materia arripi ac destrui, & proinde ipsi Alimento opus esse, quo amissa resarciat, & dum aliquid ejus Materiæ evanescit, altera in ejus locum substituatur. Tali autem desinendi genere, Sol non periclitatur, cujus ruinam non ita vicinæ Cæli partes machinantur, nec ita ad ejus destructionem conspirant. Aliquo tamen pabulo eget, ut unus semper esse existimetur, sed illud ipsissimam primi Elementi Materiam esse dicimus, quæ sicut per *Eclipticam*, sive loca à polis solaribus remota elabitur, ita nova semper materia, in Solem per *polos* ingreditur, & ad locum similis abeuntis, perpetuò accedit. Unde sicuti *flumen*, idem semper manere dicitur, si Aquarum substitutione reparetur: ita Sol novæ materiæ ingressu, idem perseverat, & eandem molem, eandemque figuram semper tuetur.

IV.

*In Zona torrida
Sol servatior*

Quamvis Sol varias per orbem Terrarum tempestates pro-

sensitur, dum
ab illa remo-
tior est.

creet, & præsentia sua Calorem ubique producat: contrarium tamen in *Zona Torrida* passim contingit, in qua summus æstus potissimum viget, dum Sol maximè remotus est: minuitur autem, debiliorque evadit, dum Sol perpendiculariter imminet, & illam directioribus radiis ferit; adeo ut, qui inter Æquinoctialem lineam, & *Tropicos* vivunt, circa *Christi natalitia*, Æstatem ordiantur, Hyemem autem, circa festum Sancti Joannis.

Provenit hæc Tempestatis diversitas, ab ipso Sole, qui *Zonæ Torridæ* habitantium capitibus directè imminens, plurimos *Vapores* attollit, eosque ad tantam altitudinem allicit, ut Aeris frigidi occurso, illico in *aquam* convertantur; ac proinde continuam propemodum pluviam suppedient, quæ Aerem refrigerat. Distantem autem ab eorum verticibus Sole, desinit pluvia defluere, & refrigerio destitutus Aer, ita incalescit, ut vix tolerabilis reddatur.

V.

Cur Sol quosdam
Homines deni-
grat, non au-
tem Ignis.

Solis Calore, Homines in quibusdam Terræ locis, *Nigro* Colore tinguntur, ut qui in *Quinea*, *Æthiopia* vivunt: Quem effectum *Ignis* non præstat, quamvis in Corpora acrius impingat. Hinc qui Vitris conficiendis continuè occupantur, non tam nigri quam pallidi sunt Coloris.

Id oritur, quòd *Ignis* in Sanguinem & spiritus operetur, ut exhalent; quo fit, ut Homines ita pallidi ac subsufci reddantur. Benignior autem Solis Calor, Sanguinem in extimas Corporis partes tantummodò prolicat, eumque concoquit potius, quàm eliquat. Hinc omnes *Æthiopes* carnosio quidem, sed inconcinno Corporis habitu sunt, crassisque labiis, quæ humidum detentum, non elicitum arguunt.

VI.

Unde sunt cre-
puscula, & eo-
rum diversitas.

Mane, priusquam Sol oriatur, & vespere postquam occidit, *Crepuscula* fiunt, quæ in quibusdam terræ partibus perpetua sunt, nullamque regnare Noctem sinunt.

Oriuntur *Crepuscula*, dum *Solis* radii, in *Aeris* & *Atmosphæræ* superficiem obliquè incidentes, versus Terram refringuntur, & illam subeuntes, ab occurrentibus Aeris & halituum particulis eodém etiam reflectuntur. Incipiunt autem & desinunt *Crepuscula*, quando Sol ab *Horizonte* octodecim gradibus abest. Quod si humiliùs perrexerit, nocturnæ diffunduntur tenebræ. Hinc manifestum est, quod in iis locis, in quibus Sol, æstivis mensibus, octodecim graduum humilitatem non acquirit,

acquirat, continua vigeant post ejus occasum Crepuscula, & nox perfecta non succedat.

Ab hac radorum solarium refractione pendet, quod Sidera Horizonti vicina, tantillum hæere videantur, & quodammodo reluctantia occidere; quod in *Sciothericis horologiis*, vespertinæ umbræ lineas horarias tardiùs attingant, sicque præter solitum horas protrahant: Quod Sol quandoque, cum Luna, dum deliquium patitur, appareat, quanquam necessum sit ad Eclipsim procreandam, ut Luna illis interponatur. Quod *Batavi in nova Zembla*, post continuam trium mensium noctem, Solem supra Horizontem intueantur, & ad ipsummet Meridianum, diebus circiter quindecim maturius quàm pro positu sphaeræ deberet, eversum videant. Quia radius, qui est inter Oculum, & punctum Atmosphaeræ, in quo refractione peragitur, non ad Solem, sed aliquantò supra ipsum terminatur; quo fit, ut Sol in loco altiore existere, quam revera est, cernatur.

Solis Eclipsis semper ab Occasu incipit, Lunæ autem ob Ortum. *Gassendus.*

Ratio est, quia Luna motu suo in Ortum, parte sua Orientali, partem Occidentalem tam umbræ terrenæ, quam Solis subit. Unde fit, ut ipsa quidem sui parte Orientali, propter Occidentalem umbræ partem deficere incipiat. Sol verò è diverso, occidua ob Orientalem Lunæ. Et quoniam pars ultimò deficiens, lucem ultimò recuperat, fit ut defectus in Luna ad Occasum desinat, in Sole autem ad Ortum.

In Solstitio, dum magis perpendiculariter in Terram nostram Sol radios suos vibrat, non tantus calor sentitur, quam post dies aliquot, cum Sol scilicet ab hemisphaerio nostro declinare incipit.

Ratio est, quod Sol Horizontem nostrum ascendendo, Aerem directis radiis, vel magis perpendiculariter, diebus singulis calefacit, & longiore mora supra Horizontem, usque ad Solstitium permanet. Cumque hujusmodi radorum directio ac mora, per dies aliquot sensibilibiter perseveret, & acquisito jam Calori consimiles gradus continuò addantur, fieri non potest, ut illum non intendat. Aded ut, nisi radii à pristina directione sensibilibiter deflectant, Solisque mora supra Horizontem defrescat, Calor minui, seu remitti non potest.

Sol Horizonti proximus, major apparet, quàm ab eo diffitus, dum

VII.

Sol sepe in loca esse apparet, in quo revera non est.

VIII.

Eclipsis Solis incipit ab Occasu, Lunæ autem è contrâ.

IX.

Cur Solis calor post solstitium est vehementior.

X.

Cur Sol Oriens

vel Occidens
major appareat
quàm circa me-
ridianum.

dum scilicet, circa Meridianum in Cæli vertice versatur : quippe tunc altior, evectiorque esse concipitur.

Hujus deceptionis ratio, à radorum refractione petitur, quæ in Vapore rorido peragitur, quorum inflexio, Angulum visorium dilatat, & rei magnitudinem auget. Quia cum Vapor non nisi modicum supra Horizontem evehatur, in cuius tamen plano maximè extenditur, fit ut radii solares, plures hinc inde, quàm sursum cocant, efficiantque, ut longior Solis *diameter*, quæ tunc cernitur, plano Horizontis parallela reddatur. Sol autem, circa Meridianum in Cæli vertice evectior apparet, quoniam radii, qui à Sole proficiuntur, cum per diversæ raritatis Corpora, Cælum scilicet *athereum* & *Aerem* pertranseant, versus perpendicularem, hoc est, illum qui a Sole, ad Centrum *Atmosphæra* tendit, refringuntur, ac proinde, maxima refractione, in oculum incidunt. Quo fit, ut *oculus* multo evectiorem esse Solem, quàm revera sit, apprehendat: Oculus enim objecti magnitudinem metitur, secundum lineam rectam, quæ ejus Retinam ultimè attingit. Accidit quoque, quòd radius, qui à puncto *Atmosphæra*, in quo refractione fit, & ad Oculum continuari intelligitur, non ad Solem terminetur, sed aliquanto supra illum porrigatur; quod occasionem Sensui præbet, illum altiore, quàm sit, apprehendere, & loco eminentiori contineri.

Vel dici potest, quòd Sole Horizonti proximo, ob Vaporum seriem, qui Solis radios retundunt, *Oculus* minùs conniveat, ac proinde magis amplificetur, quàm dum Sole sublimi, rari Vapores interponuntur, & ita directa in illum *pupilla* contractior evadit. Evidens autem fit, quòd introducta per latiore pupillam imago, majorem quoque procreet Objecti apparentiam, quàm per pupillam contractam eòdem intromissa.

XI.

Circa Ortum &
Occasum Sol
tremere vi-
detur.

Sol præsertim circa Ortum & Occasum, *tremulus* conspicitur, & veluti vertiginem pateretur, circa proprium Axem circumduci, & aliquo modo subsultare apparet. Unde *Clandianus* primo de Stiliconis laudibus,

Tunc & Solis Equos, tunc exultasse choreis
Astra ferunt.

Quam ob Causam, inter Plebeios receptum est, die *Pascharis*,
cam

eam undulationem attentius circa vesperam observare ; quod credant omnia Creatura, eo die, ob Domini *Resurrectionem* exultare, & Solem peculiari quodam gestu, Lætitiam suam testari.

Quidam hunc Effectum Solis *turbationi* assignant, quasi ejus lumbus revera tremulo Motu concutiat, & ita circa Axem suum volvetur, ut quandam palpitationem pariat. Sed id falsum esse deprehenditur, quod Motus Solis, circa Centrum suum, insensibilis sit, & non nisi post repetitas observationes deprehendi queat. Causatur igitur hic apprens Tremor, ab interpositis Vaporibus, qui Calore agitati, tremorem quandam præ se ferunt ; ac proinde eos trajicientes radii, eo modo Oculi retinam concutiant, ut subilire Sol, & tripudiare videatur. Eo planè modo, quo Sol in *charta*, aut *pariete* cernitur, si lucernæ sumi ejus radios intercipient, & medium inter illos locum occupent. Vel quo, *lapis* in fundo fluminis quiescens, ob superfluentis Aquæ cursum tremere cernitur, & quandam Vertiginem habere.

Si Cælum Sole Oriente rubescat, Ventum, aut *Pluviam* præfagit ; è diverso ista *rubedo* serenitatem pollicetur, si Vespere deprehendatur.

Apprens Mane Rubedo *Ventum* aut *Pluviam* prænnuntiat, quoniam hoc testatur, paucissimis Nubibus ibi in Ortum existentibus, Solem ante Meridiem multos posse Vapores evchere, atque Nebulas, quæ illum exhibent, jam surgere. E contra hæc rubedo *serenitatem* Vespere protendit, quia per id indicatur, nullas aut paucissimas Nubes esse in Occidente coactas : Unde fit, ut Venti Orientales dominantur, & Nebulæ noctu deorsum ferantur.

XII.

Rubedo in cælum in Ortum Solis pluviam indicat, in Occasu autem serenitatem.

ARTICULUS SEPTIMUS.

De Stellis fixis.

Stellæ fixæ scintillant, eamque Vibrationem præ se ferunt, qua Sol emicat, & propria luce fulgere deprehenditur.

Hujus ratio est, quod Stellæ veluti tot Soles, in suis Vorticibus

I.

Stellæ fixæ propria Luce fulgent.

S

ticibus

ticibus sint, qui ex Materia fluidissima constant, quæ circa Centrum suum, summa velocitate gyratur: Unde fit, ut Materiam illam, quæ ab Astris ad Oculos nostros continuata extenditur, premant, efficiantque, ut eam *pressionem*, quam *Lumen* appellamus, sentiamus. Id Stellarum à Sole distantia confirmat, quæ tanta est, ut iis illuminandis, Sol nullo modo sufficere possit. Nam si Sol inter fixas existeret, non major nobis esset appariturus, quam illarum minima; & vicissim si *Canicula*, exempli causa, quæ inter Fixas minima numeratur, ex orbe suo eriperetur, & Solis locum occuparet, haud dubium est, quin & magnitudine & luce Soli æqualis videretur. Ex quo colligitur, non satis virium suppetere, ad lumen Stellis impertiendum, ac proinde propria luce fulgere, nec ulla Astra illis quicquam scenerari: Ut quondam *Plinius*, *Metrodoro* & aliis placuit, qui Solis admiratione capti, ipsum toti Mundo illustrando parem esse existimarent.

II.

Quomodo Stelle
apparent in iis
locis, in quibus
non sunt.

Multæ Stellæ, in suis locis non conspiciuntur, imo interdum contingit, ut una & eadem in locis diversis appareat.

Id à Stellarum Vorticibus, qui Cœlum nostrum circumstant, provenit: Quia cum angulosas superficies habeant, non ita inter se aptari queunt, quin radii à Fixis venientes, & in illas incidentes, varias refractiones patiantur: Unde fit, ut ex Terra, tanquam in locis, in quibus revera existant, non videantur, sed tanquam in locis superficiei nostri Vorticis, per quæ transcunt illi radii, qui ad Terram perveniunt. Cum vero illa loca, ab eo tempore, quo ab *Astronomis* observata sunt, immutata fuisse non deprehendantur, dicuntur Stellæ fixæ, eundem semper inter se situm servare, & in eadem regione collocari. Unde *Macrobius*: *Ecce vergiliæ neque à sui unquam se copulatione dispergunt, nec Hyadas, quæ vicinæ sunt, deserunt; aut Orionis proximam regionem relinquunt. Septentrionem quoque compago non solvit. Anguis, qui inter eos labitur, semel circumfusum non mutat anplexum.*

III.

Cur Stelle non
nisi noctu red-
duntur conspici-
æ.

Fixæ non nisi noctu deprehenduntur, & interdiu Humanum oculos fugiunt.

Lux Fixarum die extinguitur, quoniam radii Solares ad Terram appulsi, & mox ab eadem per Aera reflexi, majori virtute pollent, Fixarum radiis obluendi, quam ut illi oculos nostros

nostros ferire queant. Unde fit, ut quanto Oculus Soli vicini-
or extiterit, tanto minùs sit Fixarum lumen excepturus:
quoniam illarum vires, Solis occurſu, languſcunt ac debili-
tantur; juxta illam Regulam, quæ ſemper in Corporum oc-
curſu locum habet: *Quæ aliis, viribus præpollent, ſuum effectum
fortiuntur.* Quamquam interdum contingere poſſit, ut Stellæ
interdum ſub aſpectum noſtrum cadant, ut referunt Hiſtorici,
quæ *Commodi temporibus, per totum diem apparuerunt, ac
ſi Aëri eſſent infixæ.* Sed id contigſſe arbitror, quod Sol
tunc temporis, caligine offuſus, exiguos, aut pene nullos ra-
dios tranſmiſerit, qui ſufficerent ad Fixarum aſtioni obniten-
dum, ac proinde Hominum oculi Tenebris undiquaque im-
pliciti, Stellas conſpicere potuerunt. Sicut in alto & tene-
bricoſo puteo exiſtentibus Fixæ apparent, quamvis ſudum ſit,
& Sol per Aërem radios ſuos fortiter vibret.

Semper eadẽ nobis Stellæ *Verticales* apparent, nec un-
quam magnitudinem ſuam augment, vel minuunt. Unde Stel-
læ, quæ ſupra Verticẽ noſtrum in *Cancro* tranſeunt, eadẽ
in *Capricorno* videntur.

IV.
*Stellæ ſemper in
eodem ſitu con-
ſpiciuntur.*

Id provenit quod axis, circa quem Terra diebus ſingulis
movetur, ſemper invariatus maneat, nullamque variationem
ſubeat. Quo ſit, ut punctum Vertici noſtro imminens, quan-
do Terra in *Cancro* eſt, tantum ab eo diſtet, quod nobis im-
minet, dum Terra eſt in *Capricorno*, quanta diſtantia eſt, in-
ter duos Tropicos, in ipſo magno Orbe acceptos. Verũ,
quoniam tota ea diſtantia, & totus magnus Orbis pro pun-
cto habetur, ideo quoque in Cœlo illud intervallum, inter
duo verticalia puncta, pro puncto eſt reputandum.

Stellæ novæ, non raro in Cœlo naſcuntur, quæ tamen poſt
Tempus aliquod, extinguuntur, & ex oculis penitus evane-
ſcunt. Ut ea quæ in *Cygo*, Anno milleſimo ſexcenteſimo vi-
ſa eſt, haud multum à Tertiæ Magnitudinis Stellis abhorrens.
Alia Anno milleſimo ſexcenteſimo quarto, in *Serpentario*, pa-
ris ſerè cum Venere molis; Quarum prima per multos An-
nos ſubſtitit, altera verò poſt Annum è medio exceſſit.

V.
*Quomodo novæ
Stellæ naſcuntur.*

Novarum Stellarum origo, à *Macularum* diſſolutione pen-
det, quæ ita aliquando Sideri ſuperinducuntur, ut omnes il-
lius radios, ſua denſitate aut duritie impediunt. Si verò con-
tingat Stellam iis maculis liberari, novæ Stellæ imago nobis

apparet, quæ forte ante multa secula, visa non fuerat. Fit autem *Macularum* dissolutio, dum *Vortex*, qui Maculas ambit, majori impetu *Vortices* vicinos premit, quàm ab illis impellatur; quia tunc, limites suos latius diffundendo, efficit, ut *Materia* primi Elementi, quæ ex aliorum *Vorticum Eclipticis* egreditur, ad tenebrosum Sidus majori copia affluat, aut ita supra *maculam*, qua tegitur, se diffundat, ut in Globulos Cælestes impressionem faciens, vim Luminis in oculis imprimat.

VI.

Ut Stelle diu
conspicue eva-
nescent.

E contra, contingit non raro, ut Stellæ, quæ diu appa-
uerunt, post aliquod temporis intervallum, obscurerentur, &
se non amplius conspicuas reddant. Sic olim Astronomi
septem *Pleiades* numerabant, cum nunc sex duntaxat visan-
tur.

Quoniam circa illas ita *Macula* coeunt, tantamque cras-
sitiem adipiscuntur, ut à Stella subigi nequeant, nec Globu-
los Cælestes impelli. Quippe nihil magis unumquemque
Vorticem tuetur, eumque à destructionis periculo vindicat,
quam si Stella in ejus Centro posita, secundi Elementi Glo-
bulos propellat, impediâtque ne vicini Vortices suos limites
transilient, & debioris vortice Globulos furentur, & secum
abripiant.

VII.

Ut Stelle inter-
diu aliquando
apparent.

Stella, Sole totalem Eclipsim patiente, aut spectatore in pu-
tei fundo collocato, interdum conspiciuntur.

Quia, cum Solis radiorum reflexiones, tunc temporis nul-
læ sint, & tenebræ nocturnis similes spectatorem involvant,
Pupilla dilatatur, & nervo optico à diurno splendore immu-
ni, aut saltem non compresso, possunt quamvis exiles Stel-
larum radii, sic eum percellere, ut Stellæ sensibiles evadant.
Uti dictum est.

VIII.

Stellæ aliquando
in Cometam vel
Planetam ver-
santur.

Stellæ nonnunquam in *Cometam*, & *Planetam* degenerant,
& propriis radiis exutæ, aliorum duntaxat Corporum lumen
remittunt.

Ratio hujus Phænomeni, ex præcedenti deducitur: quippe
ubi Sidus omnino Maculis obductum fuerit, & vi materiam
Secundi Elementi propellendi fuerit destitutum, contingere
potest, ut ejus *Vortex* à cæteris Vorticibus gyrationem obti-
neat, & ita à propinquo potentiore absorbeat. Absorpto
autem Vortice, *Stella* Maculis undique involuta, & in alium
Vorticem

Vorticem transacta, vel ulterius pergit, & in alium Vorticem propellitur, & fit *Cometa*; Vel ob minorem ejus soliditatem, infra illum terminum descendit, & certam à Stella, quæ illius Vorticis Centrum occupat, distantiam servat, & in *Planetam* facessit; quæ circa illam continuò volvendo, Lumen ejus reflectit; & ita fit, ut Corpus, quod antea lucidum fluidumque erat, Macularum accessu, duritiem adipiscatur, & durum solidumque evadat.

ARTICULUS OCTAVUS.

De Luna.

EAdem semper Lunæ facies. Telluri objicitur, nec adhuc ullo *Telescopio* deprehendi potnit, ejus Corpus fuisse inversum, & à priori situ recessisse.

I.
Luna eodem
semper modo
Terræ obver-
satur.

Id provenit, quòd pars ejus à Terra remotior, magis *solida* sit, hoc est, plus *Materiæ Tertii Elementi* in se contineat, & pauciores meatus habeat, qui *materiâ Primi & Secundi Elementi* occupentur. Constat enim Corpora solida, à Centro Vorticis, in quo gyran- tur, longius recedere, quàm ea, quæ minùs densantur, quæque pluribus foraminibus excavantur: Quoniam vim majorem habent, ad Motum suum continuandum, & in eo statu remanendum, in quo prius posita sunt. Ut in *Auro, plumbo*, & aliis Metallis notari potest; quibus major est propensio, ad impulsu retinendum, quam *lignis & lapidibus* ejusdem magnitudinis ac figuræ. Eadem igitur nobis Lunæ facies semper obvertitur, quoniam illa, quæ ex Terra Lumen reflectit, minùs solida est, minùsque Tertii Elementi materiæ includit: ac proinde minorem ambitum requirit, in quo spatietur. Quòd verò Lunæ pars illa, quæ Terram spectat, sit *rarior*, minùsque soliditatis habeat, quàm alia superior, probant *Areolæ, maculæ, & umbra*, quæ illam intercipiunt, quæ, cum Solis radios transmittant, tenebras pariunt, & obscurum Corpus efficiunt.

Luna in omnem partem, splendorem suum diffundit, & ita illum reverberat, ut in unum radii non coeant, sed sparsim re-

H.
Luna ab omni
parte radios in
Terram remittit.

mittantur, & undequaque projiciantur.

Illud, *scabra* Lunæ superficies, & umbellis permixta efficit, quæ receptum Lumen dilatat, & omnibus illam intuentibus se lucidam exhibet. *Aspera* enim Corpora, ex multis superficiebus componuntur, quæ ita dispositæ sunt, ut multæ in hunc, aliæ in alterum locum radios reverberent. Si verò Luna, quam sphericam omnes *Philosophi* admittunt, tersa foret, & speculi convexi instar, polita, non ex omnibus suis partibus, sed ex uno duntaxat puncto Lumen versùs Spectatorem remitteret, ut in præcedentibus demonstratum est: ac proinde non tam conspicua, quam invisibilis dici deberet. Quia licet Hemisphærium totum esset Solari lumini expositum, non tamen nisi minima Lunæ pars certi Spectatoris oculis Lumen ingereret, quod ob suam tenuitatem, ingentemque ab eo Sidere distantiam, necessum esset extinguì, priusquam ad ejus oculos pertingere quiret.

III.

*Sole lucente
Lunæ discus
minor quàm
noctu apparet.*

Solis Lumine per Aerem diffuso, Luna minor quàm noctu conspicitur. Quod Telescopio expertum se *Gassendus* testatur; qui deprehendit Lunæ discum, pleno orbe testis, nocturno tempore, diametro quinque minutis ampliorem. Quod etiam familiarius quis experiri poterit, si Lunam, dum primum sit vesperi conspicua, contempletur, Sole adhuc radiante: quippe tunc falx ejus, ad eò tenuis apparebit, ut exiguo duntaxat filo circumducta videatur: Solè vero penitus delapso, sit latior, prout tenebræ sparguntur, & densiores evadunt.

Hoc Luminis incrementum, non ipsi Lunæ disco adscriben- dum est, quasi Corpus Lunare radios ex se emittendi vim habeat, & illos Noctu dilatandi: sed solum, quodd Æther, sive Materia illa Aeri nostro analoga, quæ Lunam circumdat, à radiis Solaribus, quos illa remittit, illuminetur, & idem luminosum cum ipso Sidere conficiat; quia quum illi intimè jungatur, ad eundem Circulum putatur pertinere. Admoto autem Telescopio, facilè adulterinum illud Lumen deprehenditur, cum id spatium, quod radiari æstimatur, obscurum appareat, & ab Arcu partis luminosæ, nullo modo attingatur. Alienum autem à Ratione videtur, rem *libero oculo* aspicere, quam *Telescopio* non licet.

IV.

*Cur luna in con-
junctione non
cernitur.*

Luna, dum *Soli* concreditur, nihil luminis in ea deprehenditur, & non nisi quum illa à Sole, sextante zodiaci, sive *duo-
bus*

bus signis abest, videri incipit. Quæ postmodum pro vario ad Solem aspectu, *phases* variat.

Procedit hæc *phasium* diversitas, ex eo quod Luna lumen suum à Sole mutuatur, & non alio pacto quam *speculum* luceat, quod transmissos in ipsum radios reverberat. Unde mirum non est, quod Luna *globosa*, nihil partis illustratæ à nobis discernatur: quia tunc tota Solem respicit, reliqua ejus parte ad nos conversa. Sæquentibus autem diebus, dum in latus deflectitur, & à Sole in aspectu *sextile* distat, quædam ejus portio, in cornua tenuata advertitur: Septima, aut octava die, sive in aspectu quadrato, quum Luna *Zodiaci* quadrante elongatur, quoad ejus medium fit conspicua. Dum autem à Sole *Zodiaci* triente abest, dimidio amplius videtur. Die autem decima quarta, aut decima quinta, dum *Luna*, nobis interpositis, ipsi Soli directè opponitur, integra & plena conspicitur.

Luna, dum *Eclipsim* patitur, luce adhuc, quamvis subobscura, conspicua redditur.

Verisimile est, lucem illam *secundariam* à Solis radiis, à Terra per reflexionem derivari; si ea spectetur, quæ in nova ac vetere Luna deprehenditur: per eorundem verò refractionem ab Aëre circum terreno, quæ in ea apparet, dum *Eclipsim* subit. Quia cum Sol radios suos continuo in Terram dirigat, ita ab ea excipi nequeunt, quin denuò Solem versus remittantur: & quoniam Luna dum *recens* est & *vetus*, in ea regione versatur, radios tanto magis excipit, quanto sit Soli propinquior. Quare necessum est Lunam, à lumine reflexo illustrari, ea potissimum parte, qua à Sole non directè illuminatur: simili prorsus ratione qua *Terra* ipsa per Lumen à Lunari corpore reflexo illustratur, ea parte qua à Sole non illuminatur. Quod vero hujusmodi Lumen secundarium, ab Aëris Terram ambientis *refractione* proveniat, ex eo manifestum sit, quod ipse Terræ Globus *Atmosphæra* circumdatus umbram conicam projiciat, cujus longitudo est semidiametrorum Terrenarum circiter ducentarum & quingentorum. Et quia Solis radii in *Atmosphæram* *horizontaliter* alapsi, angulo, secundum *Tychonem* triginta quatuor minutorum refringuntur, & ab ea digressi, hunc angulum conduplicant, sit ut in umbræ Axem uniantur, ibi decussentur, & porro discedant,

v.


Unde proveniat
Lumen Lunæ secundarium.

discedant, & conum Umbrae, cujus fastigium, à Terra non plusquam quadraginta tribus Terrenis semidiamentris attollatur, citra decussationem producant: & ultra decussationem conum inversum, qui deinceps cum residuo majoris coni confundatur. Cum igitur constet Solis radios ab *Aire*, seu Atmosphæra refringi, Luna refractis, qua umbra terræ diluitur, ab Atmosphæra radiis trajecta, illustratur, ac conspicua evadit.

VI.

Luna ϵ , quæ in peculiari vortice ABCD Terram T

Cui Luna citius
quàm Terra moveatur.



ambiente, volvitur, duplo celerius circa Terram movetur, quam Terra circa Axem suum. Quippe Luna, sui Cæli ABCD circumferentiam, quæ Terræ T Ambitum *sexagies* superat, percurrit, dum Terra *trices* tantum circa suum Axem, motu diurno circumfertur.

Quoniam nonnulli gloriantur se hujus Phænomeni rationem reddidisse, nulla tamen mihi videtur assignari alia posse, quàm ipsius Lunæ parvitas. Nam cum non minùs Terra, quàm ipsa Luna, ab eadem Cœlesti Materia moveatur, nulla causa fingi potest majoris in Luna velocitatis, quàm quod Terra minor existat. Ea enim est Corporum, quæ moventur,
Regula,

Regula; ut dum unum duplo celerius, quàm alterum moveatur, & hoc alterum, duplo majus est, quàm prius, tantundem Motus in minore, quàm in majore reperiri: & quanto unius Motus lentior fit, tanto Motum alicujus alterius, ipsi æqualis, celerioem fieri. Cum autem Lunæ & Telluris Teleritas, à materia cœlesti sit, quæ præterpropter eadem est, juxta Terram, ac juxta Lunam, deberet Terra duplo celerius convolvitur, ut circiter sexagesies Circulum suum absolveret, eo tempore, quo Luna semel percurrit suum A B C D sexagesies majorem, ni Magnitudo impediret.

Luna non semper æqualem in cursu suo tenorem servat: Quippe cum *Soli* primùm conjungitur, vel ei ex adverso *opposita* impletur: sive cum *nova* est, & *plena*, celerius movetur, quàm in aliis suis phasibus.

VII.
Luna celerius in Novilunio & Plenilunio movetur.

Hujus inæqualitatis Causa, ex ejus peculiari Cœlo A B C D desumitur, eo quòd, ejus Circulus non perfectè sphaericus est, sed ad *ellipsin* figuram accedit. Nam cum globuli Secundi Elementi, qui in ambitu A B C D continentur, Motu & Magnitudine differant, & soliditate alii aliis præstent, necessum est, ut qui solidiores sunt, liberiùs versùs A & C, quàm versùs B & D se diffundant, & ita figuram ovalem, sive *ellipticam* conficiant. Ex quo fit, ut Cœlestis Materia, lentius inter A & B, quæ est pars Cœli ambitus latior, moveatur, quàm illa, quæ est inter B & D, quæ angustior est. Rationi enim consentaneum est, ut Materia *Planetam* deferens, lentius in spatio latiore fluat, & in angustiore celerius. Id in *fluminibus* experiri licet, quorum Aqua eò celerius decurrit, quò constriCTOR fuerit alveus, & eò tardior, quò amplius diffunditur.

Efficet quoque ovalis illa itineris, per quod *Luna* deferetur, figura, ut Luna minùs in *Coniunctione* & *Oppositione*, à Telluris globo recedat, quam in quadraturis, ac proinde in *Coniunctione* & *Oppositione*, sub majore diametro aspiciatur.

VIII.
Cur Luna sub majori diametro videatur in Coniunctione & Oppositione.

Una circa hæc *Phænomena* difficultas oritur: Si *Luna* ob suam parvitatem, celerioris Motus capax est; quomodo fit, ut dum à Cœlesti Materia eam ambiente deferetur, *Terram* versùs non descendit, & relicto circulari suo Motu, dum ad C pervenit, non ad Z potiùs declinet, quàm fursùs denuò evehat.

IX.
Quomodo Luna in Terram non decidat.

Ad hanc difficultatem enucleandam faciet, si consideremus
T
Lunam,

Lunam, Materiæ Cœlestis motum omnino sequi, quamvis non omnem ejus Celeritatem obtineat. Cum enim Terra, & omnis Materia Cœlestis, quæ in *Vortice* A B C D continetur, circa Centrum T volvatur, necesse est, ut Luna quæ ab illa Cœlesti Materia circumducitur, cursum suum versùs centrum Terræ T continuet, & ubi punctum C attigerit, non versùs Z pergat, sed versùs D retorqueatur; eo quòd Materia Cœlestis illam eo propellat, & veluti *vehiculum* transferat.

X.

An *Lunæ* colores
aliquid nobis
grœvantur.

Vulgò jactatur, Lunam secundum varios, quos præ se fert Colores, varia prælagire tempora. Hinc communis ille apud omnes versus.

Pallida Luna pluit, rubicunda fiat, alba serenat.

Non existimandum est, varium hunc colorem Lunari disco inesse: sed ipsi *halitui*, inter oculum & ipsum Lunare sidus interjecto. Hinc si nubes interpositæ imbriferæ sunt, *subnigra* Luna apparet, eò quod tales nubes nigrescunt. *Rubra* vero videtur, si multa exhalatione ventosa, & modico vapore circumambiat. Constat enim ex mediis diversitate, objecti colores utique variari, seu ut volunt alii, modificari. Quare si ab omni halitu immunis Aër fuerit, *candida* Luna apparet, ac serena.

XI.

Cur planetæ
secundarii circa
Saturnum lentè
moveantur.

Planetæ *secundarii*, qui veluti tot Lunæ circa Saturnum versantur, lento admodum motu, ac vix sensibili circa ipsi feruntur: Qui vero circa Jovem celeriter gyran, & quisque tanto velocius, quanto ad Jovem propius accedit.

Hujus diversitatis causa (quantum de corporibus ad eò distantibus conjici potest) esse potest, quòd Saturnus, quemadmodum Luna & Cometa, eandem sui partem, versùs centrum Vorticis, in quo continetur, semper convertat: Jupiter autem, sicuti Sol & Terra circa proprium axem agatur. Ac proinde mirum non est si planetæ, qui juxta Saturnum esse dicuntur, lentissimo, vel propemodum nullo motu circa ipsum ferantur.

XII.

Eclipsis Lunæ
qualis ab iis qui
in eodem hemi-
sphærio sunt,
videtur, non au-
tem Solis.

Lunæ Eclipsis, ab omnibus, qui in eodem Terræ Hemisphærio versantur, & Lunam supra Horizontem habent, eadem quantitate cernitur: Secus autem Eclipsis Solis, quæ nonnullis partialis, aliis autem totalis, aut nulla apparet.

Ratio

Ratio ex dictis in *Institutione Philosophiæ* evidens videtur. Nam cum Luna proprio Lumine destituatur, non potest non tantum aliquibus apparere, quantum ab aliis lumine cassâ deprehenditur. Sol vero cum ingenitum lumen habeat, & à Lunari corpore duntaxat occultetur, quod Soli ac Terræ interponitur, quodque utrique in magnitudine cedit, fieri potest, ut quædam Terræ pars Soli æqualis aut eo etiam major apparens, totum Solem ei abscondat, alia dimidium, alia majorem, aut minorem ejus portionem, alia nihil omnino ejus tegat. Sic Eclipsis illa, quam spectasse *Thales* commemoratur, ad Hellepontum totalis fuit, Alexandria tamen in Ægypto, fuit duntaxat digitorum novem cum tribus quintis, seu ut refert *Cleomedes*, quatuor quintarum diametri.

ARTICULUS NONUS.

De Solis & Fixarum Maculis.

SOL licet libero oculo deprehensus, splendidus videatur, vultumque uniformem præ se ferat, admoto tamen Telescopio, ex duabus lentibus convexis fabricato, tantam Corporum lucidorum umbrosorumque diversitatem exhibet, ut quodam quasi *damaſceno encausto opere* variegata appareat. Uti ex celebri *Scheinero Gassendus* refert.

I.
Sol per Telescopium obscurus & umbrosus apparet.

Tam varia in Corpore Solari commissio, non à lentibus vitreis, ut quidam finxere, producit, quæ fortè ob suam impuritatem, oculis umbras ingerunt, & proprias notas imperiuntur: quia iis circumductis, non pariter illæ removentur, sed eundem inter se situm retinent, & ad quamlibet Vitri circumductionem, immotæ remanent: Imo quæ uno die, versùs Orientem sunt, in sequentibus, promoventur, & versùs Occasum apparent. Oriuntur igitur hujusmodi Solares Maculæ, à particulis striatis, quæ ejus Polos ingressæ, ad Centrum conflunt, ubi propter irregulares suas figuras, quas triangularia spatia transeundo acquirerunt, motui Subtilioris Materiæ, quæ in ejus Centro volvitur, obsequi non valentes, expelluntur, & spumæ adinstar, ab effervescente liquore extruduntur. Ibi

cùm figuras *Angulis* asperas habeant, tardiùsque cæteris, quæ cum Sole circumaguntur, gyrent, facilè implicantur, & in magnas moles assurgunt, quæ Soli contiguæ, illiùsque faciei incumbentes, Illum tegunt, & caligine obruunt.

II.

Maculæ sunt velut sumi è Sole egressæ.

Dubitari enim amplius non potest, quin uti ex Terræ globo, ita & ex ipso Solis globo fumi quidam, ac vapores nostris analogi exhalentur, ac dissipentur: nam cùm totus Sol interdum sit ab omni labe immunis sæpius, tamen ita maculis confpurcatur, ut quadragenas aliquando *Gassendus* observaverit: imo ad tantam quandoque magnitudinem excresecunt, ut citra Telescopium decerni queant; quales illæ fuere, quæ non modo *Caroli Magni* tempore, sed nuper etiam, priusquam Telescopium prodiret, ipsemet *Keplero* Mercurii suspensionem fecerunt.

III.

Cur interdum Macularum extrema fulgida sint, & medium obscurum.

Extremæ Macularum partes, nonnunquam fulgent, *Coloresque* referunt; cùm interim earum medium opacum est, & nullis radiis pervium.

Id à materia Solis *maculas* ambiente provenit, quia licet fortè omnes Macularum partes, æque stipatæ sint in initio, & pari nisu Luminis vim obtendant, contingere tamen potest, ut in *circumferentia* priùs, quàm in *medio*, extenuentur, & in acutum postmodum desinant: sicque lux Solis per hos margines refracta, Colores exhibet, & ad oculum dilabitur. Cùm interim pars illarum media, maneat opaca, & radiis Solaribus impervia. Quoniam Subtilissima Materia, quæ in Sole, aut in quacunque alia Fixa dominatur, non satis virium habet, ad Actionem suam transmittendam, & omnis ejus vigor, mollium partium occurso frangitur. Aut si fortè Globuli Cælestes, materiæ primi Elementi impetu, in orbem circumacti, à Centro recedere nitantur, & *luminis* actionem oculis impertiri; ea tamen impulsio non satis valida est, ut *Sensum* efficere possit, nisi continua adsit *Solis*, aut *Fixæ* pressio, quæ hanc reluctantiam superet, & ad Actionem recipiendam disponat.

IV.

Maculæ Solis circa eclipticam potius quàm circa Polos conspiciuntur.

Solis Maculæ in partibus *Eclipticæ* vicinis, potius, quàm versùs ejus *Polos* deprehendi solent, ut testantur *Mathematici* perè omnes; quorum aliqui ita exactè earum progressum describunt, ut asserant, Maculas per Solis discum, viis non omnino ad Eclipticam parallelis, sed cum inclinatione ad illam, *trium* circiter *graduum* cum *semisse* incedere.

Hujus

Hujus Apparentiæ causa est, quod licet minutæ illæ, ex quibus *Macule* componuntur, dum ex aliorum *Vorticum Eclipticæ* adveniunt, satis actionis habeant, ut Solis polos pervadant, atque ad ejus Eclipticam ferantur; postquam verò subtilissimæ Solis materiæ permiscetur, cum tantam Agitationem refugiant, communicare ejus Motui obsequi non possint, tanquam rebelles versùs Cœlum, in quo minor est motus, expelluntur: Ut antehac de *spuma* dictum est. Cur autem versùs *Eclipticam*, potiùs quàm versùs *Polos* excutiantur; id ex eo potissimum provenit, quòd nova Materia, quæ per Polos Solem indefinenter ingreditur, particulas *striatas*, aliàsque omnes, quæ sibi facilè connectuntur, extrudat, & versùs superiora propellat. Res exemplo manifestior reddetur, si duo

flumina ab oppositis regionibus fluere supponantur, quorum unum ab A versùs S, & aliud à B versùs idem S feratur, quorum Aquæ in S occurrentes, & sese propulsantes, vim parem habeant magnam fossam de f g excavandi, in qua simul mixta torqueantur, & peractis aliquot



Circulis versùs M & Y effluent. Supponatur præterea, mutuo Aquarum concussu, *spumam* generari; quæ *Vortici* superficie S innatet, & Aquarum Motum sequatur: nullo negotio capiemus, hanc spumam non posse ad A, aut B tendere, id est, versùs *Polos*, sed completis aliquot supra Aquam S Vorticibus, inde versùs M & Y, hoc est, versùs *Eclipticam* debere effluere.

Maculæ Solis nonnunquam in *faculas* degenerant, & illæ partes

*Maculæ Solis
interdum in fa-
culas abeunt, &
e contra.*

partes, quæ antea obscuræ caliginosæque videbantur, Lumen induunt, & splendidæ apparent. E contra *Faculæ*, in *Maculas* interdum abeunt, & in atras Solis partes convertuntur.

Hujus mutationis causa, à Solis *ebullitione* procedit, qua aliquas Corporis sui partes ejicit, & easdem mox reforbet. Maculæ enim in *Faculas* abeunt, dum Solis materia, circa illas fluendo, supra earum extremitates evehitur, in quas vires suas exercendo, illam actionem elicit, quam ad oculos nostros producant, *lumen* vocamus. Nam cum Solis materia, inter ipsas Maculas, & Cœli vicini superficiem intercipiatur, ob loci angustiam, redditur Motus celerior: undè sequitur Solis lumen aliquanto intentius esse debere. Quemadmodum in *fluminibus* experimur, quorum rapiditas magis increfcit, fitque valentior, quo arctiora sunt loca, per quæ transeunt, & magis interjecta lapidibus vada, quæ prætergrediuntur. Faculæ autem in *Maculas* convertuntur, & quæ lucidiores erant Solis partes, obscuræ redduntur, quando Subtilior illa materia, quæ earum superficiebus incumbibat, à Sole absorbetur, cui magna *nova materie* Copia ex alia parte succedens, ejus particulæ sibiipfis adhærentes, densum Corpus efficiunt.

VI.

Quomodo Sol aliquando per dies multos absque Luce fuerit.

Memoriæ proditum est, Solis Lucem multoties fuisse interceptam, & ita paulatim defecisse, ut non multo Lunæ splendorem excederet. Imo referunt *Historici*, *Plinii* tempore, per duodecim Dies quæsitum esse Solem: Et Constantino excacato, per septendecim non fulsisse, & non nisi tenebras, eo temporis intervallo *Telluri* incubuisse.

Hanc obnubilationem non in quicquam aliud, quam in *Maculas* referri posse existimo; quæ in Solis superficiem irrepserunt, & illius Lucis diffusionem impedierunt. Nam licet Maculæ, dum primum coagmentari incipiunt, mollia admodum ac rara sint Corpora, quæ vim Materie Subtilissimæ frangere queant, continuo tamen Solaris substantiæ, cui contiguæ sunt, concussu, *levigationem*, & duritiem acquirunt; alia interim earum superficie, quæ Cœlo obversa est, eundem mollitiei, & raritatis gradum, quem primò habuerunt, retinente. Idcoque illas non nisi difficulter dissolvi, ex eo quodd Solis Materia interiorum earum *superficiem* lambat; sed contra potius semper augeri, quamdiu isti earum margines, qui supra Solis superficiem

perficiem eminent, ejus Materiæ occurſu non obdurantur, atque denſantur; ac proinde mirum non eſt, cùm hoc contingit, ſi una & eadem macula, ita ſupra Solis ſuperficiem diſſundatur, ut ibi per Dies plurimos, imo Menſes aliquot, ejus Luceſcentiam intercipiat, & *Dici Sidus*, in medio *Dici* quærat.

ARTICULUS DECIMUS.

De Maculis in Orbe Lunæ apparentibus.

Duplicis generis Maculæ in Luna percipiuntur, quædam *I.*
Perennes ſunt, quæ à prima rerum origine, per ejus *Quid perpetue*
Corpus fluxere, atque ita putantur ipſi adhærere, ut nunquam & *temporarie*
non faciem ejus diſcolorem efficiant. Aliæ *Temporarie* ſunt, *Maculæ in Lu-*
quæ tantum ejus ſuperficiem veluti libant, & poſt modicum *na.*
Temporis, diſparent, & extinguntur. *Perpetue*, & quæ Lu-
nam aſpergere ſemper videntur, *Atrum* ſemper, & ſcuſum
Colorem retinent, & quomodocunque Soli objiciantur, longè
cæteris obſcuriores ſunt.

Hoc Phænomenon, magnam noſtro Orbi, ac Lunari af-
ſinitatem intercedere arguit, atque ſimilia in utroque reperiri
Corpora. Quippe tam conſtantes in Luna *Maculas*, nihil ali-
ud eſſe ſuſpicari poſſumus, quam *Maria*, quæ ejus ſuperfici-
incumbunt, & per ejus globum diſſunduntur. Conſtat enim
Lumen ab *Aquis* reflexum, multo debilius eſſe, quàm quod à
Terra, aut ſolida alia Materia remittitur; uti in *Mari* no-
ſtro cernimus, quod non albicante, ſed cæruleo Colore per-
funditur. Imo videmus res albas, Humore aſuſo, obſcurio-
res effici, & nonnihil ad nigrorum accedere. Aliquid *Aque*,
(ut Galilæi exemplo utar) in pavementum effundatur, ut pau-
ci inde lateres humefiant, videbimus *lateres* perſuſos, præ aliis,
opaciores reddi, & Luminis vim debilius refleſtere: quoni-
am illa perſuſio, laterum Meatus opplet, efficitque, ut ea-
rum ſuperficies *plana* reddantur, è quibus reflexi radii uniun-
tur, & non niſi verſus unum locum pergunt. Cùm verò ex ſu-
perficie *Convexa*, minor ſemper radorum portio, quàm ex
plana reſultet, Lumen quod ex lunari ſuperficie, ad oculos no-
ſtros,

stros reflecti potest, adeò tenue est, tamque exiguo robore præstat, ut recta suppositione habita, non quaterdecies millesima diametri Lunaris esse queat.

II.

Quæ est causa partium lucidarum, quæ non nunquam in Luna apparent.

Luna quasdam partes cæteris Lucidiores ostendit, quæ ita acriter Oculos nostros feriunt, ut ab aliis, quibus imminet, sejunctæ ac separatæ videantur. Unde Gassendus: *Cum Luna recens est, & sub tertium aut quartum diem, observare plerumque licet, ultra cuspidem inferiorem, tanto intervallo, quanta est pars circumferentiæ, circiter vigesima septima, punctum quoddam lucidum, ac etiam aliquando aliud, tertiumque ulterius, ipsis interstitiis nondum illustratis.*

Qui nostra ætate *Telescopio* Cœlestia explorant, ambigere nequeunt, Montes in orbe Lunari reperiri, cum illic summum dorsa, satis dilucida intueantur, quæ *umbram* densissimam spargunt, eamque majorem, aut minorem, prout illæ eminentiæ magis, aut minus, à confinio remouentur, quod illustratam Lunæ partem, ab obscura ac caliginosa separat. Deprehendunt utique tales Umbras decrescere, prout irradiatio augetur, donec penitus elabantur, & Luce per totum *Hemisphaerium* diffusa, ulla earum nuspam appareat. Postmodum ubi *Lunares radii* in aliud pervenerint, eadem illa Cadumina, quæ in priore observata fuerant, iterum occurrunt, & Umbras sed modo contrario projiciunt. Quæ Apparitiones evidenter probant suos etiam Montes Lunam habere, quorum jura, à Solis radiis illustrentur, magnamque lucem præ se ferant, humilioribus interim ejus partibus obscuris, & ad nigrorem vergentibus.

III.

Unde oritur in Luna vultus deformitas, quæ circa diem sextum videtur.

In Luna circa diem sextum, versus partes occiduas, *Homonuncionis* cujusdam vultus deprehenditur, qualem ferme pictores *Thersiti* tribuunt, lata fronte, naso curvo, ore patulo, atque oculis intra Cavitates suffossis.

Totum hoc Monstrum plures *Maculae* conspiciunt, quæ intra nominatos cuspides deprimuntur. Cum enim Montes, qui in Luna deprehenduntur, nostros altitudine multo excedant, magnas umbras projiciunt, quibus illorum interstitia obscura redduntur, & Macularum instar, ejus partibus inhaerentium apparent. Illud in partibus *montosis*, quæ sylvarum dorsis junguntur, experimur, quæ semper nudis sterilibusque Agris obscuriores videntur, quoniam plurimum umbræ Arboribus

horibus interjicitur, & Corporum objectu, radii, ne ulterius pergant, impediuntur. Ita in Luna, cum non Scopuli modo, & Aggeres, sed excelsi etiam Montes detegantur, talis fieri potest umbrarum, inter illos projectarum dispositio, ut quædam *Homuncionis nasum*, aliæ *frontem*, nonnullæ *oculos* & *labra* referant; Quæ ubi inter se quis comparaverit, & tanquam unius Vultus partes perpenderit, illiberalem quandam Homuncionis faciem sibi repræsentabit, haud multum à vultu *Thersitis* abhorrentem. Quippe haud dubium est, planas Lunæ partes, quæ Montibus interponuntur, caliginosas esse, nullumque ad Nos Lumen reflectere, ac proinde Maculas quæ Nobis, deformis cujusdam Vultus partes referunt, non ab ipsis Montium cuspidibus provenire, sed illorum potius interstitiis esse, tribuendas, inter quæ Umbræ projiciuntur.

Verum, quis fortean rogabit, unde oritur, quod Lunam aspiciendo, Oculos, Nasum, Os, ac proinde Hominis *Vultum* intueri videamur, quum in Corpore Lunari nihil eorum sint, quæ nos spectare arbitramur.

Certè hujus Aspectus alia ratio assignari non potest, quàm quòd *Faciei*, seu Hominis Vultus vestigia, altè in Cerebro nostro impressa sunt; quoniam Vultus sæpius, ac magna cum attentione spectamus: adeo ut Spiritus animales, qui per Cerebrum vagantur, cum alias ejus partes, ob earum resistenciam penetrare non possint, à directo Lunarum Sideris Lumine ipsis impresso, facile desectuntur; ut vestigia illa subeant, quibus Vultus idæ à Natura alligantur. Quod si nonnulli sint, qui in Luna alia contemplantur, ut *Hominem equo insidentem*, aut quodcumque aliud ab Humano Vultu diversum, id ab eorum imaginandi facultate provenit, quæ à talibus objectis vivide antea percussa, quædam vestigia reliquit; quæ ab his rebus facile referantur, quæ & minimam etiam cum ipsis affinitatem habent.

Si Luna dum crescit, Tubo optico inspicatur, *ferrata* quodammodo, & *denticulata* apparet; quasi in ipsa, partis luminose confinio, aspera quædam, & inæqualia Corpora, faciem ejus terminent.

Causa est, quòd Sol tunc primum Oriens, & radios suos transversim duntaxat vibrans, ad regionem oppositam umbras producat. Unde si umbræ sectio maxime inæqualis est, ob

IV.

Cur Vultus Hominis potius quam quodcumque aliud in Luna cernitur.

V.

Luna crescens cur denticulata apparet.

VI.

Cur Luna in
Plenilunio tota
nitida cernatur.

Montium varietatem, in quos Solares radii feruntur; Luna facies serrata exurget, & denticulata apparebit. In Luna, dum in orbem circumducta Plena conspicitur; nullæ Umbre; aut Maculæ cernuntur: imo quedam ejus partes, quæ nigerrimæ erant, dum cum Sole congregiebatur, in Plenilunio nitescent, & in candidissimas convertuntur.

Ratio est, quod quicquid nobis tunc Temporis Luna detegit, à Sole illuminetur, qui ipsi ex adverso oppositus, omnes ejus abstrusiores recessus irradiat. Aut si aliquæ ejus partes, ratione devexitatis deprimantur, Solisque aspectum fugiant, illæ, à ceterioribus partibus, quæ nobis & illis obvertuntur, teguntur, & in conspectum nostrum, eo Tempore, non veniunt. Accedit etiam, quòd illa intervalla, quæ antehac umbras patiebantur, non solum directos in Plenilunio, Solis radios excipiunt; verumetiam, ex ipsis Montium lateribus remissos, quibus ad nos reflexis, omnia in Lunari orbe candida, & luce offusa apparere necessum est.

VI.

Cur Luna in
Plenilunio tota
nitida cernatur.

ARTICULUS UNDECIMUS.

De Cometis.

I.

Cometae diver-
sam Cœli pla-
gam percurrunt.

Cometæ nullam certam Cœli plagam permeant; sed modò in hac, modò in altera, Cursus suos ordiuntur & perficiunt. Quidam enim Sole oriente, alii deficiente, nascuntur. Is qui anno millesimo quingentesimo octuagesimo quinto, in conspectum nostrum venit, pene Soli adversabatur, & directè ejus radios tantum non excipiebat: cum interim alius anni millesimi sexcentissimi septimi, ad Ursæ primùm visus est, Sole per hibernum Tropicum versante.

Harum Apparitionum Causa clarè innotesceat, si advertamus Cometæ potissimum oriri, dum Sidus maculis obducitur, & immoto illius Kortice, in alios vicinos distrahitur, & absorbetur. Cùm id verò, in qualibet Cœli regione contingere queat, potest Cometæ modò unam, modò alteram partem permeare, nec ullam esse, per quam non possit, eo pacto, aliquando transire.

Ex quo manifestè colligitur, cur *Cometa* sub initio, mole major videatur, aut paulatim decreascit, atque tandem è conspectu nostro elabatur: Quia cum lumen suum à Sole accipiat, ubi è Vortice nostro discessit, & alium ingressus est, non potest non ab oculis nostris se subducere.

Cometæ maximè à nobis distare videntur, aded ut (si non nullis credimus) adhibito *Telescopio*, non augeantur, sed eandem semper magnitudinem rescrant, seu optico Tubo, seu libere oculo, explorentur.


Quidam recentiores autumant *Cometas*, non multum ultra Aërem nostrum gigni, atque ita, ejus circumpagatione deferri, ut non nisi raro, supra Lunam evehantur. Alii volunt *Cometas* ex materia ætherea procreari, quam fingunt in orbiculares quasdam moles concrefcere, quæ ætheris Motu agitatz, & radiis Solaribus ictæ, in *Cometas* evadunt, qui pro diversa loci ratione, modo in *Austro*, modo in *Borea* videntur. Sed hæc opinioniones facillè falsitatis convincuntur, si perpendatur, unum *Cometam* eodem tempore à diversis Spectatoribus, longissimo etiam terrarum intervallo, dissitis deprehendi, qui tamen nullam *parallaxim* ipsis exhibeat. Quod tamen necessum est accidere, si *Cometæ* in *Aëre* nostro versentur, & supra ætheream auram non assurgunt. Maximè igitur *Cometæ* à nobis abesse, *Telescopio* deprehenduntur, quod ultra Cælum nostrum evehantur, sive in immensa illa distantia collocentur, quæ inter *Saturnum*, & *Fixas* esse supponimus. Nam *Cometæ* tam immania sunt Corpora, tamèque impetu feruntur, ut vastum illud spatium, ad omnes suas excursions absolvendas requirant: neque adinveniri alia loca queant, quæ commodius illorum motibus inservire possint.

Quomodo autem fieri possit, ut diversis Spectatoribus, longissimo etiam Terrarum tractu, à se invicem distantibus, nullam aspectus variationem seu *parallaxim* efficiant, ex sequenti *Schemate* facillè cognosci poterit. Nam ponatur quod Corpus aliquod luminosum, exempli causa, A vel F in cælo humiliore positum ab Hominibus dissitis, exempli causa, D & B, eodem tempore deprehendatur; futurum est, ut Corpus luminosum A ab Homine D conspectum, è regione corporis luminosi E vidcatur, & luminosum corpus F ab eodem Homine conspectum, è regione corporis luminosi H appareat. Idem verò corpus lumino-

II.
Cur Cometæ tandem evanescent.

III.
Cometæ semper sub eadem magnitudinis conspiciuntur.

IV.
Cometæ cum sint in summo Cælo, nullam habent *Parallaxim*.



sum A, ab alio Homine distante B deprehensum, ipsi in Caelo circa corpus luminosum C videbitur; Et Corpus luminosum F, eodem tempore, ab Homine B visum, ipsius regione corporis luminosi G. Et sic illorum duorum Corporum aspectus A & F, pro vario eorum situ, magnam aut parvam parallaxim procreabit, qualis est C & E, vel G & H. Si verò luminosum Corpus in Caeli summitate, exempli causa, circa I colloceatur: utrique Homini, à se mutuo longe distanti, eodem tempore fit

fit conspicuum; nimirum è regione Corporis luminosi K.

Cometæ brevi tempore deficiunt; & intra paucos Menses, aut Dies, è conspectu nostro evanescent. Unde *Plinius*, longissimum non nisi *centum & octoginta dierum* esse asserit: cum is, qui sub *Nerone* visus est, quique longissimi ævi ab Astrologis est habitus, *sex duntaxat menses* conspicuus fuit: cum interim, vix mediam Cæli partem percurrerit.

V.
Cur Cometa intra paucos menses evanescent.

Hujus ea est ratio, quod Cometæ ab uno Vortice in alium transeundo, ob suam soliditatem versùs Circumferentiam propellantur; Et quamvis eandem ubique celeritatem retineant, tamen quia plus Agitationis habent, quàm ut à materia *Vorticis*, per quem transeunt, cohiberi possint, in alium elabuntur; eo serè modo, quo *Navis*, contra fluminis cursum impulsæ, aliquousque fluminis Motui obsequitur, inde tamen ad littora appellit: Ita *Cometes* modò hanc Cæli partem, modò alteram peragrandò, à Cæli Centro recedit, & tantum in ejus extremitate vagatur; quo fit, ut intra paucos menses, aut dies, nostro Cælo relicto, ad alios elabatur, qui conspectum nostrum fugiunt. Unde si spatium, quod Cometæ percurrunt, metiamur, inveniemus rarò ad Cæli Semicirculum accedere, & sæpius non ultra quadrantem extendi. Quamvis is quem *Regiomontanus* describit, à *Libra* per *septentrionem* decurrens, ad *Arietem* usque pervenerit.

Cometæ circa initia sui Motus, velocissimè rapiuntur, & non nisi lentè in fine procedunt, ut de eo, qui anno millesimo quingentesimo septuagesimo secundo apparuit, referunt *Astrologi*, qui in sui Motus principio, *quinque gradus* in dies singulos conficiebat, in fine vero, vix gradus unius dimidium.

VI.
Comete longè tardius in fine quam in initio progrediuntur.

Ratio hujus, à Cometarum distantia petitur, nam licet Cometæ per Vorticum extremitates transeundo, eandem semper celeritatem tueantur, quia tamen ab uno, in alterum sensim delabuntur, & à conspectu nostro paulatim recedunt, celeriores sui cursus initio apparent, quàm in fine. Eo modo, quo si *Viatorem* spectaremus æquis passibus progredientem, quamdiu à Nobis non multum abest, nullam in ejus gressu differentiam animadvertimus; donec ad certam Distantiam promotus fuerit; Ita Cometæ, quamvis ejusdem sint *Magnitudinis*, & serè semper æquè celeriter moveri videantur, quamdiu in extremis nostri Vorticis partibus versantur, ubi verò progressi fuerint,

III
Comete oblique
in initio
progrediuntur.

fuerint, & in alios Vortices migraverint, necessum est, ut lentius, ob *elongationem*, moveri videantur.

VII. *Unde Cauda & Barba in Cometis.*


Cometæ passim prolixos diffundunt Crines, præsertim in parte à Sole magis aversa: sed modo vario, quippe nonnulli *Caudam* trahunt; Alii *Barbam* præmittunt; Aliqui *Rosa* imaginem referunt, capillis in omnes partes dispersis.

Tanta phaenomenorum varietas, à globulorum Cœlestium diversitate, qui in Cœlo nostro reperiuntur, provenit. Suponimus enim, illos, qui Centro nostri Vorticis viciniore sunt, minores esse, sed sensim usque ad *Saturni* orbitam paulatim augeri, ultra quam, omnes mole æquales sunt, & pari celeritate circumacti. Cum igitur Cometæ, in extrema Vorticis parte ferantur, lumenque suum à Sole mutuatum ad Nos remittant, sequitur Luminis radios, qui per majores ex istis *Globulis* communicantur, cum ad minores deveniunt, non modo secundum lineas rectas progredi, quibus utpotè præcipuis, Cometæ *caput* apparet; sed etiam ex parte ad latera refringi, & dispergi. Ut si *Vas* globulis plumbeis ita repleatur, ut majores minores incumbant, facile experiemur, *vase* in fundo *perforato*, globos superiores, in suo descensu plures à minoribus premere, atque illos per lineas rectas impellere. Similiter in *Cometis* observatur; Quippe quum Sol Cometæ & Telluri penè medius sit, ejus radii in Cometam impingentes, & in omnes partes diffusi, *Comam* ejus procreant. Si verò Tellus à recta linea, qua Solis & Cometæ centra connectuntur, recedat, radii Solis ad nos reflexi, Cometæ *Corpus* seu *Caput* nobis exhibent: qui verò ad latus diffunduntur, *Barbam* ejus, aut *Caudam*. Quæ tales nominantur, prout Corpus ejus antecedunt, aut sequuntur.

VIII. *Quomodo Cometæ caudati, traheales vel rosei apparent.*

Schemate res dilucidior evadet. Sit Sol S, orbita per quam Terra anni spatio devolvitur 2 3 4 3, secundum ordinem notarum 2 3 4. Terminus à quo Cœlestes Globulos minores gradatim ac minores evadere suponimus sit D E F G, & Cometa Cælum nostrum percurrens C. Manifestum est Solis radios in hunc Cometam vibratos, versùs omnes sphaeroidis D E F G H partes, inde ita reflecti, ut qui in F perpendiculariter delabuntur, magna quidem ex parte, atque ad 3 pergant; sed etiam ex ipsis nonnulli hinc inde diffunduntur; & qui in G oblique incidunt, non tantum recta versùs 4 pergant, sed par-
tim

timus versus 3 refrin-
gantur: & denique
qui in H incidunt,
non ad terræ orbitā
2 3 4 5 recta perve-
niant, sed tantum
reflexi, versus 4 & 5.
Unde evidens fit,
Terra in orbitæ suæ
parte 3 existente,
Cometam C ex ea
visum iri, cum co-
ma in omnes partes
distracta. Quod Co-
metæ genus, *Rosam*
passim nuncupant.
Radii enim divecti à
Cometa Cad 3 trans-
missi, ejus *caput*; de-
biliiores vero alii qui
ex E & G versus 3
remittuntur, ejus co-
mam, seu *crines* ex-
hibebunt. Si Terra
autem in 4 versetur,
idem Cometa
per rectos radios C
G 4 deprehendetur,
& ejus *cauda* versus
unam duntaxat par-
tem protensa, per
radios ex H, & ali-
is locis, quæ sunt in-
ter G & H versus 4
reflexos.



Ac pari modo Terra in 2 existente, Cometa recto-
rum radiorum C E 2 ope, ex ea cernetur, & ejus Coma ope
obliquorum, qui inter C E 2, & C D 2 ponuntur. Nec ullum
interveniet discrimen, nisi quod spectatore in 2 collocato,
Cometa mane apparebit, *coma* ipsum præcedente: spectatore
verò

verò in 4 posito, Cometa vesperi cernetur, caudam suam post se trahens.

IX.

An Comete ali-
quid certi de
Mortalium casu-
bus prænuntient.

Calamitatum præcursores passim Comete habentur, qui tempestates, clades, famem portendunt; atque bella Populis, Regibus interitum, pestem Provinciis, & minantur & adferunt. *Vespasiani* ævo, Cometa ei mortem, si *Fontono* credimus, prædixit. Alii *Rome* ab *Alarico* captivitatem, miserum *Mauritii* fatum, *Mahumetis* perniciem nunciavere. Unus *Carolo* magno ultimum diem, *Tartarorum* in *Silesiam* impetum; & *auricularum* abscissionem indixit.

Jamdudum inter *Vulgus* hæc decantata fuere, & ab iis etiam credita, qui supra alios sapere videbantur. Quæ verò si ritè examinentur, nullum cum rebus, quæ contingere, nexum habere reperiemus. Nam si Comete bellorum, cadum Principium, &c. signa sunt, quorsum illa absque eorum præmonitionibus, aliquando contingunt? Et Reges moriuntur, invalescit fames, pestis per integra Regna grassatur, cum nulli visi sunt Comete. Hæc quidem aliquando præcurrentibus Cometis accidunt, sed sæpius sine illis. Deinde, cum Comete per totam Terram circumeant, & omni Mortalium genti immineant, quomodo uni cladem, alteri victoriam spondent? qui sit, ut iis Homini- bus salutaria; aliis noxia præfagiant? Cometarum vis fortassis agnosci posset, si soli Reges interirent, si Personas discernere possent, aut Magnates duntaxat intuerentur. At cum mixta sint Principum, & Plebeiiorum funera, quum iidem Casus promiscuè illos maneant, non plus in hos, quam in Mortalium cæteros potentiam habere statuendum est.

X.

Humana res in-
volucris circum-
spice.

Verum, dicet aliquis; Constat aliquando hujusmodi Sidera, divinitus ad aliquid Nobis denuntiandum impendi: Absit ut id abnegem: sed quo Argumento convinci potest, in particularis alicujus apparitione ita fieri? An id *Deo revelante* dignoscitur, ab externis Nobis esse cavendum, si ad occasum Cometa pergat, & ab internis, si versùs ortum dirigatur? nihil in Nos potestatis habent Comete, & à dementia, aut ignorantia nostra pendet, quòd iis terreamur, aut illis malignitatem esse arbitremur.

Sape Domi culpa est, nescimus credere Cælo.

ARTICULUS DUODECIMUS.

De Siderum Productionibus.

AB omnibus ferme hucusque creditum est, Sidera in hæc Inferiõra dominari, & diffusa undique Virtute, veluti rebus Humanis præsidere. Hinc attributus *Martis* Calor, *Frīgus Mercurio*, *Luna* Humiditas, quod iis regnare maximè videantur, & subjecta cuncta moderari. Unde *Solem* Universi parentem, operumque naturalium Effectorem appellant, eo quod videant *sublunaria* illo præsentē vigere, illius autem absentia, tabescere, & tantum non emori.

Nonnulli in Sole, nescio quas *Influentias* fingunt, quibus ad rerum productionem, quas supra Terram cernimus, concurrat. Sed revera si ad Solis actionem attendant, nullam in eo, præter *Illuminationem* reperire poterunt, & si quas alias deprehendant, ad eam tanquam ad originem referuntur. Nam quod Sol Corpora calefaciat, exsiccet, urat, ab *Illuminatione* proficiscitur, quæ varios illos Effectus, pro diversa subjectorum dispositione operatur.

Si Quis regerat *Humorem* & *frigoris*, quibus Corpora afficiuntur, à Solis lumine derivari non posse.

Dico, illa etiam à Sole ex accidenti provenire, in quantum illius Absentia, *Humor* non amplius discutitur, & extenuatur, ac proinde Vapores, magna sui copia, aut frigore accedente, denuò concreſcunt, & humectant.

Sol Tempestates & Serenitates gignit, unde circa mediā *Sagittarii* regionem, fufis, qui constiterant, Humoribus, ac Terra illis diluta fecundos *Favoniorum* status producit: *Pleiadum Hyadumque* in *Tanro*, & à Septentrione *Hædorum*, à meridie vicini *Orionis*, atque ex adverso *Arcturi*, extimulat vires, quæ Apulrinos status exsuscitant, & aliquot dierum continuis pluvii condita rigant semina. *Pencern in Astrol.*

Hæc & similia non à Sole, tanquam à causa speciali proficiuntur, sed tanquam à Generali, qui, cum radios suos quoquo-versum diffundat, omniæque Corpora promiscuè illuminet, non ad hunc potius Effectum, quam ad alterum determinatur.

I.

Quomodo Sol pater dicitur eperum naturalium.

VI.

Quomodo Sol pater dicitur eperum naturalium.

II.

Quo pacto Sol dicitur causa humiditatis, & frigiditatis.

III.

Quomodo Sol serenitatem & tempestatem producat.

Quòd si verò in hac Terræ parte, *tempestatem*, in alia *serenitatem* gignat, non tam ipsi, quàm partium *situi*, ac *dispositioni* adscribendum est, quæ ejus radios aliter excipiunt, & iis variè afficiuntur. Quòd enim apud nos placidum *Ver* sit, & *vario nellantur flore corona*, quòdque eodem tempore *Amœsis Antipodibusque* nostris *signava sit Hyems*, & frigore Terra fluviiq; concrecant, non à Sole pendet, qui constanti tenore *Zodiacum* peragrat, & eodem modo Calorem suum diffundit. Quis dicet *Tempestates*, & *Serenitates* ab eo provenire, quum eodem, *inquam*, tempore, ultra citraque *Æquatorem* idem sit, & nullam mutationem patiatur? Causa igitur cur nos dum apud nos æstas regnat, Lumen suum impertiatur, radiisque suis capita nostra feriat, Terræ situi, quam calcamus, imputandum est, qui nos ab *Antipodibus*, apud quos Hyems est, dirimit; non verò ipsi Soli, cui merè accidentarium est; quòd illi algeant, dum æstua-
mus, aut obliquè radios in ipsos emittat, dum nobis perpen-
diculariter imminet.

IV.

Quo sensu dicun-
tur stelle esse in
signa & tem-
pora.

Non obest, quod sacræ Litteræ dicant, *Solem, Lunam, Stel-
las*, à Deo esse creatas; *ut essent in signa, & tempora, & dies,
& annos*. Quoniam non alio modo *Sidera* hæc indicant, quam
Hirundines, quæ suo ad nos adventu ac discessu, *Ver* & *Hyemem* præ-
sagiunt: Aut quomodo *Iris, fulgur, obscuritas*, aliæ-
que *Aëris* mutationes, imbrem, tonitru aut serenitatem præ-
nuntiant. Nam quemadmodum *Hirundo Veris* non est causa,
nec *Iris* serenitatem efficit, sed signum duntaxat: Ita *Canicula*,
exempli causa, non causa est cur æstus oriantur, sed tempo-
ris duntaxat signum, quo contingunt. Ut mox dicetur.

V.

An Luna quic-
quam dominii
habeat in hæc
inferiora.

Luna multum ad rerum inferiorum mutationes confert:
quippe quæ *Ventos* impetuosos excitet, *Tempestates* ciëat, &
constipatos *Vapores* in *pluvias* redigat. Illius quoque opera,
sata propagantur, *fruges* maturescunt, & prout incurvata fue-
rit, aut in gibbum sinuata, *Aquam* allicit, aut dissipat.

Hæc omnia, quamvis pro indubitatis apud plurimos habe-
antur, dici tamen potest, sine sufficienti ratione admitti; quo-
niam non magis *procelle* oriuntur, *Imber* Terras irrigat, &
Plantæ incrementa, ac progressus suscipiunt, dum Luna Soli
exposita est, quàm dum falcata est, aut in occidens deprimi-
tur; nisi dicatur, debili suo Lumine, quod à Sole haurit, Hu-
morem ciendi vim habere, cui discutiendo cum impar sit, fo-
vere

vere illum, & augere dicitur. Sed qualiscumque Vis illa sit, immeritò illi tribuitur, quæ Soli tanquam Causæ Generali attribueda est; qui suis radiis omnes Temporum ac Rerum vicissitudines producit, quas in Terrarum orbe contingere cernimus. Unde Astrologorum præcepta, ut *milium* mense *Aprili* Terræ committatur, dum Sol est in *Tauro*: Et frumenta in *Octobri*, dum Sole cum *Scorpione* exoriente, *Pleiades* occultantur: uti eleganter *primo Georg.* describit *Virgilius*.

——— *Misio venit annua cura,*
Candidus auratis aperit cum Cornibus annum
Taurus, & aduerso cedens Canis occidit Astro.
Ac si triticeam in messem, robustaque sarra
Exercebis humum, solisque instabis aristis,
Ante tibi Eoæ Atlantides abscondantur,
Gnosiaque ardentes decedat Stella Corona,
Debita quam sulcis committas semina, quamque
Invia properes anni spem credere Terra.

Hinc Poetæ, qui cuique rei propria assignant nomina, *Tempestuosum* Orionem appellant, *Vergilias pluviosas, inferenas Hyades*, quòd illæ, *Maria* ac *Terras* imbribus ac procellis infestent. *Sidera* quidem, *mutationum tempestatumque signa* dici possunt, nullo pacto autem *Causæ*, quasi eorum beneficio fata propagentur, & incrementa accipiant, sed solum *Tempora* designant, quibus Sol frumenti incrementum adjuvat, & fluctus in Mari concutuntur.

Canicula summum Calorem excitat, imò interdum adeò maligna est, ut *Morbos* pariat, & diffuso per *Aërem* contagio indiscriminatim pene omnes corripit. Unde *Virgilius*.

——— *Aut seivius ardor*
Ille sitim morbosque ferens mortalibus ægris
Nascitur, & levo contristat lumine Cælum.

Hoc Experimentum, eodem modo, quo cætera explicandum est; intensum scilicet illum Calorem, non à *Canicula* proficisci, quasi vis quædam illi insit, calidissimis spiritibus excitandis, quibus Corpora inflammentur, aut temerentur: Sed quòd hæc *Stella*, eo Tempore oriatur, quo Sol Terræ vicinus, maxime illam exsiccat, exhalationesque educit, quæ vitiato primum Aëre, labem Corporibus inferunt, & contagio corrumpunt.

VI.

Nullam vim habet Canicula in calore aut morbis procreandis.

punt. Hinc Cælum *Romanum*, circa id tempus insalubre, maximèque Homini sanitati noxium est; Quod in *Romano Agro*, plurimæ *cryptæ*, *specusque* existant, è quibus educti, Calore Solis, halitus, Corporum harmoniam depravant, morbosque generant. Hos autem Effectus, frustra quis *Canicula* assignaverit, quum illa, dum æstus potissimum vigent, non tam ad nostrum, quam ad *Antipodum* verticem vergat, ac proinde illos potiùs, quàm nos, acriùs ferire deberet. Omnibus enim *Sideribus* commune est, ut illa plus efficiant, in quæ directius lumen suum remittunt, & in quæ radios acriùs jaculantur. Quod cum in *Canicula* non contingat, imo potius *Antipodes* eo tempore frigore premantur, quo Cælum nostrum ardet, credendum est, Calores, non à *Canicula* provenire, & aliud esse æstus nostri principium.

VII.

Quam absurde morbi acuti Caniculae tribuuntur.

Illud ex eo potissimum ostendi potest, Quod quum *Canicula* ante Annos plus minus bis mille, (ut observavit *Clarissimus Gassendus*) oriretur viginti tribus, aut viginti quatuor diebus post Solstitium, hoc est, diem circiter decimam septimam *Julii* (stilo novo) nunc quoque existimetur eo prorsus die oriri; Cum tamen *Caniculae* exortus, factus sit jam mense posterior, ob motum fixarum in ortum, secundum signorum ordinem. Et nihilominus morbi acuti, febres, &c. diebus prioribus à decimo septimo scilicet decurrentibus passim tribuuntur. Verum quis credat, summos illos æstus, qui circa medium *Julii* oriuntur, in medium *Januarii* translatum iri? cum tamen post decem annorum millia, si tantum *Mundus* perseveret, eo tempore *Canicula* exorietur.

VIII.

Planetae non ad Corporum humorem, aut siccitatem concurrunt.

Certis experimentis, Planetarum vires probantur; ut quod aliqui *Frigus* incutiant, alii *Calorem*, alii sub hoc aspectu *Humorem*, alteri sub altero *siccitatem* protreant. Unde *Plinius*, cum creverunt *Herbae*, & humore iteram, ut *justa* obveniat magnitudo, opus est; eundem, per *Canceri Stellas* accessu *avocatas* suo (Sol) pròmit ac *suppeditat*.

Illud etiam sano sensu falsum esse dici potest, Quia, cum omnia *Sidera*, non nisi mutuato à Sole lumine agant, & illa idem reflectant, non potest ex ejus variatione, Effectuum diversitas colligi. Totum igitur, quod ex eorum cum Sole coitu erui potest, est quod *Aër* tempore æstivo calidus sit, hyemali frigidus. At qualis futurus sit Cæli status, dum Anno sequenti,

sequenti, Sol siderum *Domos* subibit, dum *Camicula* orietur, ant ad occasum *Arcturus* perget; an *Venti* ruent, an candescet æstus, nullo certo Augurio dignosci potest: Cum non raro contingat, ut Anni Tempestates confundantur, ut æstate Aër rigescat, lucida sit *Hyemis* aura, in vere regnet Calor, & *Autumnus* ingens frigus corripiat. Non ullo præfixo ordine, mundus stat, & omnia quasi casu regerentur, fortuitò eveniunt, & elabuntur.

Concludendum est igitur, evanidos esse Siderum Influxus, & Sole excepto, qui per Lumen Calorémque suum operatur, nullam Astris inesse in Inferiora potestatem: Ac proinde frustra illos ex Luna orbiculata, aut gibbosa, Ventos aut pluvias colligere, forbendam esse *Potionem*, aut *Vena sectionem*, æstuante, aut sedato Mari, esse celebrandam; plantandas Arbores, rigandos flores, dum Luna crescit, aut Lucis expers reditur. A quibus observationibus aliquando liberandos iri Homines spero, ubi vanas esse intellexerint, & non nisi iis suppositionibus nixas, quarum veritatem nemo seriò, & prout Philosophum decet, expertus est.

IX.

Concluditur nihil posse Sidera in hæc Inferiora.

ARTICULUS DECIMUS TERTIUS.

De Prædictionibus Astrologicis.

Nemo ignorat *Thaletem* philosophum, Astrologiæ præceptis imbutum, Temporum ambitus, Stellarum motus, & reciprocos Solis meatus compertos habuisse, quorum inspectione, hand dubiè futuram *Olei* inopiam intellexit.

Quamvis illud, cum quadam fiducia ab *Astrologis*, in suæ scientiæ gloriam asseratur, ostendi tamen potest, *Thaletem*, non id ex Astrologorum placitis coniecisse, sed potiùs ex assiduo rerum Naturalium studio. Quippe cum Physicam profiteretur, & vim *Aque* (quam rerum principium esse affirmabat) apprimè nosceret, scire potuit, qui fructus maximè Humore gauderent, quantum ad eorum incrementa, pluvia conferret, & quâ potissimum Anni parte lætiores provenirent. Hæc omnia absque Astrologiæ præceptis nosse potuit, quæ, quemque solentem.

I.

An Thales ope Astrologiæ, olei caritatem prævidit.

solertem, & Naturæ arcana rimantem *Physicum* non latet. Verùm, si motus Siderum, coitusque contemplando *Thales* ventura prædicere valuit, cur & ipsi, qui eandem *Artem* callere se jactitant, non idem experiuntur? cur *Ixopes* semper, & penè *Mendici* vitam ducunt? cùm & divitias, sicut *Thales*, comparare queant? nisi quia, non satis firma præcepta sua existimant, quibus innitantur, & famam suam in discrimen, positiva Asseveratione adducere non audent.

II.

Unde Stille nomina sua jupsero.

Non magni faciendum est, quod *Asterismi* ab antiquis Poetis, *Ursi*, *Persei*, *Leones*, *Hercules*, *Archinaves* &c. nuncupati sunt: Quoniam non nomina illa sortiti sunt, quod *Ursinæ*, *Leoninæ*, &c. naturæ forent; verum ob mirabiles aliquos casus, aut in Principum quorundam gratiam: Uti à *Galileo* nuper *Stellæ Medicæ* appellatæ sunt, non ob vim illis medendi inditam, sed in gratiam magni *Hetruriæ Ducis*, è *Medicæ* familia oriundi.

III.

Plurimis à Mathematicis prænuntiata Mors est, sed absque certitudine.

Multis diu anteq̃ Mortis tempus, fatum ab Astrologis pronuntiatum est; ut de quodam *Seneca* me morat, qui cùm à *Mathematico*, ipsi interitus imminere denuntiaretur, domum posthac reversus, intra biduum extinctus est.

Non hic eventus Prædictionis veritatem arguit; potest enim quamvis inane, & vanum Augurium, timorem Homini parere, easdemque ægritudines adferre, ac si certam Mortem sponderet. Si interim infirmari contingat, in limine Mortem esse imaginatur, & ejus horrore correptus asciscit, quam tantoperè averfatur. Quoties hoc pacto Vitæ finis acceleratus est? Quot metu Mortis, è vivis excessere? non enim semper mali acerbitate cruciamur; sed non rarè ejus specie, cui nisi tempestivè occurramus, miseros nos efficimus, & deficiente animo, ultrò ad mortem properamus. Quis non *Archelaum* derideat, qui, referente *Seneca*, quo die Solis defectio fuit, Regiam clausit, & Filium, quod in luctu, ac rebus adversis moris est, totondit? Quis non Thebanorum Superstitionem contemnat, qui clamores tollebant, æra fatigabant, tintinnabula pulsabant, ut *Luna* laboranti succurrerent, quam è Cœlo surripere Veneficas arbitrabantur? non enim Homines re, sed ipsa opinione torquentur, & sibi iis fingunt affici, quibus non tanguntur.

IV.

Inspecto *Divi Augusti* Horoscopo, constat asseruisse *P. Nigidium Mathematicum*, Terrarum Dominum esse genitum, & Julii

Julii Cæsaris fore successorem. De Tiberio adhuc in cunis vaticinatus est *Scribonius*, aliquando regnaturum, & multis difficultatibus feliciter superatis, futurum novarum provinciarum Domitorem. *Largius Proculus* diem obitus Domitiani indicavit. *Asclepius* genus addidit, & quæsitus ab eo, quis eum maneret exitus, à *Canibus* devorandum esse respondit. Quod evenisse constat, quamvis *Domitianus* ad fidem cogarguendam, exuri subito iussisset; jamque comburebatur, cum ortus repente nimbus, rogam exstinxit, ad quem accedentes Canes, semiustum cadaver laniaverunt. *Sueton. in Domit.*

Ad hæc dicendum est primò, non absque ratione, de *Historiographorum* fide ambigi posse, non quòd omnes falsitatis arguam, existimémque consultò scriptis suis Mendacia inseruisse, sed quòd nimis colligendis *Vulgi* rumoribus, sedulos fuisse putem; præsertim qui de *Regis*, aut *Imperatoris* natalitiis, aut interitu spargebantur. Secundo, evidens est, ex Historicis plurimos maximam operam dedisse, ut Principum gratiam inirent, sibi que eos devincerent; quod alio pacto efficere non poterant, quàm aliqua comminiscendo, quæ illis arderent, utpote ostendendo ipsos à *Deo*, administrandæ Reipublicæ destinatos esse; omnia his regnantibus fore prospera, & illos longam Vitam, indefessamque felicitatem manere. Sed ne videar Historicorum fidem nimium labefactare, prome *Seneca* loquatur, qui eorum Temporibus vitam agens, melius eorum ingenium, & mores calluit. Nec magna molitione detrahenda est autoritas *Ephoro*: Historicus est. Quidam incredibilem relatu commendationem parant, & lectorem aliud acturum, si per quotidiana duceretur, miraculo excitant. Quidam creduli, quidam negligentes sunt; quibusdam mendacium obrepit, quibusdam placet. Illi non evitant, illi appetunt, & hoc in commune de tota natione, quæ approbari opus suum, & fieri populare non putat posse, nisi illud mendacio aspersit. *Ephorus* vero non religiosissima fidei sæpe decipitur, sæpe decipit.

Et certè, multos alios præter *Ephorum* decepisse, aut deceptos esse, in iis præsertim, quæ de *Augusto* retulere, probari potest. Nam cum *Augustus* Regni frænum tenere non posset, nisi *Cæsare* & *Pompeio* interfectis, quos tamen *Chaldei* non in Senatu, aut in *Ægypto*, sed domi, sed annis graves, sed gloria insignes è vivis excessuros asseruerint. Quandonam igitur

tur.

tur illis fides habenda est, si contraria pronuntient? & forte in uno veri, in cæteris fallant, aut decipiantur.

V.

Quo pacto *Ascle-*
tariion Domiti-
ani mortem præ-
scire potuit.

At obtendent *Ascletarionem* certo, instantem Domitiano exitum prædixisse, seque à Canibus brevi esse lacerandum: Unde illi nisi ab Astris tanta futuri evidentia?

Non hic hæreo, quod Nonnulli *Authores* vanam esse hanc prædictionem existimaverint, & inter illas fabulas recensuerint, quæ apud vulgus sparguntur. Unum duntaxat innuo, *Ascletarionem*, Domitiani mortem potuisse absque Astrologiæ ope, certis Signis coniecisse: primo, invisos pene omnibus esse Tyrannos, & ex iis paucos placida morte, è medio excedere. Secundo, multos *Domitiano* insidiari, & undique ab Hostibus impeti. At se laniandum excerptumque à Canibus prænuntiavit; sed id ab *Ascletarione*, nili conjectura, prævideri non potuit, imò potius à populo effectum esse credendum est; quum & ipsi Astrologiæ periti, sua præfagia ultra Mortem non extendant, arbitrenturque Sidera, nihil posse in funera; unde imaginandum est *Ascletarionem* sensisse non cadaver suum esse devorandum, sed vivum potius, in temeritatis pœnam à Canibus esse torquendum, & inter laniatus expiraturum. Quod cum non contigerit, constat quàm vanæ sint Astrologorum prædictiones, aut si quæ futura quondam præviderint, non cognitione certa, sed casu, & conjectura fecisse.

Uti quidam omnia prædicere pollicebatur ex prima die Januarii.

*Rorida (inquit) si nubes confixerit Iridis arcum,
Pacatum mundo fœdere numen erit.*

*Si micet à Cælo lampas, fax, lancea trabisque;
Fervebit longo tempore Terra nimis.*

*Si rugiat tonitru, transcendent flumina ripas;
Et Nautæ insansitum fluctibus Equor erit.*

*Insonet horrifcerum sive intremat inclyta Tellus;
Exul erit pietas, exul & ipsa fides.*

*Si glacies gelidas condenset saxea lymphas,
Parturiet sobolem fœmina queque marem.*

Quis ni demens, iis fidem habeat?

HISTORIÆ NATURALIS

PARS QUARTA.

De Terra, Aqua, Igne, & Aere.

ARTICULUS PRIMUS.

De Globo Terra.

QUamvis Terræ moles tanta sit, tamque vasta occupet spatia, ut ejus ambitus circiter 7200 leucarum Gallicarum sit, sive secundum nuperam *Wallerbrordi Snelii* opinionem, miliarium vices quater mille sexcentorum viginti quatuor: Nihilominus, si Astronomis credamus, *Puncti* duntaxat nomen obtinet, si cum toto Orbe conferatur, & ad Cœli magnitudinem comparetur.

Non suo sensu caret, hoc Astronomorum effatum, *Terram* universi comparatione, pene *nihilum*, & veluti *punctum* esse. Tanta enim est inter fixas, & Terram distantia, ut nulla certa ratione elici possit, cum omnem Calculationem excedat, & vix Imaginatione queat apprehendi. Planetarum distantia, ex *parallaxi*, sive aspectus variatione, quam Spectatoribus exhibent, colligi potest: *Fixæ* autem tanto locorum intervallo absunt, ut ex earum intuitu, nulla *Parallaxis* gignatur, & Terræ semidiometer ad illas collatus, pro nullo habeatur. Unde si quis nostrum supponatur, in *Terra loco* manere, ipsam

I.
Terra si cum
Cœli magnitudi-
ne compare-
tur, *Punctum* est.

III.
Terra si cum
universi comparatione
conferatur, pene
nihilum est.

autem sursum attolli, & Cœlum versus erigi, haud dubium est, quin ut primum assurgeret, veluti ingens globus sit apparitura: Paulatim tamen decresceret, prout versùs *Lunam*, mox *Solem*, dein *Saturnum* perget: Adcò ut ad *Solem* elata, tanquam una ex minoribus *Stellis* sit apparitura, ulterius verò pergendo, scilicet versùs *Stellas Fixas*, omnem prorsus conspectum nostrum fugiet. Ac proinde *Terra*, quæ tot *Maria*, tot *Insulas*, totque *Regna* complectitur, si ad *Cœli* amplitudinem comparetur, adinstar *puncti* habenda est. Imo si ad *Vorticem* nostrum, cujus *Centrum* *Sol* occupat, eam conferamus, aded exigua, tamque parvi momenti videtur, ut qui *Scioterica Horologia* conficiunt, & umbris solaribus *Horas* metiuntur, stilorum omnium vertexes, in *Terræ Centro* locatos esse supponant, unde in superficiem *umbras* suas projiciunt; quasi aded tenuis sit differentia, ut non alias hinc, quàm illinc *umbras* projicere queant.

II.

Quam vani igitur
Homines, qui
pro puncto mili-
tant.

Hinc videre est, quam deridenda sit *Mortalium* cupido, qui pro uno puncto tot bella gerunt, tantum sanguinem fundunt. Hæc est *Materia gloriæ nostræ*, inquit *Plinius*, hæc sedes. Hic honores gerimus; hic exercemus imperia; hic opes cupimus; hic tumultuatur humanum genus; hic instauramus bella, etiam civilia, mutuisque cædibus laxiorem facimus *Terram*; & ut publicos gentium furores transeam; hæc, in qua conterminos pellimus, furtoque brevi cespitem nostro solo affodimus, ut qui latissime rura metatus fuerit, utraque fines exegerit accolas, quota terrarum parte gaudeat? Vel cum ad mensuram *Avaritiæ* suæ propagaverit, quam tandem portionem ejus defunctus obtineat? Sed surdis hæc canimus, ad *Terram* revertamur.

III.

Quomodo Terra
in Aëris medio
constat.

Terra in *Cœli* medio pendet, nullis columnis innixa: imo veluti *Immota* consisteret, æqualem semper ab *Orbibus Cœlestibus* distantiam servat.

Ponderibus librata suis——*Ovidius*.

Id *Terræ* contingit, non ex eo, quòd *Universi Centrum* existat; ut quidam passim existimant; & circa ejus ambitum, cæteri *Orbes* volvantur; Quoniam ea ratione data, adhuc inquiritur, cur *Terra* à loco suo non deturbetur, & in *Aëris* medio

medio librata, impediatur, quo minus avolet, aut deorsum ruat. Nam si nativo pondere gravis est, quo pacto non decidit? si levitate donatur, qui sit, ut sursum non fertur? Dicendum est igitur, Terram in *Aëris medio* suspensam detineri à Materia Subtili, circa eam gyrante, & omnes ejus poros pervadente. Cum enim Cœlestis Materia, quæ undique Terram ambit, æquali Celeritate circa eam rotetur, ejusque Motum multoties excedat, non potest non impedire, ne labatur, aut ascendat; ac proinde in medio librata permaneat: Nam sicut *Aves*, ab Aëre sustinentur, ne cadant: ita *Terra & Luna*, quæ in eodem Vortice volvuntur, ab eadem materia, quæ ipsas defert, fulciuntur, impediunturque, ne à Centris suis deflectant, aut alio amoveantur.

Terra quamvis gravis, non ad Vorticis Solis circumferentiam pellitur, sed à globulis Cœlestibus eam circumfluentibus, detenta, ad certam distantiam remanet, & semper inter *Martem & Mercurium* media, nunquam ulterius provehitur.

Ratio est, quod *Planete*, de quorum numero est *Terrâ*, ob variam eorum Soliditatem, à Vorticis Centro, magis, aut minus removeantur: adeò ut *Saturnus*, qui omnium maximè à Sole distat, ceteros Soliditate excedit. *Terra* vero quamvis densum compactumque Corpus esse videatur, non tamen ea soliditate pollet, ut magis versùs Vorticis sui circumferentiam recedere debeat; cum *Mars*, qui ipsa multo minor est, ob arctiorem tamen suarum Partium nexum, solidior sit. Nam licet Terra, quoad ejus superficiem, maximè compacta, solidaque videatur, levis tamen pro magnitudine sua, est æstimanda; quia illa Superficies, non nisi duorum, aut trium miliarium Crassitiem habet, quæ vix alicujus est momenti, si ad eas Cavitates conseratur, quæ intra illam reconduntur. Ac proinde sicut *Naves exigua*, & quæ parum Agitationis habent, facile in flumine detinentur, ejusque Motu feruntur: Ita *Terra* in Solis Vorticem delapsa, pro suæ Soliditatis ratione, eundem semper locum retinet, nec ulterius ad Solis Vorticis peripheriam potest detrudi.

Terra vim Magneticam *Ferro* tribuit, sed adeò debilem, ut eam facile amittat, & contrariam nanciscatur: ut si laminæ ferreæ extremitas, nulla adhuc tali virtute imbuta, Terræ obversetur, statim in illa extremitate versùs Terram depressa,

IV.

Cur Terra suo pondere, non ad solem propius accedat.

V.

Virtus Terræ magnetica, non nisi ferrum debilitat afficit.

vim *Poli Australis* in Borealibus plagis acquireret, quam momento postea amitteret, & contrariam comparabit, si eadem ejus extremitas elevetur, & opposita inclinetur.

Hujus ratio ex imbecillitate Virtutis *magnetica*, quæ in Terra reperitur, desumitur: Quia cum particula *striata*, quæ à Terra egrediuntur, per interiorem ejus superioris regionis Crustam, ex qua Metalla eruantur, revertantur, sit ut paucae, aut forte nullæ per Aerem nostrum regrediuntur, iis solis exceptis, quæ transitum interius non inveniunt: Hinc fit, ut *lapides magnetici*, qui idoneos iis particulis recipiendis meatus habent, vim majorem *Ferrum* attrahendi, habeant; quoniam particula *striata* in ipsis, eodem modo dispositos meatus reperiunt, ac meatus *Terræ inferioris*: redeundo autem per Aerem, aut alia Corpora Terræ exterioris, in quibus nullos hujusmodi Poros offendunt, difficilius moventur, & paucae ad nos perveniunt.

VI.

Qui iter in Austrum à Borea faciunt, Boream deprimi deprehendunt.

Qui à Borea in *Austrum* pergunt, partes Cœli Borealis supra horizontem, magis ac magis deprimi conspiciunt. At qui ab *Austro Boream* versus proficiscuntur, Boreæ partes sensim erigi deprehendunt. Aded ut superatis septuaginta tribus Italicis recti itineris milliariis, aut Gallicis leucis communibus 24 proximè, *Polus Borealis* sit ipsi futurus, gradu integro elevatur.

Id Terram *rotundam* esse, atque in globi modum confectam esse arguit; nam Terra *plana* existente, talis mutatio contingere non potest. Licet enim ponatur cum quibusdam, Aliquem directè sub *Polo* constitui, non tamen altitudinis *Poli* mutatio oriri potest; quippe si secundum rectam lineam recedat, non æqualis tunc depressio continget, nec post septuaginta tria milliaria, gradus unus post ipsum relinquatur; sed minor semper ac minor recessus ejus evadet, propter decrecentem minùs, ac minùs Angulum. Aded ut, tandem septuaginta tria milliaria, non unius gradus, sed vix unius minuti depressionem factura sint: Quod quotidianæ experientiæ adversatur.

VII.

Montes non efficiunt rotunditatem Terræ.

Non Terræ Rotunditati adversatur, quod montes varii exuperent, ut *Olympus*, qui supra nubes, ventorumque originem porrigitur. *Athos*, cujus vertex ab imbribus imminis est. *Picus* Tenariffæ Insulæ unius Canariarum, cujus altitudo, ad

ad quinque, aut sex milliaria extenditur. Quia non *Mathematica* rotunditas, Terræ competit, quasi ab ejus centro ductæ in superficiem lineæ, forent perfectissimè æquales: Sed *Physica*, hoc est, qualem rerum universitas exigit, cum hujusmodi inæqualitates, parvi aded momenti reputentur, ut in tanta corporis amplitudine, evanescere censeantur. Quo pacto *Rima* in pila, aut in pomo *Arantio*, granula, non efficiunt, quominus ab omni parte, paria esse dicantur.

Quod evidenti experientia demonstrari potest: Quippe si quis *Boream* aut *Austrum* versus progrediatur, inveniet *Poli* altitudinem constanter variari, non modò dum per planum, sed & per acclivem, & declivem locum incedet: Aded ut ad montis pedem, Poli altitudine observata, totum diem versus *Austrum* pergat, non propterea Poli altitudinem increvisse sit deprehensurus, sed decrevisse potius, ubi ad Montis Verticem pervenerit. Nec simili modo, non decrevisse, sed auctam esse advertet, si factam prius in cacumine observationem, in ima valle denuò repetierit. Quod certe argumento est, quod Telluris devertex ubique sentiatur, & perpendiculum in alia, aliaque seu acclivitatis, vel declivitatis puncta incidens, per alias, aliasque & coituras in centrum lineas deorsum contendat.

VIII.
Variatio altitudinis Poli rotunditatem Terræ arguit.

ARTICULUS SECUNDUS.

De Aqua.

Diebus singulis, experimur *Aquam* difficiliùs quàm *oleum* congelari, & non nisi magno frigore concrescere. Oleum enim, aura tantillum solito asperiori, obrigescit, & firmum constituitur; Item Aqua citiùs quàm Oleum, in Vapores convertitur, si ambo soli exponantur, & æqualem ab eo Calorem recipiant.

I.
Aqua difficiliùs quàm Oleum congelatur.

Quod Aqua fluida sit, & difficiliùs in glaciem concreseat, ex eo potissimum oritur, quòd partes *læves ac lubricas* habeat, Anguillarum figuras referentes, quæ licet inter se implicentur, & ad invicem accedant, nunquam tamen ita nexæ cohærent,

hærent, ut non faciliè sejungantur. *Oleum* verò, ex partibus constat, quæ sibi faciliè adhærent, *Arborum ramis* similes, quæ ità implicari non possunt, quin illicò mutuo nectantur, & veluti impeditæ, sibi interjiciantur. Unde fit, ut *Oleum*, non ita citò in Vapores abeat, quàm *Aqua*, cujus partes, *Materiæ Subtilis* agitatione, faciliè à se invicem separantur, & nonnisi levi nexu vinciuntur.

II.

*Aqua natura
sua frigida non
est, ut placuit
Aristoteli.*

Hinc clarè contra *Aristotelem* deducitur *Aquam*, quam Elementum vocat, *Natura sua frigidam* non esse, cùm Calorem admittat, nec illum deponat, nisi in quantum Aeri, utpote gelidiori illum impertit. Videmus etiam flumen, dum gelu concrevit, glaciem à superficie oriri, sive ea parte, qua ab Aere frigido contingitur: Quod indubiè accidere non deberet, si *Aqua natura sua frigida* esset; imò potiùs glacies, vel à fundo, vel à medio fluminis incipere deberet, aut saltem non tardiùs in medio quàm in superficie formari: Cujus tamen contrarium accidere annua experientia cernimus.

III.

*Homo sub aquis
constitutus, non
earum gravita-
tem sentit.*

Aquæ gravitas in fundo fluminis non sentitur: Unde si quis sub Aquis collocaretur, minimè pondus earum experiretur: ut testantur *Urinatores*, qui Aquarum mole, eorum Caputibus impendente, non deprimuntur, sed sua in eis, ac si in Aère nostro versarentur, exequuntur.

Id potissimum ex eo provenit, quòd non plus Aquæ in Corpore immersum gravitet, quàm quantum Aquæ descenderet, si corpus illud suo loco cederet. Nam collocetur Homo ille in Vase B, qui Corpore suo ita foramini A incumbat, ut exitum Aquæ impediat, experietur totum Cylindri Aquæ A B C pondus sibi impendere, cujus basim suppono esse ejusdem magnitudinis cum foramine A, qui si ipse per illud foramen descenderet, totus etiam ille Cylindrus Aquæ descenderet; sed si paulò altius supponatur, ut ad B, ita ut non prohibeat amplius egressum Aquæ per foramen A, tum nullam gravitatem sentiet ex Aqua, quæ inter B & C ipsi superincumbit; quia si ipse descenderet versùs A, nequaquam descenderet Aqua ista cum illo, sed contrà pars Aquæ,



quæ

quæ illi versùs A subiacet, paris cum ejus Corpore magnitudinis, in ejus locum ascenderet; unde fit, ut Aqua illum sursum evehat potius, quàm deprimat, prout *Urinatorum* exemplo comprobatur.

Aqua si diu stagnet, aut in Utre, per aliquod tempus reponatur, putrescit, & *fatidum* odorem spirat.

IV.

Unde putrescit aqua, aut corrumpitur.

Quia licet in Aqua, modicum Salis & Sulphuris esse deprehendatur, quia tamen Aqua stagnante, fluorem illa acquirunt, facile evaporant, ac putredinem inducunt. Aqua autem in *motu* permanente, Salis & Sulphuris particulæ cum aliis admiscuntur, & implexu mutuo detentæ, impediuntur, ne avolent, & sursum ferantur.

Aqua in Vase vitreo contenta, aut tubo, quem ad summum non implet, depressior in *medio*, quàm in *marginè* cernitur. E diverso, si Vas impleatur, Aqua in summo intumescit, & sphericam figuram afficit.

V.

Aqua cur depressior in medio, aut attollitur in Vase.

Ratio est, quod in Tubo non impleto, partem mediam undique Aër comprimit, & non nisi oblique, in extremas partes, vim suam exerit. Ubi vero vas impletum est, præterquam quòd Aqua firmitus Vitro implicatur, mediæ illius partes, ab *Aère* supraposito duntaxat, constringuntur, extremæ verò, tam ab *Aère* superiori, quàm ab eo, qui circa margines est, comprimuntur.

Ex *Aère* nonnunquam *Aqua* efformatur: Quippe videmus in generatione Fontium, quibus veteres assignabant, (admodum probabiliter) ex Verhione *Aëris* in Aquam, facilitata per quietem, qua gaudet in hisce Terræ partibus *Aër*, ut dissipari non possit, & à rupium frigiditate. *Fontes* enim iis in locis maximè generantur. *Bacon. Hist. Natur.*

VI.

An ex Aère aqua efformari possit.

Solenter adverbium illud, *probabiliter*, adjunctum est, cum non desint, qui illud tenaciter negent, contrariumque facta experientia fulciant. *Vas* vitreum, collo oblongo, duarum pintarum capax, Vir nostri seculi magnus rerum Indagator, hermeticè sigillatum, & in quo nihil præter *Aërem* continebatur, dolio Aqua repleto, & in cavea profunda asservato, recondidit, in quo Annorum trium spatio latuit, nec unquam inde avellebatur, nisi explorandi gratia, si quid novi *Aëri* contigisset. Nunquam tamen ab eo deprehensum est, *Aërem* degenerasse, & illius tantillum in Aquam fuisse conversum.

Quod:

Quod proculdubio accidere debuisset, propter humiditatem frigiditatemque, qua Aër undique ambiebatur. Unde probabile non est, uti existimavit *Verulamius*, id quod Aquam in Glaciem convertere potest, posse quoque Aerem in Aquam convertere. Cum hæc Versio non aliquorum Mensium spatio tentata sit, sed & annorum plurium, quæ tamen nunquam successit. Et ratio hujus est, quod *Aëris* particulae, cum valde subtiles sint, vi agitationis materiae subtilis, eas percurrentis, ita moventur, ut semper inter se volent, ac proinde nunquam in Aquam à frigore etiam intensissimo computari queant.

VII.

cur funis aqua
asperfus contra-
hitur.

Funiculus, si Aqua aspergatur, ita ut humore ejus interiora penetret, contrahitur, minúsque quam antea spatium occupat.

Hujus causa est, quod fila, quæ funem componunt, veluti tot tubuli sunt, quæ intromisso liquore inflantur, & breviores evadunt. Hinc *Testudinis* fides, gravi & humida tempestate, etiam intacti disrumpuntur, si plus æquo intendantur. Quoniam eorum fila, spiratim ritu *cochleæ* circumducta, quæ circa majores cylindros volvuntur, contrahuntur, & aliquid de sua longitudine amittunt.

VIII.

Quomodo Aqua
dicitur insipi-
da.

Aqua præsertim pluvialis, insipida est, & nullum aut non nisi exiguum Saporem præfert.

Et si nulla sint in Universo corpora, planè insipida, quædam tamen talia dicuntur, quia non eminenti aliquo Sapore afficiuntur, cujusmodi sunt *Herbæ* quædam frigida, crudum *Ovi* albumen, & *Aqua communis*, quoniam eorum particulae superficiebus glabris constant, & lævigatis, quæ linguae meatus non ingrediuntur, illamque nullo modo vellicant, aut penetrant, sed supra ipsam quodammodo natant & illabuntur. Sic *Aër* insipidus habetur, quoniam supra Salivam natat, nec se ei immiscendo, ullam in linguae nervos impressionem facit. Ob eandem rationem *pingues* liquores minús sapiunt quam *macri*.

IX.

Ad filtrationem
peragendam, re-
quiritur ut pan-
nus humore im-
buatur.

Filtratio non peragitur, nisi *panno* per omnes partes Aqua imbuto: Sive; Aqua non per pannum lineum ascendit, & per protensam alteram, è vasis superficie partem destitit, nisi pars illa sit, probè *liquore* perfusa: Adeo ut, sicca parte panni extra vas remanente, omnis filtratio cesset.

Hujus

Hujus ratio est, quod in *filtratione*, exteriores Aquæ partes, qua imbutus est pannus, ita se illius filis implicant, & intus illius Poros penetrant, ut quandam *Pellicula* speciem ibi conficiant, per quam interiores illius Aquæ partes, quæ in continua sunt agitatione, defluunt, & versùs illam Panni partem feruntur, quæ demissa est, & extra *Vas* prominet. Data autem aliqua parte Panni sicca, & nullo liquore extensa, non formari ille *Tubus* potest, qui ad partium Aquæ transmissionem requiritur, ac proinde necessum est, totum Pannum maderieri, & Aquam per totum illius Corpus decurrere. Nam non est putandum, partem foris eminentem, per Aquæ propulsionem in vase contentæ humefieri, & madorem recipere: hoc enim fieri Naturaliter repugnat: sed illi *Humiditas* accedit, quod filtri pars Aquæ primum immergitur; quoniam tunc, illius Poros Aqua ampliante, & eam sensim copiosius subeunte, illius quoque partes dilatantur, & viam insequenti Liquori præbent.

Advertunt illi, qui in Aquis natant, & fluviorum abdita scrutantur, *undam* in *fluminibus* inæqualiter decurrere, & lentius in *fundo*, quàm in *superficie* procedere.

X.
*Cur Aqua in
fundo fluminum
lentius decur-
rat.*

Id non omnibus fluminibus contingit; sed iis duntaxat, quorum alveus inæqualis est, & fossis quibusdam intercipitur. Nam si omnes ejus Partes æqualiter sitæ sunt, nec ulla supra aliam exuberat, non apparet quorsum flumina in fundo tardius, quàm in Superficie ferrentur. Illa igitur solum impari *Cursu* aguntur, quæ in una parte, quàm in alia, profundiora sunt, & quorum Fundus, partes habet aliis prominentes. Quoniam Aqua, dimissiora illa loca subeundo, in illis aliquantulum detinetur, & inæquali cursu, cum illa quæ in superficie est, rapitur.

Hinc apparet Aquam, quacunque patet *declivitas*, defluere, quia cum superiores illius partes, sua *gravitate* suppositas premant; istæ verò præ fluxitate, ni ad latus cohibeantur, sese subducant & exsiliant, necessum est, ut Aqua in declivi loco versante, inferiores illius partes, à superioribus pressæ, loco cedant, & in partem depressiorem, in qua liberius decurrant, ferantur. *Declivitas* enim ipsa planitiæ patentior est; & cum aliud non sit, quam perpendicularorum continenter brevium series, oportet ut Aqua compressa, atque per declive spatium

XI.
*Cur Aqua non
nisi per declive
fluat.*

extensa, in fundum perpendiculari brevioris delabatur, & eo versus sponte prorumpat. Unde manifestum est, nullam Aquam supra Terræ superficiem fluere, quæ non in humilioribus magisque declivibus spatium, ac proinde Terræ centro ob perpendicularium brevius, deferatur.

XII.

*Aqua contenta
in vase inæqua-
lis crassitie,
non propellitur a
copiosiori.*

Vas Vitreum aliquod conficiatur, cum *angusto brachio*, & illud Aqua impleatur: illa, quæ in Vase continetur, aliam paucam, quæ in *brachio* est, loco deturbare non poterit, neque sublimius evehere; quamvis hac multo copiosior sit, eamque pondere excedat.

Hic effectus Materiæ Cœlesti debetur, quæ circa Terram citissime rotatur, & Terrestria Corpora, versus sui motus Centrum propellit. Quippe quum Aqua in *Vase*, & in ejus *brachio* contenta, æqualem superficiem habeant, æqualiter à Cœlesti Materia premuntur, & deorsum detruduntur; ac proinde Aqua copiosa, in ingenti illo vase, nullam vim habet exiguum illud Aquæ, quæ in angusto brachio recluditur, loco suo deturbandi, & sublimius attollendi.

X

XIII.

Acus chalybea summe Aquæ innatet.

Aquæ superficies difficilius dividitur, quam ejus interiora: *Acus* liquidem exigua *chalybea*, transversum summæ Aquæ innatant, ad fundum verò pergunt, ubi Corpus ejus penetraverint, & tantillum ejus interiora libaverint.

Illud ex eo oritur, quod Aquæ partes, licet uniformi Agitatione inter se moveantur, & lævem, æqualemque Superficiem componant; quia verò Aeris partes Aquæ circumfusi, alia ratione & mensura feruntur, nec in eundem Motum consentiunt, sit ut superficies *Aeris*, & *Aquæ*, poliantur: Quoniam admodum aspera Corpora videmus, mutuo attritu lævigari, & politiam induere. Constat autem lævia Corpora multo asperius, ad resistendum, aptiora esse, & vim majorem aliis propulsandis exerere. Ac proinde mirum non est, si *Aquæ* superficies cum difficilius, quam ejus interiora separetur, *chalybeam* *Acum* sustineat, & eam non patitur demergi. Requiritur tamen, ut *Acus* in *Aqua* sublegetur, neque supra modum crassa sit, & transversum incumbat, quoniam aliter accideret, si diverso modo imponderetur, & unum illius extremum, aliud multo crassitie superaret.

ARTICULUS TERTIUS.

De quarundam Aquarum Proprietatibus.

Quædam Aquæ calidæ scaturiunt, & veluti Ignem in Terræ visceribus conceperint, Calorem referunt, eumque aliis Corporibus impertiuntur. Quidam putei ita incallescunt, ut demissum in eo, per aliquod tempus, ovum, coquatur, & ad duritiem adigatur.

Nonnulli *Thermarum* Calorem, à subterraneis Ignibus oriari autumant, qui in Terræ penetralibus latent, & per quosdam canales diffunduntur, quos *Aqua* pertransiens, incalescit, & fervorem comparat. Verùm, id rationi consentaneum non videtur: quippe non apparet, unde suppetat hæc Ignium materia; qui fieri queat, ut Ignium alimenta in flammæ sub Terra convertantur; aut si veri Ignes illic regnant, quomodo ab erumpente fumo non suffocantur, aut se dilatando, ex latribulis demum non erumpunt. Verisimilius igitur videtur, nullum illic Nativum Ignem residere, sed diversorum liquorum *misturam* sufficere, ad Calorem illic producendum; ut in *Aqua* & *Calce* experimur, quæ per fermentationem incallescunt, & Ignem sola mixtione generant. Illud idem in *Oleo Tartari*, & *spiritu Vitrioli* animadvertitur; item in *Aqua forti*, & *Tartaro*; *butyro Antimonii*, & *spiritu Nitri*; quæ etsi ad Tactum sunt frigida, tamen si immisceantur, incallescunt, & quidem ita, ut si repente *Aqua forti*, in qua Ferrum solutum est, *Oleum Tartari* infundatur, non solum ebulliat, sed & flammam mistura concipiat. Quod etiam accidit, si *butyro Antimonii* dicto, confertim spiritus *nitri* infundatur.

Provenit ergo *Thermarum* calor, ex *Bisaminis* & *Sulphuris* mistura, quæ dum inter se confunduntur, per quandam fermentationem, Calorem concipiunt, & ferverescientiam adipiscuntur.

Aquæ stigæ, seu *Fortes* passim nominatæ, durissima Metalla penetrant, atque illa brevi temporis spatio exsolvunt: In *Cera* verò, quæ mollis est, nihil agunt, & eam veluti intactam prætereunt. Eadem Aquæ, facilius Ferrum, & Chalybem dissol-

I.
Quæ nonnullæ aque incallescunt, ut *Thermæ*, &c.

II.
Aquæ fortes Metalla perfodiant, & in dura potius quam in mollia agunt.

dissolvunt, quàm *Plumbum*, quod illis mollius est, & ad divisionem proclivius:

Ejus ratio est, quod Aquæ fortes, cedentia Corpora sine injuria perlabuntur, diffingunt autem, ac imminuunt quæ illis obstant, & earum transitum impediunt. Id ab iis facile capietur, qui norunt omnia Corpora, non iisdem partibus componi, neque illas inter se, eodem modo conjungi; sed secundum figurarum & magnitudinum variationem, quibus afficiuntur. Nam sicuti *scythorum*, aut *sicilium* acervus, si baculo feriat, in mille, aut amplius frustra frangi potest; *lana* autem baculo eodem, parique impetu percussa, nullam mutationem sortitur: & sicut forcipum, aut cultrorum acie, *sicilia*, & *scyphi* scindi nequeunt, *Lana* vero statim abruptitur, & in partes exilit: Ita facile intelligitur, quomodo Corpora aliqua, ab Aquis fortibus dividantur, & in multas partes abeant: alia verò, earum transitu, nullam Mutationem subeant, aut sensibili modo diffingantur.

III.

Dodon fons facies accensas ex-tinguit, extinguit, et accendit.

Referunt Historici, Fontem in Epiro esse, qui effectus contrarios operatur. In *Dodone*, inquit Plinius, *Jovis fons* cum sit gelidus, & immersas facies extinguat, si extincta admoveantur, accendit.

Id fieri prima fronte, quodammodo impossibile videtur, quum soli Igni comburere competat, & frustra frigido Corpori inflammatio tribuatur: dici tamen potest Epirici fontis Aquam, cum gelida sit, faciem immixtam extinguere, id enim Aquæ proprium est, Ignem obruere, & motarum partium vim retundere: immeritò verò extinctæ facis impressus Ardor illi adscribetur, quum ille non ab Aquis, sed ab Exhalationibus, quæ Aquis supernatant, proveniat. Effluunt enim è supposita Fonti Terra, Vapores ex *Sulphure*, *Bitumine*, & *Nitro* conferti, qui per Fontem tanquam per caminum ascendentes, inflammabiles in ejus superficie evadunt. Extinguuntur igitur facies, dum immerguntur, accenduntur verò, dum Fonti admoventur, & iis Halitibus occurrunt, qui ex locis cavernosis, & per fontem penetrantibus erumpunt.

IV.

Causa interruptionis fluxus in Colisimartiensis fonte.

Gassendus occasione Fontis, qui Authore *Plinio*, ter in die stans auctibus & diminutionibus crescit & decrescit, cujusdam *Colisimartiensis* nomine meminit, qui octies intra Horæ spatium fluit, totiesque fluxu inhibito, sistit. Quippe imminens
&

& jam eruptura *Aqua*, levi murmure se prodit, sensimque in Alveolo per minuti ferme dimidium augetur, deinde per minuta ferme sex : cùm verò nullum amplius decrementum sub finem percipitur, aliqua interponitur mora, priusquam *Aqua* denuò effluat. Non tamen Intervals ab una eruptione, in aliam æqualia sunt, sed quandoque plura, interdum pauciora intercurrent; cùm interim rarò accadat, ut non unius Horæ spatio, octo effluxiones, & totidem cessationes numerentur.

Tam interrupti *Aquarum* cursus rationem reddere arduum est; quicquid ex *Epirotici* Fontis exemplo præsidii comparare possumus. Nam quòd in hoc, *Aqua interdum* copiosa sit, noctu verò deficiat, in Solis Calorem refundi potest, cujus vi exarescere Fontes æstivo tempore videmus, hyemali verò exundare. At simile quid in *Collismartiensi* fonte comminisci nequit, quum non minùs diurnis, quàm nocturnis horis, interruptas suas effluxiones servet. Si tamen de re tam abstrusa quicquam suspicari licet, faciliè crediderim, intra Montem exiguam quandam *Lacunam* contineri, ad quam accedens rivulus, cursu continuo replet : quoddam etiam spiramentum inesse, è quo subterraneus Halitus, aut modicus ventus incessanter reflans, *Aquam* cohibeat, remittatque in locum, à quo profisciscitur, adversum; & illic intumescere, quoadusque proprio pondere victa, vim Venti superet; & cum impetu, perlabatur, ac decurrat : donec *Lacuna* pene exhauriatur, & sicca remaneat. Deinde, Ventus recuperato spiramento, eodem modo, quo ante effluxuram *Aquam* retinet, continuoque propellit, donec irrumpentis aquæ vi, iterum propulsetur, & ejus impetui cedat.

Similis fontis meminit, P. *Maignam Tolosæ*, in Perspectiva sua Horaria, qui per æstatem horis singulis ab ima specu vastissima, eademque profundissima, quadrante paulatim succrescit, non sine multo *Aquarum* rugientium fragore; mox quadrante in uberrimum fluvium exundat : dein alio quadrante subsidit; ac demum quadrante etiam interquiescens, aret.

In Cyrenaica provincia, *Solis fons* media nocte fervet, mox sensim tepescit; deinde ad primam lucem friget : & quo Sol magis attollitur, eo fit frigidior, aded ut, *Meridie* rigeat : rur-

V.

Similis huic fluvius.

VI.

An Mammonis fons alternis temporibus frigus gerat & calcat.

fus paulatim tepescit; deinde ad primam noctem calet, & quo magis ille progreditur, eo fit calidior, ut habet *Lucretius*,

*Esse apud Ammonis sanum fons, luce diurna
Frigidus, at calidus nocturno tempore fertur.*

Philosophorum Nonnulli, hujus Proprietatis rationem reddere conati sunt, innuendo quædam *Aqua* Caloris inesse semina, quæ *Terra* nocturno frigore oppressa devehit, & eadem diurno Calore laxata resorbet; quod cum alternis vicibus fiat, Fons luce frigidus evadit, & nocte media fervet, calidiorque redditur, quo magis Sol dimittitur. Sed vereor, ne fictæ rei vera Causa quærat, nimiumque solliciti simus, in ratione Effectus detegenda; qui nullibi extat, & non satis sincera referentium fide firmetur. Cum *Arrianus*, *Curtius*, *Plinius*, *Mela*, aliique Historici, & Geographi, qui Fontem illum describunt, illum nunquam aspexerint, & solo rumore adducti, id asseruerint. Quis nescit *Ammonis* Sacerdotes, esse *Alexandro* adulatos, quum sanum illud inviseret, & multa ei impostura, aut simili Arte exhibuisse: ut locum illum magis celebrem redderent. De rei veritate primum constet, antequam illius Causa investigetur.

VII.

Unde oritur Calor, in hyeme, in Aquis putealibus.

Aquæ puteales æstivis Temporibus frigidæ sunt, hybernis verò incallescunt, aut ad minus, Teporem sortiuntur.

Hic Calor frigufve, non tam ab *Aqua*, quàm à Sensu nostro procedit, quo existimamus illam æstate, quàm hyeme frigidiorē esse. Ufu enim venit, ut quæ manu frigida contrectamus, calida esse arbitremur; & è contra frigida, quibus calidam manum apponimus. Id *Thermas* ingrediendo experimur, quæ Calore distinguuntur, & variis gradibus differunt: quippe primum balneum ingressi calidum illud arbitramur, dum adhuc frigescit Corpus, & nondum alia subit: ubi verò à summè calido gradatim ad primum denud revertimur, illud tunc gelidum existimamus, & veluti à se ipso diversum. Ita de *Cryptis* & *Cavernis* disserendum est, quæ semper eandem Temperiem, quolibet tempore, servant, & ex eo solo frigidiores æstate sentiri, quod fervescēte Aère relicto, illas subimus, cujus comparatione, frigida percipiuntur. In Hyeme autem calida, quod ab Aère exteriorē, qui iis multo frigidior

frigidior est, ad illas accedimus, cujus intuitu calidæ apparent, ac sentiuntur. Utî antea Olei exemplo declaratum est.

Non cum quibusdam Aristotelicis imaginandum est, *halitum* illum, qui hiberno tempore, Aquis putealibus incubat, aliquem eis calorem conciliare; Quia halitus ille, si manu exploretur, non minùs frigidus sentietur, quam *Aër*, qui illum circumambit: Aqua verò, manu in eam injecta, calida sentietur; quod sat indicii est, Aquam nihil Caloris, à fumo, seu halitu ipsi incumbente mutuari. Præterea, videmus non minorem fumi quantitatem Aquæ calidæ scatuerenti incubare, quam *puteali*, & tamen nemo agnoscat illum Calorem ab halitu proficisci, quum is vix Aquam contegat, & momento præterlabatur. Aqua igitur putealis ex eo duntaxat *calida*, hybernis mensibus, esse existimatur, quod ab Aère exteriore, qui longè frigidior est, ad illam accedimus.

Hinc meritò in dubium vocari potest, quod ab Hippocrate supponitur, Vèntres scilicet Hyemali tempore calidiores esse, & illorum æstu, Ciborum digestionem faciliùs peragi.

Nam si id verum est, quò sit, ut frigida appetamus, & versus cibos illos propendamus qui plurimum refrigerant. Præterea ex dictis in *Instit. Philos.* constat, Calorem digestionis instrumentum non esse, quandoquidem Pisces, qui maxime voraces sunt, Calore destituantur, aut saltem si aliquem habeant, nequaquam Sensum nostrum afficiat.

Quædam Aquæ *Ebrietatem* conciliant, & eas sumentes ita afficiunt, ut instar Vini temulentos titubantesque reddant: ut de *Lethe* fluviò memoratur,

*Quem quicumque parum moderato gutture traxit,
Haud aliter titubat, quam si mera vina bibisset.*

Aliæ haustæ *limphaticos*, & à Mentis statu deturbatos efficiunt, hebetudine per totum Cerebrum irrepente.

Causa in Bitumen, quò Aquæ illæ refertæ sunt, refunditur. Caput enim maximè *Bitumen* ferit, & Nervorum Meatus obstruendo, Sensum hebetudinem contrahit, ad eum fere modum, quò pastinacæ sylvestris semina, ut ait *Agricola*, *de rebus à Terra effluentibus*, libro secundo, Linteolo involuta, & in vinum posita; Atque pulveres *florum Hermodactyli*, quibus

VIII.

*Fumus Aquæ
incumbens nullo
modo calorem
præstat.*

IX.

*Ciborum digestio non Calore
perficitur.*

X.

*Quædam Aquæ
inebriant, alie
limphaticos
haerientes efficiunt.*

Turcæ

Turcæ utuntur, cum eodem sumpti, faciunt, ut ocysus & fortius inebrient. Ita *Bitumen* Aquis permistum, inebriare solet, & grave Corpus reddere.

XI.

Fons, qui bibentibus Vini odorem ingenerat.

Quidam Fontes in *Clitorii*, Arcadiæ Civitate memorantur, qui fumentibus, *Vini* aversionem ingenerant, quemadmodum *Ovidius* testatur:

*Clitorio quicumque sitim de Fonte levarit,
Vina fugit, gaudet meris abstemius undis.*

Id ex eo provenit, quod sicuti Vinum, non *Ebriis* tantummodo, sed etiam postquam *sobrii* facti sunt, nauseam aliquam adfert; Ita qui ex Fontibus illis *Bitumixæ* refertis, Aquam hauserint, aliquamdiu capitis gravedinem experti, eo modo afficiuntur, quo illi, qui *Febre* correpti, Vinum refugiant, & ejus Odorem averfantur.

XII.

Aquis nonnulli morbi curantur.

Quædam Aquæ medicata vi pollent, & quibus *Medici* ad certos quosdam morbos curandos interdum utuntur.

Hanc virtutem Aquæ mutuantur à metallica, vel minerali materia, per quam defluunt: Cujusmodi sunt *Sulphur*, *Sal*, *Vitriolum*, *Alumen*, *Nitrum*, *Bitumen*, &c. E quibus Aquæ particulas suffurantur, & secum abducunt. Hinc illa Aquarum diversitas provenit, quam in ipsis deprehendimus. Quippe *Sulphureosa* calefaciunt: *Bituminosa* caput & sensus hebetant: *Aluminosa* ulcera exsiccant, *Atramentosa* poros, quibus humor in ulceris locum confluebat, adstringunt. *Aliæ* præ indita sibi, à metalli qualitate virtute, brevissimo tempore, in vesicam traducuntur, laxatis scilicet prius meatibus, qui tali humori viam faciunt.

ARTICULUS QUARTUS.

De Fontibus & Fluviiis.

I.

Unde oriuntur fontes in cacuminibus Montium.

Nihil frequentius, quàm à Terræ penetralibus, Fontes erumpere, & contra Aquarum pondus, sursum evehi, & in montium jugis scaturire. Id omnis ferè fert Tellus, dum Humore gravida, adventitia Corpora enititur, & luci exponit.

Fontium

Fontium effluentium ratio, non eadem apud omnes est. Quidam enim volunt Aquam in terreno orbe, per canales ascendere, non modo prorsus absimili, quo *Sanguis* in *Animali*, per Venas discurrendo, totum Corpus pervadit, & eadem vi, in Caput, & in tibias effunditur. Huic sententiæ favet *Plinius* libro secundo, capite sexagesimo quinto. Cum enim *Terra arida est, & sicca, & sine humore per se constare nequeat: nec rursus Aqua nisi sustinente Terra, mutuo implexu jungatur, necessum est venas admittere, quibus tanquam vinculis Aqua discurrat, & ad montium juga nitatur.* Verum, probabile non videtur, Aquam per Tubos subterraneos seu Canales, velut in *Animalis* Corpore, sanguinem deferri. Quia quamvis Aqua è Mari, in specus propulsetur, & vi ipsi impressa, sursum ascendat; non apparet tamen, cur dum ad Maris superficiem pervenit, non illic consistat aut relabatur, quum impetus quo sursum deferebatur, desinat, & ulterius non extendatur.

Verisimilius igitur videtur, Fontium originem *Vaporibus* deberi, sive Aquæ particulis, vi Caloris subterranei, ab invicem disjunctis. Nam cum infra campos & montes, magnæ Cavitates existant, Aquis oppletæ, ambigi nequit, quin magna earum copia in *Vapores* resolvatur, & ad Terræ exteriora, elatorumque Montium cacumina attollatur: ubi frigore succedente, Vapores in Aquam conversi, cum per eosdem meatus, per quos ascenderant, reverti nequeant, vias alias latiores inveniunt, in *Crustarum*, seu corticum intervallis, quibus tota Terræ superficies conflata est.

Hinc nonnunquam oritur, ut in Cavernosis Terræ partibus, *Oleum* ad Aquæ modum erumpat, dum Calor in Terræ visceribus inclusus, sat virium habet, ad crassas exhalationes attollendas, quæ gelidarum partium montis occursum, se connectentes, *liquorem* crassum componunt, haud prorsus ab *Olei* specie abhorrentem. Sic in valle quadam in *Alsatia*, nomine *Leberthal*, pinguis crassusque liquor defluit, quo passim *Aurigæ*, vice *axungie* utuntur, ad axem ungendum. Verum, non nisi rarò hujusmodi Fontes scaturiunt, cum exhalationes longè difficilius quàm Aqua assurgant, & non nisi multo Calore promoveri queant.

Omnium Fontium Aquæ si *Sorga* in Venascino comitatu

A a

Gallia Fontes præter

II.

Ut fontes olei generantur.

III.

*Sorgam dulces
habent Aquas.*

*Gallia excipiat, dulces sunt, & non Maris falsedinem, à quo
derivantur, sapiunt.*

Hujus rei ratio est, quod *dulces* Aquæ marinæ *particula* don-
taxat, in fontes ascendunt: quoniam illæ tenues sunt, & faci-
le inflectuntur. *Salsa* verò, cum rigidæ sint, duritiemque
quandam habeant, in Vapores mutari non possunt, nec ullo
modo obliquos Terræ meatus perlabi. Dulcescunt igitur
Fontes, quia non nisi Aqua constant, quæ per exiguos Terræ
anfractus percolatur; aut in *Vapores* Caloris vi attollitur. *Sor-
ga* verò fontis salis sunt Aquæ, quoniam patulos Canales
percurrunt, & priusquam rigidas, inflexilesque partes exuere
possint, fursim contendunt.

IV.

*Cur quidam fon-
tes tantum hye-
mescentur, &
siccantur æstate.*

Quidam *Fontes*, toto hyberno Tempore scaturiunt, & lar-
go gurgite se diffundunt; accedente verò *estate*, & nimio per-
uriente Terram Calore, exarescunt, & paulatim deficiunt.

Fontes hujusmodi, ex pluviis, & nivibus originem trahunt,
quæ liquatæ, in eos conflunt, & diurnum alimentum suppedi-
tant. Sunt enim intra Terram, & maximè sub montibus, *Caver-
nae*, receptaculaque varia, quæ imbribus, aut nivibus quotannis
oppletæ, pro capacitatis ratione, tardius, aut citius se exone-
rant: Aded ut, post multos imbres, Fontes passim scaturiant,
& novæ Aquæ à Terra eliciantur. Summo autem æstu suc-
cedente, Fontes siccantur, imo penitus exarescunt, donec
profundas eisdem *specus* imbres repetant, & novam fluxui ma-
teriam suppeditent. Unde tempore *Eliæ*, Fontes qui antea
perennes habebantur, exaruerunt, quoniam clauso Cœli ostio,
non imbres, non *nives*, pro more in Terram cadebant, quæ li-
quatæ effusarum Aquarum locum supplerent.

Omnia Flumina in *plano declivi* fluunt, & ubicumque talis
Inclinatio abest, Aquæ immotæ manent, & in neutram par-
tem feruntur.

Ratio est, quod in *plano declivi*, partes Aquæ superiores suo
pondere suppositas premunt, quæ cum fluxæ sunt, & Corpo-
ribus imminentibus facile cedunt, in inferiora delabuntur, in
quibus liberius expanduntur, & cum minori coactione decur-
runt. Inclinatio enim, veluti quædam *perpendicularum* conti-
nua series est, in qua comprimere Aqua nequit, quin in brevi-
oris perpendiculari imum incidat, & sponte propria agatur.
Nam si *Alveus*, per quem flumina decurrunt, inclinatus non
foret,

foret, nulla assignari ratio posset, cur in hanc potius, quam in alteram partem ferrentur, & cur magis versus *Occasum*, quam versus *Orientem* pergerent. Deinde, cur Mare intumescens in æstu, non æqualem in fluminibus altitudinem haberet, si illa in plano *horizontali* fluerent, & non per declivia raperentur.

Majora Flumina versus *Occasum* defluunt, nulla autem versus ortum.

VI.

An flumina versus Occasum semper decurrant.

Id incautè à Quibusdam creditum est, sed absque sufficienti examine: cum constet *Rhenum*, *Nilum*, *Obi* in Boream deferri: *Rhodanum*, *Indum*, in Austrum: *Danubium*, *Fluvium Amazonum*, *Fluvium Sancti Laurentii*, in Ortum. Hinc colligitur in nullam certam Mundi partem Flumina decurrere, sed in quamcumque indifferenter ferri.

Contingit interdum in Mari, ut inter Aquas salvas, non procul tamen à littore, dulces Aquæ scaturiant. Imò narrant *Historici* ad *Incatami* oram, in novo Orbe, Venam Aquæ dulcis, unius cubiti altitudine, supra maris superficiem erumpere.

VII.

Dulces Aquæ interdum è salis erumpunt.

Id oritur, quod vicinorum Montium receptacula, quæ Aquas continent, sic ostia habeant disposita, ut non ad eorum verticem, sed ad imum convertantur: Adeo ut, effluentes ex ipsis Aquæ, in largo quodam canali confluant, ubi *Fontem* componentes, non nisi in locis humilibus scaturire possunt, & exonerari: Quo fit, ut in Maris *fundum* cum impetu, mox è Maris superficie emicent, & attollantur. Quod si interdum contingit, ut *fluvii* in Mare labentes, dulcedinem suam, ad longum satis intervallum tucantur; id provenit, quod adeo celeriter, & efficaciter decurrunt, ut Maris motui oblucentur, vel ei saltem subijci nequeant, donec altè satis in eum subierint, ubi ei salcedinem suam Mare impertit.

Nilus, qui *octodecim* duntaxat *pedes* altus est, interdum ad *octodecim cubitos*, hoc est, viginti septem pedes excrescit; interdum ad *duodecim* tantum cubitos: sed ejus inundatio adeo constans est, ut statis temporibus semper accadat, nimirum post *Solstitium æstivum*.

VIII.

Causa constantis Nili inundationis post Solstitium æstivum.

Communis Antiquorum opinio fuit, *Nilum* ab *Ethæsiis*, qui per id tempus flare solent, incrementum accipere, qui in fluminis ostia impaëti, cursum ejus remorantur, efficiuntque, ut
A a 2 alveo

alveo completo exuberet. Hinc *Lucretius Libro Sexto*.

*Nilus in æstate crescit, campisque redundat,
Unicus in terris Ægypti totius annis;
Aut quia sunt æstate Aquilones ostia contra
Anni tempore eo, quo Æthiopia flabra feruntur,
Et contra fluvium flantes remorantur, & undas
Cogentes sursum replent, coguntque manere.*

Sed genuina Nili inundationis hæc ratio esse, non videtur, cum constet, Nilum interdum exundare, priusquam molles isti Venti spirent, & ejus ostia claudere queant: Atque etiam intumescantiam cessare, antequam flare desinant, & ejus fauces concutere. Causa tanti Incrementi in Imbrium frequentiam potius referenda est, quæ à medio circiter Junio, in Septembrem usque in Æthiopia decidunt. Quippe illic Hyems maxime eo tempore viget, à Maii fine, ad Septembris initium, continuato rigore. Simili ratione fluvius Paraguaii, sive Rio de la plata exundat, præcipitantibus se ex Peruanis montibus pluviis: Unde incolæ trium mensium spatio in scaphis, sive Canois vitam agunt.

IX.

*Unde subito
fontes oriuntur
aut evanescent.*

Fontes in Montibus interdum subito nascuntur, qui antea non apparuerant: Et è contra, nonnulli statim deficiunt, & vix Tempore aliquo interposito evanescent, & extinguuntur.

Id non rarò Terræ motu accidit, dum scilicet Aquarum scaturigines aperiuntur, fractis aggeribus, qui Humorem illo tractu superiore continebant. Siccantur autem, dum novi opponuntur Aggeres, aut in altis cavernis excepta Aqua, evahi amplius non potest. Quoniam tunc, cursum suum mutare cogitur, & alio deflectere. Quis ignorat in Montium specubus, magnam Aquarum vim recludi, quibus Terræ agitatione apertis, Carceres illi referantur, & delitescantibus Aquis exitum præbent?

ARTICULUS QUINTUS.

De Mari.

MOles *Maris*, Terra altior esse conspicitur, & multo supra ejus superficiem videtur attolli. Unde qui oculos è littore in Mare conjiciunt, ipsis Terra altius videtur; & è Mari spectatum littus, humilior, ac depressius apparet. I.
Mare altius
Terra esse videtur.

Nonnulli omnia *Visu* metientes, existimant Mare ob suam, quam cum Terra habet *Convexitatem*, paulatim assurgere, & Terram supergredi; ac proinde non Terræ fundo solum, cui incumbit, eminere; sed supra Insulas & Continentes attolli. Sed revera hic *Visus error est*, qui cum in remotiores Maris partes tendat, in illas per radios dirigitur, qui, quanto magis à perpendiculari, & ad pedes vergente recedunt, tanto magis remotiores, altiores, ac veluti in fastigio positas repræsentat. Id non in Mari solum, sed in quacumque plantie contingere experimur. Quod autem è diverso, littus è Mari humilior depressiusque videatur, vulgaris est apud *Opticos* effectus. Nam cum littoris altitudo, sub minimo visorio Angulo contineatur, quem hinc & inde provoluti fluctus intercipiunt, & illius prospectum furantur, mirum non est, si littus infra Aquas deprimi videatur, & infra ipsos fluctus subsidere.

At Ratio, quæ adigit ad asserendum Mare, secluso fluctuum tumore, non Terra altius esse, maximè evidens est, quoniam dato Aquam super Terram fluere, sequeretur quod illa propria gravitate exundaret, & relicta superiori parte Terræ, inferiorem duntaxat occuparet. Aut, cum Aquæ partes se mutuo impellant, & quæ superiores sunt, humiliores propulsent, tota Terræ superficies illico tegetur, & sic nullæ amplius in Mari Insulæ, nulli Montes conspicui forent, sed Terra Aquis undique obruta, rerum aliarum conspectum tolleretur. Præterea, quo pacto flumina ad Mare desisterent, & ad suæ originis locum reverterentur, si Mare Terræ emineat, & infra Maris superficiem, Terræ superficies collocetur? nihil enim grave proprio instinctu sursum attollitur, & ascendit potius quam descendit, quod Corpus se sublimius petit. II.
Ratio cur Mare
non sit Terra altius.

Unde

III.

Mare Rubrum
non altius est
Mediterraneo.

Unde frustra Reges Ægyptii Mathematicorum consilio deterriti sunt, ne ex Mari Rubro alycum in *Nilum*, aut Mare Mediterraneum deducerent, eo quod Mari Rubro tribus Cubitis altiore existente, metuenda foret Ægypto inundatio. Quoniam si vel digito uno foret Mare Rubrum excelsius Mediterraneo, quâ Ægyptum alluit, non totius Africæ ambitus obstaret, quin eo usque raperetur, quousque ambo Maria in eodem libramento constituerentur. Sic quia *Hircanum* Mare *Euxinum* altius est, in ipsum exoneratur. Et quia Mare *Euxinum* superficiei evectioris est, quàm *Egeum*, in illud infunditur.

IV.

Cur Navis difficulter è portu deducitur.

Forte Quis dicet: Si Mare non est supra Terræ superficiem, quomodo sit, ut Navigia difficilius ex portu solvantur, quàm ex Mari in portum devehantur?

Respondeo id oriri, non quia Mare Terræ eminet, sed quia, dum Navigium ex portu in Altum transfertur, Ventus, cujus afflatu provehitur, non nisi modicus est; ejus enim vim circumcincti aggeres debilitant, obstantque ne in Vela pleno impetu adigatur. Dum autem Navis in portum deducitur, Ventus liberè afflat, nihilque ejus impetum remoratur.

V.

Cur flumina ad Mare citra ejus inflationem revertuntur.

Flumina continuò in Mare se exonerant, & peragratis aliquot Terræ tractibus, in illud denuò revertuntur; cum interitum Mare non augeatur, neque solito magis exundet.

Id fieri evidentissimè constat, mutua Transformatione, qua Aqua Maris in Vapores, & ii vicissim in Aquam transmutantur. Nam sicut in Animali, videmus sanguinem è Vena Cava, in Cor delabi, mox ab eo per Magnam Arteriam in cæteras Corporis partes dispergi: Ita Vapores è Mari, per Terræ meatus, in Montium verticem deferuntur, ubi in Aquam frigore succedente conversi, in flumina abeunt; quæ, per decliviores exterioris superficiei partes, denuo in Mare labuntur, & primum originis suæ locum repetunt: Adeò ut, quantum ex Terræ Cavitatibus evaporatur, tantum ad eadem loca à Mari, devehatur; & quantum per Terræ meatus, è Mari elabitor, tantundem per flumina ressuat.

VI.

Maris Aqua in æstate magis salsa deprehenditur.

Æstate fervida, Mare solito salius evadit, & acrius linguam pungit. Hinc qui sub Æquatore & Zona torrida degunt, Aquam marinam eo tempore asperiores expeririuntur.

Quia Sol, qui illic maximè fervescit, è Maris superficiei, tenuiores

minores dulcioresque partes attollit, & in Vapores exagitat, rigidis crassioribus relictis. Unde quo vehementior est Solis æstus, eo magis Aquarum exteriora concutiuntur, pluresque ejusmodi Vapores educuntur, qui in *Aëre* concreti, & in *Aquam* iterum reversi, non eundem semper ex quo profecti sunt, locum relabuntur: Sed quandoque per *Aërem* expansiati aliorum deferuntur. Hujus rei exemplum in *Aqua* in *Cacabo* ebulliente habemus, quæ certè eo semper salior evadit, quo diutius subjectis prunis imponitur, & quo plus ex ea humoris effluit.

Efflode *puteum*, paulo superius quàm extremus Maris allapsi fructus excurrit, ea profunditate quæ respondeat ultimo restui Maris decremento: replebit hunc æstuans Mare *Aqua* dulci, potuique accommodata. Illud in oris Mauritanix populari constat experientia, ubi *Aquæ* dulcis defectum illa sola pensat. *Bacon. Centur. prima, sylv. sylvar.*

Aqua marina suo *Sale* exiit, dum multam *Arenam* permeat, demissis intra Terram angulosis suis partibus, quæ salugine eam afficiunt: non tamen cum multis opinandum est, ad Aquarum *translocationem* requiri, ut Pori per quos transmittuntur, angustissimi sint, quoniam eorum aditus confestim à primis Salis particulis præcluderentur, & inspidis *Aquæ* partibus omnis transitus impediretur: Sed potius requiritur, ut *Aqua* per Corpora transfundantur; quæ satis latos & patentes *meatus* habent, in quibus Anguli & flexus reperiuntur, Salis partibus retinendis idonei. Necessarium quoque est, ut Corpus illud, quod prætergrediuntur, satis magnum & compactum sit, ut *Aqua*, quæ paulatim defluit, & omnes salvas partes simul deponere non valet, sufficiens spatium offendar, in quo hic unam, ibi alteram exuat, prout Angulis aut flexibus à quibus retardatur, occurrerit, ac proinde aliquod quoque Temporis intervallum requiritur, ut omnes eas deponat, priusquam totum percurrerit.

Rationes quoque adferri possunt, cur à rerum Conditore, assignata sit Mari *salredo*. *Prima*, ne Mare aded facile putrescat, & Corruptionem contrahat. *Secunda*, cum gravitatem Mari *Sal* conciliet, sit ut marina *Aqua*, Caloris vi, difficilius exhaletur, & in Vapores abeat. *Tertia*, ut firmior reddatur Piscium substantia. *Quarta*, ut Ventorum impetui fortius obluetur,

VII.

Quomodo *Aqua* marina exuere *Salem* possit.

VIII.

Cur *Aqua* Maris salia sit.

obluctetur, & procellis magis resistat. Aqua enim salsa, fir-
mior est; *Dulcis* autem faciliè in auras abit & dispergitur:
Quinta, ut acriùs frigori resistat, & non ita faciliè gelu con-
densetur. Nam licet Mare congeletur, non tamen nisi sum-
ma frigoris vi, cujus mediocri etiam virtute, Aqua dulcis sti-
patur, & in glaciem transmutatur.

IX.

*Aqua Maris in
Occasum deser-
tur.*

Experiuntur *Nautæ*, Maris Aquam ab Oriente in Occasum
moveri: adeò ut Naves, ejus beneficio, felicius ad Indias Oc-
cidentales provehantur, quam ad Orientales. E diverso Na-
vigaciones Orientem versus, difficiles sunt, plùsque temporis
in iis infumitur.

Id ab inæqualitate partium, quibus Terra, & Aqua con-
stant, provenit. Nam licet globus terraqueus circa Centrum
suum, *Motu* diurno feratur; Quia tamen Terra solidior est, &
pondere Aquam excedit, idcirco multò celerius, quàm Aqua
Centrum circumvolvitur: Quo fit ut Aqua, quæ tardiùs de-
fertur, versus Orientem pergere cernatur: pari modo, quo
Cymba in flumine lentiùs provecta versuseundem locum, in
oppositum tendere apparet, iis qui motu concitatori vehun-
tur.

X.

*Ille motus tan-
tum inter Tropi-
cos sensibilis.*

Aquæ motus ab Ortum in Occasum inter Tropicos præsertim,
ac in Zona Torrida percipitur: extra illos autem vix sensibilis
est; Quia licet Terra spherica sit, quia tamen illa rotunditatis
pars, quæ intra Tropicos posita est, utpote à polis remotissima,
maximo cum impetu versus ortum circumrapitur, pars autem
Terræ, extra Tropicos sita, utpote polis proximior, tardius
movetur, fit, ut Motus inter Tropicos tantum sit perceptibilis.

XI.

*Aquæ marinæ
graviora onera
sustinent, quàm
fluviales.*

Aquæ marinæ, fortiùs immisiss Corporibus obluctantur,
quàm fluviales; Unde *Naves* quas Mare sustinuit, in lumi-
ne, aut etiam in portu merguntur.

Id ex eo provenit, quòd Aqua Maris *ponderosior* sit, quia
crassius & solidis partibus constat, quæ in minus spatium con-
trahi possunt, ac proinde imposita onera faciliùs sustinet, nec
illa finit demergi: ut patet de *Asphaltite* lacu, qui cum falsis-
simus est, Hominem manibus pedibùsque ligatum dorso suo
sustinet. *Hieronimus Florentinus*, Decoctorem de turri in A-
quas ligatum præcipitatum, per integram sustentatum noctem
vidit: In *Hispania* lateres ex Terra, qua argentea opera ab-
sterguntur, formatos, Aquis innataste observavit *Possidonius*.

Fonst.

Jonst. Nec alia ratio assignari potest, cur *Navis* in *Portu* altius immergatur, quàm ubi in altum proventa est; quàm quòd Aqua, quæ portum replet, propter Aquæ dulcis misturam, quæ tum ex fontibus, tum ex fluviis confluit, levior est, multumque suæ soliditatis, ac gravitatis, eâ mixtione amittat.

Hinc oritur, quòd *Vinum* per manicam *Hippocratis*, ut vocant, hoc est, lancum, vel lineum colum acuminatum, percolatum, nulla vi propemodum polleat, licet quadam dulcedine imbuatur, quia generosæ illæ particulæ, quæ vim vino conciliant, in *Coli* plexu remanent, impediunturque, ne ulterius pergant.

XII.

Cur Vinum per manicam Hippocratis vim suam amittit.

Aqua falsa minùs quàm dulcis, Incendiis extinguendis, idonea est: imo potius promovet, & novam flammam excitat.

XIII.

Salse Aquæ igni extinguendo inutiles sunt, imo illum augent.

Id accidit, quòd *Salis* particulæ, quæ in hac Aqua maximè dominantur, cum rigidæ sint, & inflexiles, facile objectis Corporibus concutiuntur, & ita concussæ, multoque robore pollentes, non modo flammam, si illi immittantur, augent; sed etiam ex se solis, aliquam accendere valent, si à Corporibus, cum impetu exiliant. Accedit quoque, quòd *Aqua marina*, multò fluviatili pinguior est, plusque *uliginis* in se contineat, quæ *Ignis* pabulum subministrat, & flammam nutrit. Unde haud parvum in *Ætiaca* pugna injectus in *Antoniniam* classem *Ignis*, incrementum accepit, dum incauti, rudisque *Maris* naturæ milites, cum Aqua falsa aspergerent, & irrumpentem flammam humore extinguere conarentur.

XIV.

Vis ingentium Ignium Aqua injecta augetur.

Imo observare licet, quòd quamvis *Aqua* *Igni* valde adversetur, & illum è Corporibus, quæ uruntur, arceat; nonnulla tamen sunt Corpora, quæ ubi Aquæ particulas in suis meatibus admiserint, magis inflammentur, & augmentum accipiant. Unde *Fabri*, fossiles *Carbones* Aqua aspergunt. Et parva Aquæ copia, flammis ingentibus injecta, ipsis incrementum conciliat. Id tamen *Salia* efficacius præstant, ob partium suarum rigiditatem, quæ in flammam spiculorum instar vibrantes, & in alia Corpora impingentes, magnam vim habent, ad illorum minutias concutiendas. Hinc *Metallis* liquefaciendis passim *Salia* adhibentur.


ARTICULUS SEXTUS.

De Maris Fluxu ac Refluxu.

I.
Causa fluxus ac
refluxus Mari-
ni.

A Quarum moles, viginti quatuor Horarum & quinquaginta ferme minorum spatio, bis ad littus accedit, ac revertitur.

Causa tanti *Miraculi*, in Corpus Lunæ refunditur, quæ Materiam Cœlestem inter ipsam, & Terram intercurrentem premeus, Aquam quoque Aëre intermedio propellit, & versûs littora agit. Sicut enim platea, ea parte angustior videtur, in qua crassum aliquod Corpus interjacet; & fortiùs Ventus in Corpora obvia impingit, quo per arctiora spatia desertur; ita ob Lunæ præsentiam, spatio inter ipsam & Terram angustiore effecto, necessum est Aërem, & Aquam, quæ fluida sunt Corpora, cedere, & versûs littora attolli. Non alio prorsus modo, quo liquor in Vase, majore copia insusus, versûs labra affluit, si comprimatur, & medio, à quo expellitur, relicto, ad extrema desertur. Sed majoris claritatis gratia, ponatur Terra esse T, Aqua verò, quæ Terram ambit, EFGH, Luna B. circulum suum mensibus singulis percurrens. NOPQ Cœli vortex, qui pro Centro Terram T habet, quique cum Luna circa ipsam Terram jugiter circumagitur. Nam eadem Cœlestis Materia, quæ ad O pergit, cursu suo ad P & Q continuato, tantundem spatii ex una parte Terræ requireret quantum ex alia, & sic illam undique premeret. Verùm, quia Luna in puncto B adest, & Cœli celeritatem non assequitur, oritur ut Cœlestis materia Terram pauld magis versûs P quàm versûs O aut Q comprimat, ac proinde Terra paulum ex Vorticis Centro recedat, & versûs D accedat: quo fit ut Aqua, quæ est ad F & ad H, comprimatur etiam aliquanto magis, ac deprimatur, quàm Aqua, quæ est ad E, aut ad G. Deindè, quia Terra viginti quatuor horis circa Centrum suum circumvolvitur, ea Terræ istius portio, quæ nunc in puncto F existit, in quo Mare subsidit, intra sex horas ex puncto G in quo intumescit Mare, futura est, & elapsis duodecim horis in puncto H, ubi iterum subsidit Mare. Jam verò quia Luna nonnihil eti-



am progreditur, & eundem *Terræ* circuitum triginta ferme diebus perficit, duodecim horæ minuta in singulis Reciprocationibus addenda sunt: Adè ut *Aqua Maris* duodecim horas, & viginti quatuor minuta fluendo ac refluxendo, in uno & eodem loco impendat.

Hinc clarè deducitur, tam mirum, quamvis cottidianum effectum, in *Lunam* esse refundendum, cum observemus, secundum *Lunæ* motum, æstum singulis diebus, una hora tardius assurgere. Quippe ponatur *Luna* ex horizonte, hora duodecima, hodie emergente, æstum oriri, die sequenti, non eadem hora æstus fiet, sed hora prima duntaxat. Quod sat indicat, æstus motum à *Lunari Sidere* proficisci.

Æstus *Maris*, non idem ubique tempus servat, sed ad quædam littora citius, ad alia tardius *Aquæ* devolvuntur. Ad *A-*quitanicam enim oram, septem horarum spatio pergit, & ab ea quinque horis refugit: è contra versùs *Canadensem* quinque ho-

B b 2

rarum

II.

*Luna causa est
Maris æstus.*

III.

*Unde tanta æ-
stus in littori-
bus Aquarum
appulsus diver-
sit.*

rarum spatio movetur, & ab ea recedendo septem consumit. *Guineum* Mare quatuor horis assurgit, & octo relabitur.

Hæ in fluxibus & refluxibus varietates, multis ex Causis oriiri possunt; sed præsertim ab *Alveorum*, in quibus Aquæ continentur, *inequalitate*, aut littorum *situ* & dispositione; quibus Aquarum cursus maximè juvatur, aut impeditur. Hujus rei specimen in fluminum ripis habemus, in quibus, Aqua pro situ diversitate præcipitatur, aut leniter decurrit, torquetur, aut per vias rectas tendit. Aded ut, si mare ad littus *Aquitanicum* inertius accedat, quàm refluit, id ejus declivitatì imputandum est, quæ ejus progressui opitulatur, & refluxum ejus tardat, & impedit. Quod in mari *Hollandico*, Aqua multo citius affluat, quàm refluat, inde fit, quòd per *Texellum* in Meridionale Mare, & per *Zelandiam* in *Rhenum* se exoneret. Quod *Amsterdam*i tardius affluat, quàm in *Friso* littore, sinus recessus in causa est, in quem Mare devolvi, eumque tam cito implere non potest, quàm apertæ oræ allabitur.

IV.

Unde nullus æstus in Mari mediterraneo.

Quod autem in *Mediterraneo* Mari exigua aut nulla reciprocatio fiat, id provenire putandum est, quòd multæ Insulæ interjiciantur, quæ Maris æstum arcent, & turbant, atque ob loci angustias, quæ Aquas exspatiari non sinunt, & ultra solitum sensibilibiter provehi. Quia licet ea Mediterranei portio, quæ ultra Tropicos est, cum Oceano per fretum *Gibraltar* communiceetur, quoniam verò transitus ille, non nisi trium, aut quatuor leucarum est, quicquid sex horarum spatio, illud ingreditur, exiguum habetur, si cum hujus Maris altitudine ac latitudine conferatur. Imo ubi tantillum Aqua promota est, latum Mare, littoræque ita disposita offendit, ut non nisi prope oras feratur, ac proinde necessum est, ut non nisi continuus Aquarum cursus ibi observetur, citra ullam Aquarum elevationem.

V.

Unde in ora Provinciæ exiguus tantum est æstus.

In ora autem *Gallica Provinciæ*, modicus est æstus, præsertim in Noviluniis, & pleniluniis, circa Æquinoctia; quia cum à maritimo littore Provinciæ, ad oppositum littus Africæ, octo propemodum latitudinis gradus excurrant, nullaque interjaceat Insula; atque ab *Austro* ad *Boream* liber sit aspectus, mare circa Æquinoctia, ad duos fere pedes assurgit.

VI.

Unde in ora A-

Pari modo de aliis littoribus differendum est; Quippe quod

quod Aqua ad multos pedes *Venetis* attollatur, *Ancone* autem parum, aut nihil assurgat. Quod ad *Siriæ oram* longè amplius, quàm in certis *Galliæ* littoribus, ubi vix ad pedem attollatur, id oritur quod illic extremum, in *Galliâ* vero medium quasi alvei sit, cum experiamur in navicula, Aquæ agitatæ elationem & depressionem, in extremis tantummodo fieri, sub medium autem simplicem fluxum, vel æquabilitatem constare.

Portus, qui sub eodem *Meridiano* sunt, non omnes Maritimum æstum iisdem horis patiuntur: ut de celebri illo portu, *Havre de graces*, in *Galliâ* nominato, qui in Plenilunio, aut Novilunio summum æstum hora nona matutina habet, *Diepa* verò, non nisi decima hora; quamvis hæc duo loca parum ab invicem absint; & vix *semigradu* differant.

Id illis accidit, non solum, quòd inter angustias *Oceani Britannici*, varii & inæquales anfractus sint, qui Aquas defleunt, & earum cursum immutant: Sed etiam ob Ventorum impetum, qui in illo Mari sæviunt, & à diversis partibus spirant. Sic *Caletum*, tum *Slusas*, quæ Urbecula est in *Flandriæ* confinibus sita, *Bruzis* contermina, nova plenæque Luna summo æstu implet, hora plus minùs undecima, ea parte illustrata, quæ in Austrum reflexa est. *Arnemude* ac *Metelliburgi* tractus, hora secunda seu noctis, seu diei. *Zirizæ* hora tertia, Luna in occasum *Brumalem*, seu hybernum conversa, à quo *Africus* flat, & Sol *Capricornum* subit. *Bergis* sesquihora, aut duabus seriùs; *Antverpiæ* ac *Dordraci* Luna inclinata in *Æquinoctialem* occidentem, à quo *Favonii*, seu *Zephyri* spirant, hora propemodum sexta; *Mechlinæ* octava, sic tamen ut modo tardiùs, modò properantiùs Mare insuat, Aère vel tranquillo, vel ventis incitato. *Lemnius de occultis naturæ miraculis*, libro secundo, capite quadragesimo primo.

Majores æstus in *Conjunctionibus* circa D, & oppositionibus circa B, sive *Novilunio* & *Plenilunio* contingunt, quàm in quadratis Lunæ aspectibus, nimirum circa A & C. Unde Nautæ ob majores & celeriores affluxus & refluxus, Luna nova & plena, *Mare vivum* nominant, dividua, propter minores & tardiores, *Mortuum*.

Ratio est, quod Cælum ABCD, non sit perfectè sphericum, sed ad figuram *ellipticam* aliquantulum accedat, & majora.

VII.

Æstus in Havre de Graces citius accidit in Plenilunio, quàm Diepa

VIII.

Æstus sunt in Plenilunio & Novilunio majores.

jora inter Terram, & sui extremum A C exhibeat spatia, quàm ex diametro ei opposita circa B & D. Cum verò *Luna* in Temporibus intermediis, in majoribus istis spatiis versetur, ob laxiores Angustias, quas pertransit, necesse est, ut lentius progrediatur, ac proinde minor fiat Aquarum compressio, & sic minor Maris reciprocatio. Cum autem in *Plenilunio*, aut *Novilunio*, in ellipsis istius diametro minima sit, oportet majorem à Materia Cœlesti interfluente pressionem fieri, ac proinde majorem, celerioremq; æstum provenire.

VIII.

An Euripus mo-
tus in die reci-
procat.

Euripus fluvius, si *Antiquis* credimus, incertis undis desluit, & septies in *Ægei* sinu reciprocatur motus.

Hujus Effectus causa, in *Luna interpositionem* referri etiam potest, cujus pressione fluvius desluit, non in unam Mundi partem, ut cætera Maria, sed quoquoersum: aded ut, pars una in *Caciam*, alia ad *Boream*, altera ad *Austrum*, &c. feratur, quæ prout in freti angustias, aut littora incidentia inciderint, refluxus acceleratur, aut retardatur. Quamvis non immeritò ambigi possit, an quæ de illo flumine à Veteribus prodita sunt, cum veritate consentiant. Cum Titus Livius libro octavo decad. 3. id inficietur, & de Authorum fide dubitandi occasionem præbeat. *Fretum ipsum Euripi*, inquit, *non septies in die, sicut fama fert, temporibus statim reciprocatur; sed temerè in modum venti, nunc huc, nunc illuc verso mari, velut monte præcipiti delapsus torrens rapitur: ita ut nec nocte, nec die quies navibus detur.*

IX.

Cur nullus sit
fluxus & refluxus in fluminibus.

Flumina, & *Lacus*, nullam reciprocationem patiuntur, & quantumvis Lunæ opponantur, nullam mutationem præ se ferunt.

Id ex eo potissimum oritur, quòd eorum latera non satis ab invicem distent, minorque sit eorum superficies, ut in unam partem magis quàm in aliam, à Materia Cœlesti premi queat. Nam sicut *Vasa*, quo arctiora fuerint, motum liquoris minorem ostendunt; ita præter vastam hanc Aquæ molem, quæ Terram ambit, nulla alia extat, quæ possit eodem Tempore, in omnibus suis partibus simul, liberiori spatio frui ex duobus lateribus, ut assurgat; ex duobus verò aliis comprimi, ut subfidat.

ARTICULUS SEPTIMUS.

De Igne.

Quidam Ignes dum *lucent*, omni Calore destituuntur. Qui enim in Mari vela faciunt, animadvertunt, nonnunquam fluctibus in scopulos impotenti tempestate adactis, *scintillas* exilire. Sic è *lignis putridis*, & *piscibus sale conditis*, radii si ne ardore erumpunt, qui ad oculos delati, nullum Nervis Auditoriis motum ingerunt.

I.

Aliqui sunt Ignes lucentes tantum, & non calefacientes.

Ratio est, quòd Materia Primi Elementi in hujusmodi Corporum meatibus inclusa, licet satis virium habeat ad *Globulos* Secundi Elementi impellendos, & ad *retinam*, quantum ad Luminis perceptionem sufficit, movendam; nimium tamen debilis est, ut partes terrestres à se invicem sejungat, & in illis eam Agitationem excitet, quæ ad Calorem in ipsis procreandum requiritur. Ignis igitur tantum *lucidus* est, dum intervalla particularum Terrestrium ita angusta sunt, ut soli Primo Elemento locum dent, & omne Corpus crassum refugiant. Sic dum *Salis* spicula, angustos *Piscium* meatus ingrediuntur, & *Globulos* Secundi Elementi isthinc expellunt, adeò ut Soli materiæ Primi Elementi pateant, efficiunt, ut piscium squamæ, ad modum *lampyridum* luceant. Historici *muscæ* meminere, in novi orbis Hispania, scarabei magnitudine, *Cocynus* nomine, cujus oculi, noctem illuminant, ut cerea candela pro lucerna sit noctu ambulantis, pro ellychnio in cubiculis, ad cujus lumen, scribi legisque possit; nec tantum vivæ, sed & mortuæ.

Jonston.

Quædam Corpora, magnum Calorem exhibent, omnis vero Luminis sunt expertia: ut *Animalium* vivorum *sanguis*, si *quidam Ignes* *equinus* in putredinem vergens, *calx* liquore aspersa, & similia, in quibus latens Ignis urit, citra omnem flammæ emissionem.

II.

Quidam Ignes urunt, & non micant.

Quoniam in ejusmodi Corporibus, partes, quæ Primum Elementum circumstant, quæque ab eo agitantur, nimis molles flaccidæque sunt, quàm ut Luminis actionem transmittere possint. Nam licet nonnullæ, materiæ Primi Elementi innæ-

tent,

tent, atque ejus Moutibus obsequantur; quia tamen quædam sive Aquæ, sive Aëræ flexiles admiscuntur, vim quidem Ignem excitandi habent, non autem Luminis actionem recipiendi. Hinc spiritu *Vitrioli*, & *Olco Tartari* permixtis, ebullitio oritur, quoniam impeditus in ipsis materiæ Subtilis comineatus, quandam *luttam* inter eos liquores prociat, ex quo vehemens Calor exurgit. Sic *finus equinus*, sic viventium *(A)* Animalium *sanguis* incalescunt, Primo Elemento, à molliore materia inter partium angustias, intercluso. Ac proinde incalescunt tantum, sive vim habent Nervos Tactui inservientes agitandi; non autem Cœlestes Globulos, in quo Luminis ratio posita est, impellendi. *Calx* autem, *Aqua aspersa*, Ignem concipit, quia ita adaptati sunt ejus pori, ut partes Aquæ solo Primo Elemento septas recipiat; adè ut Globulis Æthereis expulsis, sola Primi Elementi materia dominetur. Quippe illa formam *Ignis* habere dicuntur, quorum Particulæ seorsim Primi Elementi motum sequuntur, & ejus Agitationem imitantur.

III.

cur flamma sursum ascendat.

Flamma ingenita quadam propensione, *Cælum* versùs fertur, & superiora loca affectat: unde quo faciliùs eo pertingat, crassitiem suam deponit, & *conicam* figuram assumit.

Dici potest Flammam non tam superiora petere, quàm eo extrinsecùs deferri; nam cum undique ab Aère circumcingatur, & ob minorem suam Agitationem quodammodò diverberetur, sursum potiùs, quàm deorsum tendit; quoniam laxiori illic Aère minus constringitur, & imbecilliores resistentiam offendit. Quomodò autem illud peragatur, sic accipe. Primi Elementi materia, quæ maximè in *flamma* viget, cum in continuo sit motu, ab eo loco in quo est, semper egredi nititur, cumque globulis Cœlestibus levior sit, sursum fertur, & à *Terræ* Centro se removel; verùm, cum Corpus aliquod moveri nequeat, nisi aliud in ejus locum motu Circulari succedat, tantundem Aëris versùs *Flammam* regreditur, quantum *fumi* elapsum est; ac proinde Aër, qui *Candelæ* summitatem lambendo, ad *Candelam* accedit, cereis partibus mixtus, *Flammæ* pabulum ministrat: Adè ut, vis Ignem exporrigendi, & sursum propellendi, aliquo modo *Aëri* tribui possit. Quorsum verò *Flamma conicam* figuram habeat, & in acumen designat, manifestum est, quia partes *Flammæ*, quæ ejus medium occupant,

occupant, plus agitationis habent, ac proinde fortius moventur, citiusque in altum evehuntur, quàm exteriores, quarum agitatio ab Aëris contactu minuitur, & imbecillior evadit.

Unde patet figuram *Pyramidalem*, mirum esse accidens Igni, ex eo quod Aër flammæ latera comprimendo, in eam speciem attenuet. Quoniam si quis, monente illustri *Verulamio*, Cereamumat, & in tubulo ferreo aut æneo statuatur. Postea illum erectum scutellæ, spiritu *Vini* plene & calefactæ. Deinde Cereâ, & spiritu *Vini* simul Igni impositis, flammam cercæ dilatari videbit, & quadruplo, quintuploque magis intumescere, quam antea soleret, apparebitque in *rotunda*, non autem pyramidali figura.

IV.
Pyramidalis figura accendens est flamma.

Hybernis mensibus, dum Aër frigore maximè comprimitur, flamma, sive *Ignis* intensius ardet, & calor longius diffunditur. E diverso, cœlo pluvioso, Ignis vis minuitur, etiam dum Solis radii focum illuminant.

V.
Ignis vehemens hyeme, quam æstate.

Quia ad Ignis conservationem, particule *Sulphureæ* requiruntur, quæ ex combustibili materia erumpunt; Atque *Nitrose*, quæ Aëri nostro admiscuntur: cum autem frigore brumali, Aër corpusculis illis *Nitrosis* potissimum abundet, necesse est, ut earum copia, flamma acrior evadat, ac intendatur: Sole autem, radiis suis, focum illuminante, nitrum in *Aëre* scatens, dissipatur, fitque ut Ignis vis remittatur, ac extingui quodammodo videatur. Hinc fit, ut lucerna in *Boyliano Vitro* capaci immisâ, & accensâ, vase obturato, quam primum Aër per *Antliam* exugitur, flamma expirat, non tam propria fuligine suffocata, quàm *Nitroso* Aëris alimento destituta.

Candela cum longiori ellychnio ardens, majorem fumum emittit, quàm ubi contractum est ellychnium, & à cera, aut tabo minus porrigitur.

VI.
Cuius candela cum longo ellychnio magis sumat.

Ratio est, quòd in longiori ellychnio, partes crassiores sulphureis admixtæ, intactæ repunt, & citra ullam sui jacturam sursum feruntur. Candela autem *emuncta*, pinguior illa materia, quæ fumum componit, cum diu in flamma agitur, in partes minutissimas redigitur, quod ex iterata earum *crepitatione* facile colligitur. Hinc ratio clara deducitur, cur *lamella* flammæ extremitati admota, non nisi modicum fuliginis contrahat, quoniam terrestris materia, adeo est vi Caloris, in partes tenuissimas redacta, ut in egressu amplius non videatur.

tur, neque ulli corpori adhæreant. *Immersa* autem flammæ lamella, nigra fuligine tegitur, à crassioribus nimirum illis particulis, non probè ab ardore Flammæ subactis, & ipsi in suo transitu adhærentibus.

VII.

Ex duobus liquoribus, Calor excitatur.

Liquor alteri liquori affusus, calorem excitat: ex spiritu enim *Vitrioli*, & oleo *tartari* admixtis, ebullitio oritur.

Id provenit, vel quia ita aptati sunt liquoris unius pori, ut ramosas alterius partes, materia primi Elementi tantummodò circumfusas admittat, ac proinde secundi Elementi *Globulis* abactis, primum elementum dominetur: Vel quia subtile illud corpus, aliter in spiritu *Vitrioli*, exempli causa, quàm in oleo *Tartari* fluere solitum, ubi ejus commeatus impeditur, luctam, & quandam rixæ speciem inter liquores inducit. Unde necessum est, ut ex mutua eorum particularum agitatione, ebullitio fiat, & calor vehemens nascatur.

VIII.

Cur Ignis afflatu accenditur.

Ignis, *Vento accersito*, *Aëris afflatu*, ore, & aliis similibus modis accenditur.

Quoniam iis modis, cinis, qui carbonis superficiem tegit, laxioresque ejus poros obstruit, amovetur; Quo fit, ut Ignis jam erupturus, introrsum repellatur, & intra novas Carbonis partes adactus, eas ita partitur, ac dividit, ut qui jam accensus est, intimiùs penetret, & particulas quoque *pingues*, inflammabilesque invadat, ac simul accendat. Hinc modicus afflatæ flammæ *strepitus* oritur, ob partium suarum resistantiam, & mutuum inter eos plexum.

IX.

Fumus oculos ledit, ac lachrymas commovet.

Fumus, qui ex ligno, dum uritur, sursum fertur, oculos perstringit, *lachrymasque* indè educit.

Id ab acribus, & mordacibus particulis, quibus Fumus constat, procedit, quæ cum Oculorum superficiem vellicent, eamque contrahant, non possunt non lachrymæ exprimi. Quippe illa contractione *Glandula* comprimuntur, humoremque contentum emittunt. Idem *Cepæ*, dum in partes dividuntur, præstant, erumpente scilicet halitu, qui ad oculos appulsus, ad lachrymas irritat. Nec forte alia ratione fit, ut quidam *Fumi* levando *Dentium* dolori inserviunt; dum acribus suis corpusculis, gingivarum meatus aperiunt, viamque dolorifico Humori faciunt, & ad egressum sollicitant. Talis esse censetur *tritici* *stirpium* Fumus, cui tritum *saccharum* commixtum est.

Ignis

Ignis facile ab uno subiecto, in aliud transmigra-
ta enim ab alia accenditur, & ex uno *ellychnio* in aliud porri-
gitur.

X.
Quomodo cande-
la accensa, a-
liam accendit.

Quia quum Flamma congeries, seu potius particularum sub-
tilium *torrens* sit, inter se agitarum, vim commovendi ha-
bet, & separandi *sulphureas* *ellychnii* partes, easq; ad eruptio-
nem excitandi : quo fit, ut augeatur Ignis, & separatis post-
modum *ellychniis*, in duos Ignes dividatur.

Quidam Ignes, quos *Græcos* vocant, Aquis obluantur, &
ab eis se obrui, aut extinguere nullo modo patiuntur.

XI.
Ignes Græci non
possunt Aquis
extingui.

Vim illam ejusmodi Ignes, à suarum partium soliditate mu-
tuantur, quæ celeriter agitata, Aquam omni ex parte repe-
lunt. Ad Ignis enim conservationem potissimum requiritur,
ut in eo sint particule terrestres, quæ à primo Elemento im-
pulse, vim obtineant impediendi, ne ab Aere, aliisque liquo-
ribus supra Ignem positis, suffocetur. Qua virtute potissimum
Bituminosa, *Oleosa*, & *Sulphurea*, ex quibus Græci Ignes confici-
untur, præstant. Quippe ob suam crassitiem & ramosarum
suarum partium coherentiam, maximè idonea sunt, à loco
suo dejecti, & Aquam ita movere, ut globulos æthereos, *Ignem*
suo illapsu extincturos arceant, ac repellant.

Contrarium in *Cryptis* vinariis accidit, dum in cuppis musta
fervescunt, quoniam illic non inductæ modò lucernæ, sed etiam
faces brevi extinguuntur; quoniam earum flammæ non ea ma-
teria constant, quæ impendentem Aërem reprimere possunt, ut-
pote tunc Vapore exhalato refertum; neque ea vi pollent, ut
illum ad subingrediendum in seipsum cogere possint.

Silicis in *Chalybem* percussione, Ignis excitatur, imò chalybs
chalybi attritus, Ignem generat. Sunt quoque lapides, quos
vivos appellamus, qui clavo, aut lapide percussi, *scintillas* e-
dunt. Neque *vanus in attritione lignorum conatus est*, inquit
Ovetan, libro sexto, capite quinto, quum ipsi *Indi*, quadam *lig-*
na, ut *hereant*, componunt, inter utrumque aliud interponunt, motu
celerrimo velut cerebellum vertunt, Ignem sic excutiunt.

XII.
Quomodo Ignis
ex chalybe, lapi-
dibus & que-
busdam lignis
excitatur.


Causa est, quòd *Silicis* partes rigidæ sint ac fragiles, quæ
cùm à *duro* etiam Corpore percutiuntur, spatia, quæ inter
multas eorum particulas interjacent, & à globulis Secundi E-
lementi solent occupari, solito arctiora reddantur, ac ideo Cœ-
lestibus globulis vi ictus expulsis, sola restat Materia Subtilis-

sima, quæ crassas eas particulas recipiat, & Motu vehementi in orbem agitet. Sic dum *Chalybis* partes rigidæ sunt ac friabiles, ictus quidem impetu cedunt, sed illicò resiliunt, & mox ab invicem sejunctæ, & à primi Elementi Motu abreptæ, in *scintillas* abeunt, Ignisque formam exhibent. Pari ratione, Ignis ex vehementi *Baculorum* frictione elicitur, quoniam continuato eo Motu, eorum particula primùm constringuntur, deinde maximo impetu unæ ab aliis in gyros agunt, quo non solum Aëris partes, sed etiam Globuli ætherci, cas ambientes, divelluntur, ac proinde, à vehementi primi elementi agitatione in orbem actæ, in scintillas abeunt, & *Ignis* speciem referunt. Sic *Apuli* ut ignem eliciant, ferulam luniculis obvolvunt, quibus celerrimè tractis & retractis, illum ex Motu accendunt. *Majolus colloq. 22.*

XIII.

Cur fœnum inclusum calefit.

Si fœnum, dum recens est, & antequam siccum evadat, recondatur, Ignem concipit. Quod non accidit, si in area spargatur, & in loco patenti exponatur.

Ratiò est, quod dum fœnum recens est, multis adhuc spiritibus, vel succis abundat, qui per viridium herbarum meatus, ab earum radicibus ad superiores earum partes fluere assueti, post earum excisionem aliquamdiu manent. Quæ, si interim loco angusto recludantur, istorum succorum particula ex unis herbis in alias transeuntes, poros, ob fibrarum contractionem, paulo angustiores reperiunt, quàm ut illos nisi materia primi Elementi circumdatæ, subire queant, cujus rapiditati obtemperantes, vim obtinent crassiores fœni partes agitando, & illas calefaciendi. Sic, exempli causa, si interval- lum quod duobus Corporibus B & C. interjacet, unum ex ali-

cujus virentis herbæ meatibus exhibeat, ac funiculi 1 2 3 exiguis orbiculis circumsepti succos à materia secundi elementi vel-
ctos repræsentent, intervallum verò inter D & E, meatum alium angustio-
rem herbæ siccæ, quem eadem particula 1 2 3 pervadentes, non amplius secundo, sed primo duntaxat elemento innatare possunt. Manifestum est, ipsas inter B & C, tem-
peratam secundi Elementi Agitationem sequi debere, illas vero inter D & E, velocissimam primi elementi agitationem.

Dixi

Dixi si sœnum ante plenam exsiccationem in angustiori loco reponatur, quoniam dum expanditur, aut in loco patenti reponitur, succus qui per Herbarum poros fluit, facilè in Aère dissipatur, nec in aliorum funiculorum poros transit, ut ibi calefactionem excitet.

Memorant Scriptores, quondam *Lucernas* extitisse, quæ perpetuò arderent, & in Sepulchris, lumine intemerato, ad multos Annos servarentur. *Vives* ad librum vigesimum primum de *Civitate Dei*, refert eruto olim conditorio, *Candelam* supra millesimum quingentesimum annum arsisse, tactam autem inter admotas manus, in tenuissimum abiisse pulverem. Recenset *Fortunius Licetus*, ante annos centum, *Paulo tertio* sedente, in *Tullie Ciceronis* gnatæ Sepulchro, lucernam inconsumpti pabuli esse repertam, sed cui idem fatum contigit, ut luce intromissa, statim extingueretur.

Gassendus hujusmodi *Lucernas* inter ludicra recenset, quæ seculo Aère ardent, admissò autem evanescent & evaporantur; cum secundùm ipsum, Aëris accessu, denuò accendi deberent potius, & novas vires assumere. Nihil tamen, meo iudicio, obest, quominus Igñis in locis subterraneis, ubi non *Venti* flatu, non *Aëris* intemperie concuti potest, conservetur. Contingere siquidem potest, ut multæ fuliginis particule, undique *Lucernæ* flammam ambient, & sibi mutuò adhærentes, & immotæ, exiguum quasi forniciem circa illam componant, quo *Aëris* partes arceantur, ne in flammam irruentes, illam obruant, ac suffocent. Quippe ita compositus fornix ad vim *Flammæ* infringendam conducit, ne ultiores *olei*, vel *ellyphinii* particulas inflammet & accendat. Unde fit, ut primum Elementum in eo, *Stellæ* adinstar in orbem revolutum, globulos æthereos, qui ipsum circumstant, repellat, & lumen per totum Sepulchrum transmittat; tenue quidem & subobscurum, sed quod loco aperto, vires Aëris externi agitatione recuperet, & amota, qua cingebatur fuligine, *Lucernam* accensam, & lumine radiantem manifestet, & prodat.

Flamma ex spiritu Vini *Linteam* non comburit, sed ipsum duntaxat Vini spiritum.

Ratio est, quod ut Corpus aliquod Igñi alendo sit idoneum, plurimas particulas habere debet, pro ratione Igñis conservandi; easque inter se, vel etiam aliis crassioribus ita junctas,

XIV.

Quedam *Lucernæ* per multa sœcula in sepulchris arserunt.

XV.

Cur flamma ex vini spiritu linteum non comburat.

ut

ut illius Ignis particularum impulsu, cum ab invicem, tum etiam à vicinis secundi elementi globulis seungi possint, & eo pacto in Ignem converti. *Liniei* autem particulæ, non satis tendes sunt, ut à vini flamma agitari possint, & à se invicem separari.

XVI.

Non omnia pinguia eodem modo inflammantur.

Ignis enim ardentior vehementiorque redditur, quo materia, cui inhæret, pinguior, tenaciorque est. Ex iis verò corporibus, quæ pinguedinem continent, alia præ aliis fervorem facilius concipiunt. Spiritus enim vini, quo purior est, & à sæce liberior, magis inflammabilis redditur, ob minorem Aquæ, seu *Phlegmatis*, ut loquuntur *Chymici*, mixtionem. Sic lapis, qui in calcem vertitur, aut liquatur, difficillimè ignescit, quia cum ejus partes arctè ligentur, id quod pingue est, non nisi ægrè excutitur, ut in Ignem abeat.

ARTICULUS OCTAVUS.

De Terræ motu, & Ignibus subterraneis.

I.

Causa Terræ motus in Campania, & aliis partibus.

Campania per plures dies tremuit. Principio Anni, quo *L. Cornelius* & *Q. Minutius* Consules fuere, tam crebros Terræ motus fuisse tradit *Livius*, ut non tantum rei ipsius, sed & feriarum ob id indictarum tæderet Homines. Idem narrat per dies duodequadraginta Terræ motum fuisse, libro quadragesimo quarto.

Quidam impetum illum, qui Terræ motum efficit, Soli tribuunt, cum putent illum, *Halitus*, qui in Terræ specubus coguntur, suo Calore educere, & ad Terræ superficiem attrahere. Verum, id fieri non posse ratio statuit, quod Solis radii tantum Terræ penetrare nequeant : quia licet particulæ terrestres, à radiis Solis impulsæ, alias sibi vicinas, ad quas isti radii non pertingunt, agitent, Hæque rursus alias, & sic consequenter, non tamen ea partium Terræ commotio, Igni excitando sufficit. Melius igitur Terræ motus causa, in *Exhalationes* refunditur, quæ in rimas & Terræ cavitates illapsæ, pingues ibi & crassos fumos componunt, non admodum iis dissimiles, qui ex *Candela* recens extincta egrediuntur, & spatium circumvicinum

cum vicinum implent, qui Ignis *scintilla*, fortè silicium attritu, excitata, confestim accenduntur, Ignemque concipiunt; qui subito rarefacti, omnia Carceris sui claustra concutiunt, & obstantibus Corporibus vim inferunt.

Sic in *Misena Regione* Germaniæ, referente *Agricola*, Mons Carbonum semper ardet, fossis paulatim in superficie decidens, quas si quis intueatur, ardentes fornaces esse apparent. Materiam enim non prorsus admotam, sed ex quatuor pedum intervallo distantem Ignis accendit. Ita in *Insula del Moro* Ignis tanto fremitu eructatur, ut bombardarum ingentium crepitus adæquet, tanta cum Caligine, ut nocti conferri queat; Tanta quoque Cinerum copia, ut pondere ædes nonnunquam collabantur, necentur animalia, & Aquæ dulces in *amaras* convertantur.

Terræ motu, non nisi aliqui Terræ tractus agitantur: unde nunquam Totus orbis concutitur, nisi *Miraculum* adsit, & Divina Potentia magnum quid moliat.

Ratio in promptu est, quod *Exhalationes*, quæ in Terra grassantur, quæque eam commovendi vim habent, non ubique dilatandi se spatium inveniunt. Cum enim innumeri sint subterranei specus, & varia recipiendis peregrinis Corporibus *diverticula*, non omnia eadem materia opplentur. *Quidam* enim Aquas continent, quæ ob innatum frigus, partiumque suarum Crassitiem, torpescunt, & absque Motu, veluti in *læto* stagnant. *Alii* denso Aere turgent, qui inter angustias reclusus, non nisi vi ex antris suis excluditur. *Alii* Ignibus occupantur, sed qui Carceribus reclusi, & extra prorundi impares, innoxii manent, & nullos in Terram impetus faciunt. Soli igitur *Ignes* illi Terram concutiunt, qui, Carceris parietibus disrupti, erumpunt, & laxatis *habeis* grassantur, ac se expandendi spatium querunt. Cum verò ii pauci sint, nullamque ad Terræ globum proportionem habeant, non nisi aliquas ejus partes agitant, & commovent.

Loca *Maritima* Terræ motibus, ut plurimum obnoxia sunt, quoniam è Mari plurimum uliginosæ Materiæ, per subterraneos meatus effluit, quæ Igni nutriendo inservit. Sic in partibus *Septentrionalibus*, præsertim *Mediterraneis*, rarò tales Motus contingunt, quia non sat materiæ succurrit; quum illa vel Solis æstu expressa, non nisi concreta postmodum redeat;

II.
Regio Misena & insula del Moro subijcte ignibus terrenis.

III.
Terræ motus non nisi in aliquibus partibus accidit.

IV.
Quæ loca Terræ motibus subijcta.

vel.

vel quia non nisi sensim è Mari derivetur. Addi etiam potest, quòd iis in locis, pauci sunt Meatus subterranei, qui tantam materiam recipiant : Nimia enim Terræ laxitas, ad illos motus procreandos conducit, in quantum per illos, Nova materia facile percolatur, & expirat.

V.

Unde oritur
fragor qui Terræ
motum sequitur.

Ex omni Terræ motu, quidam *fragor* resultat *Tonitruum* similis, qui ei ferè semper conjunctus est, aut interdum etiam præcedit.

Id provenit, quòd Ignis intra Terræ *Cavitates* rarefactus, per multas *Vibrationes* & *subsaltus* se reducat : nam cùm in *Cavernis* illis, innumeri *flexuosi meatus* existant, quos accense *Exhalationes* pervadunt, oportet ut *Sonus* per eos delatus, multiplicetur, & additione increseat. Ita *specubus* reboare solenne est; ita è *tortuosis Cornibus*, quæ apud *Muscos* *Serpentis* nomen obtinent, quædam *mugitus species* emittitur, qui non nisi *flexuosis meatibus*, per quos ad *Aures nostras* pervenit, assignandus est. Major igitur minorve *fragor*, è Terræ motu oritur, prout materia citius vel tardius accenditur, & prout rarefacti *Halitus* fortius erumpunt, & se per plures, aut pauciores *vibrationes* explicant.

VI.

Unde tantus Ignis
qui ex *Ætna*
& *Vesuvio* erumpit.

Terra è visceribus nonnunquam Ignem expromit, & illum per montium *Vertices* sursum effert. Sic *Ætna* in *Sicilia*, *Vesuvius* in agro *Neapolitano*, *Hecla* in *Islandia* *flammas* evomunt, & circumvicinas *Regiones* cineribus opplent. *Vesuvius Mons*, teste *Dion. Cass.* in *Hæc.* arsit, *Tito Vespasiano & Flavio Domitiano vii. Coss.* Rupto vertice primùm *saxa* ejaculatus est, post tantas *flammas*, ut duo oppida *Herculaneum* & *Pompei* conflagrarent : tam *densos fumos*, ut *lumen Solis* obscurarent : postremò tam *densum efflavit Cinerem*, ut tanquam *Nix* vicinam *regionem* tegeret, quem vis *Ventorum* in *Africam*, *Egyptum*, *Chyriam* projecisse dicitur.

Dubitari non potest, quin intra Terram *Igenes* gignentur, quum magna illic *Sulphuris* ac *Bituminis* vis insit, quæ præ cæteris succis pingua sunt, Ignemque promptissimè concipiunt, ac retinent. Nullam autem intra Terræ viscera materiam magis creandis Ignibus idoneam deprehendimus, & quicquid ardet, aut calefit, sui conservationem ab eorum *mistura* habet. Unde nullibi Ignis erumpit, aut aliquo in loco *Calor* se prodit, quin utrumque illic maximè vigere, aut saltem eorum alterum

terum imperium obtinere inveniatur. Nec parum ad *Ignis*, in specubus latentis, incrementum dilatationemque conferre *Ventus* potest, dum Cavernis afflatus, illum magis aut minus accendit, efficitq; ut plus correptæ materiæ in flammam abeat, & vehementius exasperetur.

Quando primùm Flamma ex hoc monte erumpere cœperit, haud certò constat; cum & tempore *Æneæ Trojanorum Ducis*, qui Siciliam peragravit, *Horrificis*, ut loquitur *Virgilius*, sonaret *Ætna ruinis*, & nubem ad æthera prorumperet, turbine fumantem piceo, & candente favilla. Apud *Thucydidem* quoque legitur, montem hunc 76 Olympiade conflagrâsse, hoc est 476 ante Christum natum. Sic diversis postmodum temporibus, ut *Caligula* regnante, &c.

Ratio autem, cur flamma subterraneæ montium *Vertices* petant, & relicta humiliori Terra, in superiorem sæviant, ab ipso Igne petenda est, qui cum vi, intra Cavitates detineatur, & illic se dilatandi copia non fiat, Carceris sui parietes superne potius, quàm infernè infrigit, quoniam ea parte debilius est Obstacleum, & minùs ejus impulsibus sit resistentia. Unde libertatem nactus, tamdiu perseverat, quamdiu Materia subest, ipsi Alimentum subministrat, & in flammâs convertitur.

Ignis è *Montibus* passim erumpit, & ibi potius quàm in locis humilioribus exitum parat.

Id duplici ex causa oritur, tum, quia sub *Montibus* multæ extant *Cavitates*; tum etiam quia ingentia illa fragmenta, quibus exterior Tellus constat, in se mutuò reclinata, faciliorem Flammæ exitum ibi præbent, quàm in ullis aliis locis. Et licet Telluris hiatus, simul ac Flamma ex eo erupit, claudatur, contingere tamen potest, ut tanta sit *Sulphuris* ac *Bituminis* copia, ex Montis visceribus ad ejus cacumen expulsa sit, ut diuturno Incendio sufficiat. Recentes subinde Fumi in iisdem Cavitatibus denuò collecti, & accensi, faciliè per eundem hiatus viam parant.

Montes accensi, post aliquod Temporis intervallum, furere desinunt, & non diu post, vires suas resumunt, & Ignes alios, aut Saxa jaculantur.

Quia Igne erumpente, laxatisque vacuis montium lateribus, *Aquæ* allabuntur, quæ deserta loca occupant, ostiaq; ob-

VII.

Incertum quando primùm accensa est *Ætna*.

VIII.

Cur *Ignis* subterraneus ad montium summities ascendat.

IX.

Cur *Ignis* in montibus, & non in locis depressis erumpit.

X.

Montes certis tantum temporibus, flammâs, aut lapides emittunt.

struunt, ne tam citò alia exhalabilis materia congregetur, & novis Ignibus pabulum præbeat. Accedit quoque ut vehementi flammæ emissionem, montium partes subvertantur, & ruinæ in *barathri* profundum corruant, quibus via halitibus præclusa, expectandum est, donec satis *sulphuris* & *Bituminis* denud colligatur, quæ accensa, eam materiam depellant, & sursum ejaculentur. Unde non eandem semper vomiferi montes magnitudinem retinent; quum ipse *Vesuvius* miræ olim magnitudinis, plurimum mole sua decreverit, & vix ad milliare extra Terram etiam per circuitus & ambages erigatur.

*Nec quæ sulphureis ardet fornacibus Ætna,
Ignea semper erit; neque enim fuit ignea semper.*

Ovidius decimo quinto *Metamorph.*

XI.
*Aquam puteis
imminente motu
Terra, fit turbidior.*

Terræ motu imminente, *Aqua* in puteis, passim turbidior evadit, tetrumque odorem exhalat.

Aqua in puteis turbidior, aut crassior redditur, ab *halitu*, per Ignem subterraneum producto, qui veluti Fumus è ligno non probè accenso erumpens, per angustos Terræ poros se ingerit, ac Aquis putealibus se immiscet. Tetrum autem odorem hujusmodi Aquæ exhalant: quoniam Halitus ille, è Terræ visceribus assurgens, ex fossilibus sulphureis, ac bituminosis, quorum magna est in Terra copia, educitur; quæ cum ingratum odorem afflent, mirum non est, si *Halitus*, ex iis educus, similem secum odorem deferat.

ARTICULUS NONUS.

De Vitro.

I.
*Unde oritur pel-
luciditas Vitri.*

Non ignobilis Effectus *Vitrum* est Ignis, cujus forma, non minus quàm materies, ab eo pendet. Nam cum pleraque Corpora indefesso motu Ignis agitet, & eorum partes, soluta unione diffingat, quasdam in *sumum*, alias in *Calces* & *Cineres* convertit, quæ nova Ignis actione extoctræ, denuo connectuntur, & in *Vitrum* abeunt. Hoc Corpus è cineribus assurgens,

surgens, & reliquiis Corporum ustorum exortum, *pellucidum est*, & liberum radiis Solaribus transitum præbet, nec nisi peregrinæ materiæ mistura opacum efficitur.

Hujus perspicuitatis causa, facile ex *vitri* generatione deducitur. Nam cum formaretur, liquidum esset, & ejus particulae inter se moverentur, Ignis materia circa illas fluens, innumeros Meatus excavavit, quos secundum Elementum, undique adveniens, liberè permeans, *luminis* Actionem in omnes partes, secundum *lineas rectas* transtulit. Cum verò iidem pori, peracta generatione, continuo Subtilis Materiæ transcurso illæsi servantur, & simili materia repleantur, eodem modo, quo antehac, *lumen* per eos transfunditur, & par in concreto Vitro, ac in liquefacto pelluciditatis remanet. Hoc enim Corporibus Igne liquefactis est commune, ut dum adhuc liquida sunt, ipsorum Particulæ non ægrè se accommodant ad quassibet figuras, & cum postea frigore crescant, easdem retinent, quas ultimò induerunt. Quod si quædam *Opacitas* Vitro innascatur, id semper ex *Sordibus*, *Nubeculis*, & exiguis *Bullis*, quæ in eo occurrunt, provenit, quæ cum in magna crassitie plures sint, quàm in minori, Pelluciditatem ejus magis impediunt.

Fragilitas *Vitro* maximè competit, & non nisi ægrè *ductilitatem* patitur. Hinc levi tactu Vitrum frangitur, & in partes varias exilit.

II.
Cur Vitrum sit fragile.

Quia licet Vitrum *durum* sit, & satis crassis partibus constet, quia tamen superficies, secundum quas illæ se contingunt, admodum exiguæ sunt, & non nisi in *Punctis* cohærent, si pauxillum à locis suis dimoveantur, *unionem* suam amittunt & in frustra dividuntur. Sic contingit non rarò, ut Vitrum veluti sponte, & citra ullam causam confringatur. Imo *Scyphi Vitrei*, etsi ad usum non adhibeantur, sæpè ultro in partes abeunt. Multa autem molliora corpora difficilius franguntur, quia partes suas sic intextas habent, ut ab invicem sejungi nequeunt, nisi pluribus earum Ramulis ruptis, atque avulsis.

Si Vitrum *frigidum* Igni admoveatur, adeò ut, in una parte magis, quàm in cæteris, Calorem recipiat, hoc ipso in illa parte infringetur, & rupto quarundam particularum nexu, integritatem amittet.

III.
Vitrum frigidum Igni admo-
tum frangitur.

Ratio est, quòd intromisso Igne, omnes Vitri meatus, non

eodem modo dilatentur, ac proinde Subtilis Materia eos penetrans, quum non satis patulos ea parte, qua *frigidum* est Vitrum, ad egrediendum Meatus inveniat, per ejus fracturam eos sibi aperit, & facto *impetu*, elabitur. Si verò lento primum Igni, ac deinde gradatim potentiori apponatur, *Vitrum* integrum remanebit, nec ullum damnum patietur; quia omnes ejus Meatus ita copiose laxabuntur, ut libera Materiæ Subtili via pateat, & abique obstaculo egrediatur. Sic usu venit, ut *pocula vitrea*, si ejecto calido liquore, statim Vento frigidiori exponantur, crepent, ac diffingantur; quia nempe subtilis Materia, in *poculorum* vitreorum poris inclusa, cum exhalare nitatur, & liberum exitum, ob insidens frigus, non inveniat, latera quibus detinetur, infringit, & per fragiles vitri particulas transitum molitur.

IV.

Ut Vitrum vi
attractivâ pol-
lit.

Vitrum vim Magneticam æmulator; Nam si satis validè fricetur, ut *Calorem* concipiat, vicina corpuscula ad se adducit.

Ratio est, quoniam concitata primi Elementi particula, continuo à *Vitro* in Aërem demigrant, & aliæ ab *Aëre* in Vitrum earum loco revertuntur; Et cum hæ quæ redeunt, non omnes parem habeant agitationem, illæ, quæ minus agitatione pollent, versùs *rimulas*, quibus nulli in Aëre meatus correspondent, expelluntur, atque unæ in alias quodammodo coacervatæ, quasdam fasciolas componunt, quæ Temporis lapsu, determinatas figuras nanciscuntur, quæ ægrè Mutationem subeunt. Quare si Vitrum fortiter fricetur, ita ut incalescat, ipsæ hoc motu excussæ, per *Aërem* quidem vicinum diffunduntur, & corporum vicinorum poros subeunt: Verùm quia non tam facilis ibi via panditur, illico ad *Vitrum* revertuntur, & minutiora, quibus occurrunt corpora, quorum meatibus implicantur, secum devehunt.

V.

Cum Vitrum ad-
instar Arcus sit
rigidum.

Vitrum rigidum est, & non nisi cum *fractura* periculo inflectitur. Unde si tantillum a vi externa in partem unam inclinatur, statim sibi relictum resilit, & *Arcus* adinstar, ad priorem figuram revertitur.

Ratio est, quòd ea inflectione, figura *Vitri* nonnihil immutetur, & angustiores illius Pori efficiantur; unde primi Elementi particula, per illos transire assuetæ, *vias* ibi solito minus commodas invenientes, & nihilominus quoad possunt, in
motu

motu perseverantes, impetum in eorum parietes faciunt, ad figuram priorem ipsis restituendam. Hæc enim *resiliendi* proprietas, non *Vitro* solum, sed & omnibus duris Corporibus competit, quorum particulæ immediato contactu, non ramulorum intextu conjunguntur; ut in *Arco ferreo*, aut etiam *ligneo* incurvato sit manifestum, qui se ad figuram priorem statim reducit, nisi nimis diu, in eo statu cohibeatur, & aliorum Materia Subtilis transitum adinveniat.

Vitrum Ignis actione liquefit, & omnes figuras, dum candet, facile induit.

VI.

Quomodo Vitrum vi Ignis liquefeat.

Quia ejus particulæ Ignis vi, antehac attritæ & lævigatæ, facile moventur, atque aliæ supra alias oblique *repentes*, & fluentes in exiguis quibusdam superficiebus, se contingere incipiunt, & se mutuò sequentes, Corpus liquidum componunt, quod pro Artificis arbitrio duci potest, & in quavislibet figuras inverti.

Vitrum contusum, si nonnullis *Medicis* credimus, *Deleteriam*, seu venenatam vim consequitur.

VII.

Vitrum contusum Deleteriam generat.

Id fieri existimo, quod vitrea frusta dura sint, & acuta, quæ Ventriculi forè ac Intestinorum membranas vulnerant, & in tenuioribus vasis stragem faciunt. Quanquam Vitrum integrum, venenum esse non existimem: Cum multi Vitrum ore sumplerint, licet deinde incolumes persisterint.

ARTICULUS DECIMUS.

De Cineribus & Carbone.

Cineres tantum *Aquæ* hauriunt, tamque profundè eorum penetralibus liquor immergitur, ut vas Cinerès continens, eandem fermè *Aquæ* quantitatem, observatore *Aristotele*, capiat, quantum aliud ejusdem magnitudinis, vacuum & inane complectitur.

I.

Vas Cineribus oppletum tantum pens Aquæ continet; quantum aliud ejusdem magnitudinis vacuum.

Hujus ratio alia reddi non potest, quàm quòd *pori* & *Cavi* tates, quæ eorum partibus interponuntur, veluti flocci, & tenues quædam exuvie sunt, quæ infusum liquorem recipiunt, & illum quodammodo exsugunt, & absorbent; aded ut, Ci-

nis,

nis terrestribus quædam nix dici queat. Nam sicuti in nive, exquilito *Microscopio*, tenuissimæ congelatæ guttulæ deprehenduntur, in floccorum modum effictæ; Ita in cineribus, corpuscula videntur exiguarum exuviarum adinstar, quæ injectum liquorem hauriunt, & intra tenues suas superficies recondunt. Non tamen inde, cum *Peripatericis* existimandum est, eandem Aquæ quantitatem, in *Vase* Cineribus oppleto, ac in vacuo polle recipi, cum vix quintam Aquæ partem Cineres imbibere queant.

II.

Quomodo abster-
gendis è panno
maculis Cineres
inserviunt.

Cineres tergendis Corporibus adhiberi solent. Unde qui *Oleum*, pinguemque aliam materiam è panno educere satagunt, *Cineribus* maximè utuntur, quarum ope, quascumque sordes eximunt, & pristinum Corporibus nitorem restituant.

Id ex eo provenit, quòd Corpora mutuo affricu lævigentur, & omnem asperitatem deponant. Unde cinerum, aliorumque Corporum attritu, quicquid sordium illis adhærescit, excutitur, & omnia plana efficiuntur, modò *Aqua*, aliufve similis liquor adsit, quo veluti vehiculo Cineres ad intimos Corporis recessus, in quibus sordes degunt, deferantur: quia cum aliquid uliginis & acrimoniæ habeant, illis implicantur, atque iterato affricu, quicquid asperum est, secum auferunt. Unde ex diluto Cinere, fit *lixivium*, dum *Aqua* per Cinerum Meatus transmissa, & eorum acrimoniam uliginemque suffurata, abluendis Corporibus fit efficax, & iis *sordibus* tollendis, quæ ipsis adhærent, ac immiscuntur. Quippe Telæ poros subeundo, & ad intimos ejus cuniculos penetrando, educit quicquid illic sordium offendit, illud scilicet vel secum *vehendo*, vel in eorum superficie *desituendo*.

III.

Cinis Ficuum
abstergendis sor-
dibus utilis.

Hinc observatum est, quod *Ficuum* Cineres Virtute peculiari ad tergendà corpora, & sordes ex illis abluendas polle; eo quod lignum & folia, quibus constant, uliginem, & acrimoniam habent, quibus in intimos Corporum recessus deductis, unà secum sordes asportant. Nec aliam ob rationem *Fluoribus* Alvi sistendis prædicti Cineres inserviunt, quam quia obstructions amoliuntur, efficiuntque ut Humores solito ritu decurrant, & per Carnis spiracula à Natura destinata liberè permeent.

IV.

Radices Planta-
rum à frigore ci-
neres tuentur.

Plantarum radices, tempore hyberno *Cineribus* muniuntur, ne Frigoris injuriis sint obnoxie, & liquefacta nive aut glacie, quæ stirpibus nocent, perfundantur. Quo-

Quoniam Cineres *aridi* sunt, omnique succo propemodum carent, ac proinde resolutæ, Nivis humorem exfugunt, & intra meatus suos recipiunt, & sovent. Calidi enim Cineres sunt, & intestino adhuc Motu agitantur. Nam sicut *acetum*, & *sax vini* vim calefaciendi retinent; ita Cineres igneæ qualitatis participes sunt, & vim frigoris arcendi habent.

Hinc provenit, quod Cineres terram sæcudent, quandamque ei pinguedinem concilient, ob *Salem* scilicet quem continent. Terræ enim pinguedo in *Sale* ac *Nitro* consistit, quod humore exsolutum, & Calore tepesfactum fermentescit, ac proventum facit. Unde ii Cineres inutiles sunt, nullique usui, à quibus *Sal* extractus est, vel sic *lixivio* fuerunt diluti, ut *Sal* simul cum Aqua excesserit. Quod ex hoc experimento facile deteges: Si ex eadem Terra, præsertim è profundo eruta, & antea nunquam effossa, duas portiones accipias, & ambas sub dio colloques, sed intactam unam, alteram verò Aqua, & veluti *lixivio* aliquoties dilutam ac percolatam. Quippe ex *posteriori* nihil productum iri deprehendes: ex *indiluta* verò *plantas* pullulescere, *vermes* generari, imo & *lapillos* concreescere, pro temporis diversitate deprehendes.

Carbones Igneum conservant, illumque diu tuentur, præsertim si Cineribus tegantur, & ab *Aëris* afflatu removeantur.

Quia Ignis in Carbone latens, quibusdam particulis tenuibus & ramosis inest, quæ aliis crassioribus implicatæ, quamvis celerrime agitentur, non tamen nisi successive, id est, unæ post alias egredi possunt. Ignis Corporis alicujus meatibus inclusus, aliquo Tempore eget, ad omnes ejus particulas dissolvendas, ut se ab eis extricare, & liberare queat: ac fortè priusquam eo modo egrediantur, *Carbonis* partes longo motu detereri debent, & singulæ in plures alias dividi. Facilius verò *Aëris* afflatu, Ignis in Carbone dissipatur, quia cineribus excussis denudatur, fitque magis *Aëris* impulsibus obnoxius, qui ejus poros subeundo, eosque solito magis dilatando, igneas particulas avolandi copiam facit, & liberum exitum præbet.

Sic pars lignea vasi Igni appposito inclusa, sic ut ab Arena undique ambiatur, brevi tempore interjecto in Carbones abit; modo contactum sabulo vas, non illico refrigeretur, sed conceptum Calorem paulatim demittat. Quippe si à vase novissime

V.

Qua ratione cineres terram sæcundant.

VI.

Cur Ignis in Carbone conservetur.

VII.

Lignum ubi in Carbones & in sumum abit.

sime Igni subtracto Arena eruatur, lignum, Aere admissò, flammam concipiet, & in Cineres totum dissolvetur. Quoniam Caloris vi, ramosæ ligni particulæ divelluntur, & amoto obstaculo sensim distantur.

VIII.

Carbo modica
Aqua addita
magis intale-
scit.

Si nonnihil Aquæ, Carboni accenso infundatur, vegetior efficitur, majoremque Calorem exhalat.

Quia Humor, accensi Corporis poros ingrediendo, Ignis particulas ad intima loca repellit, cui cum immisceatur, & ob dominantem illic Calorem reverti cogatur, Ignis particulas, quæ in iis latibulis continebantur, educit, & secum ad Corporis extrema defert. Unde Aqua, quæ mediocribus Ignibus alendis inepta est, & vim illorum statim retundit, magis tamen sua uligine juvat, eorumque Calorem auget, quoniam flexilium partium suarum Motu, ardorem educit, & flammam altius attollit.

IX.

Cur Carbo ad
compositionem
pyrii pulveris
requiritur.

Ad pyrium pulverem componendum, Sulphuri & Nitro Carbo admiscetur, ex quorum mistura, humore aliquo aspersa, granula, sive pillulæ formantur, quæ Ignem concipiunt, & exigua interposita mora, inflammantur.

Ad pulveris pyrii compositionem Carbo requiritur, quoniam Meatibus abundat, & undique facillè penetratur: tum quia plurimi in Corporibus, ex quorum ustione superest, antea fuerant; tum quia dum comburebatur, multum fumi ex iis evanuit. Addi etiam potest, in Carbone duo partium genera reperiri, aliæ tenniores & ramosæ, quæ Igni admotæ, facillè Ignem concipiunt; quia jam ante Ignis vi concussæ fuerunt, sed longis & multiplicibus ramis implexæ, ex eo quoque jam evolassent, nisi ipsa extinctio, eorum fugam sistisset. Aliæ sunt Crassiores, quæ si diutius ignis perseverasset, in cineres abiissent. Itaque Sulphuris ramuli, & Nitri spicula, latos carbonis meatus subeuntia, ramosis ejus particulis involvuntur, ac constringuntur, præsertim dum humore aliquo perfusa, & in exiguas pillulas compacta, postmodum siccantur. Accenditur igitur pulvis pyrius, dum Ignis, Sulphure prius incenso, paulatim Nitri particulas exagitat, ut tandem ipsæ viribus assumptis, & majus spatium ad gyros suos describendos exigentes, Carbonis vincula discerpant, totumque granum confringant. Carbonis enim resistentia valde celeritatem auget, ut Nitri rotata spicula, in flammam erumpant.

Cinis

Cinis passim albescit, coloremque candidum refert: si verò Aqua suffundatur, offuscatur, & ad nigrum colorem accedit.

X.

Cur Cineres albi sunt.

Cinis candidi coloris est, quoniam particulæ, quibus componitur, *Sphærica* sunt; Quod ipso Tactu deprehendi potest. Lenitas enim citra ullam fere asperitatem sentitur: Ac proinde Lumen acceptum undequaque percipiunt, candidum colorem producit. *Offuscus* autem Aquæ infusione redditur; quoniam Humor ad nigrorem confert. Ut dictum est.

Probatum est à gravibus Authoribus, ex sato *Triticici* Cinere, *Triticum* pullulasse.

XI.

Ut ex Cinere *Triticici*, *triticeum* generatur.

Ratio est, quòd cum *Sal* in Cineribus repertus, solida sit substantia, magnamque Terræ portionem, facta uestione, contineat, maximè plantis generandis est idoneus, cum difficulter exhaletur, & caloris vi resolvatur. Quare Rudimenta illa in *Cinerum* granulis inclusa, humore, aut Aeris tepore macerata, faciliè germinant, & novam plantam emittunt. Sic ex *Smillo* stercore, *Sonchus* in vineis, & hortis generatur, eo quòd suis familiaris est, *Soncho* in alimentum uti. Remanent enim in stercore *Sonchi* semina, quæ liquore perfusa, plantam aliam proferunt.

Unde oritur, ut si plantæ alicujus *Cineres* in vase Aqua, aliove liquore repleto immergantur, *Liquore* præ hyemali frigore concreta, ita se adaptant, talemque inter se partes ejus ordinem tuentur, ut aliquam ejusdem plantæ figuram æmulentur, aut quandam saltem foliorum speciem præ se ferant. Quod satis indicat, superesse in Cineribus aliquod Organizationis rudimentum, & intactum permanere recentis plantæ initium.

XII.

Inest Cineribus plantarum, principium novæ plantæ.

ARTICULUS UNDECIMUS.

De Aëre.

EA quæ Terræ vicinior est Aëris regio, calidior est, majoremque æstum consequitur, quàm quæ à Terra longius removetur, & superiorem *Atmosphæra* partem occupat. In hac

I.

Cur Aer Terræ proximior calidus magis est quàm remotior.

E e

siquidem

liquidum frigus dominatur, & *grando*, *nives*, cæteraque *gelida* Corpora prodeunt.

Causa hujus Effectus est, quòd Radii Solares, à Terra copiosius reflexi, Aerem acrius diverberent, ac illum magis solito concutiant. Vehementior autem Terrestrium partium *agitatio*, Calorem efficit, præsertim si illa à *Lumine* proficiatur, & aliquo Temporis spatio perseveret. Quia verò radii à Terra remissi, non tam copiosè versùs altiozem Aëris regionem feruntur, imò qui ab illa ascendunt, vires suas occurrentibus Corporibus impertiuntur, necessum est, imminuta agitatione, *frigus* exoriri, & illic concrefcere *nubes*, atque *Nivem*, ac *pluvias* produci.

II.

Quomodo Aër
potest reddi gra-
vior.

Si Aër congregetur, & in vase aliquo per impulsionem intrudatur, pondus acquirit, & multo gravior eo fit, qui liberè exspatiatur, & nulla coactione detinetur. Id Galilæus Galilæi hoc modo expertus est. *Accepi*, inquit, *lagenam vitream* satis amplam, cui os obturavi diligenter, præterquam quod inserui *digitale coriaceum*, cui juncta erat strictissimè utri lusoris animula, quæ deinde, instrumeto ad id apto, maximam aëris quantitatem intrusi, & quia facilè condensatur, dua aut tres aëris *lagena* intrudentur, præter eum aërem, quo primum plena erat. Quippe hoc experimento didicit Galilæus congestum Aërem graviozem reddidisse *lagenam*, ore autem aperto, imminutum esse pondus, & vas minùs grave evasisse.

III.

Adhuc quæ
dantur, ut
aër in
vase
compressus
glandes
plumbæ emi-
tatur & sclopis.

Hujus experimenti evidens est ratio; quia in corporum *Condensatione*, partes ad se accedunt, & intimiùs uniuntur, ac proinde ob majorem suam copiam, necessum est rarefactis præponderari. Major enim solito Aëris copia, vas gravius efficit. Ut clarè evincetur, si *lagena* Aeris, alteri, *Aqua* repletæ, adaptetur, quæ ita in fundo perforata sit, ut pro libitu aditus aperiri queat: Quippe utroq; vase ita conjuncto, datoque Aëri in *lagenam* Aquæ plenam, aditu, tantum Aquæ effluet, quantum Aëris condensati congestum erat, & violentiùs compressum. Ac proinde existimandum est, quantitatem Aëris vi in *lagenam* adaçtam, *Aquæ* moli æqualem esse, ab ea per *lagenam* expulsiæ.

IV.

Vi Aëris com-
pressi glandes
plumbæ emi-
tuntur & sclopis.

Aër in vase aliquo inclusus, & vi quadam externa compres-
sus, resiliendi vim obtinet, ut in *Sclopetis pneumaticis* experiri
licet, in quibus opera Aëris compressi, plumbæ *glandes*, tan-
to

to cum impetu emittuntur, ut pulveris tormentarii vigorem excedere videatur. Similiter nonnullæ aliæ extant *Machinæ*, quæ solius Aëris ministerio, Aquas sursum versùs jaculantur, atque eas fontium adinstar propellunt.

Hoc enim fit, quòd Aëre intra *Tubos*, machinasque compresso, unaquæque ejus particula sphericum illud spatium, in quo circa suum Centrum gyret, non habeat; sed aliæ vicinæ illud ingrediantur, & eam ab eo extrudere nitantur: Cùmque interim eadem Caloris vis, sive eadem istarum particularum Agitatio, globulorum Cœlestium Motu conservetur, illæ cùm libere expandi nequeant, & circumobsidentibus vicinis impediuntur, se mutuo Extremitatibus suis verberant, & loco expellunt. Sicque omnes simul impetum faciunt, ut libertati se restituant, & majus commodiusque *Spatium* nanciscantur.

Simili ritu, *Vina* tenuia, aut *cervisia* novella, in lagenis, aut utribus inclusa; iis apertis, magno cum impetu erumpunt: Quia *Tartari* partes, intra vasa coarctæ, à se invicem se jungi, & aufugere nequeunt, ac proinde ita sese exagitant, ut minutissime infringant, ut quamvis mixtæ, nullum tamen inter se nexum servant. Quo fit, ut vase referato, subito cum strepitu egrediantur, & in spumam abeant.

Sic Inflatæ *Vesicae*, solo impactæ, resiliunt; ac reperiuntur: quia cùm Aër in vesica comprimatur, à materia subtili, inter ejus partes interjecta, commovetur; Unde cùm priorem suum statum recuperare conetur, *Vesicam* attollit, & majoris compressionis impatiens, objecta dura corpora reperiunt. Eandem vim *elasticam* clarè demonstrat vesica *suilla* Aëre distenta, quæ machinæ *Boyleanae* imposita, ita Aëre exhausto intumescit, ut plerumque disrumpatur: Interdum 30 librarum pondus attollit: eo quod inclusus Aër, ab externi Aëris, quem *gravem* esse constat, pondere solutus, majorem dilatationem affectat, & sese evolvendo, in majus spatium porrigitur.

Verùm, inquires, si Aër elastica vi pollet, quomodo in *Bullis Vitreis* admodum tenuibus, & hermetice sigillatis inclusus, tam debilem Carcerem non effringit? Quomodo tam tennes parietes, totius Aeris inclusi expansioni obducatur ac resistit?

Respondeo, Hujusmodi imbecilles *Bullas* non effringi, quoniam

IV.
Ut erumpit liquor in vase denu inclusus.

V.
Vesica in terram impacta, resilit.

VI.
Ut debile Vitrum resilit vi elastica Aeris.

niam sicuti Vitrum ab interno Aëre premitur, pari modo Aër externus in idem Vitrum impingit, & cum utrimque æqualis virtus sit, nulla *fractio* contingere potest. Eam ob rationem Bullæ Aquæ innatantes, diu intactæ manent, antequam incluso Aëri viam præbeant. Quod certè non contingeret, amota ambientis Aëris pressione, cum Aer crassâ etiam Vitra vi sua elastica effringere valeat.

VI.

Unde probetur
gravitas Aëris.

Sit Tubus vitreus tres pedes altus, una parte clausus, altera apertus, per quam *hydrargyrus* ad summam repletionem infundatur, tum in *Vas* subjectum, similiter hydrargyro plenum invertatur, adeò ut, ea extremitate aperta in *vase* defluere possit. *Argentum Vivum* non tunc ad Tubi imum descendet, sed pensile ad *viginti septem* digitorum, vel circiter altitudinem remanebit.

Aëris *pondus*, vulgaris hujus Phænomeni causa est; quod *hydrargyrum* in ea altitudine detinet, nec patitur inferius descendere. Quia licet hydrargyrus, qui in tubo est, gravissimus sit, delabi tamen in *Vas* subjectum non potest, quin hydrargyrum in eo stagnantem, mox totam Aëris molem sublevet, & attollat. Obstant autem crassæ, & volantes Aëris particule, ut ad majorem humilitatem flecti, & condensari possint; quia licet complicatæ facile volvantur, & in orbem gyrent, non tamen eadem facilitate compressionem admittunt, nec sinunt se ad minus spatium redigi. Non tamen omni Aëri æqualis vis ad resistendum inest: sed pro raritatis, aut crassitici suæ ratione, varios sortitur effectus: *Tenuior* enim, & cujus particulas Calor, aut alia Causa debilius dilatat, facilius flectitur, minusque pressioni *Hydrargyri* obluclatur, quàm crassior, & cujus particule vehementius expanduntur. Unde fit, ut hydrargyrus humilius *sereno*, quàm *nebuloso* & pluvio cælo descendat, & Aër minus impellenti hydrargyro obstat in *montis vertice*, quàm in *valle*, & umbroso loco; quoniam illic crassiores sunt Aëris partes, æque languidius à calore excitantur. Unde evidens est, Argentum vivum in Tubo contentum, ab Aëris gravitate sustineri, ac proinde ad ejus æqualitatem, quod in vase est, descensurum, nisi ab Aëris incumben-
tis pondere, impediretur.

VII.

Ab Aëris gra-

Aëris gravitatem clarè ostendit Corporum contactus, à quo firmitatem, mutuumque nexum mutuari videntur. Quippe
duo.

duo corpora marmorea *polita*, & *oleo* delinita, ita interdum *visate Corporum*
copulantur, ut vix major nexus apprehendi queat. Verùm in *nexus pendit.*
pneumatica *Boylliana* machina collocata, si Aër exhauriatur,
marmor inferius illico à superiori sejungitur, & veluti sponte
inum locum petit. Eo quod Aër subjectus, demissius marmor
non repellit, imparque est, illud cum superiore agglutinan-
di.

Hinc concludit Clarissimus *Gassendus*, Vesicam Aère plenam
tanto laboriosius intra Aquam deprimi debere, quanto ad
fundum magis acceditur, eo quod Aër ex ipso Aquæ fundo,
versus regionem Aëris, tantò segnius moveatur, quanto ad
ipsam Aeris regionem propius accesserit. Et causa est, quod
tanto pauciores Aquæ partes illis incumbant, quæ Vesicam
aut Aerem infernè sublevantes extrudant. Unde si fingatur
flamma per Aërem ascendere, usque ad orbem Lunæ, fu-
turum est, ut semper lentius moveatur, quo altius ascen-
det, eo quod Ignis non vi sua, sed in quantum ab Aère cir-
cum reprimente adactus, sursum tendit. Aeris enim partes
in loco terræ proximiori propter plurimum incubitum compres-
siores, majori conatu Ignem extrudunt, quàm in loco à Terra
remotiore, ubi ob pauciorum incubitum, laxiores sunt minuf-
que impellunt.

VIII.

*Cur Vesica Aère
repleta segnius
versus aqua fun-
dum moveatur.*

Si tubus vitreus viginti septem digitis brevior, modo supra
explicato; *Argento Vivo* compleatur, nullus continget in eo
Argenti vivi descensus; sed vertice tenus repletus remanebit,
nulla Argenti vivi facta subsistentia.

IX.

*Quandonam im-
peditur Hydrar-
gyri descensus in
tubo vitreo.*

Quia Aeris externi particulae, ita agitantur, tamque globu-
lorum cœlestium motibus obsequuntur; ut ab hydrargyri pon-
dere pauciores viginti septem digitos, alti comprimi neque-
ant, ac proinde vim ejus ita retundant, ut omnem ejus descen-
sum impendant.

In *Antliis*, ad motum emboli Aqua sequitur, & per tubum
liberè ascendit: sed altius quàm ad unius, & triginta pedum
altitudinem evchi nequit.

X.

*Cur Aqua in
antliis altius
quàm ad 31 pe-
des ascendere
non possit.*

Aqua cum embolo supra attracto ascendit, quia cum nullum
sit in Natura *Vacuum*, & omnia spatia Corporibus repleantur,
nullus in Mundo fieri potest Motus, quin integer Corporum
circulus moveatur. Unde embolus sursum elevatus efficit, ut
Aër, qui supra Antlias erat, circa earum medium moveatur,

&

& qui earum medium ambiebat, ad locum in quo stagnat Aqua, succedat, atque hæc per tubum eversa, emboli locum occupet. Quia Aqua eò potissimum fertur, ubi minima Aeris pressio est, nempe intra tubum, quem embolus deferuit, Cur autem Aqua, ope antliarum, ultra unum & triginta pedes attolli nequeat, ex hoc oritur, quod Aër innato suo pondere, citra condensationem, illam sursum propulerit, postea altiorum Aquæ molem sustinere non valens, emboli motu, solito vehementius concutitur, & hoc pacto flectitur, atque effringitur: Ac proinde Materia Subtili supra Aquam in tubum expulsa, ad unius & triginta pedum justam humilitatem deprimitur, & subsidit.

XI.

Cur manus in medio Aeris posita, nullam sentiat gravitatem.

Manus in Aeris medio posita, nullam experitur gravitatem, quamvis Aer gravis sit, & manum non mediocriter premat.

Ratio est, quod manus à circumambiente Aëre undiq; premitur, nec magis ab eo, qui incumbit, quam qui infra eam est, urgetur. Aeris enim columna, quæ sub manu correspondet, ex loco inferiori, gravitate aliarum columnarum Aeris, qui à latere est, pellitur. Quemadmodum Aqua, quæ sub onerata naviculæ fundo correspondet, ex imo versùs naviculæ fundum, Aquæ pondere pellitur, quæ eam superius circumambit. Cum igitur una Aeris columna, majori vi non polleat, manum à summo ad imum pellendi, quàm altera inferior, ab imo ad summum; mirum non est, si Aeris gravitatem, manu in Aëre expansa, non sentiamus. Hinc fit, quod in machina, Aëre extracto, manus posita intumescit.

XII.

Aër levior imbre imminente redditur.

Priusquam Imber decadat, Aer minùs gravis redditur, imo etiam flante Austro, quamvis nullus Imber sequatur.

Id oriri videtur, quod Halitus, seu vapores, qui è Terra assurgunt, quique cum exiguis Aeris partibus admiscuntur, in nubes præcipitentur: quo fit, ut Aër superior multum dilatur, & permista illa corpora post se relinquendo, tenuior, subtiliorque evadat. Dubium enim non est, quin Aër plurimas Aquæ partes complectatur, ex quibus coalescentibus, & Nubes, & Imbres formantur. Id in D. Boyle machina deprehenditur, nam ubi Aër Recipiens evacuatum ingreditur, illico Nebulâ opacum cernitur.

HISTORIÆ NATURALIS PARS QUINTA.

De Fossilibus.

ARTICULUS PRIMUS.

De Metallis in Genere.

Excusanda videtur Hominum *Avaricia*, qui officii sui oblitii, Terram aperiunt, & in eruendis Metallis, communis Parentis sinum perfodiunt, & lacerant. Tot enim usibus deputantur *Metalla*, ut iis carere genus humanum commodè non possit. Annoh Annulis, Numismatibus cudendis, materiam *Aurum* ministrat. Unde vestium, domesticæque suppellectilis ornatus, si *Argentum* mundo exulet? Quis nescit *As* rei statuarie auxiliari? & musice fistulis fabricandis *Plumbum* inservire? Hinc providente natura, non prius Metalli duntaxat serax Terra est, sed multa in eadem etiam fodina reconduntur, quæ indole discrepant, & varias Affectiones sortiuntur.

Multiplicis hujus productionis ratio, à diversis succis in ea occurrentibus, ibique condensatis petitur; cum enim ad Metalla evehenda, *acres spiritus*, oleaginæ *exhalationes*, necnon Argenti vivi *vapores* inserviant, hi ex Terra interiori ad exteriorem delati, Metallorum particulas, quas secum vehunt, deponunt; & pro earum diversitate, quibus constant, varia
fossilia

I.
Unde in Terra
Metallorum di-
versitas.

III
Unde in Terra
Metallorum di-
versitas.

fossilium genera oriuntur. Nam uti in *Arborum* fructibus, videmus Substantiam crassiorem in unas partes, subtiliorem, & magis defæcatam in alias concretæ: ita in eadem vena, multa generantur Metalla, quorum alia materiam minus elaboratam exigunt; ut *Ferrum*, *Plumbum*; alia verò magis præparatam, & ab omni fæce immunciam, ut *Aurum*. Quò sit, ut major vis ignobilium Metallosum in fodina existat, quàm præstantium, quoniam plus Temporis in iis formandis Natura impendit, & maiorem curam ad eorum perfectionem adhibet.

II.
Metalla in radicibus montium
proveniunt, qui
sunt versus Orientem & Meridiem.

Metallorum fodinæ maximè sub montibus frequentes sunt, in illis præsertim partibus, quæ Soli *Meridiano*, aut *Orientali* obijciuntur.

Quia in montium radicibus, multæ insunt Cavitates, in quibus sublata Metallorum particulae congregari possunt, & facilius ad externam Terræ superficiem ascendere, in his præsertim locis, quæ Soli exponuntur; Caloremque ejus impensius recipiunt. Nam licet ejus *radius*, in Terræ superficie terminentur, & abdita ejus non penetrent; haud dubium tamen est, quin Calor ab eo productus, ad intimas Terræ *regionis* partes pertingat, & ea loca fortius exagitet, in quæ directius radios suos vibrat, ac emittit. Terra enim rimis fatifcente, succi facilius attolluntur, & onera sua, nimirum Metallorum particulas, sursum, sine impedimento deferunt. Hinc *Fluviorum* scaturigines, in radicibus montium oriuntur, quoniam per eas, Aqua facilius percolatur, & liberius ad eorum juga ascendit.

III.
Ex nemoribus inflammatis detecta sunt Metalla.

Quamquam Metalla ex succis diversis componantur, & è fodinis exuberent, asseri tamen potest, eorum *inventionem*, ad crematas quondam sylvas esse referendam. In *Hispania* enim, narrante *Aristotele*, incensis, à quibusdam pastoribus sylvis, ardescenteque exinde terra, aperte *Argentum* eò loci profluxit. Nec id à vero abesse videtur, si consideremus pluribus in locis, Metallorum venas ad majorum arborum radices usque porrigi, quibus implicantur ac circumducuntur; quare si contingat arbores deflagrare, mirum non est, si Ignis ardore liqueant, & manet

—conveniens *Argenti rivus*, & *Auri*,
Aëris item, & *plumbi*.
Lucretius.

Quem.

Quemadmodum in ingenti ac horribili illo Londinensi incendio campanas fundi ac liquefcere vidimus.

Terra, quæ *Metalla* tegit, passim sterilis est, nullumque fructum fert. Imo Vapores malignos plurimum exhalat, quibus Incolæ offendentur, & multos inde *Morbos* contrahunt.

IV.
Terra Metallorum serax sterilis est.

Terræ sterilitas ex eo nascitur, quodd succus alimentitius, qui ad *Herbarum*, & *Plantarum* nutrimentum, à natura deputatur, aliò divertatur, ad præparandam scilicet Metallis materiam. Cujus defectu, necessum est *Arbores* languescere, ficcari *Herbas*, & *Terram* ipsam omni vigore ac ornamento destitui. Tractus autem illi terrarum, acrius olent, tetrumque odorem spirant, ob halituum diversitatem, qui ex ipsis exhalantur. Non enim tota illorum materia, Metallis componendis infumitur, sed subtilior eorum pars à spiritibus agitata, per rimas transmittitur, & Aeri permixta, auram inficit, & illam haurientibus noxam infert. Id in plerisque; lacubus paludibusque; *Zelandiæ* experiri licet, ex quibus glebæ bituminosæ fodiuntur, quæ accensæ, ut *Naphtha* ardent, non sine odore tetro ac viroso. Imo tanta earum vis est, ut ubi frequentius ipsis ædes incalascunt, *ferrum*, *cuprum*, *stannum*, *argentum*, atque *Aenea* quæque deurat, omniaque in ædibus, præter *Aurum*, deteriora efficiat. *Lemnius de occultis natura miraculis, libro primo, capite decimo septimo.*

Metalla nonnunquam in fluminibus reperiuntur, ut de *Tago*, *Gange*, & *Pactolo* referunt Historici, qui multas Auri, Argentique, & aliorum fossilium particulas continent, quæ passim ab Accolis colliguntur, & à se invicem secretæ, diversorum metallorum massas conficiunt.

V.
In quibusdam fluminibus Metalla inveniuntur.

Metalla non in iis fluminibus generantur, quasi ex succorum coagulatione, ut in *Terra interiore*, illic producantur, & primam sui originem habeant; sed solum, quod eorum Aquæ terram perlabentes, aliqua Metallorum ramenta erodant, ac suffurentur, quæ secum devehunt, & ad longum etiam spatium deferunt. *Aqua* enim, ineptum est creandis Metallis Elementum, cum quicquid ex ejus cum Terra concretionem originem potest, nihil aliud quam lutum esse queat.

Metalla, si calcinentur, hoc est, Aquarum fortium ope, in minutissimum pulverem redigantur, non alia ratione, quam ipsa arena, fluunt. Si vero eliquentur, id est, *Igni* admoveantur, ad modum *Aquæ* decurrunt.

VI.
Metalla calcinata fluunt, eliquata decurrunt.

Quoniam in Calcinatione, non adhuc in minimas particulas fuerunt resoluta; sed tantum in granula, quæ notabilem adhuc molem retinent: Ubi verò eliquantur, granula illa, ignis actione dissolvuntur, & in ea corpuscula abeunt, quæ cum spatia minora occupent, corpus magis continuum componunt, quod instar *Aquæ* defluit.

VII.

*Ex metallis in
vaporem abeunt.*

Ob similem ferme rationem oritur, quòd Metalla ratione acidi *Sulphuris*, quo referta sunt, cum illo avolent, & in fumum dissidentur. Quippe dum Argentum simul cum plumbo in Cupella ab Artificibus funditur, injecto paulatim *Sulphure*, Argentum evanescit & in auras abit, ni madente linteo ejus fuga sistatur. Similiter cuprum aureo nummo admixtum, dum in crucibulo alterna serie cum Sale communi, & extracto de lateribus pulvere confunditur, sursum pergit, & nonnihil Auri secum defert, nisi testaceo operculo retineatur. Quoniam Metallorum particulæ Ignis vi attolluntur, & non nisi frigidi corporis occurfu, agitationem suam dimittunt.

ARTICULUS SECUNDUS.

De Mercurio, & Sulphure.

I.

Argentum vivum cetera Metalla, præter aurum pondere vincit.

Mercurius, seu Argentum vivum, maximè *ponderosum*, & si *Aurum* excipias, omnia Metalla gravitate excedit. Unde Corpora omnia illi innatant, & in ejus superficie detinentur.

Ratio est, quòd Mercurio pauciores insint Meatus, quos Materia Subtilissima pervadat. A sola enim *pororum* multitudine, aut paucitate, Corporum *gravitas*, aut *levitas* pendet. Nam licet fortè admittatur, Metallorum aliorum partes, ejusdem esse magnitudinis & figuræ, atque etiam earum Motus esse similes; quia tamen plures *Pori* in illis existunt, necessario Argento vivo sunt leviora. Nec alia ratione, *Aurum* Argento vivo præponderat eique immergitur, quàm quòd paucioribus meatibus perforatur, nec tanta copia Primi Elementi illud transgreditur; quanquam etsi non multum, quum teste *Gassendo* deprehendatur solum habere se ad illud, ut *quadragesima quatuor ad quadragesima tria*. Hinc

Hinc admirari subit, qua ratione fretus, asseruerit *Plinius lib. 33. cap. 3.* Aurum in pondere plumbo cedere : quando quidem experientia manifestum sit, *Aurum* duplo esse ponderosius, & ad *nigrum* plumbum comparatum, ut decem ad sex se habere, ad *Cinereum* autem, ut decem ad quinque cum quadrante.

Argentum vivum *liquidum* est, & nisi intra Vasis latera contineatur, per inclinata loca defluit.

II.

Unde oritur fluiditas in Mercurio.

Quoniam Argentum vivum in multas exiguas particulas dividitur, quæ, Motibus propriis à se mutuo diversis, agitantur, & è locis suis continuo recedunt. Nec obest, quod non humectet, & nihil sui in attractantium manibus post se relinquat : quia non *Humidum* cum *liquido* confunditur, nec una est utriusque natura. Ignis enim *liquidus* est, & Metalla fusa defluunt ; non tamen nisi ineptè quis affirmabit, Ignem humectare, & fusa Metalla, loca per quæ transeunt, *madida* relinquere. Cum ad Fluiditatem sufficiat, quod partes Corporum insensibiles commoveantur, aut ita solutæ sint, ut à Subtili Materia exagitantur, & ad motum impellantur. Causa igitur Fluiditatis, quam in *Argento vivo* cernimus, est, quod particule ex quibus constat tam læves sint & lubricæ, ut nequaquam possint inter se compingi, & quod cum crassiores sint, quam Aquæ particule, vix transitum inter se præbent, globulis Secundi Elementi, sed tantum materię illi subtilissimæ, quam *Primum Elementum* appellamus.

Hinc fertur Argentum Vivum super ignem in fumum halituosum non dissipari : sed in vase receptum & custoditum, paulò post in priorem Argenti speciem redire, nec quicquam pristini ponderis detrahi.

Mercurius Auro maximè afficitur ; unde qui ex *Lue Venerea* inuncti sunt, si aureum *Anulum* ore gestent, ac dentibus linguaue hinc inde volutent, Argentum vivum, quod Corpori, ex unctione innatat, in Anulum devolvitur, sic ut totus argenteus eximatur, & non nisi Igni admotus, pristino nitore restituatur. *Lennius de oculis natura miraculis, libro secundo, capite ultimo.*

III.

Quomodo anulus aureus attrahat Argentum Vivum.

Id evenit, quod Mercurius, quem fluidum partesque commotas habere dicimus, modico Calore exhaletur, & in fumum abeat ; unde fuligini, quæ cum flatu ex Pulmonibus extruditur,

tur, admixtus, sursum ad os defertur, ubi *Anulo*, utpote denso, ac frigidiori Corpori occurrens, sistitur, & junctis denud partibus, ad priorem formam redit. Eo fere modo, quo *Aqua* in alembico, Ignis Calore in Vapores convertitur, tolliturque in sublime, donec gelido Corpore excepta, agitationem amittit, & rursus in *Aquam* revertitur. Non igitur *Argentum vivum*, ab *Auro* attrahitur, ut Nonnulli loquuntur, sed illi adheret, & intra ejus poros se intrudendo, denuo coagulatur, & priorem statum recuperat. Unde consulunt *Medici*, ut qui olim morbo *Gallico* fuerunt infecti, & ejusmodi ceromate delibuti, *Anulum aureum* in ore teneant, imo aliqua *Auri* ramenta hauriant, quum iis magna Metalli hujus copia inhæreat. Adcò ut, observatum sit, incisa vena aliquot drachmas profluxisse; atque hinc est, tales tantisper *palescant*, & tremuli existant, quorum Corporibus aliqua hujus Metalli portio inhærescit.

IV.

*Lithargyrum aceti acrimoni-
am castigat.*

Si *Lithargyrum Aceto* admisceatur, ejus acrimoniâ castigat, imo aliquem illi dulcem saporem conciliat.

Ratio est, quod acuminatæ, ac inæquales *Aceti* particule; à quibus ejus Acrimonia provenit, *Lithargyri* corpusculis adherentes, cum illo ad fundum detruduntur, ac proinde mirum non est, si *Acetum* illis spinis, quæ gingivas strangebant, linguamque spiculis pungebant, exutum, dulcedinem aliquam, quam antea non habebat, referat.

V.

Mercurius sublimatus per Argentum vivum, exnit suam acridinem.

Si *Mercurio sublimato*, qui maximè corrosivus est, altera *Mercurii Vivi* quantitas adjiciatur, & denud *Mercurius sublimetur*, omnem Acredinem deponit, & insipidus redditur.

Quoniam *Mercurii* appositi corpuscula, salium spiculis augentur, quo fit, ut eis crassitudo concilietur, & obtuties accedat. Eodem ritu, spiritus *Vitrioli*, & sal *Tartari* deliquatus, qui acerrimi sunt, acredinem amittunt, si commisceantur. Quia cum hi *sales*, diversi sint generis, fluidus nimium, & alchalisatus, commixti in se invicem agunt. Unde utriusque *Aculi* retunduntur, haud secus, quàm si unius salis acies, alterius acuitati affricetur.

VI.

Mercurius in notabili quantitate sumptus mortem adfert.

Si *Mercurii* notabilis quantitas, ore in Corpus immittatur, Animalis vita in discrimen adducitur, imo ipsi non raro interitus inferitur.

Quia cum *Mercurius gravissimum* liquidumque corpus sit, facile

facile in *Venas* se ingerit, & Sanguini immixtus, motum ejus interruptit, aut sistit. Unde qui illum sæpenumerò tractant, tremuli efficiuntur, & *Paralyfi* obnoxii. Quòd hujus Metallii pondere, ita Sanguis condensetur, motusque ejus retardetur, ut è Cerebro non sat spirituum suppeditet, quos inde in Nervos immittere queat. Nam cum Mercurii particulae, ob gravitatem suam, mutuò sibi incumbant, Sanguinem condensant, ejusque Agitationem cohibent; Adeò ut, nimis pauci spiritus è Cerebro ad Nervos traducantur, & non nisi facta interruptione, *Musculos* motibus inservientes insilient, ac replcant. Nec alia de Causa, iis, qui è fodinis *Mercurium* educunt, *gingivæ* laxantur, & *dentes* tremunt, quàm quòd ille, facile ad imam usque radicem permeet, & partium nexum pervertat ac labefactet.

Advertendum tamen est, *Mercurium* virtutem suam potissimum exercere, cum in ramenta, seu particulas exiguas dividitur. Quia cum ejus partes plurimum sint penetrabiles, sanguinis massam conturbant, fermentationem excitant, & non raro in *Ventriculi* membranas impingunt. Quo fit, ut *cruentæ dejectiones*, *vomitiones*, quandoque etiam *tormina* oriantur. Quia Sanguis, qui perenni circuitu, per corpus devolvitur, tam incommodi hospitis impatiens, cum eum per sudores, aut urinas amandare nequeat, quod exiles nimis sint cutis & renum pori, qui hujusmodi particulas transmittant, per cœliacas arterias detrudit. Hinc *Dysenteria*, vel *Diarrhœa*.

VII.

Ut Mercurius in corpore operetur.

Sulphur partim in aperto Cœlo, & ubi Ignis maximè dominatur, prodit: Unde in agro *Senensi*, in *Aeoliis* in *Neapoli* *tano* tractu, in quibus subterranei Ignes grassantur, *Sulphur* valde frequens est, & raro inquisitores fallit.

VIII.

Cur Sulphur in Senensi agro, in Aeoliis, & cæteris frequens est.

Hujus ea est Causa, quòd ramosæ Exhalationum particulae, quæ succis acribus, ac metallicis quibusdam particulis admistæ, *Sulphur* constituunt, vi Caloris subterranei, his in locis agitantur, atque celeriter motæ, sursum feruntur, & ad externam *agrorum* superficiem ascendunt, ubi in succum *pinguem*, vel oleagineum concrecentes, *Sulphur* componunt. Hinc *acids*, & *Pinguedo*, quæ similiter ex tenuibus, & mollibus partibus constant, loca calida affectant, nec ullibi magis in Corpore Animantis coagulantur, quàm ubi viget Calor, ut circa *Cor*, & *renes*, & alias partes, in quibus major vis Caloris sentitur.

titur. Ac proinde sicut *adepts* in corpore Animantis concrefcit, ita *Sulphur* formatur, dum pinguiore partes vi Caloris expirant, & in Terræ exterioribus concrefcunt, atque in unum Corpus abeunt.

IX.
Quam ob rem
Sulphur facile
inflammetur.

Sulphur maximè inflammabile est : unde Igne admoto, *flamam* statim concipit, & undiquaque accenditur.

Quoniam particulis *succorum* acrium constat, quæ tam tenuibus, ac spissis materiæ oleagineæ ramulis sunt involutæ, ut permulti Meatus inter istos ramulos, soli primo Elemento pateant. Manifestum autem est, partes tenuiores primùm commoveri, & ab intercurrente materia arripi.

Tradunt tamen, rubri *Sulphuris* genus in *Carniola* effodi, quod nec ardet ut alia sulphura, nec sætet, sed ceræ instar, Igne admoto, fluit, & inter laminas ferreas comprimitur. Hinc Romani & Græci *adium* Religionem ejus suffimentis ex-
piabant.

ARTICULUS TERTIUS.

De Sale.

I.
Tres Salis species,
& quomodo à se invicem
distinguantur.

VARIÆ sunt Salium species, prout è diversis locis sunt, aut generantur. Quidam *Fossilis* est, qui vel cum *Arena* educitur, vel è *Rupibus* vi evellitur. Sunt enim multis in locis Montes, Salis nativi, in quibus lapicidarum modo, Sal ferro excinditur, & Arborum adinstar repullulat. Non procul *Astracano*, montes duo memorantur, tam ingentis molis; tantaque *Salis* copia, ut quamvis singulis diebus viginti millia frusta ligonibus, vel rutris excindantur, tamen ne minima quidem pars detracta esse videtur, eadem quantitate indies concrefcente. *Petrus Petreius* in descriptione *Russiæ*. Alius est *Marinus*, qui ex *Mari* derivatur, dum *Aqua* in alveos deducta, Solis calore excoquitur. Alius *fontanus*, qui ex *salsa fontana*, vel puteali *Aqua*, Ignis opera extrahitur, & evaporationis tenuibus particulis, ponderosus evadit. Ea sola inter *fossilem*, & alios interjacet differentia, quod prior indilutus sit, nullaque exhalatione opus habeat; *Fontanus* verò *Sal*, & *Marinus*,

rius, ita Aquis immisceantur, ut vi externa indigeant, quæ separentur, & aliud distinctum Corpus constituent.

Hujus discriminis ratio est, quod Aqua duplicis generis *particulis* constat, *flexilibus*, & *inflexilibus*, quæ licet inter se confundantur, & unum duntaxat Corpus constituent, diversam tamen naturam retinent, nec ita uniuntur, quin Ignis, aut Solis opera, queant separari. Cum igitur *Sal*, ex Aqua in alveis educitur, non id partium Aquæ coagulatione, ut *quidam* autumant, fit; sed earundem secretionem, dum *flexiles* nimirum, & minùs rigidae in Aerem evaporantur, solis inflexilibus in fundo remanentibus, quæ postea inter se junctæ, & transversim adherentes, *Salis grana* componunt.

Quomodo igitur in quibusdam Montibus, magnæ Salis moles nascantur, & instar lapidum concrecant, ex eo intelligi potest; quod Aqua marina eò ascendente, ac flexilibus Aquæ dulcis particulis ulteriùs pergentibus, Sal solum in Cavitatibus, quæ casu ibi fuerunt, remansit, ipsasque implevit.

Si Sal integer, sive in grana compactus, in Ignem mittatur, *crepitat*, & cum fragore exilit; solutus verò, & in particulas divisus, non item; uti nec ille, qui in lacubus, Solis ardore exsiccatus, gignitur.

Illud ex Aquæ dulcis rarefactione, quæ in granorum medio includitur, provenit. Cum enim Salis partes, quæ grana componunt, confusè duntaxat inter se complicantur, & non intimè se contingant, satis spatii inter suas extremitates relinquunt, ad aliquas *dulcis Aquæ* partes recipiendas, quæ quamdiu non agitantur, conglobatæ ibi remanent: Verùm, ubi vehementi Calore concitantur, sese dilatant, & vim facientes, carceres suos infringunt, & cum crepitu erumpunt. Granorum autem *fragmenta*, sicut & Sal ille, qui in summa lacunæ concrevit, non cum strepitu resiliunt, quoniam illorum claustra effracta jam esse supponuntur, & nihil amplius liquoris inter cæteras partes continent, qui Ignis appositu, rarefcatur & dilatetur. Unde oritur, ut Salis *particule*, lento Igne exsiccatae, difficulter admodum liquefcunt, quoniam omni Humore carent, nec liquoris aliquid restat, quod earum emollictionem adjuvet, & eo modo eas insectat, qui ad fluiditatem requiruntur.

II.

Quare Sal in Ignem immisus crepitat, si integer sit, non autem si fractus.

III.

Sal facile in liquorem abit.

Sal commune, Nitrum, Sal Tartari, & alia hujusmodi deliquium patiuntur. Sal enim Tartari, exempli causa, in frascellam vinariam asservatus, æstivo præsertim tempore, & in lamina inclinata extensus in liquorem pinguem, cui *Olei* nomen Chymici indidere, solvitur.

Is effectus, Aqueis particulis in Aëre, sub vaporum specie volantibus, est assignandus. Quia cum Sal Tartari, valde ponderosus sit, ab aqueis corpusculis, quæ Aeri ambienti insunt, facile penetratur, quæ Salis particulas postmodum commovendo, eas à se mutuo secernunt.

IV.

Ut Sal fluidus Metalla dissolvit.

Sal fluidus è *Nitro, Sale, Alumine, Vitriolo*, aut aliis fossilibus, per distillationem extractus, omnia pene Metalla exsolvit, eaque in pulverem minutum dividit, & calcinat.

Quia hujus *Salis spicula*, ad modum gladiolorum se habent, quæ agitata, Metallorum poros subeundo, laxant, ac dirimunt. Nam cum insensibiles Salis fluidi particule, continuo agitentur, Corporum quæ ingrediuntur, meatus penetrare non possunt, quin illas à se invicem separent, ac dividant.

V.

An flores à suo sale regenerari possint.

Passim inter Chymicos jactatur, Flores vi Salis, ab eisdem floribus extracti, resuscitari posse, & novam, ut ita dicam, vitam ab illo mutuari.

Et si id cum quadam asseveratione, à nonnullis ingeratur, figmentum tamen esse existimo, & absque fundamento inter Chymicos fuisse receptum. Cum experiamur *Spiritus* à plantis eductos, aliis prorsus viribus pollere, quam plantas ipsas, è quibus extracti sunt. Uti in *Aceto, Aqua Vita, Vino*, & similibus, quæ iisdem visis educi possunt, & tamen diversis adeo viribus prædita, tamque alienum à priore sapore exhibent, ut nihil prorsus commune inter illa reperiatur.

VI.

Unde maris aqua de nocte scintillat.

Aqua salsa, dum noctu in mari agitur, lumen emittit & scintillat.

Quia cum Salis particule, rigide sint, & subtilis materie actione flecti, convolvique nequeant, si in scopulum impingant, Aquæ dulcis partibus, quibus circumcinguntur, sese expediunt, atque ita solæ, & certo intervallo, à se invicem distitæ, Ignis scintillas producant, non iis ab similes, quæ è Silice percusso emicare solent. Non tamen omnes id præstant, sed illæ duntaxat, quæ punctim, sagittarum ritu feruntur.

Sal Linguae admotus, & saliva humefactus, eam pungit, ac penetrat.

Quia Sal ex partibus *teretibus*, & *rigidis* maximè constat, quæ in cuspides erectæ, punctim in Linguae meatus incidunt, & ejus fibras penetrant. Sunt enim Salis particulae *telorum* instar, quæ vibratæ, Linguae Poros subeunt, & magna vi ejus minutias concutiunt, ac divellunt. Unde qui negant Saporem *salsum* in eo consistere, quod partes Salis in poros Linguae punctim incidunt, quum eos transversim attingere possint, notare deberent *Acum* non nisi cuspide pungere, nec *gladium* sine acie scindere, reliquis autem suis partibus nullum posse vulnus infligere: Unde quia in qualibet Salis *mica*, permultæ hujusmodi cuspides inveniuntur, non potest magis contingere, ut illa in ore liquecendo, nullas cuspides in Linguae Poros immittat, quàm si quis nudis pedibus supra *spinas* ambularet, & nullam læsionem pateretur.

Carnes ope Salis diu incorruptæ servantur, Temporisque lapsu, duriores evadunt.

Hujus Causa ex præcedenti discursu colligi potest, quia Salis partes *punctim* Carnium meatus ingrediendo, non tantum *Humorem* tollunt, liquidasq; partes depopulantur, sed ad modum paxillorum se habent, inter earum partes defixorum; ubi immoti, & non cedentes, illas fulciunt, impediuntque, ne aliæ magis *lubrica*, & *plicatiles* immixtæ, illas concutientes loco depellant, & ita Corpus corrumpant, quod componunt. Sal igitur Carnem, cibosque alios à Corruptione servat ac tuetur, duritiæ suæ nimirum ac inflexilitate; quemadmodum *claviculis* Asseres firmiores redduntur, & gladii *rigiditas* vaginam servat ne frangatur.

Sic nimio Salis esu, *puella* quædam Hollandica, adeo rigida, siccoque temperamento evalit, ut membra amplius movere non posset. Quippe cum matre, utpote in Culina potissimum versante, degens, Salem surripere, marsupioque asservare solebat, quo liberius postmodum vesceretur. Pari ratione, affirmant nonnulli *Venetos*, ad conciliandam duritiem arboribus, quas ad *Naves* suas ædificandas deputant, eas adhuc virides in Aquam immergere, atque per plurimos annos ibi asservare: quoniam ea ratione, *Sal Alkali* impeditur, ne exhalet, redditurq; eo pacto, lignum durius, & minus corruptioni obnoxium.

G g

Sal

VII.

Cur Sal linguae pungat.

VIII.

Quomodo carnes ope Salis à corruptione conservantur.

IX.

IX.

Duritiem corporibus Sal conciliat.

X.
Sal Terræ ferti-
litem, & obe-
fis mulieribus
fœcunditatem
conciliat.

Sal ad Terræ fertilitatem conducit, & Agris sterilitatem expugnat. Hinc ejus aspersu, agri feraces efficiuntur, & fructum adferunt. *Obesa* quoq; mulieres, & quæ magna ex parte effœtæ sunt, moderato illius in condimentis usu, fœcundæ fiunt, & Conceptui idoneæ.

Ratio est, quòd Sal Agrorum meatus penetrando, noxium Humorem exigit, ubi plus satis palustres sunt, & nimia uligine referti. Exsiccandi enim vim Sal habet, & Humorem à Corporibus amovendi, ut dictum est; unde si *obesa* Mulieres, moderato illius usu sterilitatem deponunt, & fœcunda fiunt, id ex eo potissimum oritur, quòd Sal omnem uliginem abstergat, vulvamque plus satis udam, ac madidam exsiccet, ac demum efficiat, ut *genitale semen* facilius utero, minùs lubrico, adhærescat. Non mulieribus modo, sed & ipsis viris lumbos incitat, & acrimonia per eos transfusa, Tentiginem movet. Salem autem fœcunditati auxiliari, vel illud argumento est, quod immensa vis *Murium*, *Soricumque* in marinis navibus enasci soleat, & quòd Mulieres *salinaria* continenter pruriant, multarumque prolium sint feraces. Sic frequens marinorum piscium esus, omniaque testacea, *Ostreæ*, *Gammari*, *Locusta*, *Cancr*, *cochlea*, *Conchaque*, *Marina*, libidinem concitant, cãliditatis mordacisq; naturæ ratione. Ita *Lemnius* de occultis naturæ miraculis, libro secundo.

XI.
Granum Salis
oleo admixtum
impedit, ne tam
citò lampas con-
sumatur.

Unum aut alterum Salis granum oleo, quo lampas ardens nutritur, impositum, ejus evaporationem tantillum sistit, impeditque ne tam citò consumatur.

Quia Sal lampadis Calore concussus, dilatatur, & adstringentes quasdam particulas subministrat, quæ in *ellyphnum* immisæ, Oleum in transitu detinent, impediuntque, ne tam citò fursum feratur, & avolet.

ARTICULUS QUARTUS.

De Auro.

I.
Cur Aurum ab
igne consumi ne-
queat.

Aurum Ignis vehementia fusum, & quam proximè ad ejus Ardorem accedens, non minuitur, aut quicquam sui ponderis,

ponderis, aut molis amittit. Hinc commune Chymicorum effatum, *Aurum ab Igne destrui non potest*, cum post multa secula fornaci immisum, nullam sensibilem jacturam patiatur.

Quoniam Aurum adeo tenuibus particulis constat, tamque intimo nexu firmatis, ut à se invicem dirimi nequeant. Nam licet Aurum, sicut & cætera alia Corpora, Poros habeat, quos Subtilissima Materia intercurrat; non tamen *Secundis Elementis* globulos admittit; quo fit, ut maximè solidum sit, & magnam materiæ crassioris quantitatem, sub parva mole ac superficie contineat. Arcta autem partium connectio, meatuumque paucitas, Corpus *solidum* reddit, & vi externa indissolubile efficit.

Aurum maximè dividi dilatarique potest, utpote cujus *unicæ*, ut loquitur Plinius, in septingenas & quinquagenas pluresque bracteas, quaternum utrobique digitorum spargantur. Imo referunt alii, unicam *Auri* unciam, in bracteas diductam, decem Terræ jugera cooperire posse.

Tantæ ductilitatis ratio, partium ejus *mollitiei*, singulari; earum plexui tribuenda est; efficit enim mollities, ut Partes citra separationem cedant, & quæ antehac compactæ erant, in longum protrahantur. Ut in *Argilla*, & *pingui terra* experimur, quæ laxius ob mollitiem extenduntur, & aliam superficiem, decresciente profunditate acquirunt. Densitas enim compactioque partes suppeditat, quæ cum in profunditate minuuntur, in latitudinem excrescunt. Sic ostendunt *Geometra* dari posse figuras paris capacitatis, quas græco vocabulo *Iso-perimetros* appellant, quæ inæqualis tamen sint ambitus: adeo ut inter æque-capaces, quanto unaquæque à forma spherica recedit, tanto majorem acquirat ambitum, non aucta tamen capacitate, sed secundum longitudinem duntaxat, aut latitudinem divisa, cum antea veluti circa commune punctum esset aggregata.

Accedit quoque peculiaris partium Auri *nexus*, qui divisionem refugit, nec patitur illas à se mutuo separari. Unde quantumvis *malleo*, aut alio quovis modo, Aurum attenuetur, Partium suarum nexum adhuc retinet, & quamvis deum exiguos aliquos Meatus admittat, ita tamen illi impli-

II.
Unde oritur ductilitas Auri.

III.
Partium Auri connexus confert ad ejus divisionem.

cantur, fiuntque pervii, ut liquoris particulæ quoquoeversum discurrere possint.

IV.

Aurum in Ignem coniectum non minuitur.

Ab hoc eodem partium nexu provenit ut dictum est, quod *Aurum* nihil sui per Ignis æstum amittat : quia licet ejus particulæ vi caloris agitatæ, corpus *liquidum* fluidumque component, nullæ tamen ita sejungi separarique ab aliis possunt, ut ab Igne arripiantur, & in auram evolent. Modo *Aurum purum*, seu *Obrizum* sit, cujusmodi illud est, quod per ramenta in *Hebro* Thraciæ, *Pactolo* Lydiæ, *Tago* Hispaniæ, *Pado* Italiæ fluminibus defertur. Cum quicquid ex eo egeritur, ipsi heterogeneum sit, & diversæ ab eo naturæ.

V.

Calefactum Aurum cæteris Metallis acrius urit.

Aurum fustum, aut alio modo calefactum, cæteris Metallis acrius urit, Caloremque diutius conservat.

Id ex ejus partium *Cohesione* provenit, quæ cum pingues sunt, & arcè inter se complicantur, ingestum Ignem diu sistent, & circumvicina Corpora vehementius urunt. Quippe cum ejus Meatus valde exigui sint, & soli Materiæ Primi Elementi pateant, partes Ignis ita implicantur, ut quamvis celerimè moveantur, non tamen nisi longo Tempore elabi queant : quo fit, ut *Aurum* illas intra se retinendo, majorem Calorem exerat, & admotam *manum*, aliæve ustilia Corpora citius corripit.

VI.

Quomodo Aurum Aqua Regia dissolvitur.

Aqua forti, (cui Regia nomen inditum est) ex *Nitro* & *Vitriolo* confecta, *Aurum* dissolvitur, non verò si eidem Aquæ (ut præparari solet æquis *Nitri* & *Vitrioli* partibus, pars octava ponderis ex Sale communi, aut quarta pars *Ammoniæ* adhibeatur) quoniam tunc, solum *Plumbum* & *Argentum* exsolvit.

Id ex varia horum Metallorum contextura oritur : *Argentum* enim ita Meatus habet dispositos, ut *Nitri* & *Vitrioli* particulæ, faciliè eos subeant, si solæ sint, & Sali non admisceantur. Quoniam inter ipsa *Analogia* quædam est, & in partibus figurarum similitudo. In *Auro* autem, talis analogia abest, imo ita ejus Pori disponuntur, ut nullo modo *Vitrioli* & *Nitri* particulas admittere queant. Salis enim particulæ, *Vitriolo* & *Nitro* admixtæ, corpusculorum ordinem invertunt, & nimis rigidas efficiunt, ut *Auri* meatus amplius ingredi queant. Inde alia ejusdem generis fortis Aqua adhiberi solet, ex *chalcanto*, *Alumine*, & *halimuro* confecta, ad *Aurum* ab *Argento*.

gento separandum. Quoniam particulæ, quæ in hujusmodi Aquis insunt, plexum illum dirimunt, quo *Auri particule*, cum *Argenti particulis* commiscuntur. Adcò ut, dubium esse non possit, quin diversi generis corpuscula, in talibus Aquis reperiuntur, quorum aliqua cum *Argenti* particulis convenient, dissentiant autem cum *Auri* particulis: alia cum *Auri* particulis consentiant, & cum *Argenti* particulis differant, & discriminentur.

Aurum in pulverem redactum, si incendatur, ingentem strepitum producit, adcò ut, *fulminis* adinstar, omnia supposita penetret, ac perrumpat. Hinc *fulgurans Aurum* passim appellatur.

VII.
Aurum fulgurans si accendatur, magnum strepitum edit.

Illud mirum non videbitur, si quomoddò is pulvis præparetur, attendamus. Aurum enim primo ab *Aqua forti*, seu Regia dissolvitur, deinde *oleo Tartari* infuso præcipitatur, convertiturque in pulverem, qui exsiccatus, non appposito Igne duntaxat, sed & levi Calore agitur, & in *flamam* cum vehementi fragore abit: quoniam omnibus pulveris granulis, uno momento, in *flamam* conversis, vis illa Ignis circumvicinorum Corporum meatus laxat, & partium plexum solvit, ut avolanti Auro viam faciat, quòd tam celeriter erumpit, ut *Tonitru* fragorem imitetur, & *fulguris* imaginem referat.

Unde falso à quibusdam existimatur, Fulminans Aurum, *deorsum* duntaxat impetere, & vi sua tabulata crassiora perforare; superposita autem nequaquam agitare: Cum quilibet contrarium experiri possit. Nam duo hujus pulveris *grana*, cochleari argenteo apponantur, thalero contacta, videre licebit, lucerna cochleari subdita, non focam duntaxat in cochlearis *funda* impressam, sed & ipsum nummum sursum explodi, & ad tectum cum impetu ferri. Quod argumento est, hujus pulveris vim in orbem diffundi, & non solum *deorsum* impetere.

VIII.
Aurum fulminans tam sursum quam deorsum impetit.

Aurum multis Corporis Morbis auxillatur. Nam qui ex *Venerco* fœdoque contactu, labem conceperunt, ac contagione Inguinum infecti sunt, ejus usu manifestè sublevantur. *Elephantiasis* quoque, quæ vulgaris lepra censetur, expurgat, aut saltem mitigat. *Dentes* labantes, ac minùs stabiles firmat, omniâque oris ulcera ac pustulas compefcit; virus eluit, atque eruptiones exsiccat. *Lemnius de oculis naturæ miraculis, libro tertio.*

IX.
Aurum multis morbis succurrit.

Sed.

Sed *Lennio*, uti nec aliis quibusdam *Medicis*, hac in re, non assentiri possum, qui existimem *Aurum* nullo modo Infirmis prodesse, ni prius resolvatur, & in *Ægrotorum* Corporibus digeratur. Quippe *medicamenti* vis in eo consistit, quoddam particula, in quas *Medicamentum* resolvitur, Corpori se inlinuent, & Humores noxios expellant, aut affecta membra expresso succo foveant, ac corroborent. At, quomodo id fiet, si *Aurum* semper *integrum* manet, & nihil sui unquam amittat? quomodo medebitur, si nullas partes suppeditat, & semper inviolatum per *Corpus* deferatur? Annon cotidie experiuntur *Medici* bracteolas illas, quibus *pillulas* suas pharmacopœi contegunt, per *Ventriculum*, & viscera, intacta transire, & cum fecibus emitti? Illæ nihilominus tenuissimæ sunt, & quæ facile detererentur, si *Calore naturali* minui possent, & digeri.

X.

An detur Aurum potabile.

Non est quoddam *Potabile Aurum* suum *Medici* obtrudant, id enim merum commentum est, & à *Circulatoribus* duntaxat jactatum, ad pecunias lucrandas. Sed dato, id *Naturæ* viribus effici posse, nullum in *Medicina* usum haberet, quum inter *potabile* illud *Aurum*, & *solidum*, nihil præter concretionem & fusionem intercederet.

XI.

Aurum potabile si daretur, inutile foret.

Si regeras, *Aquis fortibus*, & *Salibus* resolvi *Aurum* posse, quoddam medica vi polleat. Id non inficior, sed assero solum insalubre illud esse, & sanitati ob hujusmodi *Aquarum* misturam, officere. Neque juvat, quoddam multi *Medici*, *laminas*, *Auris*que segmenta, carnibus elixis admisceri jubeant, ad vires spiritusque vitales erigendos; Id faciunt, non quoddam illud aliquando *Aurum* præstitisse didicerint, sed quoniam ita inter illos receptum est, & talis vis nobilissimo *Metallo*, consensu concessa est. Nam cum in *elixas* illas carnes, nihil *Auri* traducatur, & ejus substantia semper integra maneat, non videtur quomodo rei medicæ utile esse possit, sed potius inter eas potiones numerandum, quæ sumptæ, neque offendunt, neque juvant.

XII.

An plumbum aut ferrum possit in Aurum converti.

Liquore, à certis quibusdam Chymicis præparato, potest plumbum, imo & ipsum terrum, in *Aurum* commutari; ut testatur celeberrimus ille clavus in magni *Hesrurie* Ducis cimeliarchia asservatus, in ea parte in *Aurum* conversus, qua à *Germano* quodam Chymista, in liquorem sibi notum immerfus est.

Quan-

Quamquam facile credant, quicumque Clavum istum intuentur, illius partem, verum esse Aurum, nec alio pacto, quam ex unius Metalli conversione, in aliud potuisse contingere: Haud ægrè tamen *Ortoni Tachenio* assentior, adducorque ut credam, id factum fuisse, non vera Auri generatione: sed Aureæ potius partis, alteri ferreæ, debite præparate appositione. Nam postquam callidus Artifex apprimè, & citra connexionis suspensionem, Auri partem, cum altera ferreâ adaptavit, ita ferri colorem Auro impertiit, ut totus clavus à spectantibus ferreus existimaretur: ubi vero Igni impositus est, & postmodum in oleo, ad tollendum superinjectum colorem, aliquamdiu detentus, pars illa verum Aurum apparuit, quod antea occultabatur.

ARTICULUS QUINTUS.

De Argento & Stanño.

Argentum Igni summopere resistit, & malleo contusum, in laminas etiam valde tennes ducitur. Diversi tamen ab Auro coloris est, utpote quod candescat, & Luminis radios inviolatos ad oculum remittit. Mirari tamen subit, qui corpus album nigrorem inducat, & atras lineas post se in Charta relinquat.

Argentum, Candorem à partium suarum duritie mutuatur, quæ admissum Lumen totum reflectunt, & eadem, quæ receperunt actione, remittunt. Argenti enim particulæ nullam in radios mutationem inducunt, & quamvis ex iis nonnullæ asperæ esse concipiantur, radios tamen quaquaversum reperiunt, & sine ulla detorsione, ad oculos remittunt. Non tamen constans est huic Metallo color, quippe si lævigetur, & partium ejus Inæqualitas complanetur, Candorem suum amittit, & splendorem quendam adipiscitur; eo quod albicantes ejus particulæ, acceptum Lumen versùs unam partem rejiciunt, quo fit, ut aliæ plagæ nigrescant, quoniam ob talem Luminis impulsus obfuscantur, impediunturque, ne acceptos radios ad oculum reflectant. Candorem igitur Argentum conservat,

I.
Quomodo Argentum album est, & tamen lineas negras in charta describit.

et efficitur
in charta
milia

servat, quamdiu Lumen in omnibus tractibus recipit, & illud omni ex parte ad organum reverberat. Talis autem *Albedo* non obest, quin Argentum in *Charta* ductum lineas subnigras efformet, quia tali affricu, exiguae Argenti partes deliteruntur, quæ cum tenues sint & asperæ, *Nigrum* Colorem facile inducunt. Nonnihil tamen pristini splendoris retinent, quoniam majores aliquæ particulae eminent, quæ priorem contexturam servantes, eodem modo, quo antè radios repercutiunt.

II.

Argentum acutius sonum edit, quam Aurum.

Argentum acutissimum sonum edit, & malleo, aliòve modo percussum, vehementius quàm Aurum Aures flagellat.

Quia Argentum ad modum *Arcus* tenditur, cujus partes compressæ, illico revertuntur, & ad priorem statum se restitunt. Constat enim *Testudinis fides* eo acutius sonare; quo magis tenduntur, quoniam tunc celerius moventur, sive celerius progrediuntur & recurrunt. *Aurum* verò cum mollius sit, paucioresque poros habeat, facilius percussioni cedit, & tardius vicinum Aërem suo tremore commovet. Tremuli autem Aëris celeritas Sonum acutum efficit, & ejusdem tarditas gravem. Ea ratione Loquela, aut Cantus, majorem strepitum creat, quàm Venti, qui cum vehementia flant, quoniam Aër *laringem* feriens, ad Cantum efficiendum, multo celerius quàm Venti agitur. Argentum igitur acutius sonum emittit, quoniam tensæ ejus partes, celerius Aërem impellunt, & majorem tremorem ipsi impertiuntur.

III.

Argentum sulphure injecto in pulverem redigitur.

Liquatum Argentum sulphuris injectione, in *Calcem* abit, & in pulverem minutissimum redigitur.

Fit hæc mutatio, dum *Sulphur* Igne concepto, Argenti poros subit, & ipsi admiscetur, quoniam tunc tenuiores quasdam ejus particulas frangit, aut à cæteris expellit; crassiori interim, & pene tota ejus Substantia, intra post usionem remanente. Quippe nihil aliud apud *Chymicos* est, corpus in *Calcem* converti, quàm subtiliori ejus portione avolante, reliquam quasi intactam manere. Inter *Cineres* enim & *Calcem*, ea interest differentia, quòd *Cineres* sint eorum Corporum reliquæ, quorum magna pars Igne consumpta est: *Calx* vero, sit eorum, quæ ferè tota post absolutam usionem, supersunt.

Stannum

Stannum, quod *Chynici* tanquam *medium* inter Argentum, & Plumbum considerant, suas ab utroque distinctas proprietates habet, quippe illitum Vas, contra Ignis impetum tuetur, impeditque, ne tam citò lique scat.

IV.
Stannum illitum vas ab Igne defendit.

Id ex eo provenit, quòd Stannum, quod multo *Mercurio* constat, faciliè vasorum poros, & cavitates obstruit, obstatque; ne Ignis eas subeundo, partes quibus interfunt, agitet, & à vicinis suis divellat, aut separet. Unde passim Stannum Metallo-*rum defensor* à *Chymicis* appellatur, quòd illa ab Igne intacta tueatur, & vim ejus maximè arceat. Quoniam in eorum meatibus intrusum, veluti radices ibi agit, nec nisi summo Calore inde deturbatur. Cum hac tamen cautela, ne Stannum à Ferro candenti tangatur, quia tunc introductis per majores poros Ignis particulis, statim liquefcit, & ejus partes ab invicem sejunguntur. Distantia etiam exigua interposita, Calorem intensissimum fert, nec patitur se, ob datam rationem, ab Igne subigi.

Stannum inter omnia Metalla levissimum est, calcinatum tamen, altero non calcinato, est gravius.

V.

Cur Stannum calcinatum sit altero non calcinato gravius.

Stanni levitas, non à minori *Humoris* quantitate, qua fortè *Argento* & *Aeri* cedit, sumitur, ut quidam autumant; sed præcisè à *Pororum*, quibus constat, magnitudine. Nam cum Stannum, non Corpus simplex sit, sed multas heterogeneas partes includat, quæ inter se convenire non possunt; necessum est, ut inter illas lata quædam Intervalsa relinquantur, quæ à Materia Subtili replentur. A multitudine autem, vel magnitudine vacuitatum, Corporum *levitas* provenit. Unde Metallum unum non dicitur altero levius, nisi quia in eo plures, aut majores *pori* sunt, qui eorum partes separant, & eas inter se arctius conjungi prohibent. Quòd autem Stannum *Calcinatum*, gravius non *Calcinato* evadat, mirum videtur, cum in aliis Corporibus contrarium experiamur. *Crudus* enim *panis*, five non coctus, gravior est cocto; & lapis calcinatus alterum non calcinatum levitate excedit: sed quia id Stanno peculiare esse æstimatur, dici oportet inter duas Stanni moles æquales, quarum una calcinata sit, & non altera; calcinatam ponderosorem esse, quoniam majores illi meatus, qui in non calcinato erant, per Calcinationem contrahuntur, & angustiores fiunt; quod sufficit ad reddendum Stannum *ponderosius*, & solidius.

H h

Glans

VI.

*Glans flannea
majus damnum
Corpori adfert,
quàm plumbea.*

Glans ex Stanno confecta, *Bombarda* aut *sclopo* emissâ, majori incommodo corpus afficit, magisque noxium vulnus infert, quàm plumbea, etiamsi illam mole ac figurâ adæquet, & pulveris *nitrati* eadem quantitate *Bombarda* oneretur.

Ratio est, quòd partes Stanni exteriores inæqualiter promineant, & nonnullæ veluti quædam *spicula* erigantur. Unde per Carnem transeundo, delicatiores fibras abrumpunt, & stragem in eis excitant. Vel dici potest, tenuissima illaamenta, quæ *glans* in Carne lacerata relinquit, vim inficiendi habere, & eam suo contactu corrumpere. Ut manifestum sit in *caninis* & *viperinis* dentibus, qui contagium in ficto vulnere spargunt, & noxam, ac perniciem brevi tempore per totum Corpus inferunt.

ARTICULUS SEXTUS.

De Plumbo & Ære.

I.

*Cum Plumbum
facile liquefat.*

Plumbum manu contactum, facile flectitur, & duri Corporis impetui cedit. Hinc *Igni* appositum, non tantum facile, sed etiam citò liquefcit, & fluidum efficitur.

Id ex infirma partium ejus adhæfione oritur, plumbum enim ex iis particulis conflatur, quarum unæ non difficilius quam aliæ, à vicinis sejunguntur, ac proinde Igne appposito, ejus particule non solum in aliquo motu constituuntur, sed etiam quantum ad situm separantur. Mollia enim Corpora à *Duris*, quibus aliquo modo opponuntur, discrepant, quòd *Duro*rum partes mutuo contactu se contingant, & juxta se invicem quiescant; partes verò *fluidorum*, quorum naturam Mollia participant, motibus à se diversis agitantur, & circa sua Centra volvuntur. Liquefcit igitur Plumbum, dum Igne poros ejus subeunte, partes ejus solvuntur, & positionem suam variant. Hinc credidè Nonnulli, *pilam plumbeam*, motu celerissimo liquari posse, quòd ejus particule intestino motu concutiantur, & non nisi debili nexu sibi adhæreant. Sed id effici solo motu posse non arbitror, quum videam glandes plumbeas *Bombarda* emissas, celerrimè deferri, & eorum motum, lon-

gè eum, quem arcus imprimit, excedere, non tamen ea agitatione illas liquari, & in termino defluere.

Plumbum refrigerandi vim habet, & Calorem noxium in Corpore mitigandi: Imo quidam deploratam sanitatem, ad mota Plumbi lamina restituere, ut de quodam Musico fertur, qui vocem conservandi gratia, pectori laminam plumbeam casu adhibuerat, gravem morbum depulit, & ignoto remedio salutis suæ consuluit.

Plumbum enim refrigerat, quoniam illius partes valde remissæ agitantur, & unæ aliis impositæ, tantum non quiescunt. Non enim frigus in omnimoda quiete consistit, sed sufficit si Corporum particulæ tardius moveantur, & organum tactorium magis solito ea tarditate afficiatur. Quippe Corpus vehementer concussum, facilius frigus percipit, & ejus rigore acrius exacerbatur. Plumbi igitur lamina æstuans Corpus refrigerat, quoniam particularum ejus motus imminuit, & Calorem noxium, qui in motu consistit, mitigat ac compescit. Hinc lamina Venereorum substernuntur lumbis, si quando propter crebras Veneris exercitationes, somnis vexati, semen emittunt. Talibus Calvus Orator cohibuit libidinem, ut vires Corporis studiorum custodiret labori. Plinius. Nec minor est apud Medicos plumbi usus, ad Vulnera siccanda, Humoremque superfluum sistendum, quoniam meatus sua frigiditate ostruendo, Humori viam intercludit, impeditque ne ulterius subeat.

Plumbum in vase liquatum, si baculo flagelletur, & continua agitatione pulsetur, disjungitur, & in pulverem minutissimum evadit.

Quoniam vehementi illo motu, partes plumbi tenuiores ac lubricæ, quæ crassiores conjungebant, avolant, & in Aëre exhalantur; ut in Aqua ferventi experimur, quæ agitata turbidiorum fumum emittit, quod disjunctis per inhærentem Calorem particulis, earum nonnullæ abeant, & per Aërem ferantur. Igitur sibi relicta pinguior Plumbi particulæ, ad se invicem accedunt, & firmitus quam antè copulantur. Ad eum ferè modum, quo continuo Cremoris concussu, pinguior ejus particulæ in Butyrum coeunt, & in corpuscula concreverunt, à sero, cui immiscentur, distincta.

II.
Plumbum quibusdam morbis succurrit.

III.
Plumbum liquatum Baculo agitatatum in pulverem redigitur.

IV.
cur Æs difficulter liqueat, ni prius Igne accendatur.

Æs inter dura Metalla numeratur, quòd ob arctiorem partium plexum, diu Igni resistit, nec liquatur, ni prius accendatur, & tantum Luminis diffundat, ut in fornace, *Astri* cuiusdam speciem referat.

Id Æri à primo Elemento contingit; quòd ita ejus angustiiis includitur, ut partes insensibiles ei innatent, & aded impetuosè inter se, ab illo impelluntur, & circa Centra sua gyran- tur, ut nervum *opricum* eminus, & *Tactorios* nervos cominùs moveant. Non tamen ita fufum liquorem patitur; Quippe si ei Aqua, aut aliud Corpus humidum immergatur, subito ingens strepitus oritur, & Æs ipsum è vase exilit. Quoniam Aqua, quæ ipso est ponderosior, facilè ejus poros ingreditur, in quibus ob intentum Calorem dilatatur, & illic ob loci parvitatem, continere se non valens, cum impetu erumpit, & circumambientes Æris *particulas* secum defert, & dispergit. Non modo valdè dissimili, quo *pulvis pyrius*, lapillis undique contextus, Igne admoto, cum explosione erumpit, & circumpositos lapillos excutit & dissipat.

V.
Unde Æs facillè æruginem contrahit.

Æs *æruiginem* facilè contrahit; unde à quibusdam ærugo, propria Æri rubigo dicta est, quòd ipsi adnascatur, & illud quadam fuligine contegat.

Ærugo ab *Exhalationibus*, & partibus *sulphureis* provenit, quæ ex Æris ramentis efflorescunt, & ejus pororum orificia obstruunt. Originem suam ab Aëris humore, qui *Æris* partibus inferitur, habet, qui à Materia Subtili agitatus, foras erumpit, & in ejus superficie retentus, concrefcit. Quemadmodum videmus marcorem in *Carne*, *Corio*, *Pane*, & aliis con- crescere, si in loco humido reponantur, & nonnihil Salis ipsis apponatur, quia Sal earum meatus laxat, & spiritibus *sulphureis* viam patientiorem reddit. Hinc *Cuprum tersum*, & nulla asperitate obductum, faciliùs æruginem induit, quàm *scabrum*, & cui partes aliquæ eminent; quia *Terso* meatus aper- tiores insunt, quibus se faciliùs humida aura ingerit, & ad- movetur.

ARTICULUS SEPTIMUS.

De Ferro.

Ferro durities maximè competit, quum eo nullum Metal-
lum difficiliùs fundatur, nec intentiori Igne opus est, ut
liquefeat. Nihilominus *fornaci* immissum, mole extenditur,
majorémque quantitatem acquirit. Accipiat aliquis *laminam*
ferream, quæ baculum ligneum adæquet, deinde Ferrum in
Igne inijciat, donec penitus incandescat, experietur, post-
quam illud extraxerit, longius evalisse, & majorem quàm an-
tea locum occupare.

I.

*Quomodo Fer-
rum quod durum
est, in Igne ex-
tensionem acqui-
rit.*

Ratio est, quòd Ignis in Ferri *meatus* introductus, eos laxat,
& ad majus spatium protendit; cum enim Corporum penetra-
tio repugnet, & duæ extensæ materiæ in eodem loco reponi
non possint, necessum est Ferrum, ignis introductione dilatari,
& novam quantitatem acquirere.

Ferrum *Aceto* & *Alumine* illitum, sit Æri simile. Smolnicii
(oppidum est montis Carpathi) ex puteo extrahitur Aqua, &
in locatos triplici ordine infunditur Canales, in quibus Ferri
portiones in Æs vertuntur. *Agricola de Metallis.*

II.

*Ferrum ali-
quando in Æs
commutatur.*

Contingit hæc transmutatio, non prioris *forma* jactura, ut
quidam loquuntur, & *Novæ* alterius generatione; sed sola
partium accessione, dum scilicet Ferri *meatus*, *Aluminis* & *A-
ceti* particulæ subeunt, & ejus partium nexum immutant.
Nam cum *Acetum* ea acrimonia polleat, qua faciliè Ferri *poros*
penetrat, non potest eos ingredi, quin partium ordinem sol-
vat, & aliam dispositionem inducat: Quo fit, ut novus *Color*
in Ferro innascatur, & nigredine deposita, *Rubedo* quædam o-
riatur. Nec parum ad id efficiendum *Alumen* conducit, quod
cum adstringentem vim habeat, eas particulas transfundit,
quæ aliis intimè adhæreant, & firmiter implicentur. Ac pro-
inde mirum non est, si immutata partium textura *Ferrum* Æri
simile reddatur, & ejus speciem referat.

III.

Si è fornace candens Ferrum forcipe eximatur, & in *Ære*
refrigerandum exponatur, non tantam duritiem acquirit,
quàm si statim Aquæ inijciatur, & celeriter frigeat.

*Cum Ferrum du-
tius evadit, si
dum candet, in
Aquam projecit-
atur.*

Quoniam

Quoniam dum candet Ferrum, meatus ejus maximè patent, & non tantùm primi Elementi materiæ, sed & exiguis terrestribus particulis replentur, quæ Igni innatantes, continuò illos subeunt & egrediuntur. Unde dum Aëri refrigerandum exponitur, illæ eadem Aëris particulæ, suum cursum per illius poros continuantes, efficiunt, ut Pori non nisi paulatim comprimentur, & Ferri partes eandem texturam & plexum, quem in fornace habuerunt, retineant. Ubi verò candens Ferrum, *Aqua* immergitur, non impedit quidem illa, quominus Primum Elementum è Ferri meatibus erumpat, sed quia nihil est, quod illa loca occupare potest, præter Subtilem Materiam, quæ in Aqua existit, cujus particulæ nimis exiguæ sunt, quàm ut Poros illos eo modo, quo antea apertos teneant; sit ut citissimè coarctentur, & eadem opera ad se invicem accedant. Ex quo ejus durities oritur, quæ nihil aliud est, quàm arcta partium compressio, & mutus earum Contactus.

IV.

*Ferrugine sistitur
Mulierum
menstrua.*

Ferrugo, sive contracta Ferri rubigo, *profluvia* mulierum remoratur, imo si potui admisceatur, & propinanda scemina præbeatur, *conceptum* impedit, obstatque ne imprægnetur.

Ratio est, quod Ferrugo ex *sulphureis*, *ramosis*, & *angulosis* partibus constat, quæ maximè adstringunt, & orificia illa in quæ inciderint, occludunt. Ut in eorum manibus, qui illam contrectant, videre est, quæ difficulter abluuntur, & non nisi longo temporis tractu, pristinum nitorem recuperant. Menstruos igitur Mulierum *effluxus* sistit, quia Venarum orificia, per quæ delabitur Sanguis, occupando obstruit, impeditque ne ulterius tendat. Sic hausta ferrugine, *Conceptio* impeditur, quoniam occlusis Venularum orificiis, adhærere ingestum semen nequit, aut si fortè adhæreat, Succus defectu, qui ad fibrarum propagationem requiritur, illicò decidit, & veluti evanidum, citràque omnem effectum deprimitur.

V.

*Cur chalybs si
lentè refrigeretur
evadat mollior.*

Chalybs qui fusione fit, magnâque Ignis vehementia perficitur, redditur mollior, si denuò Igni admotus & candescens, lentè postea refrigeretur.

Quia dum hoc pacto refrigeratur,amenta *angulosa* & *confragosa*, quæ ex grumulorum superficiebus, ad interiores eorum partes, vi Caloris protrusa erant, foras se exerunt, & una aliis implicata, tanquam *uncis* quibusdam perexiguos grumulos

grumulos aliis annectunt: quo fit, ut ramenta ista, non amplius tam arcte in grumulis suis compacta sint, atque ut grumuli non amplius *immediate* contactu, sed tanquam *hamis*, vel *uncis* quibusdam alligati, sibi mutuo adherent; & ideo Chalybs non *admodum* durus, nec rigidus, nec fragilis, sed mollis & flexilis evadit. In quo non differt à Ferro communi, nisi quòd Chalybi iterum candefacto, & deinde celeriter refrigerato, prior durities & rigiditas reddatur, non autem Ferro, saltem tanta.

Ferunt nonnulli, *Lignum* Ferri naturam interdum assumere, si quibusdam stagnis, aut fontibus immergatur. Ut de Stagno illo Hibernico narrat *Maginus*, in quo si *palum* ligneum defigatur, ea pars quæ limum subit, in Ferrum convertitur; alia verò, quæ Aquam contingit, non nisi lapidis formam adipiscente.

VI.
Quomodo lignum in quibusdam stagnis in Ferrum vertatur.

Id si verum est, oritur quòd *Lignum* diu in limo sepultum, halitum Metallicum admittat, qui se intra ejus fibras insinuando, paulatim concrevit, & ejus poros sensim occupat, aded ut Temporis decursu, aliquam Ferri similitudinem habeat, & ejus duritiem aliquo modo imitetur.

Simili ratione *Ossa* aut *Ligna* lapideam naturam induunt, ubi succo lapidescenti imbuuntur, & saxeum germen in se admittunt. Sic plurima *Ossa Romæ, Amsterodami*, aliisque in locis asservantur, quæ in lapides degenerarunt. Sic *Ligna* nuper ad *Aquam-spartam* in Italia, effossa, nihil aliud esse videntur, quam stipitum fragmenta, quæ diu in Terram ejecta pertenuis ex *Sulphure* & *Bitumine* halitus, ita pertudit, ut fililia propemodum esse desierint. Ita *Cochleæ terrestres*, in lapides abeunt, dum hujusmodi succo interius complentur, qui sensim concrevendo indurefcit. Nam sæpe in Montibus,

VII.
Ut in lapides, ossa & ligna interdum convertantur.

Et procul à pelago concha jacuere. marina.

Sic intra Cavernam *Guerineam*, folia ex *queru, ilice, alno, nuce, populo, lauro, hederæ*, aliisque Arboribus, reperta sunt, in lapides conversa, ab humore scilicet lapidescente intra illorum substantiam subeunte, qui induratus coagulatusque, continentis figuram induit.

ARTICULUS OCTAVUS.

De varia Lapidum generatione.

I.
Unde lapides in
Provincia orti
Rhombi figuram
referunt.

L Apides qui in *Ariatiensi*, aut *Sparronio* agro in *Provincia* in *Gallia* nascuntur, seu rubei sunt, seu crystallini, *Rhombi* figuram habent; quos cum frigeris, & in frusta partitus fueris, singula Rhombum efficiunt, & in minores semper ac minores Rhomboidas pro ratione divisionis abeunt. *Gassendus*.

Illud dispositioni *Materiæ*, ex qua Lapidés generantur, tribuendum est, quæ cum maximè elaborata est, adeo regulariter distribuitur, ut singulæ ejus particulæ, in majoribus conformandis compingantur. Supponendum est igitur, in prima ejusmodi *Lapidum* formatione, quasdam succi particulas, vi Caloris in longum fuisse protensas, quibus aliæ allabentes, eodem modo se jungentes, paulatim exiguas quasdam tabulas contexerunt, mox aliis supervenientibus, quæ ipsis transverse adhærerent, factum est, ut Anguli *Talchi* vel *specularis* lapidis speciem referrent. Ut in cujusque Salis formatione deprehenditur, cujus granorum *basis*, ea particularum dispositione, quadrata efficitur. Ac proinde sicut Sal *gemmeum*, quod tessellatam figuram habet, dum in fragmenta abrumpitur, in totidem Tessulas compefcitur, ita *Sparronii* Lapidés, qui *Rhombi* figura sunt, latera eadem semper retinent, & in exiguis etiam particulis, inviolatam Angulorum formam tuentur.

II.
Unde vitrei Lapidés qui interdum nascuntur.

In Terra, nonnunquam *Vitrei* Lapidés gignuntur, qui cæteros non minùs pondere, quàm duritie adæquant, nili quòd fragiles sunt, & in partes citius dissipantur.

Talium Lapidum origo, in Arenam refunditur, quæ Igne vehementissime fusa, in *massam* primò colliquatur, mox refrigerata, Lapidum *duritiem* adipiscitur. Eo modo, quo Cincrum particulæ Igne valido concussæ, lævigantur, & sibi ipsis adhærcentes, in *Vitrum* abeunt. Sic usu venit, ut post ingentia Terræ incendia, *Vitrei* Lapidés ex ea eruantur, qui varias formas, pro locorum diversitate, in quæ liquor dilapsus est, referunt. Imo censuit Plinius Vitrum ab accensis Arenis initium

tium habuisse : *Fama est*, inquit, *appulsa nave Mercatorum nitri, cum sparsi per litus epulas pararent, nec esset cortinis attolendis lapidum occasio, glebas nitri è nave subdidisse : quibus accensis permixta arena littoris, translucentes nobilis liquoris fluxisse rivus*, libro trigésimo sexto, capite vigésimo sexto.

Calculi in Corpore Humano generantur, qui uti magnitudine, ita & duritie discrepant. Nam alii *friabiles* sunt, aliqui omnino *duri*, & non nisi ægrè dissolubiles.

Lapidum in *Vesica*, & Calculorum in *Renibus* nascentium, eadem, quæ aliorum, originis est ratio ; cum scilicet meatibus interclusis, Arenarum granula intercipiuntur, & inter se firmiter cohærentia, in quoddam arduum Corpus concresecunt. Certum est enim, *Sanguinem* & lotium percolari, exiguæque Terrestrium Corporum ramenta secum devehere, quæ talibus prædita sunt figuris, ut sanguine, aut lotio tardius in Renibus, & Vesica motis, cohærentia, Calculum, vel Lapidem componunt. Arenæ enim, quæ in Corpore Humano procreantur, partes *angulosas* habent, quibus facile sibi ipsis implcantur, & in massam abeunt. Unde fit, ut tantum Doloris dum è corpore emittuntur, adferant, quoniam cum urina devolutæ, membranulam suis *Angulis* contingendo, illam exco-
riant, & diffingunt.

Hic morbus, à parentibus in liberos, hæreditario quodam jure derivatur ; quia cum fibrarum plexus, maximè percolandis ramentis inserviat, & talis à prima partium Corporis formatione, seu organizatione proficiscatur, hæc à parentibus traducta, morbus in posteros transferri dicitur.

Lapidis cujusdam meminit R. P. *Mersennus*, qui in Aquam dulcem injectus, totus quiescit, in *Aceto* autem, vel spiritu *Vitrioli* movetur, & magis in spiritu Vitrioli, quam in Aceto.

Id provenire existimandum est, quod Lapidi isti, plurimi meatus insint, qui istius liquoris partibus viam facile præbeant : sed quorum figura, particulis Aquæ *dulcis* recipiendis inidonea sit, aut quorumcunque liquorum, qui illum non agitant. *Aceti* autem corpuscula, poros, qui in illo lapide sunt, subeuntia, latentes ibi Aëris, aut Aquæ particulas indè exturbant, quæ se in exitu dilatando, illum erigunt, & agitant, unde sequitur, ut eo versus impelli debeat, quo impellitur.

III.

Quomodo nascuntur Lapides in Corpore Humano.

IV.

Morbus calcularis hæreditarius est.

V.

Lapis quidam, qui in aqua dulci quiescit, movetur autem in Aceto.

VI.

An lapis prope
Romam in lig-
num converta-
tur.

Memoriæ mandant Historici, quasdam esse prope Romam lapicidinas, in quibus lapides, nativa forma relicti, *ligneam* induunt, sive in lignum convertuntur.

Sed facilius crediderim, ejusmodi lapides, non veram ligni substantiam assumere, sed externam duntaxat ligni *speciem* referre. Pari ratione, qua venæ lapidum *Novigenti* ad Sequanam, plantarum figuras æmulantur, & certas quasdam Arbores repræsentant.

VII.

Unde lapis no-
vum colorem A-
que immersus
acquirat.

Quidam lapis, instar *Alabastri* candidus, quem *Oculum Mundi* nonnulli appellavere, Aquæ aliquandiu immersus, non modo gravior efficitur, sed pellucet, & novum Colorem adipiscitur.

Ratio est, quòd ejus meatibus intrusus liquor, latius lumen diffundit, ejusque radios, eo modo, quo Arenæ granula refringit. Dubitari enim non potest, quin lapis ille, corpuscula pellucida habeat, & interceptum poris Aërem, qui liquoris ingressu, amandatur, & candidum colorem lapidi conciliat. Quippe exsiccatu postmodum lapis, albo Colore demissio, pristinum recuperat, & perspicuitate orbatur.

VIII.

Quæ causa La-
pidum, qui in
fluminum fun-
dâ gignuntur.

Lapides nonnunquam in fluminibus procreantur, imo fundus qui Aquam sustinet, exiguo Tempore, totus in durum Corpus convertitur. Meminit *Patritius*, dum *Avinione* studiis incumberet, Corpori ablundo, non rarò in minorem *Rhodani* alveum æstivis mensibus descendisse, & fundum, quem antea placidum, mollémq; repererat, ita induruisse, ut totus asperis lapidibus tegeretur.

Provenire id potuit, ex Terræ-motu, qui antea circa vallem *Clausam* contigerat. Apertis siquidem Terræ succussu hiatibus, magna Arenarum vis erumpere potuit, quæ à *Sorga* fluvio, in minorem *Rhodani* alveum delata, & illic sensim subsidens ac coacervata, pro varia ejus distributione, diversos Lapides composuit. Nec illud verisimilitudine caret, quum illi qui *Rhodanum*, aut *Druentiam* fluvios frequentant, testentur, se in eorum alveis, non rarò Equorum *soleas*, *clavos*, aliæque hujusmodi *ferramenta* invenisse, circa quæ, ita Arenæ granula confluxere, tantoque ordine sese adaptasse, ut una crusta lapidea circumcingerentur. Quoniam Arenæ ferramentorum occursum interceptæ, sibi ipsis adhæserunt, & duritiem mutuo contactu contraxerunt.

In Camporum superficiebus, Lapides inveniuntur, iis per omnia similes, qui in *fluminibus* concrefcunt: quippe magnitudine, & figura pares funt, utpote *ovales*, & nonnihil ad fphæricam formam accedentes.

Dici potest, hujusmodi Lapides, Aquarum impetu è montibus in subjectos Campos defluxiffè, aut è fluminibus aut stagnis, quæ aliquando exundaverunt, fuiffè illic asportatos. Constat enim Lapides, qui in *Crautia* campis fparguntur, non illic natos effè, fed ex *Druentia* & *Rhodani* effluviis, qui fedibus olim relictis, per ea loca vagati, limum & Arenam iis efformandis vexère. Nam non omnes, qui illic jacent, Lapides, æquales funt, fed magnitudine, quamvis non figura, diffentiunt. Qui enim ad medium accedunt, cæteris majores funt, minuuntur autem, prout ab eo diftrahuntur, ac recedunt. Sed minimi funt illi, qui extremum verfus porriguntur, quoniam *Druentia* & *Rhodano* illic aliquamdiu ftagnantibus, plus Arenæ circa medium devolutum eff, quàm verfus partes ultiores. Quod ita contigiffè argumento eff, quòd planities, quæ procu à montibus abfunt, hujusmodi Lapidibus deftituantur, & nullum eorum extet ullibi veltigium.

In quibusdam locis haud longe *Bristolio* diftitis, Teftæ, aut conchæ pifcium reperiuntur, varii coloris ac formæ; nam quædam Helicis fpeciem referunt, aliæ alio modo contorquentur: Verùm maximè vero fimile eff, hujusmodi Teftas non è fucco aut humore prodiiffè: fed potiùs Telluris concuffu, aut Aquarum irruptione; vel peregrinæ materiæ intra earum meatus ingreffu, quæ fua adhæfione, illis duritiem, & alias Lapidis Affectiones conciliavit.

Deprehenduntur Lapides in fontibus nafci, imo eorum fundus ita intumefcere, ut notabiliter excrefcant. Scaturiginis *Dunæ* mentionem facit *Gaffendus*, quæ quos præterfluit Canales, *Tophacea* intus crufta obducit.

Generantur in fontibus Lapides, dum eorum Aquæ, è rupibus, quas permeant, particulas quasdam deterunt: quippe particulas illas talis figuræ effè fupponimus, ut facilè inter fe compingantur, quando in iis locis cœunt, in quibus Aqua videntur minùs minùsque, quàm in rupium iftarum venis agitata, finit ut in fundum decidant. Talem partium erofionem tefta-

IX.

Unde oriuntur
Lapides in ex-
teriori Terræ
parte.

X.

Unde proveni-
unt Conche pro-
pe Bristolium.

XI.

Origo Lapidum
in fontibus.

tur Aqua illa Romæ, è fonte defluens, quæ Tubum per quem delabitur, ita incrustavit, ut illum *Alabastride* lapide, jamdudum temporis successu, oppleverit. Idem contingit in Crypta prope *Turonas*, in qua, Aqua inter cadendum plerumque lapidescit.

XII.

Novi procreantur lapides.

Unde cum *Peireskio* existimandum est, non omnes lapides à Mundi initio esse formatos : sed plerosque temporis progressu ita fieri, ut singuli propriis seminibus originem suam debeant, configurationem autem, partim ad naturam, partim ad casum referant : Nam cum variis in locis semen lapideum continetur, ubi id succo aut liquori immixtum fuerit, ipsum lactis instar coagulat, etque specialem formam imprimit.

ARTICULUS NONUS.

De Unionibus & Gemmis.

I.

Cur eadem sit Gemmæ & Unionibus figura.

Gemmæ & Uniones passim Lapidés appellantur, sed *propterea* addito nomine, quod eos magni Homines faciant, & diligentiori curâ ac labore expiscantur. In hoc *Gemma* cum *Unionibus* conveniunt, quod eandem figuram habeant, & licet variis in locis orti, nunquam dissimilem formam referunt.

Causa est, quod Uniones in *Conchis* politissimis generentur, in quibus tantus nitor inest, ut procreati in earum cavitatibus Lapilli, eandem prorsus politiem exhibeant. Sunt enim *Uniones* in initio, veluti quidam tumores, *verrucarum* adinstar, ex eadem concharum materia orti, qui post aliquod tempus excreti, Lapidés evadunt. *Gemma* verò, succorum percolatione generantur, qui cum paucissimi sunt, nec magna eorum copia parari queat, fit, ut unus guttæ effluvio, singularis *gemma* exurgat, & non nisi auctâ materiâ, sive pluribus guttis accedentibus, plures efformentur. Quæ licet fortè inter se magnitudine differant, ob similem tamen in ipsis *Materiæ Subtilis* actionem, uniformi *figura* donantur.

II.

Varia in variis lapidibus figura.

Hinc fit, ut *Crystallus* figuram hexahedricam habeat, *Smaragdus* dodecahedricam : *Adamas* & *Rubinus* octahedricam, & sic.

sic de aliis : quia dum coagulantur, instar granorum spicæ intra vaginam, diffunduntur ac multiplicantur, ob specialia scilicet semina, juxta quæ lapides, non minùs constanter quàm *Stirpes & Animalia* suas configurationes sortiuntur. Sic *Jaspis, Porphyrites, & Marmora*, sponte segmentata sunt, & vermiculato emblemate tessellatim variegata. Sic *nux muscata*, intercurfantibus interveniis striata est. Quod ipsum in *Robore*, tum alterius generis lignis assulatim dissectis perspicimus, quæ multiplici venarum decursu, multisque licturis undulata splendescunt.

Lapides pretiosi penè omnes Colore discriminantur : quidam enim *diaphani* sunt, alii tantùm non ad *opacitatem* accedunt ; neque inter perspicuos est convenientia. Nam *Carbunculus* *purpureo* diluitur, *Smaragdus viridi*, *Sapphirus caruleo*, *Hyacinthus subflavo igneo* ; *Amethystus violaceo*, *Opalus vario*, & cætera.

Lapilli perspicui sunt, cum Halitus, sive Vapores, qui in succos mutantur, ita in Terræ meatibus colliguntur, ut lubricis ac fluidis eorum particulis exhalatis, ita mutò sensim adhærescunt, ut globuli *Secundi Elementi* commodè eas perlabiqueant, ad *Luminis actionem* transferendam. Illi autem opaci redduntur, dum Halitus in arctis quibusdam Terræ meatibus intercepti, sistuntur, & ita Terræ particulis involvuntur, ut nullis globulis æthereis aditus pateat. Quòd autem quidam Lapilli diversis *Coloribus* diluantur, à varia corpusculorum mistura procedit, quæ diversimodè lumen reflectunt, & variis modis oculos nostros afficiunt. Id ex Aquæ cum Vinomixtione, dilucidè apparet, ubi utriusque Color ita confunditur, ut Aqua Vini *rubedinem* induisse videatur, & Vinum ad Aquæ *pallorem* deflexisse.

Nonnulli Lapides nævos contrahunt, quasdamque maculas exhibent, ut *Achares* & alii.

Quia succus ex quo formantur, in receptaculis colligitur, ubi tanquam in Matrice deponitur, tantillumque antequam concreascit, quiescit : unde quicquid impurum est, paulatim in fundum devolvitur, & tanquam *amurca* subsidit. Si verò, priusquam Heterogenæ partes inum petiverint, coaguletur, & in massam unam abeat, fit ut Lapilli maculas quasdam induant, aut lineis variis aspergantur. Sic sæpe intra *CrySTALLUM*,

V

III.

Unde diversitas colorum in Lapidibus pretiosis.

IV

IV.

Cur nevi in aliquibus Lapidibus apparent.

quid ex illis detractum, id contingit, quòd aliqua pars Succio per rimas inter concrefcendum delapfa, productioris formæ evaferit, & imum verfùs propenderit.

Hinc deduci ratio poteft, cur pretiofi lapides, fundum craffum & obfcure habcant; quia cum liquor limpidus, è quo finguntur in Vafe, feu conceptaculo aliquamdiu contineri, ac conquiefcere debeat, quicquid impurum eft, fubfidit, coagulationemque proinde hebetiorem facit, & fundum quadam obfcure afficit.

Quare non Cryftallus modò, fed & Adamas, Amethyftus, & miles lapides, limpido liquori originem fuam debent. Cæterum non imaginandum eft, dum coagulantur, totum liquorem in unam mafam concrefcere, fed tunc ipfi lapides diffunduntur, & granorum Spicæ ritu intra vaginam multiplicantur: fic ut pro fpcciali Seminis indole, variam fortiantur figuram. Ut Cryftallus oblongam Hexahedricam; Smaragdus dodecahedricam; Adamas & Rubinus Octahedricam, quam tam conftanter fubeunt, quam Stirpes & Animalia, configurationis fuæ tenacia funt.

Paffim jactatur quòd Adamas indomitæ fit duritici, adeò ut nec ferro, neque malleis, aut incudibus cedat. Imo ejus natura eflè Ignium victrix, ut in ardentiffimam fornacem injectus, non incalefcit: nihilominus Hircino fanguine teritur, fed non alio, quàm recenti & calido.

Hæc quidem vulgò credita funt, fed quæ falſitatis Experimenta convincunt. Igni enim & Ferro Adamas cedit, & non minùs unius, quàm alterius viribus minuitur. Nam teſte Bodino Theatri nat. Libro ſecundo, malleo in ſcobem redigitur, & ferro atteritur piſtillo. Ab Igne quoque ſuperatur, & in Calcem flamma diurna redigitur. Neque magis verum eſt, quòd de eo ſpargitur, nempe ejus pulverem propinatum dyſenteriam gignere, cum conſtet quòſdam Servos, ut furtum tegerent, integros devoraſſe, quos tamen impunè, citràque Valetudinis læſionem egeſſerunt. Imo drachma unius pondere, ſub forma ſcobis propinatus, non magis quàm panis obuiſſe dicitur. Cardanus libro ſecundo, tract. 5. contrad. 9.

Vis electrica non eadem ſemper in Adamante conſtat. Obſervavit illuſtriſſimus Robertus Boyle, in quodam, iplius Anulo inſerto, Virtutem ejus mutari, & aliquando vegetiorem, interdum debiliorem fieri.

VIII.

Cur lapidum pretioſorum fundi obſcure ſunt.

IX.

Pretioſi Lapides ſunt ex limpido liquore.

X.

An Adamas igni non cedat, & ſanguine hircino teri poſſit.

XI.

Vis electrica in Adamante mutatur.

Ratio

Ratio est, quòd licèt Adamas Corpus sit *solidum*, partésque ejus sibi firmiter adhærere videantur, intestinum tamen aliquem motum patiuntur, nec ulla fortè solida adeò dari Corpora, quæ omnis motùs sint expertia. Ac proinde mirum non est, si immutata partium textura, vis Corporum alteretur: Verùm, quòd partes in *Adamante* agitentur, testatur *Coloris* diversitas, quam in eo deprehendissè asserit Vir Clarissimus, qui nonnunquam magis, nonnunquam minùs, cùm affrictus est, radiat ac fulget. Quæ mutatio citra motum peragi non potest.

XII.

Qui Adamas
tantum fulgo-
rem emittit.

Adamas inter cæteras gemmas, maximè *fulget*, & acre Lumen versùs oculos emittit.

Quoniam ex succo defæcatissimo concrefcit, cujus partes in percolatione ita dividuntur, ut receptos radios undique reverberent aut refringant. Sunt enim singulæ ejus particulæ veluti tot *specula*, quæ Lumen retorquent, & visum eo modo quo percutiuntur, referiunt. Id etiam tincturæ, cujus maximè capax est, assignari potest, non propter innatam quandam Similitudinem, ut *quidam* somniant, sed quia talis est partium ejus dispositio ac situs, ut cuncta *Tinctura* filamina appositè conveniant, & meatus ejus omnes occupent; quod ad Radiorum retorisionem, maximè juvare sciunt omnes, qui aliquid de *Optica* sciunt.

XIII.

Lapides pretiosi
non semper ean-
dem faciem præ-
se ferunt.

Turcoidis meminit Clarissimus D. Boyle, qui Colorem mutaret, variisq; modis, oculis objiciebatur. Nam cùm, nè Oculis illusio fieret, depingi accuratissimè curasset, varias ejus, diversis temporibus, imagines deprehendit, atque Maculas non eodem loco, sed semper alio & alio mutatas.

Id alia ratione contingere non potest, quàm quòd Solidorum etiam Corporum partes, intestino *motu* agitentur, & nonnullam *situs* alterationem subeant; Quamvis is motus imperceptibilis sit, & oculos nostros fugiat. Nam quo alio ritu, *lapides*, *saxa*que ipsa, è quibus ædes construuntur, temporis lapsu, indurescunt, cæmentaque compactiora evadunt, ni eorum partes moveantur, & lentà quâdam agitatione, ad se invicem accedant? Imo observavit Vir Doctissimus Nebulam in *Achate* paulatim evasisse, Electricam Virtutem, sive radiantem, in eodem *Adamante*, non semper eandem manere: sed interdum vegetiorem, interdum debiliorem. Quæ omnia

omnia Phænomena *motum* aliquem, quamvis lentum, in *gemmis* arguunt, & non omnimodam earum partium firmitatem. Ut antea tetigi.

Corallium, quod sub *Aqua marina* arborescit, & in truncum ac ramos expanditur, extra Mare eductum, & *Aëri* expositum, statim in lapidem induratur, & pristinam mollitiem amittit. Ut eleganter *Ovidius*, *decimo quinto Metamorph.* describit.

XIV.

Cur Corallium sub Aquis molle, statim Aëri expositum durecat.

Sic & Corallium, quo primum contigit auras, Tempore, durefcit, mollis fuit herba sub undis.

Id si verum est, & Poetæ authoritati standum, hujus ratio assignari potest, quòd Corallium sub Aquis marinis delitescens, multo Sale imbuatur: Unde in Aërem eductum, humore exhalato, solidum redditur, & firmitatem acquirit. *Fluidæ* enim particule Corporum meatibus inclusæ, illos dilatant, aliasque ipsorum particulas motu suo concutiunt, quod eorum mollitiem efficit; sed iis evaporatis, aliæ, quæ remanent, arctius junguntur, & firmiori vinculo sibi adhærent. Sic teneriores *Plantæ* ob Humoris & Salis copiam, quibus distenduntur, fissiles prius fiunt, sed senescentes, humore detracto, Aëreque earum poros permeante *indurefcunt*, & frangi se potius quam duci patiuntur. Sic testatur Petrus Pellepratus, quoddam argillæ viridis genus, haud procul à fluminis Amazonis ostio reperiri, quæ quamdiu sub undis reconditur, mollis est, ubi verò Aërem attingit, tantam duritiem adipiscitur, ut ex ea secures pristinis temporibus incolæ confecerint.

Verum cum Corallium minerale esse existimem, & pretiosi lapidis genus, facilius crediderim, illud ex glutinoso quodam succo efformari, & vi *Salis*, quo abundat, in lapidem conversum, in fruticis formam assurgere. *Sal* enim plurimum ad Plantarum incrementa confert, efficitque ut infrondes ac ramos expandantur. Id se expertum testatur *Signior Paulo Boccone*, qui cum Coralliorum piscationi adesset prope *Messinam* in *Sicilia*, manu in rete injecta, priusquam à piscatoribus, extra Aquam duceretur, illa omnino dura invenit. Sic planta, dum adolescit, quoniam humore turget, salèque habet maxime diffusum, fissilis magis, quam fractilis efficitur: Ubi verò senescit, & sale compacto exaruit, fractilis magis quam fissilis evadit.

XV.

Corallium non mollescit sub Aquis.

ARTICULUS DECIMUS.

De Magnete.

I.
Cum Magnes
versus polum
Borealem diri-
gatur.

SI Magnes in Aëre tranquillo suspendatur, aut, *hydrargyro* impositus, liberè supernatet, illicò deprehenditur ita moveri, variâsque in partes deflecti, donec se ad meridianum componat, & polorum unus in *Boream*, in *Austrum* aliter convertatur. Non tamen æqualiter, quasi in *horizontali* situ listatur, sed ea parte, qua *Boream* spectat, infra horizontis planitiem deprimitur, ut quantum poterit, versùs polum Terræ *Borealem* dirigatur.


Hujus conversionis ratio, à *Materia striata* pendet, à qua Magnes vires suas accipit; cujus particulae ita sunt intortae, ut quæ è polo *Australi* egrediuntur, polum oppositum scilicet *Borealem* subire nequeant, ac proinde in Magnetis meatus *hydrargyro* innatantis obliquè irruentes, illum ea qua pollent virtute, impellunt ad suum Motum perseverandum secundùm lineas rectas. Quo demum fit, ut Magnes post aliquot hinc & inde agitationes, ad statum naturalem redigatur. Adeò ut, secusò impedimento, polus *Australis* Magnetis versùs *Borealem* Terræ polum tendat, & *Borealis* versùs *Austroalem*. Quia materia illa striata, quæ à polo Terræ Boreali per Aërem interjectum ad *Austrum* pergit, prius ab *Australi* Cœli parte, per mediam Terram venit, & illa à *Boreali* venit, quæ ad *Boream* regreditur. Quòd autem Magnes non se in *horizontali* situ contineat, sed versùs *Borealem* polum declinet, id provenit, quòd Nos in Boreali parte versemur, & Polus ejus *Borealis* infra *horizontem* propius, quàm *Australis* demergatur.

II.
Magnete in par-
tes diviso poli
ejus mutantur.

Magnete in duas partes per longum *diviso*, poli earum immutantur, & illa fragmenta quæ ante sectionem jungebantur, eisdemque polos spectabant, se fugiunt & averfantur. Nam si partes A & a sibi mutuò priùs adhærebant, item B & b in extremo opposito, partitione facta, a versùs B convertitur, & b versùs A, adeò ut polus Borealis unius cum alterius Boreali, nec Australis cum Australi ampliùs conveniant.

Ratio

Ratio est quòd particulæ striatæ *Australes*, quæ per partem *Borealem* unius segmenti egrediuntur, debent in aliud per *Australem* ingredi, & egredi per *Borealem*. Cum igitur particulæ striatæ, quæ ex majori segmento *A b* egrediuntur, *Australes* sint, invertere debent superius *A b*, & ita illud adaptare, ut liberè per *a* ingrediantur, & per *B* exeant. Supponitur enim *A* esse polus *Australis*, per quem *Australes* particulæ subeunt, quæ ab interiori segmento egrediuntur per *b*, quæque proinde in superius per *b* ingredi non possunt, cum sit *Borealis*, & *Borealibus* recipiendis inidoneus.



Magnetis poli, non semper accuratè versùs *Terræ* polos diriguntur, sed ab iis variè declinant, ut *Gillebrandus Anglicus* nuper evulgavit, prolata observatione *Burrusii*; qui exquisita operatione deprehendit anno millesimo quingentesimo octogesimo, declinationem esse *Limhusii* propè *Londonium*, graduum *tredecim*, minutorum *triginta* quinque. Itémque *Gunteri*, qui anno millesimo sexcentesimo vigesimo secundo, esse solummodò graduum *sex*, minutorum *tredecim*: Ac denique sui ipsius, qui millesimo sexcentesimo trigesimo quarto, deprehenderit esse solum graduum *quatuor*, minutorum *duorum*. *Gassendus*.

III.
Quæ causa declinationis in Magnete.

Hujusmodi decrementa, à *Terræ Inæqualitatibus* proficiscuntur. Constat enim quædam loca pluribus ferramentis abundare, quàm alia, nec *Magnetes* per totam *Terram* æqualiter dispergi; sed plures simul in uno ejus tractu reperiri. Unde fit, ut particulæ striatæ, quæ liberius per *Magnetica* corpora, quàm per alia cætera feruntur, à *Terra interiori* erumpentes, majori copia versùs certa quædam loca fluant, quàm versùs alia. Sicque non rarò, ab itineribus suis devient, & versùs illa corpora defleant, quæ faciliùs permeant. Quia verò polorum *Magnetis*, aut extremitatum *Acus* conversio, à solo istarum particularum cursu pendet, versùs illam partem dirigere se debet, in qua est major *Materiæ* quantitas, ad illam trahendam idoneæ. Illius rei in *Magnete*, qui alterius figuræ

IV
Quæ causa declinationis in Magnete.

est, quàm *Spharica*, experimentum haberi potest : quippe si *Acus* exigua, diversis ejus partibus applicetur, non eodem semper prorsus modo, ad ejus *Polos* se convertet, sed sæpè ab ipsius aliquantum declinabit. Mirum igitur videri non debet, si in uno & eodem loco, Magnetis *declinatio* mutetur, & temporis tractu ejus poli non semper accuratè polos terræ respiciant. Quoniam hæc Materia potest, Nobis insciis locum mutare, exempli causa, in Maris fundo, aut in Terræ cavis, vel etiam Ferrum ex unis *Terræ* partibus, in alias ab Hominibus transferri potest, & diversis usibus deputatum corrumpi, & in aliud Corpus degenerare.

IV.

Non semper magnetica corpora ab Austro in Boream diriguntur.

Hinc apparet, quàm citra rationem, philosophorum aliqui, ostendere conentur Magnetis declinationem, per *Urse* minoris deviationem, aut poli *Eclipticæ* à polo Mundi : Cum multa loca reperiantur in quibus declinatio sit ad occasum : Ut passim ad latus orientale Septentrionalis *Americæ*, ad Occidentalem plagam *nove Zemble*, ad Orientalem *Africæ*, ad Occidentalem *Gœæ*. Imo in Azoribus Insulis inter Europam scilicet ad Ortum, & Americam ad Occasum, neutram in partem distrahitur : Uti in Insula *Trinitatis*, in Promontorio *Acuum*, prope Promontorium Bonæ Spei, *Vienne* in Austria, & aliis.

V.

Minor Declinatio est in magnete supra polum erecto.

A nonnullis asseritur, in Magnete *Spharico*, supra unum ex polis suis erecto, minorem esse *Declinationem*, quàm dum ejus poli à Terra æqualiter distant.

Id ex eo oriri potest, quòd striatæ particulæ in superiore Telluris nostræ Regione, non modò per lineas ab ejus Centro æquè distantes, ab uno polo ad alium revertuntur; verùm etiam ubique (si *Æquatorem* excipias) quædam ab interioribus ejus partibus ascendunt, & Magnetis supra polos erecti *Conversio* ab his ultimis, *Declinatio* verò à prioribus potissimum dependet.

VI.

Magnes ferro vim suam communicat.

Magnes virtutem suam Ferro impertit, & ita illud tactu suo immutat, ut eodem quo ille modo, ad Mundi polos dirigatur.

Id fit ob magnam inter utrumquæ affinitatem : tanta enim est inter illa naturæ similitudo, ut Magnes crudum indigestumque ferrum dici queat : Ferrum autem decoctus Magnes, & pars ejus defæciatior. Nam Ferrum è *Magnete* conflatur, ex quo


quo tanquam ex vena eruitur, & defluit. Hinc in *Anglia*, *Italia*, *Germania*, aliisque locis, ubi *Ferrum* effoditur, *Magnes* quoque passim reperitur, & ambo ab eadem matrice pendent. Quomodo autem *Ferrum* *Magnetis* virtute imbuatur, & ei admotum, propensionem ejus acquirat, fiet manifestum, supposito, *Ferrum* *meatus* particulis striatis recipiendis idoneos habere, nihilque ad vim comparandam deesse, nisi quod exiguæ quædam ramulorum, ex quibus ramenta constant, extremitates, hinc & inde in *Meatibus* istis promineant : quæ omnes versùs unam & eandem partem inflecti debent, in iis *Meatibus*, per quos striata Materia ab *Austro* veniens, & in aliis versùs oppositam transire queat. Verùm, *Magnete* appposito, striata Materia ab uno *Terræ* polo ad alterum indefinenter commean, magno robore, magnaue quantitate, ad modum *Torrentis*, in *Ferri* poros irruens, istas ramulorum extremitates co pacto inflectit : Ac proinde omnia supplet, quæ ad vim *magneticam* obtinendam in eo desiderabantur.

Hinc *Chalybs* aptior redditur ad vim *magneticam* recipiendam, quàm vilius *ferrum* ; quoniam plures & perfectiores *meatus* habet, striatis particulis recipiendis idoneos. Imò eam firmiùs servat ac tuetur, quia ramulorum in iis *meatibus* prominentium extremitates, minus flexiles sunt, & difficilior in partem contrariam adigi possunt.

Magnes armatus A, plus *ferri* B & C sustinet, quam nudus : Observavit enim *Galileus* frustulum sex uncias pendens, VII.
Cur armatus
magnes plus attrahat, quam nudus. vix duas uncias inerme sustinere, armatum vero centum sexaginta, atque adeo octuplo plus attrahere, quam inerme, & quidem pondus, suo pondere 25 vicibus majus.

Major illa attrahendi vis oritur, ex eo quod ferrea magnetis Armatura DE, Vid. Fig. in pag. seq. *Magneticas* partes habeat ab immunditie terrestri, ac heterogenea depuratas, ac proinde ejus pori, cum *meatibus* *ferri* appensi B C aptissimè congruentes, fit ut particule striatæ, per hos *meatus* ex uno ferro in aliud transeuntes, omnem *Aërem* intermedium expellant, efficiantque ut eorum superficies, se invicem immediatè contingentes, difficillimè disjungantur, & ita pondus B vel C fortius *Laminæ* ferreæ, DE, (quam armaturam appellant) adhæret & connectitur. Nullo enim glutino duo Corpora meliùs adinvicem possunt alligari, quam immediato contactu.

Magnes.



VIII.

*Calefactus
Magnes vim
ferri attrahendi amittit.*

Magnes si probe incalescat, omni virtute Ferrum attrahendi destituitur, imo non amplius versùs Terræ polos dirigitur. Vidimus non sine magna animi nostri voluptate, *Magnetem* accensis Carbonibus cumulatum, cæruleam flammam sulphuream, & ferream eructare, qua dissipata, simul cum abeuntis Animæ qualitate trahendi beneficium amisisse. *Porta magia naturalis libro septimo.*

Hæc jactura procedit, quòd Igne Magnetis meatibus immisso, multæ tenues, ac lubricæ particulæ abigantur, quarum ablatione, novæ partium plexus, novæque pororum dispositio oritur. Quemadmodum in *Baculo ligneo* videmus, quod Igni admotum, paulatim incurvatur, & aliam inflexionem subit. Quoniam Caloris vi, quædam ejus partes propius ad se invicem accedunt, aliæ autem secernuntur, & aliam affinitatem cum aliis ineunt. Unde fit, ut Igne *Magnetis* ramentorum situm invertente, striata materia illam permeare solita, laxiores


res solito meatus inveniens, exignam, aut penè nullam Virtutem in illis exerceat.

Sic lachryma illa *Vitrea*, quæ extremo apice resecto, in minutissimum pulverem, cum impetu abijt, Igni sensim admodum, vim elasticam amittit. Quia partes, quæ prius tensæ erant, intromisso calore laxantur, & à se invicem paulatim evolvuntur; quo fit ut earum ordine immutato, non tam strictè se complectantur, nec amplius adinstar *baculorum* spiris contortorum se habeant, ac proinde debiliùs incusso malleo oblectantur, & elasticam vim suam amittunt.

Verum si Magnetis polo, à dextra in sinistram, *Ferrum* applicetur, & postmodum motu opposito, à sinistra in dextram; vim prius acceptam illico amittit, eo quod contrario illo subtilis Materiæ transcurso, partium, quibus constat Magnes, contextura immutatur, & pori aliter quàm antè efformantur. Quod celerrimè etiam peragi necessum est. E contra in fenestris, quæ *Boreali*, aut *Australi* polo obversantur, sæpè probatum est, quòd virgæ ferreæ, permanentem magneticam virtutem retineant: quoniam striata Materia, ab illis polis proveniens, temporis successu, viam sibi in ferro excavavit, & non nisi lento motu, se insinuavit.

Lamina ferrea, quam antè diximus, Magnetis polo admotam, vim ejus ferri sustinendi augere, vim ferri convertendi impedit. Quippe lamina ferrea D C D, obstat ne magnes A B, cujus polo adjuncta est, acum E F ad se attrahat, aut convertat. Ratio est, quòd particulæ striatæ è Magnete egredientes, ferrum potius, quàm quodvis aliud corpus ingrediuntur; unde à B versùs E F

progredierentur, si lamina magnetis polo non conjungeretur, quoniam vero per ipsam liberiùs, quàm per Aërem fluunt, fit, ut vix ulla ad acum E F perveniant. Et certè præter ferrum, aut magnetem, nullum aliud corpus in laminæ C D substitui potest, à quo magnes A B impediatur, ne vim suam in acum E F exerceat. Ut dictum est in *Institutione Philosophiæ*.



IX.

Lachryma Vitrea vim suam elasticam igni apposta amittit.

X.

Magnes mutata polis, vim suam amittit.

XI.

Lamina ferrea vim magnetis attrahendi impedit.

XII.

Quid censendum
de sepulchro Ma-
hamedis.

Passim inter Homines jactatur *Mahamedis* Sepulchrum in-
ter duos Magnetes paris roboris suspendi, & ita medium te-
nere, ut nec solum, nec culmen attingat.

Sed hæc & similia fabulas esse existimo: humanam enim
Industriam excedit, ut duo, aut plures Magnetes æqualis prorsus
Virtutis comparentur, quique ita adaptentur, ut interje-
ctum ferrum ea sit figura ac temperie, ut non fortius ex una
parte, quàm alia alliciatur: cum exigua differentiâ in *Mag-
nete, Ferro*, aut in ipso etiam loco, æqualitatem illam inverte-
re possit. Nec cum majori Authoritate recipiendum est, quod
de *Bellerophontis* Equo, & de Statua in *Serapis* Templo, à
nonnullis proditur. Hæc enim commentitiæ Fabulæ prodi-
derunt, & nimia in Hominibus omnia credendi *proclivitas*.

HISTO-

HISTORIÆ NATURALIS PARS SEXTA.

De Meteoris.

ARTICULUS PRIMUS.

De Vaporibus, & Exhalationibus.

Vapores copiosiores à Terra assurgere videntur, tempore hyberno, quàm *estate*, dum Sol directiùs Terram ferit, & acriùs stagna fluviòsque diverberat. Hinc pluviarum vis major decedit, & Aër nebulis, ac etiam nubibus magis oneratur.

I.
Cur Vapores copiosiores apparent hyeme quàm estate.

Hæc vulgi est opinio, qui de Naturæ œconomia solis Sensibus judicat, & citrà examen admittit quicquid magis est obvium. Sed contrarium suadet ratio, quum fieri nequeat, ut Sol cujus præsentia, *Exhalationes* & Vapores in Aërem attoluntur, diutiùs *stagnis*, & locis *paludosis* æstate incumbat, & non plures Vapores elevet, quàm hybernis mensibus, in quibus non nisi obliquè, & languidè ea exagitat. Deinde, videmus *Aquas* æstivo tempore, solito magis deprimi & notabiliter decrescere. Quod autem Vapores copiosiores *hyeme* sint, Aëremque largiùs complere videantur, ex eo oritur, quòd Aëre ob Solis absentiam gelido, multum ascendere non possint, sed illicò condensentur, & graves effecti relabantur, & Terram denudò repetant.

II.

Unde plures
Vapores ex una
parte Terræ,
quàm ex alia
oriuntur.

E quibusdam Terræ locis plures Exhalationes erumpunt, quàm ex aliis; non solum in iis Terrarum tractibus, quos densæ, & opacæ sylvæ operiunt, sed in iis, qui æqualem à Sole Calorem recipiunt.

Id ab Ignibus subterraneis oriri potest, qui inclusum Humorem agitando, illum per varios ductus transmittunt. Non enim ambigi potest, quin in multis Terræ partibus, obscuri quidam Ignes lateant, qui exhalabilem materiam ad ascendendum compellant, & divisis ejus partibus, in Vapores, aut Exhalationes transmutent. Ut videmus cultos hortos, aut aratum solum, plura emitte effluvia, præsertim si Calore externo foveantur, & illis Sol impensius incumbat.

III.

Cur Aqua in
Vaporem versa
plus spatii exi-
gat.

Hinc clarè deducitur, quorsum Aqua in Vaporem conversa, plurimum loci occupet, quoniam partes è quibus Vapor componitur, ob concitatam earum actionem, in omnes partes celerrimè rotantur, & eadem opera in longitudinem suam porriguntur. Unde oritur, ut illarum singulæ, reliquas sibi similes, irruptionem in parvas sphaerulas, quas describunt, molientes, dimovere atque expellere possint. Modo haud prorsus ablimili, quò Baculo L M, intra quem funiculus N P traductus est cum magna vi circumvoluto, videmus rectum atque expansum funiculum porrigi, eo ipso totum spatium circulo N O P Q contentum occupantem: ita ut aliud Corpus quodcumque ibi locari non queat, quod non cum impetu feriat, & exturbare conetur.



IV.

Aër rarefactus
non in Ignem de-
generat ut placet
Aristoteli.

Sic manifestum evadit, quàm perperam Aristoteles crediderit, posse Aërem ita dilatari, atque ad tantam tenuitatem reduci, ut naturam suam immutet, atque Ignis formam adipiscatur; Quippe experimur quòd si piscis, exempli causa, Lucii vesicula, aciculâ perforetur, & mox liquore evacuato, ita torqueatur, ut nihil Aëris remaneat, mox ita foramen obferetur, ligaminéque stringatur, ne quicquam postea Aëris subingredi queat. Dein vesicula Tubo vitreo basis ampliata, oréque repando apertæ imponatur, qui ubi porcinâ vesicâ obductus revinctusque hydrargyrum admiserit, Lucii vesicâ in ejus summitate inclusa, cum spectantium stupore, ita explicabitur, circumque diducetur, quemadmodum à pisce fuerat

fuerat primum educta, quamvis Aer in vesica inclusus, ultra centuplum dilatetur, & à materiæ subtilis in ea contentæ, actione, plurimum rarefiat.

Halitus, ex hominis ore emissi, frigido præsertim tempore, circa fenestras concresecunt, & in Aquæ gustas, aut glaciem convertuntur.

V.
Quomodo Homi-
nis halitus in
fenestris concre-
scit.

Id fit, quòd Stomachi Calore Vapores expulsi, ad fenestras devehuntur, quas cum ob crassitiem suam prætergredi, & transire non possint; urgente intrinsecus frigore, in Aquam concresecant; & si contingat auram nimium exasperari, frigusque solito acris sævire, glacies circa fenestram efformatur, quæ prout Vapores paulatim congregantur, & uni aliis incumbunt, varias figuras repræsentant, aut etiam nonnullis florum imaginibus, fenestras adornant.

Effluvia, quæ è Corporibus manant, odore distinguuntur: quædam enim salubres, alia noxias exhalationes emittunt. Ubi rosarum copia est, totus circumvicinus Aer, rosaceo odore perfunditur. E diverso, vitiosus, putredinique obnoxius evadit, si sterminus, aut aliud quid fetidum ambiat.

VI.
Quædam Corpo-
ra salubres, a-
lia noxias Ex-
halationes emi-
tunt.

Ratio est, quòd Effluvia illa, quæ per Aerem vagantur, nihil aliud sint, quam vivide, ac subtiles Terrestrium Corporum particule, quæ Solis Calore concussæ, in altum devehuntur; ad eum modum, quo madefactus pannus, ad motus Igni, vapidos halitus emittit. Salubres igitur, noxiæve Exhalationes sunt, prout sana, aut vitiosa sunt illa Corpora, è quibus extrahuntur. Sic Vapores, qui ex sola Terra assurgunt, sicci sunt, quoniam terrea siccaque corpuscula secum deferunt. Qui è Mari xerò effluunt, Humorem quandam, frigiditatemque præse ferunt; quia flexiles ac illobricæ Aquæ particulas devehunt, quæ simul junctæ liquidum ac gelidum Corpus componunt.

Non mirum igitur à quibusdam videri debet, quod à Domino Digbae, in suo de pulvere sympathico libello, de Urbe Londinensi refertur, quòd Aer, qui illam circumcingit, hybernis præsertim mensibus, totus fuligine, & sale volatili repleatur, quia cum per vastam illam Urbem, è fossilibus carbonibus foco utantur, per Aerem salis & fuliginis particule volitant, quæ obserata conclavia, cistæque penetrando, lectos, aulas, & omnia quæque nitida sordant & corrumpunt. Nec absque ra-

VII.
Unde et Phebi-
si Londini mori-
untur.

tione censent *Medici*, innumeros *Londini* incolas *Phthisim* contrahere, & *peripneumonicos*, seu *consumptos*, aut aiunt, interire. Quia tali Aere attracto, inflammatione Pulmones infestantur, & sensim exulcerationem patiuntur.

VIII.

Quare quidam
halitus Corpori
sunt noxii.

Inde faciliè explicatur, quomodo Halitus, sive in Aère, sive in Animalis corpore, corruptionem inferat; Et idem sanguis, aut flamma præstet. Quippe sicuti *Coaguli* particulæ, per Lactis substantiam diffusæ, ejus particularum situm immutant, & ex liquido fixum, durumque reddunt: Sic exigua pestilentis halitus partes, Aëris meatus penetrando, partium ejus texturam pervertunt, eique insalubritatem conciliant. Unde de hujusmodi halitu insinuari potest, quod habet *Ovidius*,

*Hæc ratio quondam Morborum, & mortifer æstus
Finibus Cecropiis, &c.*

IX.

Exhalatio non
tam faciliè sur-
sum fertur quàm
vapor.

Vapor faciliùs citiusque sursum fertur, quàm Exhalatio, ut videri potest in *Salis*, *Nitri*, ac *Vitrioli* distillatione, è quibus non nisi cum magna difficultate aliquid educitur.

Causa, quòd Aqua, quæ Vaporibus materiam subministrat, ex lævibus, longis, ac lubricis partibus constat, ad *Anguillarum* modum efformatis, quæ licet inter se adhæreant, & implicentur, nunquam tamen ita nexæ copulantur, quin facili opera à se mutuo divelli queant. Terra verò, ex qua Exhalatio educitur, magis irregulares habet partes, quæ tanquam *virgultorum* rami in sepibus, facile sibi ipsis adhærent, & non nisi ægrè divelluntur. Quo fit, ut Vapor ex tenuibus, ac lubricis Aquæ particulis conflatus, faciliùs ascendat, & minori Solis agitatione in altum evchatur, quàm Exhalatio, quæ ob firmiorem partium suarum nexum, infra detinetur, & non nisi ab aliis Corporibus sulta ascendit.

X.

Halitus ore e-
missus in hye-
me videtur, non
autem æstate.

Halitus, qui hyberno tempore, ex ore transmittitur, sicut & Equorum, aliorumque Animalium sudor, dum calescunt, magis fit conspicuus, quàm æstate.

Ratio est, quòd Vaporum particulæ, quæ tempore æstivo, per Aërem deferuntur, Materiæ Subtili magis obsequantur, & quibuslibet ejus impulsibus cedant. Hyemali verò tempore, quo Subtilis Materia debiliùs agitur, Halitus, aut sudor, propter

propter Aëris frigus, specie densi & obscuri fumi crassescunt, & non raro in Aquam abeunt : imo si augeatur frigus, & asperum inclemensque Cœlum fiat, *barbis*, aut *capillis* adhærentes congelascunt. Æstiva autem tempestate, non videntur propter Calorem Aëris, in quo dissipantur, & liberius se expli-

cant ac expediunt. Unde dubitari non potest, quin Corpora quantumcunque solida, aliqua effluvia extra se mittant, & suam Atmosphæram habeant. Quod non in *succino* modo, *camphora*, *cera Hispanica*, & similibus cernitur, quæ odorem per diffusum circa se Aërem expirant; sed in *lignis vasibus*, quæ exquisitæ lanci appensa, sui ponderis aliquid amiserunt. In *Ovis*, quorum substantia, etiam gelida tempestate evaporatur. Imo & in ipsa *glacie*, quæ nocturno tempore, dum frigus potissimum viget, Aëri exposita, pondere decrescit, & quoad substantiam notabiliter minuitur. Si in certis quibusdam corporibus, huiusmodi effluxus non deprehenditur, id forte oritur, quod non satis exquisitæ bilances nobis suppetant, quæ id exactè nobis indicent, cum & lances ipsæ, & pondera, diminutionem etiam patiantur, nec semper eadem gravitate constant.

XI.

E corporibus quibusvis efflu-
vium aliquod
emanat.

ARTICULUS SECUNDUS.

De Ventis.

Circa Solis exortum, *Eurus*, sive Orientalis Ventus passim sentitur, & circa illius Occasum *Zephyrus*, sive Occiden-
talis : quam differentiam illi maximè experiuntur, qui in longè distito à Terra mari, vela faciunt.

I.

Mane *Eurus*,
vesperi autem
Zephyrus pas-
sim sentitur.

Illud à Solis præsentia pendet, qui Terram concutit, & Vapores in Aërem elevat : nam cum magna Terræ pars, à Sole semper illuminetur, necessum est, ut ex ea plures Vapores attollat, qui, eo decedente, iterum relabuntur, & orientales, atque occidentales plagas petunt, eorum nempe Vaporum spatium occupaturi, quos nocturnum frigus ibi condensavit : ac proinde qui partes *Orientales* incolunt, Ventum Orientalem, & qui *Occidentales*, Occidentalem sentiunt. Res dilucidius apparebit

parebit consideranti Terræ ambitum A B C D, & oppositum ei Solem S, qui hemisphærium A B C radiis suis feriens, & Meridiem ad B, & noctem ad D faciens, eodem tempore, respectu populorum habitantium ad A occidit, & respectu habitantium ad C oritur. Quippe Vapores circa B, diurno Calore rarefacti, per vias oppositas versus D tendunt, nimirum



per A & per C, ad spatium illorum occupandum, quos noctis frigus condensavit, Ventum Occidentalem creant, ad A ubi Sol occidit, & Orientalem ad C, ubi exoritur.

Dixi in initio, hanc Ventorum diversitatem ab iis potissimum apprehendi, qui vela faciunt, & diffusiora maria metiuntur; quia multa in terra obstant, ut montium altitudo, climatumque varietas, ne talis ventorum ordo semper observetur.

Venti ab Oriente, plerumque magis siccis sunt, & ad serenum Aërem, nitidumque reddendum aptiores sunt, quàm Occidentales, qui passim Humidi sunt, & pluribus Vaporibus turgent.



II.
Cur Venti Orientales sicciores
sunt Occidentales.

Hujus Phænomeni ratio, ex Aëris motu deducitur, qui circa Terram ab Oriente in Occasum defertur; quia cum Venti in C facti, Aëris agitationem sequuntur, Vapores obvios ante se propellunt, dissipantque, ac ita impediunt, ne concrecant, & in pluvias abeant. Qui autem in Occidente A fiunt, quum Aëris motui obnuntantur, & alium quàm ipse cursum teneant; Vaporum occurrentium impetum sistunt, & in Nubes cogunt. Ob eandem causam, Venti ab Oriente C cæteris paribus fortiores sunt, vehementiusque spirant, quàm ab Occidente A; quia illi, qui in C fiunt, massæ Aëris cursum sequuntur. Vel etiam quia in parte Terræ, quæ inter C & D posita est, ob diuturniorem Solis absentiam, arctius Vapores constringuntur, quàm in illa, quæ inter D &

A sita

A sita est. Vaporum autem *condensatio* ad Ventorum vim con-
ducit, qui indubiè fortiores evadunt, quo graviores sunt illæ
partes, ex quibus constant & conflantur.

Venti circa loca maritima *interdiu* à Mari, *noctu* verò, à
Terra spirare deprehenduntur.

Hæc Ventorum alteratio, Solis illuminationi tribuitur, qua
Vapores diversimodè è Mari, & Terra educit. Dum enim
Sol splendet, communiter plures Vapores è *Mari*, quàm è
Terra elevat : quia Terra multis in locis arida, & non illi
tantum materiæ quantum Aqua suppeditat : è diverso cùm
Sol recessit, Calor relictus, plures è Terra quàm è Mari at-
tollit : quia Terra utpote compactum Corpus, & multo hu-
more grave, diutiùs quàm Mare Calorem sibi impressum re-
tinet. Unde validi illi *Venti*, qui è locis mediterraneis in
Mari spirant, fortissimi sunt prope littora, sensim autem in
alto Mari deficiunt, quo longiùs provehuntur. Quod *Colum-
bo* primo Indiarum Occidentalium *Detectori* argumento fuit,
regiones alias ultra *Atlanticum* Oceanum non procul abesse,
dum deprehendit strenuos ac feroces Ventos versùs Europam
afflare, quos nimis validos existimaret, quàm ut ab Aquis pro-
ficiscerentur.

Quidam Venti, statis Temporibus revertuntur, & eundem
semper tenorem servant. Ut *Ethesia*, qui singulis Annis bi-
duo post *Canicula* exortum, quadraginta diebus spirare solent.
Zephyri, qui ab *Aequinoctio* verno ad *Autumnale*, in Mari
Mediterraneo flant. Australes, qui sub *Zona Torrida* fiunt,
vices & reciprocationes *diurnas*, *mensurinas*, & *semestres* ha-
bent.

Horum omnium unica Causa Sol est, qui pro vario ejus ad
varias Terræ partes, situ, Ventorum diversitatem excitat.
Nam quantum ad *Ethesias*, qui post æstivum solstitium obser-
vantur, verisimile est eos à Vaporibus provenire, vi Solis à
Terris & Aquis, quæ in Septentrione sunt, eductis, postquam
jam satis diu ad *Tropicum Cancræ* hæsit. Constat enim illum
diutiùs in Tropiciis morari, quàm in spatio interjecto : Et co-
gitandum mensibus *Martio*, *Aprili*, & *Mai*o, maximam nubium
& nivium partem, quæ circa polum nostrum hærebat, in Va-
pores & Ventos resolveri; Ventosq; istos ab initio Veris (quo
tempore sunt calidissimi) ad *Solstitium* æstivum, paulatim de-
ficien-

III.

*Circa littus
Maris Venti à
Terra noctu, in-
terdiu à Mari
proveniunt.*

IV.

*Que causa E-
thesium &
constantium a-
liorum Vento-
rum.*

ficiente materia languescere. Mense verò *Junio*, nondum ibi Terras & Aquas satis esse calefactas, ut materiam novi Venti suppedirent; sed paulatim Sole ad *Tropicum Cancrum* commorante, magis & magis illas incallescere, tandemque idcirco *Ethefias* producere, quum magnæ illius & pertinacis diei, quæ ad sex integros Menses ibidem extenditur, Meridies paululum inclinatur.

V.
Zephyri in Mari mediterraneo certo Anni tempore flant.

Simili ratione, *Zephyri* in Mediterraneo Mari ab *Æquinoctio* verno ad Autumnale, flare solent, quia magna Vaporum copia, ex Oceano *Atlantico*, æstivis caloribus attollitur, qui aliquot horis, post Solis Ortum, quæ certo Temporis spatio, post noctem mediam respondent, versùs ortum aguntur, & usque ad Occasum, vires suas exerunt. Stati ac certi intra *Tropicos*, sive in *Zona torrida* sunt Venti; quia illic, Sol in Terram directos, & perpendiculares radios mittens, plurimos Vapores excitat, qui Luminis actione agitati expanduntur, & Ventum producant. Et ita de Ventis aliis, qui certis temporibus oriuntur, ut de *Africo*, qui ab orientali ora *Africæ*, ad *Mozambicum* ab initio Augusti, ad decimum quintum Septembris spirat: quia à mense Aprili usque ad Augustum, multos Vapores è Mari *Indico* educit, qui versùs *Africam* deferuntur, & comparato majori spatio dilatantur, & locum majorem occupant.

VI.
Modus conficiendi Ventos artificiales.

Arte Venti efficiuntur, ut *Chymici* eo instrumento ostendunt, quo, loco follis utuntur. Paratur enim ex Cupro globus, ita ut *Aqua* repleti, claudique repletus possit. Fistula angustii orificii, ex una parte paratur, *Aqua* Igni admoveatur repletus, fistula alteri, loco follis. Ubi globus incalcescit, & aërescit *Aqua*, continuo Aër expiratur, & donec *Aqua* tota absumpta sit, follis loco fungitur. *Fonstonus Admir. Meteor. capite sexto.*

Oritur talis Ventus, ex eo quòd *Aquæ* particulæ, *Ignis* fervore agitatur, inter se colliduntur, & magno molimine ab invicem recedere conentur: & quia dilatare se, & à se mutuo removere non possunt, nisi quatenus aliquæ ex iis per *fistulam* egrediuntur, tota illa vis, qua plures colliduntur, tanquam in unum collecta, id agit, ut proximas per illud exturbet. Atque hoc modo Ventus per *fistulam* spirans excitatur. Et quia continua *Ignis* actione, aliæ semper hujus *Aquæ* particulæ

culæ rarefunt, & in gyros actæ, à se invicem recedunt, dum interim aliæ per fistulam enituntur, sic *Ventus* non cessat, priusquam universa globi Aqua evaporetur, aut Ignis ab eo removeatur.

Venti hyberno tempore præsertim dominantur, Cælumque solito magis procellosum efficitur. Quod Nautæ pene omnes, qui *Maria* frequentant, testantur. VII.
Venti hyeme vehementiores.

Quoniam Sol ea tempestate Tropicum *Australem* versus deflectit, ac proinde debiliior sit, contra Aquilonares Ventos resistencia. Addi etiam potest, quod hyeme *Libycus*, vel *Africus*, gelu gliscente, majori cum impetu, ex Atlante descendit: vel à Syriæ & Arabiæ montibus *Vulturnus*. Maxime autem circa menses Martium, & Septembrem Venti exasperantur. Quia tunc variis mutationibus Cælum obnoxium est, fitque magna humiditatis, & siccitatis, Caloris & Frigoris vicissitudo.

Ventus Australis, ut plurimum *Sanitati* officit, capitique gravedinem conciliat. Hinc flante *Austro*, Homines magis *Morosi* evadunt, & ad studia minus fiunt idonei. VIII.
Australis sanitati officit.

Id ex eo oritur, quod Australis Ventus cum humidus sit, multos vapores devehit, qui laxatis corporis meatibus, illud subeunt, & ad interiora deferuntur. Hinc *Capitis gravedo*, sensuumque *hebetudo* oritur, quibus se affici Homo percipiens, ægréque id ferens, *Morosus* efficitur, & ad illa minus aptus evadit, quæ mentem serenam desiderant.

Borealis Ventus passim frigidus est; è diverso, qui ab *Austro* venit, Calorem præ se fert.

Frigidus est *Borealis* Ventus, quia per tractum *Nivibus* refectum transmeat, è quibus plurimos gelidos vapores secum devehit. Australis autem calidus est; quia ab illis tractibus, qui magis ad *Zonam Torridam* accedunt, nobis afflatur; è quibus plurimas calidas exhalationes, quas Sol educit, secum defert, efficitque ut à nobis calidus sentiatur. Id in Thermometro Clarissimus D. *Boyle* expertus est, in quo Aquæ pensilis cylinder erat, quod ubi folliis perflasset, non in imum Aqua, uti frigore adaucto contingere solet; sed è diverso Tubus vitreus incaluit, & aliquem Vento perflante æstum concepit. Ubi vero follium extremitas, *Nive & Sale* commixtis circumsecta est, gelidior Ventus erupit, & pensilem Aquam ad de-

IX.
Cur Ventus Borealis frigidus est, calidus autem Australis.

scensum coegit. Quo experimento sat ostenditur, Ventos halitus quosdam secum deferre, qui variam Aëri, quem pervadunt, temperiem conciliant.

X.

Venti in zonis
temperatis sunt
irregulares.

Venti, qui in temperatis Zonis regnant, passim *irregulares* sunt, hoc est, nullis certis regulis, aut legibus constringuntur.

Hujus Inconstantiae causa, à Zonarum situ petenda est, quia cum temperatae inter *Torridam* & *Polarem* frigidam collocentur, modò ab hac calorem summum, modò ab illa summum frigus participant. In frigidis autem, aut calidis Zonis, ob rationem contrariam, Ventis regularibus perflantur, qui statim quibusdam temporibus saevire solent. Sic quia *Australes* Venti apud nos, à diversa halituum vi maximè pendent; liberi sunt, & nullis legibus tenentur.

XI.

Cur Ventus tantum
in vela possit.

Ventus dum in tabulam ferream, aut etiam ligneam impingitur, nullam vim exerit: secus verò si in navium vela feratur: quoniam ejus impetu, gravissimæ etiam *Naves* 80 ferme leucas 24 horis faciunt.

Oritur hæc diversitas ex parte *pororum*, qui in velis ex telis confectis reperiuntur. Ventus enim per foramina illa ductus, seipsum quodammodò dividit, veluti adversus singula veli fila, quæ meatus separant, vim faciens: Aquæ torrentis instar, quæ vim majorem in oppositum palorum aggerem, interjectis rimis exercet, quam in tabulam ligneam, aut murum lapideum, qui transitum prorsus intercipit.

XII.

Cur ventus frigidior
Aëre sentiat, cum tamen
non sit illo magis frigidus.

Venti Aëre tranquillo, frigidiores sentiuntur, quàm *Aër* ipse, quamvis non illo multo sint frigidiores, ut ex *Thermometro vitreo* dignosci potest, in quo Aqua fortis inclusa, flante Vento, non magis solito ascendit, quod tamen fieri deberet, si *Aër* internus ab externo *Vento* refrigeraretur.

Ratio est, quòd Aër tranquillius non nisi externam cutim perstringit, quæ quum interiori carne frigidior sit, minùs advenientem frigiditatem percipit: Ventus verò utpote concitior, in Corpus nostrum adactus, *Carnem* penetrat, & ad Corporis interiora desertur, quæ cum calidiora sunt, magisque Cordis æstu agitentur, majorem frigiditatem eo impulsu sentiunt. Ad eum modum, quo Manus *Calida*, ad glaciæ contactum majus frigus percipit, quàm *Tepida*, & cujus particulæ minus agitantur.

ART I.

ARTICULUS TERTIUS.

De Nubibus.

Nubes sustinentur libranturque in Aëre, quamvis spissæ, gravesque appareant.

I.
*Cur Nubes ti-
brantur in Aëre.*

Ratio est, quod glaciæ particulæ, vel Aquæ guttæ ex quibus componuntur, exiguæ admodum sint, multæque superficiei pro ratione suæ materiæ habentes, sæpè magis ab Aëris resistentia impediuntur, ne descendant, quàm à *pondere* suo impelluntur. Præterea Venti, qui passim propè Terram spirant, quum crassiori materia consent, quàm illi, qui in Aëre sublimi feruntur, non tantum Nubes suspendere, sed etiam ultra Aëris regionem, in qua existunt, attollere possunt. Deinde, licet *Glaciæ* particulæ, Ventis impulsæ, contiguæ evadant, non tamen idcirco omnino connectuntur; quinimo Corpus adeò rarum, læve, atque extensum componunt, ut nisi Calor aliquas harum partium liquefaciens superveniat, atque hac ratione illas condenset, ac graviore reddat, vix unquam ad Terram delabi queant.

Tempore Verno plures *Nebula* conspiciuntur, quàm aliis Anni tempestatibus: Unde Lucretius,

II.
*Quare frequen-
tiores sunt Ne-
bula in vere.*

Perfida nubiferi vetat inconstantia veris.

Quia eo tempore, major est *inaequalitas* inter Calorem diurnum, & nocturnum frigus: quo fit, ut magna Vaporum copia, simul cum Aëris frigore concurrat. Ut enim Vapores in *Aquam*, aut *Glaciem* convertantur, duo requiruntur, *primum*, ut illorum particulæ, ita ad se accedant, ut se mutuò contingere possint. *Secundum*, ut satis frigoris adsit, ad illas, dum propinquæ sunt, sistendas, & uniendas. Nam inutile esset frigus, si Vaporum particulæ à se invicem dissiderent, & dividerentur. Parum etiam illarum *connectio* juvaret, si tanta esset Caloris agitatio, ut illarum nexum impediret. Ac proinde cum in *Vere*, Vapores diurno Calore attollantur, qui succedente nocturno frigore coalescunt, fit ut eo tempore, plu-

res Nebulæ appareant, & iis Terra uberius humectetur. Pari ratione, frequentius in locis maritimis, aut paludosis, quàm in locis procul ab Aqua distitis, *Nebula* nascuntur; quoniam Aqua ibi suum Calorem citius, quàm Terra amittens, Aërem frigefacit, in quo porro Vapores, quos Terræ calidæ, & humentes magna copia exhalant, condensantur.

III.

Unde oritur Nubium ordo, ut una supra aliam videatur.

In Cælo, sæpenumerò *gemina* Nubium acies videntur, quarum una infra alteram desertur.

Causa est, quòd Vapores, ex quibus Nubes gignuntur, non æquali vi in Aërem ascendant, sed nonnullæ *altius*, aliæ *minus altè* enituntur, antequàm satis condensati sint, ad illas formandas. Unde oritur, ut unas remotiores, alias Terræ viciniores intuemur, & aliquando à diversis Ventis agitatae. Quod maximè in montanis locis videre est, ubi sublatis *Vapores* inæqualius, quàm in aliis locis, à Calore aguntur.

IV.

Nubes altissimæ ex particulis glaciatis componuntur.

Altissimæ *Nubes* ex glaciæ particulis componuntur; quod ex summis editorum montium jugis colligi potest, quæ media etiam æstate, Nivibus teguntur.

Illud ob *Aërem* illic frigidissimum provenit, qui indubiè eo, qui montium cacuminibus incumbit, gelidior est, aut ad minus æquè frigidus: & quoniam Vapores quo sublimius ascendant, tanto plus frigoris ipsos constringentis opperiant, minùsque à Ventis premi possunt; propterea ut plurimum, maximè sublimes nubium partes, tantum ex tenuissimis *Glaciæ* capillamentis, longè à se mutuo distitis constant.

V.

Cur Nebulæ circa Auroram orientur.

Nebulæ circa *Auroram* progigni solent, dum serena nox præcessit, & tranquillum Cælum est, & ab omni Vento immune. Et si unum eorum deficiat, non oriuntur Nebulæ, aut statim evanescent.

Ratio est, quòd *Nebula* ex *Vapore* potissimum assurgit, qui ex Terræ superficie, atque lento Calore educitur, ex locis scilicet *palustribus*, aut *fluviiis*, si tardi sint, & inerte defluant. Unde si Calor nimius est, Vaporem plus æquo dilatat, efficitque, ut sursum efferatur, & avolet. Obest quoque sæviens Bruma, & agitatum Vento Cælum, quoniam tunc à circumstante frigiditate, Vapor cohiberi non potest, & illa crassitudo amittitur, quæ nebulæ maximè competit. Denum *nox pluvia*, aut *nubila* impedit, quia *Pluvia* teporem illum extinguit, qui ad halitus emittendos requiritur. Denique ubi

bi *nox nebula* præcesserit, Nebula non ascendit, quia cum nulus Ros tunc decidat, nulla subest Vaporibus attollendis materia; ac proinde necessum est, ad Nebulæ supra Terram formationem, ut Cælum *quiescat*, adsit telluri *tempor*, & *nox serena* præcesserit.

Dum Nebula collecta sursum fertur, Aquam nuntiat, & Pluviam minatur: secus verò, si paulatim extenuetur, & solutis partibus ascendat.

VI.
Quando Nebula est Pluvia nuntia.

Quia Nebula dum ita conglobata per Aërem attollitur, innumeras *roris* particulas, quæ in Aëre matutino, & frigido sparguntur, colligit, quæ mox modico Calore excitatæ dissolvuntur, & in Imbrem abeunt. Unde coalescere subito Nebulam observamus, cum paulò antè defæcatum esset Cælum, nihilque minùs quàm Pluviam polliceretur. Partes autem Nebulæ à Sole discessæ, & à se mutuo avulsæ, sursum nitentes, cum in molem unam con crescere nequeant, *serenitatem* non turbant, nec ullam *pluviam* portendunt.

Si per objectam Nebulam *Homo* aspiciatur, veluti *Gigas* appareat. E diverso per eandem visus Sol, longe *minor* deprehenditur.

VII.
Nebula confert ad augmentum, aut parvitatem objecti.

Ratio est, quod in guttulis illis quibus Nebula componitur, plurimi refringantur radii, qui intra oculum collecti, objectum dilatant & extendunt. Sol vero minor apparet, quia radii ab eo provenientes, ob magnam distantiam distrahuntur, nec in Oculum omnes incidunt. Raduntur enim laterales quidam radii quibus solenne est, objectum amplificare, & illud se ipso majus oculo referre.

ARTICULUS QUARTUS.

De Pluvia.

Pluriæ Guttæ, dum decidunt, figuram *sphæricam* affectant, & cum circa Terram pervenerint, totæ rotundæ apparent.

II.
Cur Gutte cadentes rotundæ sunt.

Nonnulli id fieri existimant, ab innato ipsi rebus instinctu, quo res quælibet à perniciæ defendere se conatur; adeo ut,
Guttæ

Guttæ Aquæ cadentes, in orbem vertantur, ut ab Aëris injuria, aut alterius obfistentis Corporis actione se tueantur. Sed hi nimium rebus Insensibilibus tribuunt, qui illis Intellectum & Voluntatem assignant, arbitranturque inanimata discurrere, & ratione uti. *Leves* igitur ac *rotunda* Guttæ evadunt, à *Cœlestibus Globulis*, qui illas ambiunt, & intra earum poros se intrudunt. Hoc pacto: Cùm globuli Cœlestes alio modo per *Aquæ* partes, quàm in circumambiente Aëre moveantur, & secundum lineas rectas pergere affectent, fit, ut illi qui in Aëre vagantur, minùs à motibus suis impediuntur, si Aquæ Guttæ, quibus occurrunt, *spherica* sint, quàm *angulosa*, aut figuram aliam sortitæ. Unde si pars aliqua in earum superficiebus, ultra figuram sphericam protuberet, Globuli Cœlestes per Aërem discurrentes, majori virtute in illas impingunt, quàm in cæteras; ac proinde illas Centrum versùs adigunt. Si verò pars illa eo impetu protrusa, ad Centrum cæteris proximius accedat, Cœlestes Globuli intra Guttam ipsam inclusi, cum majori vehementia eam à Centro detrudunt; & hac ratione omnes ad guttam sphericam reddendam conspirant.

II.

Cur dam uniuersum
rotunditatem amittunt.

Hinc oritur, ut dum Aquæ Guttæ sese attingunt, rotunditatem suam amittunt, & sibiipsis conjunguntur; Quia in contactùs loco, materia ætherea eas debilius comprimit, nec omnes ejus partes æqualiter, ut antea, *Centrum* versus detrudit.

III.

Quorsum in Ægypto & aliis
regionibus non pluit.

Certis in Regionibus, nunquam, aut rarò pluit; ut de *Ægypto* saltè *ulteriore* passim ab Historicis fertur. Item de *Libya*, ac *Indiæ* Regionibus *Plutarchus* memorat, quæ semper sicæ sunt, & nullo unquam humore resciantur.

Non id nimio æstui, qui in illis Terræ tractibus dominatur, adscribendum puto, quum aliæ sint Regiones multo calidiores, in quibus tamen Imbres decidunt, & statis temporibus pluit. Melius hanc Pluviæ Inopiam in Terræ *siccitatem*, partiùmque ejus concretionem refundendam esse opinor, sub qua nullæ latent Aquæ, quæ evaporentur, & *Pluviam* generent. Aut si quæ inibi sint, ob Terræ densitatem, in Aërem transmitti non possunt. Nam uti *Canes* nunquam iudant, quoniam compactam nimis *cutim* habent, quæ omnem halitui viam præcludit: Ita in Ægypto tantæ duritiei Telius esse potest, ut ejus meatus nimis angusti sunt, quàm ut à Vaporibus, qui in ejus penetralibus formantur, penetrari queant. Non dicendum est *E-*

thesias,

thesias, quotannis è Mari Mediterraneo versùs Ægyptum flare, & multas Nubes eò devehere, quæ in pluviam concrefcere possint. Verisimile enim non est, Vapores Ventorum vi, posse tam longè deferri, cum facile dissipentur, & *Ethesia* non continui sint, sed circa *tertiam* diei *horam* oriantur, & nocte sequenti, penitus desinant.

Lac, & Sanguis nonnunquam è Cælo decidunt, & per longos Terræ tractus diffunduntur. *In inferiori Cælo relatam in monumenta est lacte pluiffe M. Acilio & C. Porcio consulibus. Plinius Hist. Natural. Capite 56.* Sanguinæ etiam pluvix meminit *Livius* decad. 4. libro nono; quæ biduo in area Concordiæ decedit. Et inter *Neotericos* authores, *Gemma Frisius* libro *secundo Cosmocrit. capite secundo* refert in Emdensi ditione apud *Frisios* Orientales, nocte quadam, *Sanguinem* pluiffe tanta copia, ut ad quinque aut sex milliarium ipatium Herbx & vestes expositæ in aprium, ex albo colore penitus in purpureum sint mutatæ.

Gassendus existimat lacteam Pluviam, nihil aliud esse quàm candescentem aliquo modo Aquam, cui nonnihil *plumbæ* materiæ, aut *salis Saturni*, cum *halinitro*, & *aceto* admixtum est, aut similis alterius materiæ, quæ *Albedinem* Aquæ conciliare possit. Et purpuream pluviam, ipsammet esse *Aquam* admixtis *chalcantinis*, & *asphalticis halitibus*, qui pluviis non in Aëre labentibus, sed in Terra collectis, rubrum colorem imperiuntur, quarum guttæ Herbis, aut Vestibus insidentes, eas quadam rubedine aspergunt. Sed verisimilius videtur, hujusmodi pluvias è Vaporibus progigni, qui exhalant è locis *minio*, aut *rubrica* abundantibus: quomodo Nix in *Armenia* quandoque est rubra, ob *minium* quo Regio illa abundat; vel ex locis sanguinolentis post magnas hominum clades; vel Color propter intensum Solis Calorem, quomodo febri laborantium *urina*, aut Aquis per calidos cineres percolatis *rubor* conciliatur.

Quòd nonnulli asserunt, argenteis Guttis olim pluivisse: non id à vero plurimum abest, cum fieri potest, ut *Hydragrum* ea copia, & in eam usque altitudinem sublimatum fuerit, ut in descensu in Guttas efformatum sit, quæ apud Plebem pro argenteis existimarentur. Cujus rei haud improbabile Argumentum habet *Dion*, dum asserit *Severo* Imperatore, dum

IV.

Quomodo lacte
& sanguine interdum pluit.

IV.

V:

Quid sit argentea Pluvia.

dum argentea pluvia decidisset, Nummos Aereos fuisse illo oblitos, quod tamen intra trium dierum spatium deletum est, & ex Oculis penitus elapsum.

VI.

An Vitulo unquam pluerit
prout narrat Avicenna.

Refert Avicenna, *Vitulum* aliquandò pluuisse, & ex alto etiam Caelo, cum maximo imbre decidisse.

Haud arbitror *Avicennam* duxisse, *Vitulum* in nubibus procreatum esse, & illic materiam Animalibus compingendis idoneam suppetere. Sed solum *Vitulum* aliunde ingenti turbine esse abreptum, & cum Pluvia in distantem aliquem locum delatum. Quis nescit *fluxam* Caeli substantiam, hujusmodi efformandis Corporibus esse ineptam? quomodo tanta moles in Nubibus sustineretur, & ante completam generationem non dilaberetur? An quia *Avicenna* quondam *Vitulo* pluuisse scripsit, compactus in Nubibus *Vitulus* est? Sed illi credant, qui *Authoritati* potius, quam *rationi* patrocinantur, & qui omnia promiscuè admittunt, quæ ab Antiquis Authoribus aut narrata sunt, aut somniata.

VII.

Ut Lemnar in
Norvegia decidat.

Nec alio modo de Mure illo Norvegico, passum *Lemnar* nuncupato, censendum est: quoniam licet ex Nubibus decidere existimetur, invenit tamen *Olaus* in ipsius stomacho, statim ab ipso casu dissecto, herbulas quasdam crudas: quod sat indicat, ipsum non in Aëre prognerari, sed Venti magna vi arripi, & in Norvegiam transferri: quemadmodum constat *Locustas* interdum auferri, & in locis distantibus decidere.

VIII.

Quomodo Rana
pluat, & quomodo ille generentur.

Nihil communius tam apud Veteres, quam novos Scriptores, tempore æstivo *Ranas* pluuisse, & agros, colles, vias multitudine tecta & infecta esse.

Quamvis inficiari non audeam, *Ranas* in Nubibus gigni posse, non tamen iis facile assensum præbuerim, qui illud nimis confidenter asseverant. Ratio mea hæc est; quòd hujusmodi Animalcula, nunquam in domuum tectis, aut tabularis, vel etiam in ipsis fluminibus decidisse deprehendantur, sed in viis duntaxat, aut locis aliis multo pulvere conspersis; in quæ decidente pluvia, exurgunt & efformantur. Conjecturam meam firmat *Emilianns* libro secundo de Animalibus capite quinto. Memini etiam ego in itinere ex Neapoli Italica *Dicaarciam* verus, ranis pluuisse, quarum anterior pars binis innixa pedibus, repebat, posterior adhuc informis, & tanquam è cæno humido coalita trahebatur. Quod sane magnum argumentum est, *Ranas* ex putri

putri pulvere, & delapso imbre oriri, & non tam in ipsis Nubibus, quàm supra terram originem habere. Præterea, unde tanta *Aëri*, vel *Nubibus* materia, formandis Ranis suppetet? qua vi coalesceret? Quibus vinculis tamdiu suspensæ Ranæ detinerentur, & quorsum nondum perfecta generatione deorsum laberentur? Quæ omnia cum explicari nequeant, verisimilius videtur, Ranas ex pulvere & *Aqua pluviali* infuso progigni, & non in Cælo, sed super *Terram* profluere. Sic post inundationes, plurima insecta in agris proveniunt. Sic innumera *limacum*, & *conchiliorum* vis post imbres. *Ostrea* etiam, & testacea ex limo cum pluvia decidente, nascuntur.

Nonnunquam contingit, ut pluvie incipiat, antequam ullæ *Nubes* in Cælo deprehendantur. Ulti mihi semel in agris spatiante accidit, Aëre tranquillo, atque calore urgente, & quodammodo suffocante.

Id evenisse auguror, quod magna Vaporum vi in Aëre existente, qui haud dubiè à *Ventis* aliunde spirantibus coartabantur, quemadmodum ex Aëris tranquillitate & densitate conjicere poteram, guttæ in quas *Vapores* illi coalescebant, delabendo incrementos, prout effingebantur, depluerent.

Aer nubibus obductus, futuram *pluviam* prænuntiat, quamvis Sol in ortu sat lucidè splendescat.

Quoniam tunc nullæ aliæ nubes existunt, in Aëris nostri vicinia versùs Ortum, quæ impediunt, ne Solis Calor, eas, quæ supra nos hærent, condenset, vel novos vapores, quibus augeantur, è Terra nostra attollat. Hæc autem causâ, cum matutino duntaxat tempore locum habeat, si ante Meridiem non pluat, quid in *Vesperam* contingeret, nullo pacto poterit monere.

Æstivo tempore grandioribus communiter guttis pluit, quàm Hyeme.

Ratio est, quod in æstate, guttæ ex loco eminentiori decidunt, & longissimum Aëris tractum metientes, in via augeant, & incrementum accipiunt. Duobus enim modis, Pluvia è Nubibus labitur, vel cum *Aër inferior* recessu, vel superior incurfu, illas ad descendendum invitat. Unde Aër inferiori se contrahente, stillicidium oritur, quæ Pluvia minutissima est, & pulveris instar in Terram decidens. Sic in Æ-

IX.

Unde interdum pluit, nulla nube in cælo apparente.

X.

Sol cum lucet Aëre nubibus obducto, pluviam portendit.

XI.

Æstate pluvia guttæ latiores sunt quàm hyeme.

II

gypto, perparvulis guttis ut plurimum pluit. Imber autem, seu etiam nimbus, qui magnis guttis è cœlo ruunt, efficiuntur, quoties nubes solo Aère superiori pressa, descendit, quoniam tunc Aquæ guttæ, è loco altissimo labentes, *alias* Aquæ particulas offendunt, quibus sibi adjunctis, crassiores evadunt.

ARTICULUS QUINTUS.

De Grandine, & Nive.

I.
Minora grana
grandinis per-
spicua sunt, non
autem majora.

Minores Grandinis lapilli nonnunquam pellucidi sunt, nullumque Colorem induunt: majores verò, etsi superficie tenus perspicui appareant, intus aliquid *Nivis* continent, & quandam *albedinis* speciem exhibent.

Grandinis *pelluciditas* oritur, dum Ventus frigidus, qui eam efficit, formatas jam Aquæ guttas intercipit, & in Corpus durum constringit. Quoniam tunc meatus inviolati manent, per quos globuli Secundi Elementi transeuntes, Luminis actionem in omnes partes, secundum lineas rectas transferebant: ut de *Vitro* antea dictum est. Sed cum hic Ventus floccis liquescentibus appropinquat, Calorem in illorum poros pellit, sive Materiam Subtilem maximè agitatam, quæ tunc in Aère circumstante invenitur; quia ipse *Ventus* non tam facilè, nec tam citò, atque hic Calor eos pervadere potest. Is autem Calor horum floccorum meatibus inclusus, ad ipsorum circumferentias magis, quàm ad Centra accedere nititur, quia Subtilis Materia (in cujus agitatione consistit) ibi liberius movetur, & ita magis, ac magis liquefacere pergit, priusquam incipiant rursus in *glaciem* concrelescere: atque etiam liquidissimæ, id est, magis agitatæ particularum aquearum, quæ alibi in istis floccis reperiuntur, ad eorum Circumferentias accedunt: iis contra, quæ non tam citò liquefcere possunt, circa centra manentibus. Quo fit, ut crassiora *Grandinis* grana in superficie pellucida sint, & intrinsecus alba.

II.
Unde insolita
granorum Gran-

Grando lapidibus similis aliquando è Cœlo delabitur. Memoratur in Gallia, *Paschali Pontifice summo*, frustum unum *duodecim*

decim pedum longitudine descendisse : Et aliud trium librarum *dinis magnitudinis magnitudinis* pondere, *Bomela* in Geldria, anno Domini millesimo sexcentesimo sexagesimo sexto. Novi unum qui Grandinis *pilas* vidisse se aliquando testatur, ovorum non pondere solum, sed & magnitudine æquales.

Tanta crassities ab ipso Vento *frigido*, à quo ipsa Grando formatur, provenit, qui *nivem* è sublimi in inferiora præcipitans, plurimos ejus floccos simul compellit, & gelu in unam massam constringit. Vel dici potest, grandineos hujusmodi Lapidis, in *altissimis* Nubibus progigni, è quibus descendendo incrementum accipiunt, & in inulitatas moles abeunt. Fieri enim potest, ut plurimum Humoris in via occurrat, qui ipsis adhærendo, præfenti frigore correptus, congeletur. Unde in Grandine, innumeræ superficies, veluti tot tunicæ efformantur, quæ illius magnitudinem augent, & ejus ponderi novam gravitatem infundunt : ut in *Candelarum* formatione animadvertimus, quæ repetita immersione crescunt, & novis partibus adjunctis, *crassitiem* acquirunt.

Grandinis grana *spharicam* figuram interdum referunt : interdum autem *cornutam*, & una ex parte depressiorem.

III.
Grandinis grana varia figurâ donantur.

Id oritur quum flocci, è quibus grana Grandinis componuntur, Aërem transeundo, à Vento frigido occupantur, qui eos constringit & coarctat. Quippe si frigidus *Ventus* Grandinem efficiens, formatas jam Aquæ guttas deprehendat, glaciei globulos *rotundos* reddit, nisi quòd aliquando ea parte qua illos impellit, aliquantò planiores efficiat. Si verò Nivis floccos propemodum solutos intercipiat, sed in Aquæ guttas nondum conglobatos, tunc cornutam figuram refert, ac irregularem.

Nix ut plurimum *stellata* figura, sive sex radiis cincta decedit ; quod quis facile detegit, si nivis floccos sicco panno excipiat, & disjunctis radiis à se invicem separet. Interdum etiam *rosea*, & *pilosa* gignitur.

IV.
Unde fit quod Nix stellata, rosea aut pilosa decedat.

Illâ figurarum varietas ex eo contingit, quòd Nivis *flocçi*, priusquam in Terram delabantur, diversas in Aëre mutationes subeant, & secundum Caloris, & Frigoris vicissitudines, diversas figuras sortiuntur. Gignitur Nix stellata, dum ejus folia, Calore accedente paulatim liquefunt, & illud tantillum liquoris, in quod solvuntur, per foliorum superficies dif-

fusum,

fusum; exiguas inæqualitates ibi occurrentes omnes replet; Atque ita planas, & politas illas reddit, ac ex Corporum liquidorum sunt, quamvis ibi statim iterum concresecat. Cum enim tunc Calor, non vehementior sit, quam requiritur, ut exigua illa capillamenta, Aëre undique cincta, reliquis integris in Aquam solvat; Non satis virium habere potest, ad impediendum, ne illud tantillum Aquæ, glacialibus iis superficibus illapsum, earum frigore iterum adstringantur. Postea hic Calor pervadens etiam alia capillamenta, quæ singuli glomi in ambitu, ubi similibus aliis sex cinguntur, habent, ea ex iis capillamentis, quæ maximè à sex vicinis globulis sunt remota, indifferenter huc illuc flectit, & hoc ipso, iis quæ è regione sex horum globulorum consistunt, adjungit. Hæc enim eorundem sex globulorum viciniâ refrigerata, non liquefcunt; sed contra denuò materiam aliorum sibi junctorum protinus glanciant: Atque ita sex cuspides, aut radii, circa singulos glomos formantur, qui diversas figuras recipere possunt, prout hi glomi, magis aut minus crassi, & compressi sunt; capillamenta item densa & longa; Calor quo coquuntur, lentus ac moderatus. Unde Nix pilosa generatur, dum glaciei particula, quæ floccos componunt, à Calore densantur, & mox à frigore denuò congelatæ, circa centrum suum vertuntur, & ab aliis glacialibus fragmentis constringuntur. Rosa vero, dum radii è Nive prominentes, à calore flectuntur, & junctis extremitatibus, iterum congelantur.

IV.

Nix nocturno
tempore conspi-
cua est.

Tempore nocturno, cum omnia pene corpora inconspicua sunt, Nix lumen emittit, & præ cæteris aliis corporibus, se prodit.

VI.

Tempore nocturno
Nix conspici-
tur.

Quoniam Nix, utpote ex infinitis sphaerulis compacta, radios commodius, quam quodvis aliud candidum corpus remittit. Nam licet noctu tenue sit lumen, quod super Terram diffunditur, ambigi tamen acquit, quin aliquid existat in nive, quod illud fortius reflectat; illud in sequenti paragrapho explicabitur.

V.

Unde nivis al-
bedo, & illius
mutatio, dum
aqua suffundi-
tur.

Albedo nivis maximè propria est, quam tamen exiit, ubi Aqua diluitur, & in Aquam, ex qua concreta est, revertitur.

Quoniam Nix, ad modum vaporis in spumam concrefcens se habet, cujus flocci ex innumeris globulis constantes, lumen undequaque reflectunt: Cum nullum sit, in illis globulis pum-

tum,

Hum, à quo, ad quodlibet medii punctum radii non remittantur. Unde non alia ratione, *Nix* recens lapsa, subnigrum colorem præ se fert, quam quia nonnullæ cavitates, seu fossulæ inter floccos intercipiuntur, quæ radios absorbent, & foras non repellunt. Colorem autem suum *Nix* omnino mutat, dum *Aqua* diluitur, quoniam *Aqua* floccorum cavitates occupando, radiorum reflexionem, aut refractionem impedit, efficitque ut lumen alia ratione modificetur. Hinc fructuum quorundam *albor* non nisi partibus suis in bullas efformatis debetur; cum videamus *poma*, exempli causa, Colorem mutare, si comprimantur, quoniam ea compressione, demissæ bullæ desideratam refractionem impediunt, nec per medium, tantam radiorum copiam reverberant.

Si quis Nivem contrectaverit, confestim manus ejus fervescere, & quodammodo *uri* videntur.

Aliqui id fieri per *Antiperistasis* opinantur, quòd frigore expulso, Calor inducatur, & Ignis particulæ accedant. Sed cum talem in *Natura* contrarietatem non agnoscamus, dicimus illum fervorem à particulis Nivis congelatis procedere, quæ aqueo Humore dejectæ, manuum poros subeunt, & Sanguinem repellunt, obstantque ne per Venulas, quæ in manibus disperguntur, solito cursu diffundatur: Quo fit, ut manus intumescant, & rubore suffundantur. Quamobrem si ita affectas manus Igni servido admoveamus, acrem dolorem patimur, quoniam Ignis in earum poros vi intrusus, particulas glaciatas plus æquo dilatat, & non nisi cum aliqua ltrage extrahit. Unde debiliore Calore manus fovendæ sunt, ut sensim denuo incalescant, & in vigorem pristinum restituantur.

Nivibus agri sæcundantur, si ipsis per aliquod tempus insideant, & liquorem sensim præbeant.

Ratio est, quòd Nives *Terram* tegendo, amicam plantis Succum comprimunt, impediuntque, ne Soli vigor exhalatione evanescat. Hinc testantur *Agricole* uberiorem esse Agrorum proventum, ubi *Nix* diutius incubuerit, eo quòd erumpentes à Telluris imo pingues Halitus reprimat, & in Satorum nutrimentum tranmutet. Vel dici etiam potest, quòd *Nives* paulatim liquefciendo, pinguem Humorem suppeditant, quo aluntur *Plantæ*, & vegetiores evadunt. Ut patet dum.

VI.

Cur Nivem contrectantibus manus fervescunt.

VII.

Qua ratione Nix sæcunditatem agris conciliat.

VIII.

Cur Nix à Plan-
tarum radicibus
arceda.

dum soluto gelu, Terra detegitur, & tepido dici exponitur.

Scio quosdam Medicos aliter censere, dum *Hortulanis* præcipiunt, ut Soli superficies, in quo consistæ stirpes sunt, stramentis, & inspersis Cineribus, à Nivium injuriis tueantur: sed id non præcepisse existimo, quasi Nives stirpibus noxias esse arbitrentur, sed solum, ne perfusis stillicidio radicibus, frigus denuo exasperari, & Succum intra illarum poros currentem congelari contingat: Cum constet, eo humore imbutas Radices, marcescere, & extinguui. Quippe nihil stirpibus nocentius, aut magis deleterium procreat, quàm *Nix*, aut *glacies* liquefacta, si quando gelu soluto, eorum stillicidio radices perfundantur. Terra enim sic relaxata, frigidissimum humorem combibit, quo imbuta radix marcescit, atque extinguitur.

ARTICULUS SEXTUS.

De Rore, & Melle.

I.

Cur Ros in locis
humidis potius
quam siccis
copiosior est.

ROs copiosior, frequentiorque in locis humidis, & palustribus reperitur, quàm aridis. Unde fluminum ripæ passim rore teguntur, cum agri, & exsucca alia loca, nullo externo humore perfundantur.

Hujus Phænomeni Causa, in Vapores passim refunditur, qui magna copia circa littora ascendunt, & cum ad modicam altitudinem evehantur, in easdem sedes recidunt, unde prius erupere. Non huic rationi penitus assentior; cum editissimi Montes in æstate *Rore* madeant, & in hyeme *Pruina* coopriantur. Non enim prope Terram solum, sed & in *sublimi* etiam Aëre, Vapores concrescunt. Quæ enim in altum, vi Solis attolluntur, frigore nocturno succedente, coeunt, & in Rorem convertuntur. Quod littora magis, quàm sicciora loca, circa Auroram humore compleantur, ex eo oritur, quod Terra arida priores Roris guttulas hauriat, nec sinat eas in sua superficie concrescere. Ripæ autem quum humore suffundantur, & veluti saturæ turgeant, Rorem supra se detinent, & non patiuntur ultra pergere. Sic roris guttulæ in

Brassica

Brassica foliis in unam coalescunt, absorbentur verò, dum in *Arenam* delabuntur, & inter ejus grana se insinuant.

Si mane Terra Rore non aspergatur, & Nebùla, quæ eam humectare solet, sursum recedens, *aridam* omnino Terram deferit, Pluviæ sequentur.

H.
Terra Rore vana manet, futuram Pluviam arguit.

Hujus ea est ratio, quòd id vix contingere queat, nisi quum Terra noctu non satis *refrigerata*, vel mane supra modum *calefacta*, multos Vapores exspirat, qui nebulam in altum pelentes, efficiunt ut ejus guttæ, sibi invicem occurrentes jurgantur, atque ita tam crassæ evadant, ut paulò post, in pluviam decidere compellantur.

Pruina ubi in quarundam herbarum folia inciderit, eas teneriores efficit, ut *Caules* & similes, quæ tempore hyberno auræ exponuntur.

III.
Pruina quasdam Herbas teneriores efficit.

Quia frigus superveniens, illas Herbas constringit, efficitque, ut earum particulis ad se invicem propius accedentibus, earum ordo, & situs varietur. Unde fit, ut Calore in eas ita maceratas agente, plexus earum faciliè abrumpatur, & fibræ antea *imminutæ*, & ex parte *solutæ* omninò distrahantur. Sic *Caro* frigori nocturno exposita, fit tenerior, quòd strictiùs conjunctæ ejus partes, postmodum Calore laxentur, & faciliùs ejus Moribus obsequantur.

Partes *Pruina* inter se coeunt, cujus contrarium in Grandine experimur. *Grandinis* enim lapilli distincta grana consistunt, & nullo modo sibi ipsis copulantur.

IV.
Unde Pruina partes inter se connectuntur.

Causa imprimis videtur esse, quòd grandinei lapilli ex alto decedentes, cum ad interiorem Aëris tractum pervenerint, ob vigentem in eo Calorem, superficie tenus liquefcunt, & prominentes particulas amittunt, quibus asperi reddebantur: non autem *Pruina*, quæ sua spicula semper retinet, & in cuspidem prope Terram desinit. Unde ejus particule ob mutua scabritiem implicantur, & sibi adhærent. Vel addi potest, quòd *Pruina* viscidiori substantia constet, quàm *Grando*, quoniam Pluvia, ex qua Grando componitur, mera est Aqua, quæ confestim in Aërem ascendit: *Pruina* autem, ex Rore conrefcit, qui pinguior est, utpote ex diversis Animalium, Plantarum, Fossilium, Corporibus collectus. Manifestum autem est, ex tanta Corporum varietate extractum Humorem, tenaciorem esse, quàm purè aqueum; ac idcirco *Pruina* gra-

na:

na sibi adhærere, & intimiùs quàm *Grandinis* lapilli connecti.

V.

*Mel ab Apibus
brevis temporis
spatio confici-
tur.*

Qui Agriculturae studio incumbunt, & naturæ miracula exactiùs contemplantur, animadvertunt *Apes* brevi temporis spatio, *Mel* conficere, & alvearia sua adimplere.

Quidam hujus operis exacti Speculatores, notant Alvearia interdum in mensis *Maii* initio, *melle* omnino destitui, atque dum *Rores* decidunt, & flores cœlesti Humore teguntur, instar cellæ stipata invenisse.

Non satis adhuc evidens est, an *Apes* succum ex floribus extrahant, qui confestim in *mel* convertatur, an quæ collegerunt, insita proprietate, in talem *saporem* transmutent. Quibusdam placet, *Apes* non conficiendi *mel*, sed illud tantum colligendi peritiam habere. Alii volunt ipsis *vim* quandam inesse, ea quæ è floribus exsugunt, in *mel* vertendi, & mutata eorum qualitate, novum saporem impertiendi. His facile adstipulor, cum videam in Animalium uberibus, quod ex alimento superest, in *lac* mutari, & novum substantiæ generis assumere. Quidni quod in stomachum *Apes* transmittunt, parte una nutrimento destinata, reliquam debitis organis in *mel* convertant, & illam cotidie in alvearia deponant. Difficile quidem exploratû est, an quem è floribus succum ducunt, ore evomant, an parte alia ejaculentur; sed rationi magis consentaneum esse videtur, parte posteriori ejici, si in Apum stomachis efformetur, & suum illic saporem acquirat. Non obest, quod *Apes* in confectum *mel* involent, & floribus desertis, iis locis maximè delectentur, quæ *Melle* intinguntur, quoniam illud tanquam alimentum appetunt, quo nutriuntur, & denuo in aliud *mel* convertunt. Sicut mulieres quæ infantibus ubera præbent, *lac* hauriunt, & illud in stomachum traductum, in novum *lac* transmutant.

VI.

*Unde Manna
diversitas in
variis Regionibus.*

Manna secundum Regiones, in quibus depluitur, varia est, & non nisi in certis generum Arboribus colligitur. *Plinius* putat in *Quercu* & *Tilia* potissimum coagulari. *Calabri* in *fraxino*, *Syri* in *cedro*.

Ratio est, quod *manna* non nisi in Arborum foliis formetur, quæ ad ejus consistentiam & duritiem juvant. Cum enim ex solis Exhalationibus constet, ejus particulæ talis sunt figuræ, ut cum foliis aliarum Arborum conjungi nequeant. Unde

Baconus

Baconus mannam præstantissimam, & uberi proventu *Calabriam* ferre asserit, quòd *Mori* frondibus, ex quibus colligitur, quandam coaguli vim inesse existimet, qua delapsus ros inspissetur. Hanc autem vim *Mori* foliis attribuit, quòd *aspera* sint ac *hir-suta*, & conservando liquori magis idonea. Non tamen hic succus cum Melle confundendus est, cum diversæ sit ab eo indolis, & diversa ejus operatio. Mel enim *bilem* movet, & ad eam augendam plurimum conducit: manna verò eam abigit, & è Corpore deturbat.

ARTICULUS SEPTIMUS.

De Tempestate & Tonitru.

EÆdem Tempestates acrius in *Mari* sæviunt, quam in *Terra*: ut omnes, qui littora, & altum Mare explorant, testantur.

I.
Tempestates in Mari acriores sunt, quàm circa littora.

Ratio est, quòd Vapores ex Aquis sublati, *humidiores* semper, & crassiores illis sint, qui ex Terris exspirant, quique ex aridis Corporibus abstrahuntur. Unde plus Aëris, atque Exhalationis secum devehendo, Ventis validioribus creandis materiam suppeditant. Eam ob causam, Venti non ubique pari affectione imbuuntur, sed qui in una regione *sicci* sunt, in alia *humectare* possunt. Sic Venti *Meridionales*, qui in omnibus ferè locis *humidi* sunt, *sicci* in *Ægypto* feruntur, ubi *Africæ* Tellus Calore exsucca, & omni Humore destituta, illis materiam præbet, & eorum vigorem tuetur.

Hirundines tempestate imminente, ad Terram accedunt, & solito dimissiùs per *Aërem* feruntur.

II.
Quare Hirundines circa Terram volitent, in tanta tempestate.

Quia Nubes, quæ ex alto decidunt, quæque suo pondere interjecta Corpora deprimunt, *muscas*, quibus Hirundines pascuntur, versùs Terram propellunt, quibus familiare est ad blandiente Cælo, & clementi Aere in altum evolare, & libera spacia evagari.

Mare rarò, aut nunquam magis concutitur, aut impensius fervescit, quàm dum turbinibus, aut procellis, quas *Travados* appellant, agitur. Illæ enim inter cæteras, maximè Nau-

III.
Cur Travados ita sint Nautis formidabiles.

tis formidabiles sunt, & quarum furem omni conatu evitare moluntur.

Earum Tempestatum vehementia, præsertim paulò ultra *Bona Spei* promontorium sentitur, quoniam illic Vapores magna quantitate, ex *Aethiopico* Mari emissi, (quoniam latissimum est, & Solis radiis maximè fervescit) Ventum *Occidentalem* facillè producere possunt, qui eorum impetum sistunt, qui à Mari Indico ipsi opposito proficiuntur, & ita illos in *Nubem* adigunt: quæ nubes, quia ex inæqualitate oritur, quæ inter immensa duo illa *Maria*, & *Terram* hanc, quæ etiam latissima est, interponitur, majorem molem habere debet, quàm quæ in regionibus nostris efformatur, ubi tantum à minoribus istis inæqualitatibus pendet, quæ planities nostras interfecant, & lacus ac montes dirimunt: Ita hæc Nubes sublimis, magno pondere comparato, tota decedit, & magno impetu omnem subjectum Aërem agens, Tempestatem excitat; quæ vehementior passim efficitur, quo minor in initio nubes depressa fuerit, quoniam altissima, & maximè remota à Terra esse supponitur. Manifestum autem est, ponderosi Corporis impetum, validiorem esse, quo ex loco *editiori* descendit, & longius spatium dimetitur.

IV. In magnis Tempestatibus, quidam Ignes in Malorum fumitate aliquando consistunt, qui *Castor* & *Pollux* à Nautis vocantur, si duo sint: *Helena* autem, si unicus. Illos felicitis augurii esse existimant, hunc vero infaustum, & qui immitiorem tempestatem portendat.

Quæ origo Castoris & Pollucis & quomodo boni augurii esse existimantur.

Nascuntur hujusmodi Ignes, ab Exhalationibus, quæ Vaporibus in nubem coalitis admiscuntur, quæ cum ob partium fumarum soliditatem, & irregulares suas figuras, à Nube delabente, pari impetu cum Vaporibus propelli nequeant, Aëris agitatione, ab ipsis sejunguntur: ac proinde hæ exhalationes, in varios cumulos congregatæ, quàm altissimè possunt, juxta nubem volitantes, malis navium, aut funibus implicantur; dum nubes ad sui Motus terminum perveniens, illas eo usque detrudit. Duo autem ignes melioris spei signa sunt, quòd procellæ acriores in fine sint, magisque sæviant, ac proinde multiplicatis Ignibus, franguntur Tempestates, & plures nubes unæ aliis incumbendo brevi disperguntur. Uno autem solummodo Igne conspecto, acrior Tempesta, majorque Aquarum cluvies

eluvies expectanda est; quoniam superesse adhuc possunt nubes, quæ in inferioribus ruant, & novis viribus Mare concutiant.

Tonitru *æstati* familiarius est, quàm *hyemi*, in qua non nisi rarò auditur.

V.

Cur Tonitru frequentius æstate quàm hyeme auditur.

Ratio est, quòd Tonitru ad modum procellarum, & nubium lapsu oritur, dum nimirum *Superiores* magno impetu in *Inferiores* decidunt; quod certè non contingeret, nisi dum Aër calidior circa *Superiores* delatus, illam sensim condenseret, & graviolem efficeret. Cùm autem *hyberno* tempore, non tam facilè Calor sufficiens nubibus dissolvendis ad *Superiores* usque pertingit, manifestum est, frequentius in *æstate* tonare debere.

Tonitru fragor varius est, & non semper eodem modo Aures nostras percellit; quandoq; enim continuo fragore, aliàs ictibus repetitis auditur.

VI.

Unde varius Tonitru fragor.

Continuatur Tonitru Sonus ob varias corporum Reflexiones, & circumambientis Aëris resonantiam. Nam sicuti unus tormenti bellici bombus, continuato fragore auditur, ob collisionem, edificiorum, & aliorum locorum redundantiam: Ita diuturnior redditur Tonitru fragor, ob Aërem circumquaque positum, & disposita per ordinem Corpora, quæ illum reverberant. Quòd autem interruptis fragoribus interdum tonet, ex hoc solo procedere potest, quòd partes editiorum Nubium, vel simul omnes delabantur, vel una post aliam, vel tardius aut celerius; vel quod inferiores majores, aut minores, crassiores aut tenuiores sint, & magis aut minus obnituntur.

Post ingentem pluviam, Tonitru desinit, & omnis in Aëre fragor cessat.

VII.

Quare post pluviam omnis fragor desinit.

Quoniam nubes superior in subjectam delapsa, tanta vi pollet, ut illam concutiendo, eam penitus deiciat; & quamvis fortè non satis virium habeat, ad illam omnino infra deturbandam, ex ea tamen, aliquos nivis floccos excutit, qui per inferioris Aëris Calorem decedentes, in pluviam convertuntur. Ob eandem causam, Tonitru vehementiam Bombardarum explosione, aut Campanarum sonitu, fulminis vim infringere nituntur; Quippe nix Aëris agitatione concussa, discutitur, & ad descendendum adigitur.

VIII.

Tonitru post fulgur semper auditur, etsi illo sit prius.

Tonitru celeritate Fulguri cedit, & quamvis eò sit prius, posterius tamen semper percipitur.

Hujus rei manifesta redditur ratio, quòd Visus ope globulorum Cœlestium peragitur, qui cùm solidi sint, & divisionem non patiantur, non vacillant aut desectuntur. Auditus verò, sit tremulâ Aeris agitatione, cujus particulæ, cùm flexiles sint, & à se invicem disjungantur, in se reflectuntur, & vacillant.

IX.

Tonitru sit in doliis liquore repletis perturbatio.

Tonitru fragore, *Vinum* in doliis perturbatur, & aliam à priori qualitatem assequitur.

Quia cùm Fluida Corpora, non seipsis moveantur, sed agitationem suam à Materia subtili intercurrente habeant; necessum est, illam motus hujus agitationi debere proportionari. Verùm, quum concusso per Tonitru æthere, intercepta in ejus meatibus materia, plurimum distrahatur, cursusque irregulares subeat, necessum quoque est, liquorum particulas, præter solitum inflecti & confusionem in eo, quod componunt, Corpore inducere. Sic deprehendunt non raro *medici*, Sanguinem nihil quoad externam speciem mutatum, venosum *Virus* fovere, aut subito in *febrim* inardescere, à motu scilicet subtilis Materiæ perturbato, & temerè massam sanguineam pervadentis.

ARTICULUS OCTAVUS.

De Fulmine.

I.

Cur fulmen in Turres & proceras arbores passim decidit.

Editiora loca magis quàm humilia, Fulmine feriuntur: Hinc montes sæpius quàm Valles, Fulminis ictus tolerant, necnon proceræ Arbores, ut *Ilices* & *Quercus*, illius injuriis maximè obnoxie sunt. Unde Claudianus.

*Incubuit nunquam cœlestis flamma salictis,
Nec parvi frutices iram mernere tonantis;
Ingentes quercus, annosas fulminat ornos.*

Ratio est, quòd Fulmen accensis Exhalationibus constat, quæ ob

ob suam raritatem & volatilitatem, à Vaporibus secernuntur, & simul cum turbine in Terram irruentes, debent potius *Turrium* fastigia, vel *montium* vertices percutere, quam loca depressiora. Fulmen enim, *Nube* dehiscente, potissimum ex ea parte crumpit, quæ cæteris infirmior est, aut ejus impetui magis resistit. Cum autem *Turres*, *scopuli*, cæteraque alia *eminentiora* loca, illi magis oblucentur, facilius Nubes talium Corporum occursum diffringitur, & in illam vim suam exercet.

Lapis interdum in fulmine generatur, & cum eo ex nubibus cadit, qui passim *Cuneus*, seu *fulminis telum* nominatur, quoniam omnia Corpora disrumpit, & obstitentia quæque prosternit.

II.

Quomodo Lapis in fulmine generatur.

Id accidit, si Exhalationibus, quæ Fulmen componunt, multæ aliæ *pingues*, & *sulphureæ* admisceantur, præsertim si crassiores etiam adsint, ei Terræ similes, quæ in fundis *vasorum*, in quibus collecta est pluvia, subsidit. Nam quemadmodum experientia discimus, si *hujus terræ*, *nitri*, & *sulphuris* certas partes simul misceamus, misturamque istam incendamus, illam, temporis momento in Lapidem quandam concresecere: Ita Lapis fulmineus, ex viscosis ac Terrestribus Exhalationibus, *sulphure* admixto generatur, quas in ipsa adhuc nube, vel etiam per Aërem descensu sibi adjungere potest. Unde nonnunquam non Lapis modò, sed & ferrum, aliæque Metalla cum fulmine dilabuntur. Testatur *Agricola libro quinto de ortu subterraneorum*; in Persia, cum coruscat, corpora ærea, & sagittis hamatis similia decidere, quæ in fornacibus non liquefunt, sed quorum humor in *fumum* resolvitur, residua terra in *Cinerem* abeunte.

Aurum, *Æs*, *Argentum*, fulmine liquatur intus, sacculis ipsis nullo modo ambustis, ac ne confuso quidem ceræ signo. *Dolia* exhauriuntur intactis operimentis, nulloque alio vestigio relicto. *Marcia* princeps Romanorum icta gravida, partu exanimò, citra ullum aliud incommodum vixit. *Plinius libro secundo capite 51.*

III.

Ut Fulmen Aurum in bursa, Vinum in dolio illis intactis consumatur.

Varii illi Effectus, à varia fulguris compositione pendent. Quoddam enim Exhalationibus maximè *subtilibus* constat, quæ *Salis* volatilis vim imitantur, aut *Aquæ* fortis naturam sunt adeptæ. Et tale, *rara* & *tenera* corpora intacta relinquit, commi-

IV.

comminuit autem & dissipat densiora, & quæ illis renituntur & obstitunt. Unde Fulmen, *Argentum, Æs, Aurum*, liquefacere potest, *Crumenâ*, aut saccis illæsis: sicuti videmus Aquam fortem per *ceram* liberè transmitti, *ferrum* autem, & simile durum corpus resolvere, & in minutias partiri. Cujus rationem adfert Seneca in Quæstionibus naturalibus capite 52. *Valentiora, inquit, quia resistunt, vehementius fulgur dissipat: cedentia nonnunquam sine injuria transit, cum lapide ferroque & durissimis quibusque configit; quia viam necesse est per illa impetu querat: Itaque facit viam qua effugiat. Teneris & rarioribus parit, quanquam & flammis opportuna videantur; quia transitu patente minus sævit.*

IV.

Quomodo Vinum fulmine absumitur, dolio intacto.

Quoad secundum de *Dolio*, quod intactis operimentis liquore evacuator, dicendum est, per *Dolii* meatus, subtilissimam materiam subire, quæ acerrima sua agitatione, *Vini* partes ita imminuit, atque ad eam exilitatem reducit, ut per ejusdem *Dolii* poros transmitti queant. Unde brevi temporis intervallo, *Vinum* in Vapores conversum, per vasis poros, atque compaginata ejus latera extruditur, & singulari modo exugitur. Unde huic malo avertendo, solent Nonnulli antiquam tempestas ingruat, cados vinarios præmunire, superposita vasis *ferri lamina* cum *sale*, aut *silicibus*, eo quod cum durissimis fulmen conflictetur, & in ea potissimum vim suam exerat.

V.

Ut Marcia fulmine ista sæctum mortuum peperit.

Quantum ad *Marciam*, quæ fulmine afflata, extinctum sæctum peperit, non necessarium videtur ad Fulminis potentiam recurrere: quum id ex Timore contingere potuerit, ut *Matrona* illa scilicet, vicini fulminis delapsu territa, abortum passa sit: Quod per *Urbem Romanam* postea vulgatum, *Historicis* occasionem dedit scribendi, ipsa incolumi, exanimatum fuisse in utero partum. Vel si verè fulmine percussam admittamus, causa esse potuit, quod *Exhalationes* quibus fulmen illud constitit, ad *Oleorum* naturam accederent, adeò ut, lævem tantum flammam alendo, non nisi teneriora Corpora corripuerint, durioribus relictis intactis.

VI.

Ut Animalia fulmine suffocantur.

In hujusmodi exhalationes quorundam Animalium *interitus* refunditur, qui absque ullo exustionis indicio exanimata deprehenduntur. Talium enim exhalationum vehementia, ita prosternt Animalia possunt, quatenus ore naribusque obstru-

ctis, musculi ad respirationem destinati comprimantur ac ob-
rigeſcunt: Unde mirum non eſt, ſi ſubito cadant, & veluti
momento ſuffocentur. Poſſunt enim exhalationes ita ſubtiles
eſſe, ac adeo defæcatas, ut corpus facile penetrent, ac ejus in-
teriora præ partiũ teneritudine lædant, nullo ſui veſtigio
exteriũ relicto.

Nihil inter Antiquos vulgatum magis, quàm *laurum* ful-
mine invictum eſſe, & tanta vi pollere, ut peſtilentem ejus
ſpiritum abigat. Hinc *Tiberius* Imperator Tonitrua veritus, *lauream* coronam turbatiore Cælo geſtabat. Et *Columella* præ-
cipit, ut gallinæ incubanti, *laurea* ramulos adverſus fulmen, &
tonitrua ſupponantur.

Hujus immunitatis Cauſam quidam in Lauri figuram reſe-
runt, quæ maximè *rotunda* eſt, ac lævi & denſo cortice. Un-
de inferunt fulminis exhalationes, illi inhærere non poſſe, ſed
intactam prætereire. Verùm, infirmia videtũ hæc ratio, quum
columnæ marmoreæ, quæ *lauri* truncum *rotunditate* & duri-
tie ſuperant, aliquando fulmine feriuntur, & noxam recipi-
ant. Ut teſtatur *Cardanus ſubtil. libro ſecundo*. Florentiæ in-
quit, in æde maxima, ſeu potiùs in ædis ambitu, videmus co-
lumnæ fulgure percuſſam & violatam. Ego enim fabulam
eſſe credo, quod de Lauro tamdiu jactatum eſt, quum Autho-
res non deſint, qui aſſeverent *laurum* aliquando de Cælo ta-
ctam eſſe, ut *Comimbriçenſes*; & fictitiã omnino eſſe illam im-
munitatem, ut exemplis oſtendit *Vicomercanus comment. in Me-
teor. Ariſtotelis*. Ratio forte, cur illam Veteres lauro conceſ-
ſerint, eſſe potuit, quod *lauri* dum virent, ſpirituoſos halitus
ejaculentur, qui venenatos ſpiritus abigunt, & contagio ob-
nituntur. Sed veriſimile non eſt, lauri *frondes*, aut truncum,
tantæ eſſe Virtutis, ut erumpentiã è nubibus fulmina eludant,
& quos tegunt, aut ſuſtinent, ab eorum impetu liberent, &
tueantur.

Phoca, ſeu Vitulus marinus creditur nunquàm fulmine af-
flari: Idè tentoria Imperatorum ex *pellibus* Vituli marini
fieri ſolebant: & *Auguſtus* adeo fulmina expaveſcebat, ut eaſ-
dem ſecum ſemper portaret. *Suetonius*.

Quidam eam virtutem raro pellium contextui, minùſque ſo-
lido acceptum ferant, quod *Fulmen* per earum poros tranſ-
mittatur, & nullam injuriam ejus penetratione patiantur. Sed
hæc.

VII.

An *Laurus* à
fulminis ictu
eximatur.

I

in
tenta
p
ali

VIII.

Non *Phoca* eſt
fulmini impe-
netrabilis.

hæc ratio non satis solida videtur, ut tantam vim stabiliat. Nam qui immunis à fulgure is dici poterit, qui illis cooperitur? si fulmen per earum poros deducatur, & via ad eum, quem abscondunt, pateat? Hanc igitur phocæ tegmini attributam fuisse virtutem suspicor, ob miram quam habet cum mari *sympathiam*, cujus pili pelago turbato, & in fluctus affurgente, eriguntur; dimittuntur verò, & in planum sternuntur, si Aquæ subsidant, & æstus desluat. Hinc *Nauta* Aëris mutationibus cognoscendis, hujusmodi *pelles* circumferebant, quod fortè nonnullis ansam præbuit imaginandi, *Phocæ exuvias* adversus fulmen prodesse, & tabernacula illa ab ejus ictibus immunia esse, quæ talibus pellibus obteguntur.

ARTICULUS NONUS.

De Iride.

I.
Primaria Iris
vegetior est
quàm secunda-
ria.


Iris *primaria*, seu quæ sola plerumq; apparet, vegetior, firmioribusque Coloribus tincta exhibetur, quàm *secundaria*, quæ supra aliam assurgit. Hujus enim Colores debiliores sunt, & non nisi ordine inverso, conspiciuntur.

Illud à radiis provenit, qui ab utraque *Iride* ad oculum pertingunt. Qui enim ex interiori emergunt, veluti in *ampulla vitrea* post duas refractiones, & unam reflectionem, ad oculum nostrum perveniunt. Unde radii sub eodem angulo, quem faciunt, cum Axe communi, in eodem oculi puncto occurrunt, ab eodem conii base. *Exterior* autem sive *Secundaria* sit, quoniam radii infimo guttarum quadranti incidentes, post duas *refractiones*, & totidem *reflectiones* emergunt, atque oculo incidunt: Quo fit, ut *rubedo*, *flavedo*, *viror*, cæterique alii Colores qui in *iride primaria* conspicii sunt, debiliores sint, & ordine perturbato in exteriore exhibeantur. Quia radii incidentes, qui post duas refractiones & reflectionem unam, minorem elevationis angulum relinquunt, reflectione addita majorem faciunt; & è diverso qui majorem, saltè majori ex parte, minorem.

Sunt

Sunt qui referunt, Arcum Cœlestem cornibus everfis, hoc est, versùs cœlum exporrectis interdum aspexisse, qui eandem prorsus ipsis speciem ac aliæ Irides exhiberet; uti in F F F videmus exhibitum.

II.
An unquam videretur Irides inverse.



Quidam id somnium fuisse arbitrantur, & inter ea numerandum, quæ à deliris, & Amentibus finguntur. Sed meo iudicio nihil obstat, quin id interdum oriri possit; si Solares radii per reflectionem in maris, aut lacus alicujus superficiem incurrant; modò sit magna Aëris tranquillitas, nullusque Ventus adsit, qui Aquam commoveat, & inæqualem ejus superficiem reddat. Præsertim si quædam nubes, illi Aquæ superincumbat, quæ impediat, ne Solis lumen rectà ad pluviam tendens, illud quod Aqua eò remittit, supprimat atque extinguat. Verum est, talem Arcum non nisi rarò videri: At non ideo somnium dicendum est, quoniam paucis eum intueri contigit. Sufficit aliquandò apparuisse, ut quo pacto ortus sit, inquiratur, & illius novitatem non miremur tantùm, sed causam cognoscamus.

Sint igitur radii solares à Cœli regione SS. effusi, qui in Aquam D A E, & ab hac ad pluviam C F resiliant, oculus in B collocatus Arcum F F spectabit, cujus centrum in puncto C; ita ut linea CB, usque ad A, prolata, & A S per Solis centrum transeunte, Anguli S A D, & B A E æquales sint, & angulus C B F duorum & quadraginta circiter graduum. Potest tamen Oculus in tali situ respectu Solis & plu-

III.
Explicatio Iridis inverse.

viæ collocari, ut inferiorem circuli partem; quo Iris integra constat, spectet, non superiorem spectando. Atque ita ut illum pro inversa Iride sumamus, etiamsi tunc non versùs Cœlum, sed versùs Terram aut Aquam aspicientibus duntaxat videatur.

IV.

Quo pacto Iris pluviæ præ-
nuntiet. Iris passim imbrum, *nuntia* habetur, eo quòd certissimam pluviæ promittat. Hinc Claudianus,

Jupiter interea cinctum Thaumantide nimbis
Ire jubet.—

Quamquam id passim à Philosophis pro indubitato recipiatur, non tamen idèò universaliter est amplectendum, quum contrarium experiamur, & non minùs *serenitas*, quàm pluviosi dies Arcum Cœlestem sequantur. Nam licet Nubes, in qua depingitur, *rorida* sit, & Aquà turgeat, ea tamen esse potest Aëris temperies, ut quicquid Humoris in ea continetur, evaporetur, & Calore accedente in auras evanescat. Unde impedità concrezione, & disjunctis Aquæ particulis, mirum non est, si nulli imbres nascantur, & serenum Cœlum appareat. Ex quo colligitur, non generaliter verum esse, quod asserit *Aristoteles*, Arcum à Meridie ortum, magnam Aquarum vim devehere; circa *Occasum* autem, non nisi leves pluvias minari. Cùm iis *Signis* non rarò decipiamur, & fulgente à meridie Iride, quandoque serenescat, & versùs occasum, ingentes imbres decendant. Unde Plinio magis assentior, dum scribit, *Arcus frequentes ne pluvias quidem, aut serenos dies cum fide portendunt.*

V.

Tres Irides ali-
quando visi.

Conspècti sunt interdum tres Arcus Cœlestes, adèò ut, tertius superveniens, duos ordinarios cinxerit, sed *pallidior*, minùsque aliis vegetus, & tantum circiter à secundo distans, quantum ab illo primus removebatur.

Contigit illa Iris *tertia*, ope grandinis, quæ roranti Nubi admixta fuit. Nam cùm grandinis lapilli, rotundi sint, ac pellucidi, & major in illis quàm in Aëre refractione fiat, *Arcus Cœlestis* exterior, multo etiam major in illis esse debuit, & ita supra alterum apparere. *Interior* verò, qui ob eandem rationem longè minor debuit fuisse, quàm Interior Pluviæ, fieri potest, ut ob insignem hujus fulgorem, nullam sui speciem præbuerit, vel ut uterque limbis commissis, pro uno fuerit existimatus, sed pro uno, cujus Colores aliter quàm in Arcu ordinario.

dinario dispositi esse debuerunt. Igitur Iris Tertia cum *Primaria* convenit, quòd fiat per radios in superiorem guttarum portionem incidentes, ac proinde idem Colorum ordo utrique insit, nisi quòd in secunda, Color sensim deficiat, debiliòrque sit quàm in prima, & in tertia quàm in secunda.

Observarunt Antiqui, quocumque Iris velut imminens, aut incumbens devertit, suavem exhalari odorem. *Bacon.*

VI.
Iris suavem odorem spirat.

Causa est, quorundam Corporum indoles, insitã suavitate præditorum, quàm placidus Iridis ros prolicit. Idem efficiunt modici *imbres*, qui Terram suavitate perfundunt, sed nulli tam delicati sunt, quàm ros Iridis, quemcunque in locum deciduus, forte quòd ipsi Aquæ insit suavitas; Cùm Iris nihil sit, quàm agglomeratæ guttulæ, quæ deplui nequeunt, nisi ex Aëre admodum humili, qui fragrantiam herbarum & florum, instar Aquæ destillatæ, retinere integram queat. *Pluvia* enim aliúsque ros, ex alto delabens, odorem servare non potest, quem in ascensu dissipatum perdidit exhalatio. Unde animadvertit Plinius Lib. 12. Cap. 24. quod in quocumque frutice curvetur *Arcus Cælestis*, eandem, quæ sit *Aspalatho*, suavitatem odoris existere: sed in *Aspalatho* inenarrabilem quandam.

Iris non omnibus eadem apparet, sed sua cuique videtur: unde tot in nube picti *Arcus* conspiciuntur, quot oculi sunt, qui versùs eam diriguntur.

VII.
Non omnibus Iris eadem apparet, sed cuique sua.

Hujus multiplicitalis ratio est manifesta, ex eo quòd radii, qui unius oculo incidunt, ad alterius oculum non pertingant. Nam licèt quælibet *gutta*, solis radium remittat, nubes tamen coloratam Iridis speciem solùm exhibet, dum in eo situ posita est, ut certo Angulo reflectionem faciat. Unde si quis versùs eam progrediatur, aut aliquot passibus ab eo retrocedat, non eandem semper Iridem contemplabitur, sed aliam atque aliam, prout *Angulus* per processum augebitur, vel retrocessum decrescet.

Luna interdum Arcum Cælestem depingit, quem *Aristoteles* die mensis unica, atque etiam in *plenilunio* contingere asseverat.

VIII.
Luna etiam Iridem generare potest.


Ambigi nequit, quin radii lunares in Nubem impingi possint, & eo modo in singulas ejus guttas agere, ut ad oculos nostros reflexi, Iridem exhibeant, Solari quidem debiliorem, nec tantà Colorum varietate decoratam. Talem se Oxoniæ Anno millesimo sexcentesimo sexto, mense Junio vidisse testatur *Bombachius*

bachius. Verum, quod certis duntaxat temporibusprehendatur, ut *Aristoteli* placuit, falsum esse existimo, cum graves Authores fidem faciant, se bis illam duorum Annorum spatium aspexisse, idque variis diebus, & Luna non plena, sed medio orbe dissecta. Imo *Scaliger* *exercitatione octava*, veluti de re communi in insula D. Thomæ loquitur. In *Insula S. Thomæ*, inquit, si antecesserit pluvia, fieri à Luna Iridem, cujus color sit quasi alba nebula. Coloratum ego ipse duobus vix abhinc annis, in Anglia sum contemplatus prope *Antempecourt* Regis palatium, decem aut undecim miliaribus *Londino* distans, circa medium Octobris, & Luna in cornua falcata. Hujus spectaculi testem habeo Nobilissimum ac Eruditissimum Virum Equitem Carolum *Vualdegrave*, in cujus consortio tunc eram. Qui rei novitatem admiratus, aiebat, se talem Arcum vesper-
tinis horis nunquam aspexisse. Quippe adeo dilucidus apparuit, distinctosque præferebat colores, aut Solarem Iridem aliquo modo æmularetur, & similem, quamvis debiliorem speciem exhiberet.

IX.

Ut Coronæ circa Candelam formantur.

Non raro contingit, ut quis circa lampades, aut candelas Iridesprehendat. Quales per litteras A B, C D delineantur, præsertim ubi quis per tempus aliquod alterum Oculorum clausierit, altero aperto.



Nonnulli effectum hunc *Aëri* Lucernam circumambienti tribuunt, qui suâ crassitie radios reflectit, eosque transvertit. Sed eos hallucinari maximè evincitur, quum talis circulus, non ab omnibus videatur: quod tamen fieri deberet, si ab *Aëris* crassitie oriretur. Verum quomodo nascatur, faciliè dignoscetur, si causa transversorum radiorum, qui ibidem aliquando videntur,

tur, detegatur. Dico igitur id fieri posse, si una tantum aut duæ perexiguæ rugæ sint in aliqua ex superficiebus tunicarum, EMP Oculi FOSMN quæ ob ejus figuram sint circulares, & Centrum habeant in linea EO, quemadmodum ibidem etiam, sæpe aliæ sunt, secundum Lineas rectas extensæ, quæ se mutuo decussant, in hac Linea EO, efficiuntque, ut magnos quosdam radios hinc inde sparsos circa faces ardentes videamus: Ut etiam si quid opaci occurrat, vel inter E & P, vel alicubi ad latus, modò ibidem circulariter se diffundat.

ARTICULUS DECIMUS.

De Ignibus in Aëre accensis.

Ignes fatui non rarò viatores ad *lacus & paludosa* loca deducunt: Unde fit, ut domum noctu petentes, eos insequendo, in præcipitia non rarò decidant, & fraudulentorum Ducum Lumine, ab itinere deviant.

Hic Effectus ex iis, quæ antea de Ventis diximus, colligi potest. Nam cum plures Vapores tempore nocturno, è Terra, quàm ex Aquis attollantur, fit ut *erratici* Ignes illi, qui Aeris cursum sequuntur, versùs Aquas, aut paludes deferantur: quoniam illic, ob minorem agitationem, Aër refrigeratur, fitque eo, qui Terræ incubat, condensior, ac proinde hujusmodi Ignes *Aëris* alis quodammodo sulti, & ejus motibus obsequentes, cò è vicinis Terris devehuntur.

Nihil magis inter Philosophos tritum, quàm Ignes *fatuos*, accedentes ad ipsos fugere, insectari autem eos, qui fugiunt. Ut multis exemplis apud omnes probatur, præsertim *Fromondum*.

Causa Aëri imputatur, qui cum levis, ac fluidus sit, ambulantis agitatione concussus, illos propulsat, eosdem autem defert, dum fuga sequitur. Nam si ante ambulantem Ignis consistat, Aëre anteriori depulso, propellitur, & insequentem fugit: Si verò post ambulantem est, Aëre tergum *insequente*, comitatur, & ipse fugientem insectatur.

Notatur.

I.

Cur Ignis fatuus ad lacus & flumina homines deducant.

II.

Quomodo fatuus Ignis sequantur fugientes, & sugiant insequentis.

III.

Unde proveniunt flammæ quæ circa crines Pueros interdum apparent.

Notatur in Veterum scriptis, quosdam Ignem emicuisse, qui puerorum capillis adhæserint, & absque illorum sensu, innoxioque capillitio, aliquando fulserint. Id *Ascanio* *Æneæ* filio, contigisse narrat *Virgilius* libro secundo *Æneidos*.

*Ecce levis summo de Vertice visus Iuli
Fundere lumen apex, tactuque innoxia molli
Lambere flamma comas, & circum tempora pasci.*

Oriri possunt huiusmodi flammæ, dum Exhalatio subtilis & penetrans, talis nempe, quæ *Salis* naturam participat, alterius pinguis & *sulphurea* meatus ingreditur. Hoc enim sufficere potest, ad tenues quasdam flammæ tam in sublimi, quam in infimo Aëre excitandas. Nam certum est, non tantum violentam Agitationem, sed sæpe etiam solam diversorum Corporum *misturam*, Igni producendo sufficere. Ut in *Calce* Aqua conspersa videmus, & innumeris aliis exemplis, quæ cotidie chymicis occurrunt.

IV.

A commotis spiritibus potest illa flamma provenire.

Gigni etiam possunt huiusmodi lambentes flammæ, ex spirituum commotione, qui è Corpore erumpunt, quique inter se convoluti, quandam Ignis speciem præ se ferunt: ut de *Alexandro* Magno referunt Historici, qui in magno prælii ardore *scintillas* emisit. Et de feroci *Tiberii* Equo, è cuius capite flamma emicuit. Nam cum *Alexander* igneæ fuerit complexionis, & multum Vino indulgeret, potuere per ejus poros spiritus transmitti, formandis Ignibus idonei: sicut ex Equo *Tiberii*, velociori agitato incalescente, viscosus & pinguis sudor erumpere, ex quo Ignis accensus est, sed innoxius, & omni ardore destitutus. Hinc *Ignes fatui* locis pinguioribus, ut *cloacis*, *cæmeteriis*, *palustribus*, potissimum incumbunt, quoniam inde major Exhalationum copia educitur, & viscidiores spiritus, illic magis erumpunt.

V.

Affricta pelles felinae scintilla volant.

Ob eandem rationem, felina pelles, ubi affricatur, præsertim hyberno tempore, scintillas emittit, quoniam per Hyemem, Feles pinguior est, quam per Æstatem, ac proinde plus viscidum humoris suppeditant, ad scintillas excitandas. Quia verò in Æstate, Halitus facile in Aërem erumpunt, mirum non est, si materiâ Ignis generandi deficiente, scintillæ non tam sæpe ex tali affricu appareant.

Serenis

Serenis noctibus, *Stellæ* de Cœlo delabi videntur, quæ veluti Igne continuo, iter suum signant, & illuc celerrimè transiunt.

Tales *Stellæ* gignuntur, dum magnus æstus, & siccitas præcessit, & dum spatium, quod inter duas Nubes interjacet, multas Exhalationes continet, admodum subtiles, & Igni concipiendi idoneas: Quippe si tunc ita *loves* sint, & parum densæ, ut una ex loco satis alto ruente, nullus *fulminis* Sonus audiatur, neque Tempestas in Aëre excitetur, nihilominus interjectæ *Exhalationes* ita convolvi possunt, ut minores flammæ oriantur, quæ *Stellæ cadentes*, vel *discurrentes* appellari solent. Unde pro varia accensæ Exhalationis specie, diversa sortiuntur nomina. Nam si Exhalatio jacens & oblonga accendatur, *Trabs* vocari solet, si basim paulò latiorè ampliorèmq; habeat, *Pyramis*; si rotundam, *Clypeus*; si circa medium infletur, & intumescat, minuatur verò versùs extrema, *Draco*, &c.

Ignes, qui juxta Terram originem habent, aliquamdiu permanent, & non nisi post aliquod tempus pereunt: Illi verò qui in sublimi summòque Aëre formantur, statim ab ortu evanescent & extinguuntur.

Ratio est, quòd flamma fortiùs, debiliùsque materiæ adheret, prout illa magis, aut minùs densa est, & compacta. Cum autem *Meteora*, quæ altiùs in Aëre formantur, valde tenui ac rarâ materiâ constent, necessum est illa intra breve tempus interire, & non nisi per brevissimam moram lucere. Quippe si eorum materia densa esset, proprio pondere in Terram deducerentur, & sedem superiorem relinquerent. Et idcirco *Aristoteles primo Meteororum*, illos ei flammæ similes esse arbitratur, quæ secundùm fumum *lucernæ* recens *extinctæ* decurrit, quum hæc lucerna ad alterius flammam, ab ea nonnihil distantis denuo accenditur.

In Cœlo videmus aliquando *præliorum* simulachra, *armatos* Milites, & irruentes in sese *Acies*. Anno Domini millesimo quingentesimo quadragesimo quinto, tales in *Silesia* apparuere imagines. *Ursus* ab oriente aciem instructam ducebat, cui ab occasu armata manu *Leo* occurrit; intra utrumque exercitum lucidissima emicuit *stella*; mox inter se congressi dimicarunt acriter, ut destillare ex sauciatis *sanguis*, & exanima Corpora decidere.

VI.

Quid sint illæ
Stellæ, quæ de
nocte cadunt.

VII.

Cur Ignis prope
Terram geniti,
aliquamdiu du-
rent, non autem
illi, qui in sub-
limi formantur.

VIII.

Unde oriuntur
Exercitus quæ
in Aëre ali-
quando videntur.

decidere viderentur. Inter præliandum *Aquila* sese supra copias *Leonis* de alta rupe, alarum libravit remigio. Dirempto quasi certamine, *Leo* inter suas fulsit cohortes; nulum *Ursi* vestigium, sed prostrata jacuere cadavera, quæ alter constiterat exercitus, quibus canitie venerandi adstiterant *Senes*. Finito prælio, reduxit exercitum ad occasum *Leo*, quo aliquotusque progressu, quidam albo Equo & ornato vectus, ad pugnae locum à copiis rediit, atque in eum equum juvenem cataphractum ibi stantem collocavit, & versus ortum procedentem comitatus, cum cæteris speciebus evanuit. *Jonston, admirand. Meteor.*

IX.

Plebis proclivitas ad omnia promiscuè credenda.

Haud ignarus sum, quantum apud Plebem hujusmodi Narrationes valeant, & quàm proni ad ea credenda Homines sint, quæ futurorum notitiam ipsis detegere imaginantur. Sat est duas Nubes in oppositum constitui, & aliquas refractiones & reflectiones efficere, ut statim apprehendant illas inter se *congyredi*, dilucidiores earum portiones, *cataphractos Milites* esse, imo Armorum audiri *crepitus*, *missilia* transvolare, & aliorum *chypeis* excipi. Vidi ipse in *Flandria*, nocte serena, in Aëre Vapores modo insolito dispositos, & qui nonnihil Luminis in sese refundebant, ita Incolas terruisse, ut proxima luce passim se instructas *acies*, directas *hastas*, emissos *globulos* spectasse se referrent: Imo *tuba* sonum, ensium *strepitum* audiisse asseverarent.

X.

Causa apparentis in Aëre Accidit.

Sed quia accidere potest, ut reverà hujusmodi species conspiciantur, duas addam rationes, è quibus contingere hujusmodi simulachra posse videtur. Prior est, quòd in Aëre, variae nubes esse possint, ea parvitate, ut singulæ militum speciem referant, & unæ in alias irruentes, satis magnam Exhalationum copiam contineant, ad parva quædam fulgura excitanda, atque interdum *glandulas* emittendas, & aliquos sonos edendos; ex quo præliari milites, & inter se configere appareant. *Posterior*, dum omnes illæ exiguæ nubes sibi proprio lumine splendent, & lumen illud reverberant, quod coruscationes & Ignem magnæ alicujus Tempestatis, tam longè inde sævientis, (ut ibi ex Terra non percipiatur) ad illas usque transmittunt.

ARTICULUS UNDECIMUS.

De Halonibus & Parbeliis.

HAlones, five *Coronæ* non nisi Aëre sereno fiunt conspicuæ, & in hoc ab *Iride* distinguuntur; quæ nunquam apparet, nisi pluente cœlo, ubi deprehenditur, & si forte ubi consistit spectator, non pluatur.

I.
Cur Halones non
nisi dum serenum
apparent.

Ratio hujus diversitatis, ex utriusque compositione facile eruitur. Quippe *Halones* non per radiorum refractionem, quæ sit ex Aquæ guttis, quemadmodum *Iris*, oriuntur, sed per eam quæ ex *stellulis*, five *lamellis* ex glacie pellucida compositis, & licet hujusmodi stellæ nunquam nisi inclementi cœlo, frigidisque mensibus decidere videantur; ratione tamen convincimur, illas quacunque Anni tempestate generari: imo cum Calore opus habeant, ut ex *albis*, quales sunt initio, *pellucide* reddantur, verisimile est, æstivos menses, magis ad illarum formationem conducere.

Vise sunt aliquando *Coronæ duplices*, ita dispositæ, ut una supra alteram expanderetur, fieretq; concentrica.

II.
Quomodo fiant
duplices Coronæ.

Id accidit, si duo aut plures ordines particularum glaciei congesti sunt, dummodò radios Solares, non ideò planè excludant: illi radiorum qui per duos ordines in Stellarum extremitatibus penetrant, bis ferè tantundem incurvati, quantum alii, qui per unum tantum, alium circulum coloratum producent, ambitu quidem priori longè majorem, sed minùs lucidum: ut ita duæ *Coronæ*, quarum una alteram ambiat, & quarum exterior interiori minùs *picta* sit, appareant.

Coronæ circa Solem, aut Lunam videri non solent, dum sunt *horizonti* vicinæ, five dum ista Sidera oriuntur, vel occidunt.

III.
Quare Coronæ
non videantur
circa Solem aut
Lunam, dum ori-
untur, aut occi-
dunt.

Quia tunc Siderum radii, obliquius in glaciei particulas incidunt, quam ut illas penetrare possint: ac proinde non fiunt illæ refractiones, quarum ope Circuli, five *Coronæ* peraguntur.

Spurii Soles, interdum plures apparent in uno circulo contenti. Fertur enim *sex* Anno Domini millesimo sexcento-

IV.
Unde multi So-

les in uno Circulo nascuntur.

simo vigesimo quinto, à *Polonia Rege* esse visos. *Quinque* toti populo Romano anno millesimo sexcentesimo vigesimo nono apparuisse, & per quatuor horas spectandos se præbuisse.

Oriuntur hæc *Parhelia* in Nube continua glacie conflata, cujus superficies satis polita & tersa, à Sole versùs meridiem elato, illustratur, & receptos radios in nivem nubis, quam circumdat, reverberat. Quoniam tunc *Nix* è Terra subiecta eam aspicientibus, ad modum ingentis albæ coronæ exhibetur, in qua Circulus unus, ob radios directè à Sole fluentes apparet, duo sequentes ob eorundem *refractionem*, cæteri verò ob *reflectionem* conspiciuntur.

V.

Quo fit ut plures Soles in eodem Circulo, ab uno, quam ab alio videantur.

Multi Soles in Cælo apparentes, non omnibus eodem modo fiunt conspiciui: Aliqui enim spectatores in eodem Circulo plures, alii pauciores deprehendunt.

Ratio est, quòd radii à Solibus istis provenientes, non pari ratione ad quemcumque spectatorem deferuntur, cum aliqui eo in loco collocari possunt, ut non nisi *duos* videre queant; alii talem situm nancisci, ut *tres*, aut *quatuor*, alii *plures*, habità loci ratione, è quo oculos versùs sidera obvertunt. Radii enim, non omnium spectatorum oculos eodem modo afficiunt, nec radii, qui unius oculo incidunt, ad alterius oculum perveniunt: Quum indubiè, qui ex uno loco in alium migrat, alia sidera contempletur, & sicut varios *Halones*, ut antea dictum est, ita alias Solis *Imagines* spectet. Præterea, quum Terra, aut Sol necessariò moveatur, oportet Sole situm mutante, aut spectatore cum Terræ vertigine devolutò, visionis angulum mutari, & conspecta prius Sidera, post aliquot horas, eam latitudinem amittere, sub qua primum ei objecta sunt. Unde fit, ut cuique sui Soles videantur, & pro locorum varietate, alia atque alia *Parhelia* appareant.

VI.

Ut Sol nonnunquam noctu apparet.

Referunt Historici Solem aliquando *noctū* visum esse, & supra nostrum horizontem, eo tempore apparuisse, quo constaret illum infra delitescere.

Causa fuit, quòd nubes ex glaciè stellulis conflata, in tam excelsa Aëris regione fuerint collocata, ut radii Solis infra *horizontem* existentis, ad eam provenire potuerint. Nam si eas *refractiones*, & *reflectiones* perpendamus, quas duæ, aut tres

tres exiguae nubes, variis in locis sitae, & lumen unæ ab aliis accipientes, efficere queunt, facile capimus, quomodo in assuetos quosdam fulgores nocturno tempore exhibeant, efficiantque, ut *Sol* supra nostrum Horizontem videatur, eo tempore, quo *infra nos* est; & umbræ in *Horologiis* plus justo accedant vel recedant, & *horam* prorsus aliam, quam revera est, denotent.

A Conspectis Parheliis Regnorum *Clades*, populorum *destructio*, Principum *Cedes* aut *interitus* contingere observatur. Hinc *Meteorologi* pene omnes, Sex Soles à Rege *Poloniae* vivos, *Francisci* Gallorum Monarchæ capturam apud Papiam spondisse: Et adulterinæ Solis imagines, quæ an. 1157. apparuerunt, *Eleftrum* in Regis Romanorum creatione dissidium præmonuisse asserunt.

VII.
An Parhelia
imminentes Cla-
des prænuntient.

Haud inficiandum est, quin post *Parhelia* insoliti quidam eventus contingant: At quis asseret, illos à visis Siderum imaginibus originem habere, & non fortuito potius, quam prævio sensu accidisse? Tantusne inter Corpora Cœlestia, & res humanas interest *nexus*, ut iis præter morem apparentibus, prodigia sequantur? Crede mihi, apparerent *Parhelia*, quamvis nulli novi Effectus prodirent; & novi effectus prodirent, etsi nulla in Cœlo *signa* præcessissent. Cessabit igitur Natura, non Naturales Causæ coibunt, effectusque sua non producent, nisi belligerent *Reges*, ni Principum capita devoveant *populi*, & nili Imperia, *clades*, *depopulationes*, *funera* mancant? Quot occumbunt Reges, quot Provinciæ vastantur, non apparentibus Parheliis? Si fortè post observata *Parhelia*, clades contingunt, mirum videri non debet, si ad Hominum mores attendamus, qui nunquam suâ sorte contenti sunt, & novi aliquid semper moliuntur. Deinde, quid habent *Parhelia*, quòd plus quàm cætera Naturæ *Phænomena* portendant? Annon eorum omnium eadem est materia? Annon casuale est, quòd hac tempestate potius quàm aliâ oriantur? Quæ Homini *vanitas*, ut sibi imaginetur se tanti esse, ut sua causa, *Prodigia* in Cœlo generentur, *Cometae* fulgeant, si bellum ineat; multiplicentur *Soles*, si regni alicujus Magnates sint conflicturi, aut alia *Emblemata* in Aère pingantur, si ægrotaturi sint, aut vitam cum morte

commutaturi. Ne tanti nos ducamus, ut fingamus illa, non nisi ut nos de futuris præmoneant, nasci : Cogitemus potius hæc Naturalia esse, & concurrentibus simul earum Causis non posse non oriri. Nihil ad eorum efficaciam confert, quod rarò contingant : Eorum enim infrequentia non prodigia esse arguit, non magis quam si *Leonem* miraculum esse existimemus, eo quod rarius quàm *Lupus* nascatur, & majori cum apparatu oculis nostris exhibeatur.

IV

HISTO-

HISTORIÆ NATURALIS PARS SEPTIMA.

De Plantis.

ARTICULUS PRIMUS.

De Plantarum Partibus.

Quælibet Planta radice constat; & si *Malabathrum* Indicum excipias, cujus folia supra Aquam sparguntur, nulla stirps reperitur, quæ Radice careat.

*R.
Cur cuilibet
Plantæ radix
insit.*

Hujus necessitatis causa, ab ipsius Plantæ natura desumitur, ad cujus conservationem maximè refert, ut aliqua ejus pars Terræ imponatur, & ei firmiter adhæreat. *Planta* enim *Radice* veluti manu, vel ungue Terram apprehendit, & excurrentibus fibris, quandam ejus portionem sibi arripit, & vendicat. Accedit quoque, quòd stirpes *Radice* tanquam ore utantur, ad Alimentum exfugendum, & novam sibi substantiam comparandam. Nam cum Plantarum vita, in continuo motu consistat, brevi intrinsecus Humor absumitur, ni alius per radicem accedat, qui elabentis locum suppleat, & Plantas ab interitu tueatur. Nec etiam *Malabathrum* Indicum aut *lens*, quam palustrem appellant, radicibus destituuntur, quicquid

quicquid de iis Veteres Philosophi scripserint : quippe si illa propius intuearis, videntur folia tenui *calliculo* prodire, & fundo ex quo deducuntur, infigi.

II.

Cur rectæ Arbores vite sint brevioris.

Hinc existimavit *Democritus* Arbores rectas, brevioris esse vite, quàm obliquas, eo quòd illis radices imbecilliores essent, ob rectos nimirum ductus, minus ad alimentum retinendum idoneos. Quamvis contrarium in *Palma*, *Alnæ*, *Cupresso*, experiamur, quæ etiam rectæ sint, diuturnæ tamen sunt, ob crassas prolisæque radices, è quibus Alimentum hauriunt.

III.

Unde quarundam plantarum Radices rotundæ, aliæ exiles sunt.

Quarundam Plantarum Radices, prout profundius Terram penetrant, tenuiores redduntur, & in *conum*, seu mucronem desinunt, ut Arborum Radices. Aliarum verò in orbem intumescunt, & figuram sphericam assumunt, ut *Rape*.

Arborum Radices versùs extrema, quibus Terram permeant, exiliores fiunt, quoniam succus per eas transiens, sursum evehitur, & diutius in superiori Plantarum portione remanet; nam licet Calor cujus vi nutritio peragitur, in omnes partes se extendat, & sursum deorsumque feratur, certum est tamen, acrius versùs Superiores partes transmitti, quàm versùs Inferiores; ac proinde cùm superior Arborum portio plus alimenti suscipiat, diutiusque nutriatur, non est mirum, si in majorem molem excrescat, & radices in mucronem producantur. *Raparum* autem Radices, orbiculares fiunt, quia Alimentum in priori earum nodo recipitur, qui quum implexis partibus constet, angustosque meatus habeat, transmitti Alimentum, & liberè percolari nequit, ac proinde necessum est, ut materia illa versùs latera diffundatur, & fibræ succo turgentes distraherentur, & expandantur.

IV.

Compressione terræ radix excrescit.

Hinc si herba à Radicibus rescindatur, terræque post validius conculcandæ, pedisque & lignonis operâ comprimendæ imponatur, sub primum hyemis frigus, Radicibus æstate immentum auctis, excrescet. *Bacon*.

Ratio est, quòd humor prohibitus, nè *Planta* intima pervadat, longius in Radice hæret, eamque dilatat. *Olitoribus* quoque in more positum est, post mandatas Terræ cepas & rapas, &c. Terram laxiorem comprimere.

V.

Quomodo fiunt cavitates in quarundam stirpium caudicibus.

Quædam stirpes, caudices cavos habent, & in medio perforantur, ut *Arundinis calami*, frumentorum *culmi*, qui à Radice fistulas ducunt, & inane spatium continent.

Id provenit, quòd fibræ, quæ nutrimento transmittendo inserviunt, non à *Planta* meditullio deriventur, sed à *modi* germinantis lateribus; quæ quia à medio recedunt, & certam distantiam servant, inane quoddam spatium relinquunt, & Cavitatem procreant. Hinc in *Capis*, tubus circa medium magis extenditur, quoniam fibrarum extremitates à se longius recedunt, & figuram sphaericam affectant. Sunt enim *Cæparum involucria* veluti totfolia, quæ circa medium latiora, in *cylindricam* superficiem convolvuntur.

Arborum trunci, unam & eandem figuram habent, nempe *sphaericam*, qua pene omnes afficiuntur, quamvis longitudine discrepent, & multiplici alia varietate distinguantur.

VI.

Cur Arborum trunci rotundi sunt.

Rotunditatis causa, in Arborum truncis eadem est, quæ in *liquidis* Corporibus, quæ à Cœlesti materia in illos impellente, formatur. Nam sicuti Globuli Cœlestes, partes Aquæ versus ejus Centrum æqualiter premendo, *sphaericam* efficiunt; ita iidem globuli in externam Arborum superficiem impellendo, ad rotunditatem adigunt, eque æquabilitatem conciliant. Non obest, quòd *Plantæ* liquoribus mollior cedant, nec tam promptè à circumambiente Subtili Materia figurari queant; illud enim eo compensatur, quòd liquorum *gutta*, statim & quasi momento *teretes* evadunt; Viventibus verò longiori Temporis intervallo, & iteratis innumeris pulsibus opus sit, ut similem figuram adipiscantur. Sic *ferramenta*, quibus nonnullæ partes eminent, frequentiore *manuum*, aut vestium contactu poliuntur, & asperitatem demum deponunt.

Pars Arboris exterior, & quæ velut *indusium* illam vestit, durior esse solet, quàm substantia ejus interna. Unde pleræque Arbores, *corticem* tempore verno exuunt, & illo ultrò spoliantur.

VII.

Que causa durities Corticis in Arboribus.

Nascitur extima Arborum durities ab aliis Corporibus, quæ in illas impingunt, & quodam assultu adoriuntur. Innumera enim sunt corpuscula, non Primi, aut Secundi Elementi tantum, sed & particulæ Tertii, quæ semper in Viventium *superficiem* irruunt, quæ cum omnia ejus meatus subire nequeant, vim faciunt, omnésque ejus partes versus medium propellunt. Ita *manus*, aut *pedes*, aliorum Corporum impulsu, *callum* contrahunt; sic *panis*, *carnis assæ* superficies in furno, Ignis servore in eam agentis induratur, & interiori sub-

stantia.

stantia compactior redditur. Quòd autem vernis temporibus, Planta suis *corticibus* denudetur, id ob Humorem affusum oritur, qui cum ea tempestate uberior sit, majorique copia inter corticem & truncum interfluat, gluten diluit, & illud subigendo, utriusque nexum solvit.

VIII.

Alimentum non solum per medullam aut corticem transmittitur.

Non tamen inde cum Quibusdam existimandum est, totum Alimentum inter lignum & corticem transfundi; nec etiam, ut aliis placuit, per *Medullam* solam, sed potius per utrumque, etsi nihil obstat, quominus quædam communicatio, seu irroratio mutua fiat. Cum certas quasdam Arbores videamus, quæ exempta, aut corrupta medulla vivant ac germinant, ut *Fuglans*, *Salix*, &c. Et alias quoque Cortice destitutas videamus, quæ lignum emittunt, gemmâque fovent.

IX.

Unde oritur diversitas Foliolorum in Plantis.

Omnia penè Plantarum *folia* discrepant, variâsque figuras sortiuntur. Quædam enim ampla sunt, ut in *Cucurbita*: Alia exilia, & capillata, ut in *pinu*: quædam carnosa, ut in *portulaca*, &c.

Foliorum conformatio ex diverso fibrarum plexu provenit, quæ, prout vario modo coeunt, aut distrahuntur, diversa foliorum genera componunt. Hinc quædam *longa* sunt, quoniam fibræ in longum duntaxat porriguntur, alia *rotunda*, quum transversæ explicantur, & ita de cæteris. Nam cum eorum plurima, non à *Cortice* duntaxat, sed & ab ipsa etiam interiori Substantia originem habeant, fit ut secundum umbicularis nodi dispositionem, Succus diversimodè sugatur, ac percoletur, ex quo diversi fibrarum ductus oriuntur, & variæ foliorum species exurgunt.

X.

Unde diversitas Foliolorum ejusdem Arboris.

Imo non diversarum Arborum *folia* duntaxat distinguuntur; sed unius etiam Arboris folia nunquam reperies duo exquisitè similia. Quis non Olivarum folia præ cæteris simillima esse judicet? & tamen omnia inter se discrepant. Quia licet *principia*, è quibus efformantur, omnimodam affinitatem habere videantur; nihilominus, potest cum illa similitudine *discrimen* interesse, aut in partium magnitudine, aut numero, aut figurâ, aut in cæteris circumstantiis.

XI.

Unde quædam Arbores folia per Hyemem retinent.

Ab eadem causa pendet, quòd Folia in quibusdam Arboribus in hyeme decidant, quoniam constrictis frigore corticis Meatibus succus transmitti amplius non potest. In his verò, quorum folia ex cortice *interiori*, seu, ut *Theophrasto* placet,

ex libro procreantur, non ita ob frigus decidunt, sed ob incrementum furculi ex gemma progeniti, qui folii locum occupat & invadit. Hinc in *Brasilia*, & in *Agypto* ad Memphim, agrumque Elephantinum, Arbores perpetuò virent, nec unquam defrondescent.

ARTICULUS SECUNDUS.

De Plantarum Viribus.

Quibusdam stirpibus vis calefaciendi, corporaque dilatandi inest; ut *Brassica*, *Cappari*, *Cinnamomo*. Aliis è contra refrigerandi, & eorum partes coarctandi, quibus insinuantur; ut *Hordeo*, *Cucumeri*, *Portulaca*.

Calefaciendi potentia in Stirpibus oritur, ex eo quòd tenuissimæ earum particulæ, Subtili Materiâ circumseptæ, Corporum meatus subeunt illòsque ita penetrant, ut partes, quibus immiscentur, ita agitent, ut earum compaginem solvant, atque continuitatem interrompant. Hinc ex impedito Materiæ Subtilis com meatu dissidium, & quædam rixæ species oritur, ac proinde *Calor*, vehementiòrque partium agitatio. Ut in mixtione spiritus *Vitrioli*, & olei *Tartari* cernitur; ubi ebullitio efficitur, dum utriusque consueti Motus turbantur, & unum in aliud vim suam exerit. Aliæ autem Stirpes frigus generant, quarum particulæ insensibiles, talis sunt structuræ, ut nostri Corporis partium Agitationem impedire, aut retardare valeant. Sic *Portulaca*, *Hordeum*, frigida dicuntur, quòd eorum corpuscula non facile à Subtili Materia discutiantur, & motum spirituum vitalium sistant, aut temperent. Ac proinde censendum est, majores Subtilis Materiæ particulas, in calidis Corporibus dominari, minusculas autem, & debiliores in frigidis, quoniam hæ minoris Agitationis capaces sunt, & facile ad quietem rediguntur.

Inter Plantas, aliæ in primo, aliæ in secundo, aliæ in tertio, aliæ in quarto gradu, frigidæ reperiuntur. In primo gradu, sunt flores *Rosarum*, *Violarum*, *Malva*, *Hordeum*, *Prunas*, &c. In secundo, *Acetosa*, *Lactuca*, *Plantago*, *Cucurbita*,

R r

Mala

I.
Quibusdam stirpibus Vis inest calefaciendi, aliis refrigerandi.

II.
Frigoris varias in Plantis.

Mala aurea. In tertio, *Opium*, *Papaver*, *Portulaca*, *Sempevirum*. In quarto, *Meconium*, *Cicuta*. Hæc enim Hominem interimit, & Sanguinis circuitum suâ frigiditate sistendo, vitam extinguit.

III.

Unde quedam
Plantæ Veneri
inerviunt.

Faba, *Asparagi*, *Satyrionis radices*, *Pastinaca*, *Orysa*, & similes, Veneri famulantur, seminisque copiam adaugent.

Quia cum Semen ex Sanguine probè cocto, & percolato oriat, vim habent supradictæ Plantæ Organa ad semen generandum deputata agitandi, laxandi, atque ita disponendi, ut materia ad illa appulsa, faciliè percoletur, & per *Colum mirabilem* liberè transmittatur. E diverso *Lactuca*, *Anethum*, *Hyoscyamus*, *Portulaca*, Semen *rutæ*, semen imminuunt; quoniam Corpusculis suis prædicti plexus meatus obstruunt, & sanguinem plus æquo crassum reddunt, ac proinde minùs percolationi idoneum.

IV.

*Portulaca tollit
Dentium stuporem.*

Portulaca stupori dentium succurrit, affectumque illum, quo gingivæ, post certorum ciborum esum constringuntur, tollit.

Ratio est, quòd hujusmodi stupor, ab Acidorum Corporum, quæ manduntur, corpusculis, proveniat, quæ intinias gingivas penetrantes, mandibulam, ac proinde dentes ipsos stringunt. Cum autem ex *Portulaca* lentus quidam succus exprimitur, qui per meatus gingivas subit, faciliè acres illæ particule ipsi adhærent, ac ita ope Salivæ exprimuntur, & foris amandantur. Eundem effectum *Sal* præstare dicitur, dum ejus affricu, gingivarum cavitates panduntur, quibus saliva copiose effluendo, acida illa corpuscula secum aufert.

V.

Quæ Corporibus
duritiem aut
flexilitatem
conciliant.

Quibusdam Corporibus Plantæ duritiem conciliant, & illa firma solidaque reddunt. Aliæ verò eadem emolliunt, & quandam in iis flexilitatem procreant.

Herbarum admixtione, Corpora *dura* evadunt, dum quibus constant particule, Calore antea concussæ, & à se mutuo separatæ, ab Herbarum succo occupantur, qui meatus permeans, earumque Agitationem coercens, efficit ut ad sese propius accedant, & intimius postmodum uniantur: quippe tenuioribus ejus *particulis* exhalatis, quæ supersunt arctius junguntur, & firmiter sibi ipsis adhærent. *Dura* autem Corpora mollescunt, & flexilia evadunt, dum eorum particulis à se invicem Calore divulsis, peregrinus Humor irrepit, qui disten-

tas

tas partes tenet, atque ipsis interpositus, mobiles & cedentes efficit. Ex hoc enim mollities originem ducit, quod partes à se invicem divellantur, & aliquid inter eas interfluat.

Quædam Herbæ virtute *diureticâ* præditæ sunt, ut *radices fœniculi, pimpinellæ, apii, bacca junperi, urtica, amygdala amara,* & similes, quæ urinam cient, & lotium excitant.

VI.
In quo consistit
Vis diuretica
Plantarum.

Hæc facultas in iis Plantis maximè viget, quoniam calidæ sunt, & earum particulæ facilè à Subtili Materia agitantur. Nam quum *Urina* obstructionibus detineatur, illæ penetrandi vim habent, eaque obstacula removendi, quæ lotii cursum fiunt ac remorantur. Quippe in meatus irrumpendo, *pituitam* incidunt, & *Arenulas* quadam viscositate coalitas dilipant ac excernunt. Unde fit, ut renibus ea commotione laxatis, materia in eis contenta dissolvatur, & facilè per eos trahici queat. Pari ratione de illis Plantis differendum est, quæ *Mulierum menses* provocant, & sanguinem retentum diluunt; ut *Crocus, Pulegium, Salvia*: quia Calore suo oppilatos meatus aperiunt, obstructionesque tollunt, quibus in uterum sanguis devehitur. Unde experimur omnes propemodum Plantas, quæ *Diureticæ* existimantur, calidas esse, ut *Raphanum, Erucam, Cinnamomum,* & similes.

Quædam Stirpes *Anodyne* sunt, sive quæ dolores Carnis mitigant, Vulnèra occludunt, & iis Cicatrices obducunt.

VII.
Quædam Herbe
Dolores & Vulnèra curant.

Hac virtute Plantæ imbuuntur, quæ *stipticæ* sunt, & similibus particulis constant, quæ in *Alumine* reperiuntur: quæ nimirum, dum sese vicissim irretiunt, & se concutiendo loca depressiora penetrant, Humorem noxium ac superfluum exsugunt & extrahunt; quo inde egesto, partem illam debito alimento recipiendo idoneam efficiunt; quo fit, ut *Vulnus,* hiansque plaga, sensim novâ substantiâ compleatur, coalescat, & demum cicatrice obducatur.

Sic *Alibea, semen tritici, radix alborum Liliorum, Chamamelum,* dolorem tollunt. Sic *Hypericum, Mastiche, farina hordei, Aristolochia,* carnem in vulnere, vel ulcere instaurant. Sic *Plantago, Cortices Granatorum,* vim glutinandi habent, & cicatricem inducendi, quoniam *stypticæ* sunt, illque particulis constant, quæ sese vicissim irretiunt, ac in partem subjectam premendo, humorem superfluum exprimunt.

VIII.
Ad quid utiles
sunt Herbe
stypticæ.

Papaver, *Cydonia, Granatorum succus,* & similes, Sanguinem

IX.
Papaveri, cy-

donec inest vis
sanguinem si-
stendi.

nem sistendi vim habent, & nimia Mulierum profluvia cohi-
bendi.

Quoniam talium Corporum particulae, poris sese insinuan-
do, commotas Sanguinis partes dividunt, easque ab invicem
suo interposito separant. Unde fit, ut minus agitatae, ea-
rumque Actione interrupta, ad se accedant, atque ex parte
coagulentur. Vel oriri potest hic Effectus, quod *Granato-
rum* succo, exempli gratia, venarum & arteriarum orificiis
incumbente, earum angustiae obstruantur, nec amplius de-
currenti Sanguini exitus pateat. Experimento enim discimus,
Sanguinem frigore coerceri, cursumque ejus interrompi : ut
dum frigidam Aquam *Temporibus*, aut Naribus adhibemus,
aut *laminam ferream* certae Corporis parti apponimus.

X.

Feniculum, Po-
lium, &c. lactis
quantitatem ad-
augent.

Nonnullae Herbae multum ad Lactis ubertatem conferunt,
ut *feniculum, polium, polygama* : Aliæ semini generando usui
sunt, ut *asparagi, pinæ nuces, oryza*, quæ seminis productiva
passim habentur, quæque illud impensè adaugent.

Priores copiosius *Lac* efficiunt, quoniam nutritivam vim
habent, & ut alimenta, Corpori famulantur. Unde succo
alimentitio admixtae, meatus laxant, viasque illas suâ cras-
sitie aperiunt, quibus Chylus ad *mammæ* transmittitur. Con-
stat enim facili percolatione Chylum in *Lac* converti, & U-
bera humore madescere. Par est de *seminis* generationem ratio;
nisi quod Herbae illæ, quæ ad Seminis productionem concu-
runt, plus *Salis* habeant, majorémque Calorem per Corpus
diffundant. Quo fit, ut organa ad Semen generandum à na-
tura destinata, liberius laxentur, & copiosius materiae transi-
tum præbeant, ut paulo antea dictum est.

XI.

Absinthium, A-
mygdale amarae
&c. Vermes e-
necant.

Amygdale amara, Absinthium, Cornua Cervi, &c. vermibus
adversantur, eosque in Corpore Humano enecant, vel expel-
lunt.

Ratio est, quod hæc omnia amara sunt, & acrimoniam su-
mentibus ingerunt. *Vermes* enim solis cibis dulcibus pascun-
tur, ex quibus non nutriuntur modò, sed & primùm generantur.
Nam cum *Amara* particulis constent asperis, & multis spiculis
undique illæ circumsepianitur, faciliè Vermes, qui teneri spon-
giolosque Corpore sunt, penetrant, & eorum interiora dilace-
rant. Hinc fit, ut *Vermes* intereant, vel *amarorem* vitando
cum sæcibus ejiciantur, vel nonnunquam in sublime tendant,
& ex Ore, vel Naribus prolabantur.

Nu.

Nutricum *Lac*, Herbarum odorem passim retinet: Ut in *Vaccis* quoque primum est experiri, quæ pro Herbarum qualitate, quas comedunt, *Butyro* vim diversam, Odorem, Saponem, Colorem varium impertiunt.

Id provenit, quod *Lac* immediate, ex *Chylo*, non autem ex Sanguine (ut vulgò creditum est) efficiatur. Chylus enim è Ventriculo ad mammas traducitur, & per ductus quosdam peculiare, ab intestinis, ad lactis receptacula transmittitur. Id cottidiana *Medicorum* praxis testatur, qui nutricibus *ca-tharrica* ministrant, quoties earum pumiliones purgatione indigent: quoniam Lacti ex *Chylo* purgandi vis communicatur: non autem Sanguini, qui per Cordis & Arteriarum longas ambages, variâsque mutationes subiens, vim eam retinere non potest. Nam quomodo fieri potest, ut *lac*, *Croci* tincturâ, exempli causa, leviter imbutum, infra semihoram, per mammas refundatur, & odorem, saponem, imo & colorem croceum referat, nisi quia *Lac* non ex Sanguine conficitur, sed merus sit Chylus per quædam spiracula ad mammas delatus. Quod confirmatur ex sursculo quodam *Cichorei*, quem Chirurgus è papilla Matronæ Romanæ extraxit, quem Cœnâ hesternâ sum-pserat.

XII.
Lac Herbarum
qualitatem reti-
net, quibus Ani-
malia vescun-
tur.

ARTICULUS TERTIUS.

De Obviis Plantarum Qualitatibus.

I Nter Colores, qui Plantis conveniunt, *viridis* maxime communis & pene universalis est, quo non adolescentiores modò imbuuntur, sed quem nonnullæ etiam *vietæ* retinent, & in longam ætatem teneant.

I
Cur Plantæ passim
Virides sint.

Liquet ex præcedentibus, *Colorum* naturam in varia Luminis reflectione consistere, & pro diversa superficiei visibilium Corporum, in quæ inciderit dispositione. Aded ut, illa variis Coloribus tingantur, quorum extimæ particulæ diversimodè coarctantur, & admissos *Luminis* radios ad oculum reverberant. Sic foliorum *Viror* in Plantis nascentibus, à copioso Humore oritur, cujus corpuscula peregrinis aliorum particu-

lis.

lis ita admiscuntur, ut incussum *Lumen* eo modo remittant & refringant, quo ea solent, quæ in *fluminibus*, & *Aquis stagnantibus*, aliorum mixtura, in *Miscum* vertuntur. Et ita secundum variam Humoris cum externa materia commixtionem, diversus Viroris status in Plantis deprehenditur. Quædam enim maximè *virescunt*, in quibus Humor abundat, & succus negligentiori curâ percolatur; Aliæ *dilutiores*, minisque Viroris præ se ferunt, illæ nimirum, quorum folia ætate provehuntur, aut fructus ad maturitatem pervenit. Quoniam Temporis tractu, magna pars Humoris avolat, & crudior succus Calore subactus maturêscit, & decoquitur. Hinc fit, ut Plantæ *folia*, alios Colores induant, & in *flava*, atque etiam interdum in *rubra* Corpora degenerant.

II.

Fructus curvatio
Colore tin-
cti.

Quodd fructus verò varium Colorem sortiatur, & in *Pyro*, *Pomo*, &c. albescat, flavescat in *Pruno*, rubescat in *ceraso*, flammescat in *Pepone*, id à diversa succi percolatione oritur, & vario ejus partium plexu. Nam constat succum in *Pomo* & *Pyro*, in spumam coagulari, & in duriores carnem excrescere: In *Malo* autem *aureo*, *Ficu*, *Uva*, *Ceraso*, molliorem. Unde mirum non est, si diversi Colores, ex diversa corpusculorum dispositione oriatur.

III.

Cur Plantarum
Radices passim
albæ sunt.

Radix in Terra delitescens, cæteris aliis Plantarum partibus tenerior evadit, & ut plurimum *Albo* Colore tingitur.

Hujus causa est, quodd succi particulæ, qui intra radicem poros Calore agitantur, exitum moliantur, atque etiam multæ ex iis, Carceres suos perrumpant, & elabuntur. Sed cum à circumjecta Terra impediuntur, ne ultra pergant, & longius evagari non permittantur, ad Radicem redeunt, ubi de novo decoctæ, teneriorem efficiunt. Cum autem Humor ille, qui *Viorem* foliis conciliat, concutiatur, & Terræ tepore, in spumam coacervetur, fit ut radix candida appareat, & secundum multiplices suas superficies, varias Luminis partes reflectat. Hinc *Olitoribus* solenne est, plurimas Plantas defodere, & injecta humo obtegere, ut *Cichorium*, *Brassicam*, *Carduos*, *Porrum*, &c. quod teneriores fiant, & Alborem nanciscantur.

IV.

Unde nascitur
odor Herbarum.

Plantarum aliæ alias Odore superant: quæ enim in Arabia, locisque fervidioribus gignuntur, cæteris odore præstant, ut de *Cinnamomo* patet, quod ad multos Annos odorem suum servat, & non nisi serò senectutem sentit.

Ra-

Ratio est, quod Halitus è Corporibus odoriferis egredientes, ex *sulphurea*, seu pingui quadam materia componantur, quæ Calore attenuata, & mamillaribus narium processibus allabens, eas leniter, aut asperè ferit & implicat. Cum verò stirpes illæ, quæ in Regionibus calidis nascuntur, radiis Solaribus sint expositæ, eorum opera, Humore aqueo exhalato, solus pinguior remanet, qui Odori materiam ministrat, & liberè ad Nares nostras deferitur. Quippe eo per distillationem sublato, nihil amplius odoris in Corporibus residet: ut in illo materiæ residuo, ex qua pinguior portio, sive *essentia*, quam vocant, quæ per *alembicum* extrahitur, experiri licet: quæ peractâ distillatione, omnis odoris expers remanet. Ac proinde mirum non est, si Plantæ fortiùs *oleant*, quarum pinguior materia Calore exsolvitur, & illæ olfactûs fibras debiliùs pullsent, quæ in locis humidioribus frigidisque oriuntur. Quoniam Caloris *inopiâ*, non perfectè succus subigitur, prohibetque aqueus Humor, ne debita coctio fiat, & pinguedo odori inserviens dilatetur & rareseat. Hinc fit, ut hujusmodi Plantæ dum arescunt & siccantur, odorem acriorem spirarent, quoniam earum particulæ copiosius effunduntur, nec ampliùs humore aqueo coeunt, & implicantur.

Fructus, non eundem semper *Odorem* retinent, sed illum pro Temporis ratione mutant: qui enim maturescunt, suaviùs olent, halitusque gratiores afflant, quàm qui *Verides* sunt, & adhuc adolescunt.

Quia cum Odor in *seccis*, ac tenuibus partibus consistat, jucundior redditur, leniùsque Olfactûs organum afficit, si materia è qua diffunduntur Halitus, dilutior & magis digesta fuerit. Quod certè potissimùm accidit, dum fructus maturescunt, & ad collectionis tempus accedunt. Quoniam tunc per longam decoctionem, succus defæcatur, partes subiguntur, & perfecta agitur percolatio. Quæ omnia dum contingunt, necessum est, novos è fructibus effluere halitus, & jucundiores percipi *odores*.

Fructus pene omnes, *Sapore* distinguuntur, & Linguam peculiari, & proprio modo afficiunt. Quidam *acerbi* gustu deprehenduntur; ut *Pruna sylvestris*. Alii *dures*, ut *Cape*, *semen sinapi*, &c. Nonnulli *dulces*, ut *Triticum*; alteri *acidi*, ut *Acetosa*; quidam *amari*, ut *Absinthium*, *Aloës*, &c.

Hæc

IV.
TRACT. I. C. 1.
CAP. I. C. 1.
CAP. I. C. 1.

V.
CAP. I. C. 1.
CAP. I. C. 1.
CAP. I. C. 1.

VI.
CAUSA DIVERSA
SAPORIS IN FRUCTIBUS.

Hæc Saporum differentia, à diversa particularum textura nascitur, quæ *fructus* componunt, & Gustus organi meatus subeunt. Hujusmodi enim Corporum particulis, ubi Humore diluuntur, vis inest; Linguam movendi, & varias ei Affectiones imprimendi. Unde Corporum particulæ, quæ Linguam contrahunt, & exasperant, *Acerba* dicuntur. Eorum particulæ, quæ eam pungunt, & cum dilatantis Caloris sensu partiantur, *Acrida*: Quæ Linguam lenire videntur, & exasperatas ejus partes æquare, *Dulcia*: Quæ Linguam punctim feriunt, & cum frigoris constringentis sensu dividunt, *Acerba*: Quæ autem Linguam detergunt, & quandam ei siccitatem conciliant, *Amara* vocantur. Adeò ut, totum Corporum illorum discrimen, in hoc consistat, quòd variam magnitudinem habeant, & figurâ, motu, duritie, levitate, & modis aliis discrepent.

VII.

*Fumus Tabaci
post sumptum vi-
triolum, dulce-
scit.*

Hinc cottidiano experimento cernitur, quòd prægustato *Vitriolo*, Nicotianæ fumus ore acceptus, instar mellis dulcescat, & austro sapore deposito, leni affricu sensorium titillet; Eò quòd salina corpuscula pontica, quæ in *Vitriolo* reperiuntur, sulphureis ex *Tabaco* combusto evaporatis referta, dulcem saporem generent.

VIII.

*Allium & Ca-
pe coctione a-
maritudinem
exnunt.*

Nonnulli fructus, Saporem mutant, & qui antea *acres* & amari fuerant, *dulces* & mansueti evadunt. Sic *Allium* & *Cape*, coctione mitescunt, & Aqua infusa macerantur, & Acrimoniam deponunt.

Ratio est, quòd fructuum Sapor, in rigidis & pungentibus *Salis* particulis consistit, cujusmodi sunt, quæ Salem componunt. Unde dum *Cape*, & *Allium*, mitiora coquendo fiunt, id oritur quòd Ignis eorum partes laxet, viamque salinis corpusculis ad exhalandum aperiat. Unde cæteri Fructus maturescendo suaviores efficiuntur, quia Humore discusso, & in auras abeunte, *salis Ammoniaci*, vel aliorum volatilium portio discedit; iis duntaxat relictis, quæ fructibus suavitatem conciliant. Nec alia ratione, *Allium* & *Cape*, aqua macerata, leniora efficiuntur, mitiusque Gustus organum pulsant, quàm quòd *Salis* particulæ, Aquæ particulis implicitæ, exsolvantur, & cum ipsis extrahantur, & avolent.

ARTICULUS QUARTUS.

De Occultis Plantarum Qualitatibus.

VOcantur Plantarum Qualitates *Occultæ*, quæ ad Medicinam spectant, & quarum vires Ratione potius, quam Sensibus dignoscuntur. Inter eas primæ numerantur, quæ *purgativâ* virtute pollent, quæque excrementitios, aut corruptos Humores è Corpore humano detrudunt. Nam radix pontica, vulgo *Rhabarbarum*, & *Scamonium* flavam luteamque bilem educunt. *Sena*, *Polypodium*, *Epithymus*, *Helleborum*, atram, & succum melancholicum : Cnicos, vulgo *Carthamus*, *Agaricus*, *Mercurialis*, *Esula*, & septem *Tibymali* species, pituitam & aquosos Humores. *Fumaria*, *Cassia*, *Cylindracia*, vulgò fistularis viola, *Pruna damascena*, *Buglossus* Sanguinem à feculenta eluvie expurgant. *Lemnius* de occultis Naturæ miraculis.

I.
In quo consistit
Vires purgativa
in Plantis.

Veterum Medicorum fuit opinio, Medicamenta quæ vi purgativâ sunt prædita, Substantiæ similitudine id exequi; adeò ut Humores sibi familiares proliciant, & eam materiam ad excretionem impellant, quæ illis maximè affinis est, & cum qua aliquam cognationem habent. Unde *Galenus*, qui purgandi vim in *Attractione* posuit, *simpli. lib. 3.* vult quandam similitudinem inter Substantiam, quæ purgat, & illam, quæ purgatur, interesse: ita ut Medicamenta quosdam humores seligant, cum quibus magis consentiunt; ut illa bilem, alia melancholicam, altera pituitam educant. Sed adduci nequeo, ut huic Opinioni assentiar, cum usu cotidiano probetur, melancholicus Humor, qui viscidus ac lentus est, à *Cassia* laxativa, & pungente *Colocynthide* eximi, quæ tamen nullam cum eo cognationem habent. Annon Hydropicorum aquæ, *Aloe* & *Rhabbaro* dissipantur? At quæ inter illa affinitas & similitudo?

Imo contraria potius contrariis videntur curari. Nam quis Medicorum ignorat, *Absinthium* spiritu suo sulphureo detergere, *Plantaginis* & *Buglossæ* radices, bilem teneriorem, materiæ consistentiâ incrassare: *Herbas acetosas*, succum limonum, &

II.
Non opus est
similitudo inter
medicamenta
& Humores.

& acida quæque, Sanguinem diluere, refrigerare, & ejus furorem, non adusto sulphure, sed spiritu acido, & frigido compescere? Et alia propemodum infinita, quæ aut molliciendo & leniendo, ea purgant, cum quibus nullam affinitatem habent.

III.

*Purgativa sunt
Planta per fermentationem.*

Purgantia igitur Medicamenta depravatos Humores evacuant, per quandam fermentationem, hoc pacto : Ingestum in Corpore *Pharmacum*, acri succo, utpote ex corde per arterias effluente excipitur, quo veluti Aquâ forti minuitur, & atteritur : sed quoniam dissimilis est ab eo substantiæ, nec nisi ægrè cum eo admiscetur, succus illius additione intumescit, ac fermentatur ; ut videmus *vinum* sulphurearum sæcôm copîâ, aut etiam rei alterius impositione, efflari & excandescere. Deinde ita Humore vectum Medicamentum, ad venas lacteas, hinc in commune receptaculum à Pecqueto detectum, mox in ductum thoracicum, ac demum in axillarem sinistram simul cum Sanguine confunditur. Verùm quum Sanguini, ob partium dissimilitudinem admisceri nequeat, *Bili*, *Pituita*, aut alteri *Humori* adhæret, & sociatur. Sed quoniam à Sanguine, per totum Corpus defertur, in transitu ejus partes mordet, pungit, & ut corrugentur efficit ; quo fit, ut contractis partibus, graves Humores exprimantur, & extra vasa, quibus continebantur, detrudantur. Cùm subinde omnes Corporis partes, undique Humores illos propellant, nec ullum eis in Venarum receptaculis sit refugium, denovo ad *Ventriculum*, & Intestina repelluntur, ubi excitatis excrementis egeruntur, & per secessum erumpunt. Sic pro varia Plantarum indole, alii & alii humores expelluntur : Ut *Bilis Scamonia*, *Colocynside* *Pituita*, *Elleboro nigro* *Melancholia* : *Rhabarbaro* *bilis flava*, *Atra*, seu *Nigra Epithymo*, *sudor Zarza-parilla*, &c.

IV.

Unde vis quibusdam Plantis Vomitus excitandi.

Quædam Plantæ vomitum excitant, & noxios Humores fursum evocant ; ut *Cortex juglandis medianus*, *Colocynthis*, *Genistæ folia*, *Nux vomica*, &c.

Hæ similem cum purgantibus Pharmacis vim habent, nisi quodd celerius virtutem suam exerant, & citius fermentatione completâ, effectum suum sortiuntur. Per Vomitum igitur, Humores evacuantur, dum stomachus vellicantibus Pharmaci particulis commovetur, & ita constringitur, ut amplius contentam materiam retinere non valeat. Redundante enim

enim Ventriculo, necesse est Humores illos expromi, quibus gravatur. Hinc non absque periculo Vomitus præscribitur, qui *Asthmate*, aut *Tabe* laborant, aut qui contracto nimium angustoque sunt Pectore, nè irritatis in Ventriculo Humoribus, exitus sufficiens non pateat, aut compressis nimium Ventriculi fibris, nociva Corpori convulsio oriatur.

Quædam Plantæ diversis corporis membris malè affectis auxiliantur : Ut *Betonica*, *Hyssopus*, *Capilli Veneris*, &c. capiti utiles sunt. *Borrago*, *Angelica*, *Buglossus*, *Cordi*. *Absinthium*, *Salvia*, *Anisum* ventriculo, &c.

v.

Vis varia in Plantis.

Harum Virium ratio, à partibus Plantarum petenda est, quæ singulæ singularem plexum habent. Cùmque diversa quoque sit capitis, cordis, ventriculi partium dispositio, non nisi diversis curantur medicamentis. Hinc prout figurata sunt corpuscula, diversum præstant effectum. *Subtiliora* enim aperitiva sunt, *crassiora* incrassantia, *acria* abstergentia sunt, incidentia, & mordacia, atque aculeis horrida.

Sunt qui solo certarum Herbarum odore, veluti hausto *Pharmaco* purgantur : Generosum *Anglum* in Flandria novi, qui solo Pharmacopolæ officinæ odore ita commovebatur, ut laxatam alvum vix continere posset.

vi.

Herbarum odor idem interdum præstat, quod ipsæ herbæ.

Id ortum habuit, quòd erumpentia è purgantibus corporibus *effluvia*, sensorium commune, mox nervos in ipsa origine sic agitent, ut motu suo, Humores conturbent, eodem modo, quo hausto *Pharmaco* concitari solent. Adeò ut Ventriculi & Intestinorum fibræ, spirituum impulsu, pari modo concitentur.

Feles supra modum *Calaminthâ* delectantur, qua reperta, se suprâ volutant, & ex contactu mirificè afficiuntur.

vii.

Calamintha plurimum Feles delectas.

Quoniam *Calamintha* iis corpusculis constat, quæ cum partibus affinitatem habent, quæ Cattorum Cerebrum componunt. Nam cùm Animalia non Ratione, aut iudicio, sed solo naturæ impetu ducantur, necessum est, ut ab objectis præsentibus alliciantur; quod non fieret, ni halitus ab ipsis emanaret, cujus odore Animalia afficiuntur. Ac proinde credendum est, in *Calamintha* filamenta quædam esse, quæ plurimum analogiæ habent, cum illo fibrarum plexu, quo Felium Cerebrum perficitur.

VIII.

Pepo in ollam injectus, carnem molliorem reddit.

Si ollæ, dum caro coquitur, *Peponis* frustum imponatur, redditur Caro tenerior, & præter solitum mollescit.

Quia Pepo quum generosis spiritibus abundet, acidam vim habet. Manifestum enim est, *Acida* resolutivam vim obtinere, ut in *Aceto*, cottidiano experimento deprehendi potest. Idem de *Oxylapatho* censet *Plinius*, quod cum Carne coctum, tene-ritudinem ei conciliat. Quoniam ejus mordacitas & acrimonia, fibrarum plexum solvit.

IX.

Eadem virtute pollet Hippolapathum.

Idem de *Hippolapatho*, vulgo Patientia censet Medici, quæ carnes atque edulia, quamlibet pervetusta & annosa, tenera efficit, esuique idonea reddit. Nam cum lubricæ humentis-que sit naturæ, durissimam etiam vel bubulam carnem, vel gallinaceam mollit ac macerat. Hinc apud *Antiquos* frequens ejus erat usus, quod cibos concoctu faciles præstet, & Alvum molliat.

X.

Vis inest nonnullis Plantis Animalia enecandi.

Quibusdam plantis inficiendi Corpora vis inest, & in Animalia non grassandi modò, sed & ipsis vitam adimendi. Ut de *Napello*, *Arsenico sublimato*, apud Medicos constat; quæ noxio suo Calore, corpus adarunt, & firmiores ejus partes absumunt, & erodunt.

Hujusmodi Effectus, Plantarum figuræ, & motui assignandi sunt, quibus solis, vires suas promunt, & ea patrant, quæ attoniti miramur. Rationi enim maximè consentaneum est existimare, partes quibus Venena constantur, *rigidas* esse, *penetrantes*, duras, & *spiculis* instructas: Ad eum modum, quo Microscopio deprehendimus *Urticas* aculeis undique armatas esse, & infinitis telis exasperari. Unde tale Corpus, fermentatione in Ventriculo peractâ, variis humoribus in eo reperitis admixtum, ultra modum excandescit, præsertim dum è Vena *Cava*, in sinistrum *Cordis* latus, mox in dextrum defer-tur. Quoniam inde adaucto Calore, & maximâ vi erumpens, in viscera irruit, & partium suarum spiculis, eorum substan-tiam penetrat, erodit, & exurit.

XI.

Cicuta frigore Homines interimit. Scam-monea fauces strin-gendo.

Aliæ Plantæ sunt, quæ vi contrariâ pollent, quæque fri-gore Animalia enecant: ut *Cicuta*, quæ homines extinguit, aut amentes reddit. *Scammonea*, quæ ita fauces constringit, ut ad mortem perducatur.

Hujusmodi Plantarum vis in eo consistit, quod *Sanguinis* circuitum sistunt, & nativum calorem suppressunt. Quippe cum

cum placidus, & lenis sit *Sanguinis* motus, & uno tenore per totum corpus defluat, trajecta in humorum massam frigida, seu tardè mota corpuscula, Sanguinis motionem perturbant, & Calorem in extremis partibus hebetant : Quæ sensim per *venas* ad Cor delata, illud refrigerant, & ad teporem adigunt. Nam siye in re *Venenata*, agitatio partium sit Sanguinis motui contraria, siye earum tarditas Calorem ejus imminuat, idem semper effectus sequetur, si earum accessu, in Corde mutatio oriatur, & orificia per quæ Sanguis eò defluit, tantillum obstruantur. Nam quodd *Cicuta* ejus delirium inferat, aliunde oriri non potest, quàm quodd in Cerebro inordinatæ vellicationes fiant, & spiritus per ejus fibras inusitato modo deferantur.

Sic opinantur Medici Aere corrupto *Epidemicos* morbos pestilentisque serpere ac propagari, dum halitus pestilentis particule haustæ, & in sanguinem insinuatæ particularum ejus ordinem invertunt, situmque immutant : quemadmodum in Lacte *coagulum*, cujus corpuscula per Lactis substantiam diffusa, ita ejus partes è loco dimovent, ut è fluido fixum efficiant, & ad consistentiam adigant.

Nec fortè aliam ob rationem radix *Baxana*, Arboris cujusdam in regno *Delii* ad Orientem, mortem fumentibus continuè adfert, torporèmq; per totum Corpus procreat ; quàm quia in Humorum massam trajecta, suo frigore, Cordis æstum nonnihil initio retundit, diminutâ primùm in extremis corporis partibus caloris actione, ac sensim sanguine in venis & arteriis refrigerato, demum Cor ipsum occupatur, & obtorpescit. Sed mirum, quod de eadem Arbore *Historici* referunt, ejus fructum innoxium esse, & tutò ab incolis sumi, quoniam ambigi nequit, quin fructus, Solis æstu plurimum coquatur, & frigidus humor discutiatur, & exhaletur. Sic experimur *Lapathi* folium, alvum solvere, eandem autem semen ejus adstringere & coercere.

Taurus indomitus, *Caprisico*, aut *Oenotheride* ad ejus collum alligatâ, mansuescit, furorèmq; deponit. *Gassendus*.

Id contingere potest ab halitu, è planta emanante, qui in *Cerebrum* usque diffusus, ita nervosum genus, illiusque appendices impetit, ut stuporem Animal contrahat, viriūque suarum omnino obliviscatur. Idem nonnulli de *Leone* referunt, qui

XII.

Ut morbus pestilens propagatur.

XIII.

Radix Baxana venenum præsentissimum.

XIV.

De vi Caprisicæ in Taurum indomitum.

qui *adamantide* admotâ, hiatu laxo, resupinatus jacet, & sursum resolvitur.

XV.

Quo pacto portulaca & alia
similes Veneno
obstant.

Quædam Herbx *Antidoti* vim habent, & venenis adversantur. Ut *Portulaca*, quæ *Serpentium* virus educit : *Endivia*, quæ *Aranæ* puncturis medetur. *Vinum merum*, quod *Cicutæ* viribus obsistit, & frigiditatem expugnat. Sunt quoque antidotæ *Stirpes* communes, ut *Calendula*, *Carduus Benedictus*, *Angelica*, *Ruta*, & similes, quæ *Veneri* robur frangunt, & stragem impediunt.

Ratio est, quòd hujusmodi Plantæ, iis particulis consent, quæ cum *Veneri* particulis affinitatem habent, & cum quibus facilè sociantur : quæque ejus sint potentix, ut à natura subigi & domari nequeant. Unde *Veneri* vim, suâ interpositione infringunt, & illa corpuscula exsolvunt, quæ *Sanguinem* figunt & coagulant. Quæ enim calida sunt, facilè frigidorum *Venenorum* malignitatem discutiunt & obtundunt. Unde publicus ille nocentissima sacis minister, *Critonem* admonerat, ne *Socratem* permitteret attentius disputare, propterea quod ex ea mentis agitatione caloris quid contraheretur. *Scaliger* exercit. 152. Frigidæ autem Plantæ, adversus frigida *Venera* utiles etiam habentur, & iisdem extra *Corpus* evocandis profunt : quoniam coagulatus frigore *Sanguis* paulatim *Humore* superveniente dissolvitur, & ejus expeditæ particulæ denuo concitantur, quo fit, ut confusa utriusque materia, variis motibus agitur, & demum simul extra *Corpus* expellatur.

ARTICULUS QUINTUS.

De Sympathia & Antipathia Plantarum.

I.

Palma sœmina
maris confinio
delestatur.

Palma sœmina, maris confinio maximè gaudet ; cujus communicatione concipit, & fertilis efficitur. Unde prona in *Marem* blandioribus comis nutat, & sponte versùs illum fertur. Ab illo avulsa, veluti vidua languescit, & contrahitur, ac nonnunquam intercidit.

Causa hujus *Sympathix*, inter *Palmas*, halitui tribuenda est, qui è *Mare* promanat, & ad sœminam transmittitur. In-
est

est enim huiusmodi effluvio vis seminalis, fecundansque facultas, qua Foemina imbuta, speciosius adolescit, & uberius imprægnatur. Nam quidquam Palmæ, similisque naturæ stirpibus contingit, quod *Gallinis*, quæ ova quidem citra *Galli* ministerium excludunt, sed quæ animari formarique in Pullos nequeant, quantumvis *Gallina* incubitu foveantur, atque incalêscant. Ita *Herbe*, vegetante vi præditæ, non minùs quàm Animantes, quæ lubrico udosôque semine se propagant, generandi vim, ac vitalem spiritum aliæ in alias transfundunt, mutuôque complexu, ac concubitu fruuntur, atque id ipsum tacito quodam Naturæ consensu, ac latenti occultaque inspiratione foveantur, germinant, animantur, florent, ac semina fructûsque concipiunt, & proferunt.

Cucumeres, & Cucurbitæ oleum respuunt, & illud ita averfantur, ut illi ad mortem resiliant, & in humum incurvantur.

II.
Cui Cucumeres
oleum refugiant.

Id provenit, quòd profluvium quod ex Oleo emanat, talibus particulis constet, ut in ipsas exhalatæ, veluti tot *contulis* percutiant, efficiantque, ut impulsibus suis corrugentur, & resiliant, atque ita se contrahendo, reducantur, ut Oleum effugere videantur.

Pari ratione, explicatur *Hedera* & *Vini* discordia, quæ talis est, ut alterum alteri admisceri non sustineat, sed vasculum Hederaceum, Vinum respuat. Quippe si poculum, asserente *Catone*, ex *Hedera* ligno conficiatur, & *Vino* impleatur, si id Aquæ mistum dilutumque fuerit, continuò Vinum effluet, atque infernè per lignum diffundetur. Eam fortè ob causam, *Hedera Baccho* sacra est, quòd Ebrietati obsistat, & discutiendis capitis doloribus, ex temulentia contractis, sit accommoda.

III.
Ut Hedera Vini
adversetur.

Brassica *Vinea* viciniam refugit: sic *Ruta* Cicutæ est inimica.


IV.
Quomodo Bras-
sica dicitur Vi-
næ inimica.

Dicitur planta alteri adversari aut consentire, non propter *Antipathiam*, aut *Sympathiam*, ut quidam volunt, inter plantas latentem. Talis enim consensus aut inimicitia, inter plantas non datur, imò è diverso fit; quippe si planta una, eodem, quo altera, succo vescitur communèque alimentum attrahit, obest eorum vicinia, alterâ alteram fraudante. Si verò duæ, diverso succo gaudeant, dicuntur inter se convenire, ut *Ruta Fico* apposita, feliciter crescit, eò quòd succum contrarium extrahunt,

extrahunt, & dum una hausto alimento dulcescit, altera alio sumpto amarescit. Nec aliam ob rationem, *Rosa Allio* proxima, gratior evadit, quàm quodd succus magis foetidus, *Allium* subeat, fragrantior verò ad *Rosam* declinet.

V.
Quomodo Herba
manus conta-
ctum refugiat.

Herba viva, quæ ab Arabibus & Persis *Suluque*, & *Sulu* passim vocatur, & cui Philosophi *pudivæ* vocabulum indidère, si dum viret, levi manûs contactu attingatur, illico refugit con-



trahiturque, mox subductâ tangentis manu, paulatim erigitur, & priorem situm repetit. Similem fuisse ad Memphim arborem narrat *Theophrastus*, quarto *Historiarum*, capite tertio, specie spinosam, & silici quoad folia non absimilem, cujus ramis contactis folia decidunt, marcescuntque; & postea veluti recuperatis viribus, iterum assurgunt, & statum pristinum recuperant; ut in duabus illis figuris ostenditur.

Henricus Regius libro quarto *Philosophia Naturalis*, hujus miraculi rationem adferre conatur; supponendo primam, magnam hujus Plantæ teneritudinem, quæ levi contactu quodammodo ulceretur, & contunditur. Secundò, nervos quosdam interiores esse quos 1. 1 designat, exterioribus 2. 2 ampliores, quo fit ut halitus ex terra γ majori copiâ in superiores foliorum fibras ∞ ∞ transmitti, quam in inferiores ββ. Quippe manu superioribus foliorum partibus admotâ, circa αα figuræ 1. 1 spiritus in illis partibus contenti, per nervos interiores

teriores 1. 1 deorsum feruntur, eoque valvulas, & meatus aperiunt, qui sunt circa 5. 5, & ex amplioribus in angustiores 2. 2 transeunt. Cum autem propter obstaculum sursum tendentium valvularum 6. 6, nequeant descendere, ascendunt, clauduntque suo ascensu valvulas 4. 4 ex angustioribus nervis in latiores spectantes; atque ita necessario transeunt in interiores musculos sive fibras $\beta\beta$, easque inflando, folia versus inferiora, quantum articulatio seu flexibilitas quæ est circa puncta adscripta. . . . patitur, in situm scilicet & figuram, quam *figura 1. 1* exhibet. Postea verò, cum folia ista ut in 1. 1 figura ostenditur, sunt depressa, & manus ab herba tollitur, halitus per interiores amplioresque nervos 1. 1, valvulasque sursum spectantes 3. 3, copiosius, quam per exteriores angustioresque 2. 2 ex terra γ , in caulem ascendunt; eoque claudunt primò valvulas, quæ circa 5. 5 existunt, atque ex latioribus, & interioribus nervis in exteriores 2. 2 spectant, progredientesque porro ulterius, transeunt in superiores foliorum musculos $\alpha\alpha$, eosque inflando, nonnihil folia attollunt, quæ erant depressa $\delta\delta$, premuntque ista foliorum aliquanta sublatione, halitus copiosos in inferioribus foliorum musculis $\beta\beta$ existentes; iique pressi, aperiunt in angustioribus nervis 2. 2, valvulas ex exterioribus nervis in interiores spectantes 4. 4, transeuntque in nervos latiores & interiores 1. 1; ibique cum propter halituum vehementiam ex terra γ copiosius in illos exhalantium, & valvulas 5. 5 in angustiores nervos spectantes, claudentium, neque descendere, neque ad latera transire queant; à copiosioribus halitibus, in nervos illos laxiores perpetuò ascendentibus, determinantur necessario in superiores foliorum musculos $\alpha\alpha$: quos cum halitibus ex terra per latiores nervos ascendentibus, ingressi, attollunt folia secundum superiores partes $\alpha\alpha$ halitibus copiosioribus repleta, secundum interiores verò $\beta\beta$ inanita, in illum situm, quem folia ante habuerunt, qualémque *figura 1* hic nobis ostendit.

Quidam Historici referunt *pudisetanam* Arborem, non Hominis tantum manum, sed & ejus afflatum odire, atque ejus accessum refugere.

Contingere id potest, quòd Halitus corpuscula ita in ejus Substantiam impingantur, ut delicati ejus nervi aliquomodo

IV.

Pudisetana arbor Hominis afflatum odit.

T t

solvantur,

solvantur, & textura percellatur. Sicut experimur *Anis* Habitatu, tenera Infantium corpora offendi, & infectionem contrahere.

VII.

Arbor in Japonia Ferri amica.

Qui Japoniam peragrârunt, Arboris cujusdam meminere, aded *Ferri* amicæ, ut si ejus ramus decisus est, clavo ferreo sit affigendus, ut denuo agglutinetur. Imo si Arbor arefcere incipiat, scobe *Ferri*, radici ejus admotâ, statui priori restituitur.

Si iis Authoribus habenda fides est, in aliud talis effectus refundi non potest, quàm in *Ferri* corpuscula, quæ cum denticulata sint, radicis meatus aperiant, efficiuntque ut succus alimentitius, ea laxitate percoletur, & more solito, à Planta sugatur. Cùmque ejusmodi particule, continuo ex Ferro erumpant; clavo infixæ, mirum non est, si obstructions tollantur, & succi transitus rectè procedat.

VIII.

Adiantum, & *Brassica* Aquam non patiuntur.

Adiantum, sicut & *Brassica*, Aquam refugiunt, & illam à se quantum possunt, propulsant. Unde si aquis immergantur, non madescunt, & ab omni Humore immunes se tuentur.

Hujus ratio, ab earum superficibus desumenda est, quæ itales & terse sunt, ut nullam Aquam sibi inherere patiantur; Ut enim Corpori Humor affigi queat, opus est, ut rugis quibusdam, asperatam superficiem habeat, & nonnullæ particule emineant, in quibus implexus liquor detineatur. Hinc *pinguis* Aquam non admittunt, quoniam adeps facile complanatur, & ad æqualitatem redigitur. Vel refundi potest hæc *Adianti*, & *Brassica* ab Humore averso, in lanuginem, sive teneram quandam pilationem, qualis in quibusdam Fructibus cernitur, qui suis apiculis, ita Aquæ guttas colligunt, & globatas detinent, ut eos altius penetrare, & nisi longo temporis spatio detentas madefacere non finant.

IX.

Ut *Hibiscus* Plumbum liqui- dum refugit.

Manus radicis *Hibisci*, & *Portulacæ*, ac *Mercurialis* succo illita, plumbum liquidum refugit, & in illud demissa, sine noxa eripitur. *Gassendus*.

Id præstat ingenita talium succorum frigiditas, quæ Caloris vim retundit, & ejus impetum amolitur. Tum aliquantula succorum crassitudo, quæ tunicæ instar, obstat ne cutis à plumbo contiguo attingatur. Tum etiam levior, ob quem Metallum, sursum, celerius superlabitur, quàm ut ejus Calor, in manum penetrare possit.

Tanta

Tanta est inter *dictamnium*, & *ferrum* affinitas, ut ad illius præsentiam, telum ex inflicto vulnere extrahatur. *Capras autem dictamnium est in Creta feras, cum essent confixa venenatis sagittis, herbam querere, qua dictamnium vocaretur, quam cum gustavissent, sagittas excidere dicunt è corpore.* Cicero secundo de natura Deorum.

X.
Quomodo Dictamnium ferrum è Corpore extrahat.

Quidam sibi imaginati sunt, *Dictamno* vim quandam magneticam inesse, qua *ferrum* educit, & è corpore insita vi evocat: sed id falsum esse usu cotidiano comprobatur. Quippe *Dictamnus* ferro admotus, nullam vim testatur, nec minimam quidem *scoberem* allicit. Dicendum potius, telum *Dictamni* esu, è Corpore depelli, quoniam *Vulnus* aperit, & extrema illius, partium suarum agitatione laxat. Quo fit, ut *ferrum* vulnere aperto, sponte decidat, aut leni operâ educatur. Accedit etiam, quod illud, non nisi extra Corpus viventis Animalis expellatur, ac proinde illius virtute, naturæque irritatæ impulsu, extrâ detrudi.

Fraxinus *Serpentibus* est inimica, illisque procul abigit. Causa alia non posse esse videtur, quam halitus è *fraxino* erumpens, qui in *Serpentibus* fibrarum plexum lacerat, & pessime afficit. Quodcumque enim Animal, ingrata sibi, & infesta averfatur, & solo Naturæ ductu illa fugit. Sic *Musca* *colocyntidem* averfatur, *Mus* *laurum*, *Vespertilio* *hederam*, non electione aliqua, sed mero naturæ impetu, in quantum emissi ex illis Plantis spiritus, ipsis noxii sunt, & fibrarum plexum, quibus constant, evertunt, & amoliuntur.

XI.
Fraxinus Serpentes abigit.

Qui *Virginiam* peragrârunt, *Pulegii sylvestris* mentionem faciunt, cuius odore, *Anguis*, vulgo apud Anglos *Rattle-snake*, ita percellitur, ut si ejus folia contusa, Animalis Naribus, semihoræ spatio detineantur, post aliquot circuitiones, deficiat, & extingatur. Unde nunquam iis in locis quibus hæc herba innascitur, versari deprehenditur.

XII.
Pulegium in Japonia Angui inimicum.

Hinc apparet, nullis Plantis *Dæmones* abigendi vim inesse, ut quidam credunt. Corporeæ enim substantiæ, in *spirituales* & immateriales agere non possunt. Et licet *Energumenis* herbæ quædam applicentur, quarum virtute refocillentur, non inde tamen inferendum est, illas quicquam in *Dæmones* operari. Nisi *Sancta Crucis* Arborem excipias, qua *Dæmones* fugantur, & sæpe ex Possessorum corporibus expelluntur.

XIII.
Non inest Plantis vis Dæmones expellendi.

ARTICULUS SEXTUS.

De Ortu Plantarum.

I.
Quomodo nascuntur Plantæ absque ullo Semine.

A Liquæ plantæ inter cæteras notantur, quæ spontè oriuntur, & sine prævio Semine assurgunt. Ut *hyvestre* illud *Nardum*, Asarum vocatum, quod in muris etiam crescit. Et quædam *Adianti* species, quod circa puteos procreatur. Imo innumeræ aliæ stirpes, quæ è Terra altè suffossâ proveniunt, nullo semine imprægnata.

Qui Sideribus *inferiorum* virtutem assignant, putântque nihil in Terris peragi, quod Cœlestibus Influentiis non adjuvetur, harum Plantarum authores in promptu habent; *Solem* nimirum, aut quenquam ex Planetis, quibus Stirpium natalitia tribuunt, & quorum opera omnia fieri volunt, quæ in terrarum orbe gignuntur. Unde Cabalistic accedunt, dum veluti è cathedra perhibent, nullam herbam esse, aut plantam *inferius*, cujus non sit stella in firmamento, quæ eam percutiat, & dicat ei, Cresce. Verùm cum de Siderum potestate antea dictum sit, existimémque nostri ævi Philosophos non ita desipere, ut singulares omnes effectus generalibus Causis acceptum referant, aliunde Plantarum origo est investiganda.

II.
Responso.

Generantur igitur Plantæ absque Radice, aut semine; dum insensibiles Terrestris Materiæ partes, in superiori Terræ crusta, à Subtili Materia agitæ, talem figuram adipiscuntur, cùmque sicum, & motum obtinent, qui ad primam Stirpis formationem requiruntur: quo veluti jacto fundamento, cæteræ partes producuntur, dum Succus Nutritius, per primum illud rudimentum ascendens, partes dilatat, eisque certam figuram tribuit. Nam quemadmodum *serices*, *glîres*, *anguille*, *muræna*, *limaces*, *lumbrici* non semper ex Semine; sed plerumque ex lentore Terræ, atque ex sordibus ac putrilagine germinant; sic in locis arenosis, multi *frutices* sponte emicant ex alimenti confluviu, qui postmodum seminio se propagant; ac numerosa prole se tumentur. *Lemn. de occult Natur. Miracul.* Non tamen inficiandum est, quin *Sol* ad hujusmodi Effectus procreandos, aliquid conferat, Terram nimirum calefacien-

do,

do, Humorem educendo, atque etiam illa inter se coagulando : At quid illa ad *Radicum, Fibrarum, Venarum, Nervorum* que formationem ? Sol enim extrinsecum duntaxat Agens est, quod nullum Semen ministrat, sed illud in Terræ superficie reperiuntur agitatur tantum, & impedimenta amovet, quæ partium ejus unionem arcebat.

Hinc ab Antiquis observatum est, in *Maris* superficie, quasdam Herbas exoriri, quas arbitrati sunt ex limo Aquæ concreto proficisci, ubi Ignis ardor maximè dominatur, & languidè, iis in partibus movetur Mare. Imò non desunt, qui pluries animadverterint, è putrefacta, & diu asservata *Nive* herbas emerfisse, quas amaro esse sapore explorarunt. Nec id mirum videri debet, cum constet *Vermes*, nonnunquam Lumbricis nostris haud absimiles in nive progigni, uti anno superiori in Germania observatum est.

Sic notarunt nonnulli ex Terra *combusta*, aut *calcinata*, varia plantarum genera crumpere, si imbre copioso irrigetur. Quoniam Caloris potentia corpuscula veluti è carceribus educuntur, & inter se coalita, plantarum rudimenta efformant. Quibus affusus humor, totam illam massam subigit ac macerat. Quòd verò in *gleba* illa, semina lateant, inde colligi potest, quòd si illaeducta variis modis comburatur, ac præparetur, diversas plantas producit, ut cuique experiri licet.

Imò si *Francisco Lana* credimus, Flores Orangii, dulcium Amygdalarum oleo, simul cum exigua aluminis quantitate, vitro obturato impositi, *Orangium*, seu malum aureum producunt, si Oleum, ablatis inde Orangii floribus in Vitro, in verum usque tempus asservetur. Quippe tunc, non Flores modò Oleo imprimis innatant, sed Arbor postmodum fructibus onerata assurgit, nullo pacto à vera Arbore, floribus, foliis, fructibus, nisi magnitudine discrepans.

Quare non tantopere mirandum est, quod *prunellus* (*Cassendo* referente) in medii thoracis regione, sive ad sternum succreverit, dum pastore in *prunellum* incidente, spina in eam partem implantata est; sic ut per biennium radices egerit, ac flores, fructusque emisit. Cum idem in Gallia circa Gallinæ collum contigerit; & Frontiniani in Occitania, circa piscatoris digitum, in quem cum immissa fuisset marini *Scorpionis* spinula, Chirurgus, tempore aliquo interjecto, tres pisciculos,

III.

Herbe in maris superficie interdum oriuntur.

IV.

E Terra ustavaria Plantæ educuntur.

V.

Prunellus, & Scorpio in Corpore humano enati.

sciculos, Scorpionis formas referentes extraxerit. Quoniam Animalia quemadmodum plantæ inferi possunt, & pari ritu succrescere & vegetari.

VI.

Quomodo Sylva
sine Semine ali-
quando à Terra
eruperit.

Memoriæ proditum est, Sylvam in *Cyrene*, post magnos imbres è Terra pullulasse, quæ ad multa milliaria extenderetur. Meminit quoque *Theophrastus sexto Histor. cap. 3.* insignem Arborem nomine *Lasfer* (quam *Plinius* inter eximia Naturæ dona numerat, quod pluribus compositionibus inseritur, concoctionique plurimum confert, Senibus & Fœminis) post pluviam, è Terræ sinu erupisse, antea in illis partibus incognitam.

Scio Nonnullos imaginari Sylvam, magnificamq; illam Arborem, non sponte è Terra prodiiisse, sed seminibus è Plantis aliis adductis, quæ Ventorum opera, in *Cyrenem* delata sunt. Sed illud haud necessarium esse mihi videtur, quum *Theophrasto* teste, Terra apud *Cretenses*, vix tantillum subigi queat, quin cupressi illico oriantur, non mutuatis ab aliis Seminibus, sed quod in ea Regione corpuscula lateant, quæ cum egeruntur, & Solis agitatione copulantur, primum earum Stirpium rudimentum componunt. Quod verò idem in aliis Terris non contingat, id provenit, quod Seminis particulæ non ita misceri queant, & eo modo concreescere, quo ad primam ejus organizationem necessarium est. Notum enim est, non quamcumque Terram Stirpibus gignendis esse idoneam, quum quæ in *Indiis*, *Brasilia*, *Arabia*, nascuntur; in *Anglia*, *Flandria*, frigidioribusque aliis Mundi partibus produci non possint. Imo in eadem regione, Plantæ peculiaribus locis delectantur, & Terræ pars quæ uni congruit, alteri inepta est, aut officit. Generari igitur sylvæ possunt, non Hominum industria tantum, aut Seminibus à Vento devectis, sed corpusculis in Terra repertis, quæ pro eorum motu, seu Calore, ita componi & conformari possunt, ut sponte in varias Stirpes exurgant. Nam quo alio pacto *Asparagi*, referente *Dioscoride*, ex contusis, & defossis Arietum cornibus prodire possunt? Qui *farris spica* ex Mulieris naso, & *Hedera* ex Cervi cornu crevere? Quo artificio *Platanus* ex *Æneo* tripode prodire quivit? nisi Terræ particulis, quæ talem situm, figuram, & motum acquisiverunt, quæ eorum fingendo tyrocinio invirent. Hæc autem contigisse non *Dioscorides* modo, sed & alii

alii gravissimi authores, *Plinius*, *Plutarchus*, *Theophrastus* ut comperta referunt.

Verum difficultas omnis tolletur, si advertatur qualiter Plantæ in *montibus*, *cellis*, *rupibus* oriantur: In quæ loca, haud dubie, nihil feminis delatum est; ac proinde id fieri, ubi larga pluvia decidita, quæ plurimum limi tum in rupibus, tum in ipsis tectis aspergit, cui primæva aliqua plantarum semina insunt; quæ postmodum Solis æstu adjuta, novas plantas germinant. Dubitari non potest, quin multæ Terræ particule cum Halitu avolent, quæ postmodum, vapore in pluviam converso, decidunt, & scabris Corporibus adherent, atque exiliente iterum in vaporem Aqua, sublimi specie remaneant, ex quo deinde varix plantæ pullulant.

Si plantæ sæpius amputentur, felicius crescunt, vitamque longiorem ducunt.

Quoniam frequens *amputatio*, succum plantæ renovat, ne tam latè effusa, luxuriat, nec tam languide adolescat, quam si amputatione caruisset. Adeò ut plantæ annum vivere solitæ, si tempestiva resectio non intermittatur, parciòsque earum sit usus, continuòque exerescere permittantur, vitalitate Annum excessuræ sint. Tales sunt *lactuca*, *portulaca*, *cucumer*, & similes. Et quoad Arbores majores, videmus fere omnes Arbores luxuriantes in *camerariis*, aut circa ædes annosas, densis ramis, & *pumilis* esse, non autem Arbores, quæ justam proceritatem assecutæ sunt.

Plantæ, quæ in *Philippinis* Insulis proveniunt, variis Qualitatibus imbuuntur, & prout diversas Mundi plagas spectant, diversas Affectiones habent. Quippe ea folia, quæ *Ortum* respiciunt, salubria sunt, sanitatèque præbent: quæ autem in *Occasum* vergunt, venefica, & Mortem fumentibus inferentia. Sic apud nos *Poma*, quæ prope ea loca crescunt, ubi *Brassicorum* est copia, odorem tetrum referunt.

Ratio est, quòd è Terra, aut è Plantis vicinioribus, effluvia quædam exhalentur, quæ malè folia, aut fructus afficiant, & suas illis qualitates impertiantur. Constat enim Arbores, aut Herbas veneficas, virus suum proximis Corporibus communicare, & illa eodem odore & sævitiâ afficere. Quia Vapores ascendentes, aliquid illius Terræ secum vehunt, ex qua ascendunt: & faciliè juniores Plantæ inficiuntur, quæ juxta putridas, & malè olentes consistunt.

VII.

Ut formantur
Plantæ in cellis
& rupibus.

VIII.

Amputatio juvat ad Plantarum conservationem.

IX.

Cuius Planta in variis locis crescentes, diversas habeant Affectiones.

Unde

X.

Plantæ imbuuntur
qualitatibus
nutrimenti.

Unde videmus vinum vi laxativâ, purgativâ pollere, si *Elleborum* album, aut *Mercurialem* juxta Vitem severis : Et cujusque Arboris fructus *diureticos*, *venenosos*, *soporantes*, &c. evadere, si iis succis radices perfundantur, qui hujusmodi qualitatibus fuerint imbuti. Quare ut pruna ventrem subducant, solenne est, truncum loco uno, aut altero terebrari, & *Scammonii*, *Ellebori*, aut *Colocynthis* succum includi, quatenus Arbor eorum qualitatibus imbuta, prædictam vim adipiscatur.

XI.

Quomodo Plan-
tæ degenerant,
& in alias ver-
tuntur.

Uso frequentiprehenditur, Plantas agrestes fieri, & in alias diversas degenerare. Sic *Brassica* in *Rapam* convertitur; *Ficus* in *Caprificum*, *Triticum* in *Lolium*, *Hordeum* in *Avenam*, & similes, quibus, & vires, & forma immutantur.

Id oriri compertum est, aut Cultoris negligentia, vel loci situ, aut etiam ambientis Aëris qualitate. Sylvescunt enim Plantæ, nisi secundum uniuscujusque indolem, loca idonea ipsis destinentur, & modus, quo fieri debeant, observetur. Quod cum in multis, maximè tamen in *viola altili* deprehenditur, quæ nisi Annis singulis loci situm mutare edoceatur, in vilem ac sui dissimilem flosculum, minúsque odoratum degenerat. Quod expertus *Virgilius* ita scribit.

*Vidi lecta, diu, & multo spectata labore
Degenerare tamen, ni vis humana quotannis
Maxima quæque manu legeret, sic omnia satis
In pejus ruere, ac retro sublapsa referri.*

Cujus deficientiæ ea est ratio, quòd Plantarum rudimenta, in prima sui origine, certam Materiam exigant, ex qua earum plexus, partiumque dispositio producat. Cum autem in omni loco, talis Materia haud reperiatur, cui commissum semen est, tali plexui efformando idonea; mirum non est, si illic Plantæ deficiant, & in alias degeneres commutentur. Quippe hæc transmutatio non in Radice fit, sed in ipso Semine, quod dum congruentem materiam non offendit, aut præ vetustate vigore destituitur, naturam variare necessum est. Hinc periti *Horculani*, Seminum vires explorant, iis Aquæ leniter ebullienti injectis: quæ horæ intervallo, si proba fuerint, germinabunt, ac pullulabunt.

Inter

Inter præcepta, quæ ab Antiquis Authoribus de Plantis ferendis derivata sunt, *unum* est, ut Cœli aspectuum ratio habeatur: ad id ut quæ ex uno loco in alium transferuntur, iisdem Cœli partibus respondeant, quas antea spectabant.

XII.
Cur servanda
Cœli pars in
Plantarum
transmutati-
one.

*Quin etiam Cœli regionem in cortice signant,
Ut quo quæque modo steterit, qua parte calores
Austrinos tulerit, quæ terga obverterit axi,
Restituant.* Virgilius 2 Georg.

Ratio est, quòd facie Arborum variata, & in aliam Cœli regionem conversa, interna partium dispositio immutetur, & meatus, seu *via* per quas alimentum à Radice in sublime tendit, invertantur, & situm alium acquirunt. Si quis enim stirpem in Campo aperto genitam, & ad certam aliquam magnitudinem jam provectam, falce cederit, *Circulos* varios deprehendet, versùs *Austrum* latiores, angustiores autem versùs *Aquilonem*. Quod certè in nullam aliam causam refundi potest, quàm in ipsum Calorem, qui ab *Australi* parte proveniens, fortius Arboris particulas agit, venâsque illius magis extendit, quàm qui à *Boreali* proficiscitur. Quòd si non idem in ligno *Brasiliensi* reperiatur, sed concentrici sint ejus circuli, & æqua mensura ab invicem distent, id provenit quòd in Zona torrida, Arbores æqualem ab *Austro* & *Borea* calorem recipiant, & alternis vicibus Sol eas concutiat, & penetret. Ex quibus patet in Plantarum translatione, Cœli aspectus esse attendendos, & eas ei Cœli parti esse obvertendas, in qua satè primùm fuerunt.

ARTICULUS SEPTIMUS.

De Plantarum Nutritione.

UT Tellus Stirpibus ferendis idonea reddatur, *sterquilinum* ei, priusquam imbres decidant, adhibetur. Vitium enim Triticum, aliarumque Segetum *sterilitas*, stercore impugnat, & ipsis nova ubertas fecunditasque accedit.

I.
Sterquilinum
ad segetum fecunditatem confert.

U u

Ratio

Ratio est, quòd fimi omnes multo *Sale* consent, qui in Terra dispersus, ejus Humiditatem temperat, & germinationem promovet. Plantarum siquidem Vita, in *Calido & Humido* consistit, quorum prius Agentis, & posterius Patientis rationem obtinet; obest tamen interdum *Stercoratio*, ni Humor accedat, qui fimum diluat, & *Salinas* partes dissolvat, quæ ipsi admiscentur. Hinc Agricolis solenne est, fimum agris adhibere, dum pluviarum spes adest, ut ante *Ver*, & sub *Autumni* finem, quatenus fimo Aquâ subactò, *Sal* diluatur, & Humoris vehiculo, ad intimos radices meatus perveniat. Alioquin commissæ telluri *Segetes*, Calore aduruntur, si integer *Sal* maneat, aut fimi copia, Terra nimium oneretur. Unde *Plinius* libro decimo octavo. *Ager si non stercoratur, alget; si nimium stercoratus est, aduritur.* Nam magna est inter fimos differentia; quippe *Columbinus* summè calidus est, tum *Ovilus*, qui non nisi Terræ viribus reparandis prosunt, quas nimium frigus, aut cruditas labefactavit. *Suillus* acer est, & mordacis naturæ, quo Cæpæ maximè gaudent. Medii temperamenti sunt *Bubulus*, *Equinus*, *Asininus*, qui *Segetes* maxime juvant, & eis fertilitatem conciliant.

II.

Fimus confert ad Plantæ augmentum.

Hinc languescens, & penè emortuæ Arboris vitalitas resuscitatur, si radicibus circumfossis *fimus* recens adhibeatur. Hinc *Panicum*, quod à paniculis suis nomen sortitum est, depressiori radices parti appositum, ad Arborem augendam maximè juvat; Quia cum substantiæ sit viscosæ, & spongiosæ, Terræ humorem exfugit, & alimentum radici suppeditando, eam dilatat, & excrescere facit.

III.

Acini Vineæ nutritioni auxiliantur.

Simili ratione existimant nonnulli, *Acinorum* copiam, Vineæ radicibus appositorum, ad ejus maturitatem, augmentumque plurimum conferre: eò quòd hujusmodi grana, poros habeant, succo, qui Vineæ nutritioni famulatur, recipiendo idoneos, quo plus solito turgent, eum prius in radices transmissum, in Truncum desinunt.

IV.

ex Terra novales fertiliores sunt aliis, quæ continuò seruntur.

Terræ *novales*, seu quæ alternis tantum Annis proscinduntur, fertiliores probantur, quàm quæ continuò seruntur; & eo magis uberes fiunt, quo diutius, ut cum *Virgilio* dicam, *segnem patiuntur situ direfcere campum.*

Causa est, quòd pori, qui in Terra innumeri sunt, culturâ aperiuntur, & facilius per eos tanquàm paratos *tubulos*, succus sursum

furfum attollitur. Agris autem neglectis, meatus illi ocelluntur, nec expirandis Halitibus fit locus. Accedit etiam, quoddam Plantarum eo interstitio, in campis genitæ evellantur, aut si excrefcere permittantur, sponte arefcetes, aut Solis Calore aduftæ, demum circa hyemem putrefiunt, quæ vice finit Terram impinguant, ac fecundam reddant. Et ob hanc causam, Glebæ in Agris uruntur, quia crematis, melfo frumento, ftipulis, Aquæ partes avolant, & quicquid folidioris fubftantiæ refiduum eft, à Terræ humore diluitur, & fuâ craffitie, e-
jus fertilitati confultat. Quare Virgilius,

Sæpe etiam ftriles incendere profuit agros,
Atque levem ftipulam crepitantibus urere flammis,
Sive inde occultas vires, & pabula terre
Pinguia concipiunt —

Ager planus nutriendis ftirpibus aptior eft, quàm declivis: unde Plantæ, quæ in inclinata Terra nafcuntur, infelicitè crefcunt, & vix unquam ad æquam magnitudinem proveniunt.

Quia cum Sal, ut dictum eft, haud parum ad Stîrpium nutritionem conferat, facile in deflexo loco, ubi pluviz delabuntur, diffolvitur, & viribus ejus temperatis, fit illis fovendis inutilis. Ager autem Planus, & qui defluxionibus citra declivitatem patet, ultra Salem pinguemque materiam, quam continet, peregrina etiam fubftantia ditatur, quæ ad eum cum Pluvia divertitur, & ejus fertilitatem adaugèt. Hinc à quibusdam afferitur, Algam Marinam, Bralficorum radicibus infertam, multum ad incrementum conducere; quod in aliud referri non potèft, quàm in Salem, qui Agris fertilitatem conciliat.

Cucumeres, teneri & delicatiores evadunt, fi ante fationem, earum Semina fuerint paululum lacte macerata. Tranfîre poffet hoc experimentum ad Carduos Alriles, aliæque femina fub-
lato marcore, aut amaritudine. Bacon.

Hujus peregrinæ fuavitatis Causa, ex eo provenire potèft, quoddam Semine lacte emollito, fibræ, quæ primum in Radice formantur, talem induunt figuram, talémque contexturam adipifcuntur, ut iis folis particulis pateant, quæ dulcorem componunt, & craffiores alios fuccos refpuunt. Hinc, qui

V.
Plantæ filicibus
crefcunt in agro
plano, quàm de-
clivi.

VI.
Teneriores eva-
dunt Cucumeres,
fi earum femina
prius lacte ma-
cerentur.

florum odores augere student, & eorum vires artificio excitare, præscribunt ut *Rosa*, exempli causa, prope *Allium* conferratur, quatenus hujus radices ita foetidum succum, acriorésq; Terrestres Materię particulas exsugant & alliciant, atque earum paucæ relinquantur, quæ illi succo miscëantur, qui per *Rosæ* tubulos est evehendus.

VII.

Maceratio seminum non nocet probitati Arborum.

Non cum nonnullis metuendum est, ne ex seminum *Maceratione*, aliquid frugis probitati, per festinatam maturationem decedat; cum illa à seminis vigore pendeat, & idem semper sit, seu acceleratio fiat, seu sueto more crescere permittatur. Hinc experimentum illud, ad omnia *grana*, *semina*, *nucleos*, *radices*, & quælibet alia, quæ feruntur, aut crescunt in hortis, extendi potest.

VIII.

Cur Plantarum alia citius, alia tardius crescunt.

Plantarum aliæ aliis tardius, aut citius crescunt, ac nutriuntur. *Salix* enim, *Vitis*, *Cucurbita*, brevi Temporis spatio incrementum accipiunt, Cucurbitæ præsertim, quæ tantæ sunt magnitudinis, ut scribente Plinio, *vix fieri queant*. E contra *Mespilus*, *Quercus*, & similes tardius augentur, & non nisi ramos, & truncum diu protendunt.

Ratio est, quod Plantarum nutritio, à Succo pendet, qui à Radice per poros tanquam totidem *Venulas* impellitur, quippe illas ita replet, ut turgeant, & omnes ejus particulas capere non possint. Cùm autem Pororum latera, duriora sunt, quàm ut ab Alimento extendi queant, fit ut non nisi lentè augeantur, aut etiam omnino crescere desinant; ut *Annoſis Arboribus* contingit, quæ nullum accedente materia, proventum accipiunt, & in eodem statu remanent. Corpora autem mollia, cùm Meatus habeant facilè penetrabiles, mirum non est, si Plantæ, quæ iis constant, augeantur, & crescant. Hinc immanes *Cucurbitatum* moles, quæ in India nascuntur, quæ uti apud *Scaligerum* refertur, tredecim palmas æquant, & quibus ferendis, non unius bajuli vires sufficiunt.

IX.

Ventus Australis facit augmento Plantarum.

Stirpes *Austro* flante maximè vigent, incrementumque accipiunt, magis quàm Ventis aliis dominantibus. Quia cùm Ventus *Australis* calidus sit, multasque fervidas exhalationes ex Zona Torrida secum devehat, facilè Plantarum Meatus laxat, efficitque ut Alimento copiosius à Terra ascendat, & per omnes earum partes distribuatur.

Arbores,

Arbores, quæ calido Sole delectantur, cujus generis sunt, *Prunus, Ficus, Vineæ, Malus armeniaca*, & similes, passim in aggere, versus Meridianum constituuntur.

Quoniam ex eâ positione, duplex iis Arboribus commoditas accedit. *Prima*, quod calore ab aggere percusso, fervorem concipiunt, magisque incalescunt, quàm si in plano collocarentur. *Secunda*, quod Umbram amoliantur: Quippè Arbores, si in rotunditatem excrescunt, rami superiores, inferioribus umbram faciunt: In aggere autem expansæ, supernè & infernè incidentes, radios excipiunt.

Ducentas in Clibano terræ antea exsiccatae libras *Helmontius*, Vase Terreo conclusit: Huic *Salicis* truncum, quinque circiter librarum pondere imposuit. Post quinque elapsos annos, avulsa salix, centum & sexaginta quinque libris pendere deprehensa est, cum interim vix duarum Unciarum pondus Terræ decrevisset, solâque pluviali Aquâ fuisset irrigata.

Provenit hoc incrementum, non à solâ *Aquæ* substantia, sed à *Nitroso & Aëreo fermento*, quo Alimentum Plantis aliisque corporibus suppeditatur. Eo enim Planta destituta, infecunda prorsus manet, penitusque sterilis efficitur. Non enim existimandum est, Aquam *simplex* esse Corpus, sed mixtum, quod facile ex eo probatur, quod Aqua putrescat, corruptionemque patiatur, quod ipsi non contingeret, si simplex esset, & omnis compositionis expers.

Si in Arbore sylvestri incisio fiat, & ei ex urbana proveniens furculus, inferatur, fructus mansuescunt, & mitiores redduntur. Quod etiam contingit, si ex eadem Arbore evellatur furculus, & ipsi postmodum idem restituantur.

Causa videtur esse, quod furculi appositi fibræ, non ita cum Arboris fibris correspondent, ut Succus ex unis means, liberè in alias transire queat: quia *Pororum* ordo mutatur, & aliæ viæ ad materiam alimentitiam transmittendam efformari debent: quo fit, ut Alimentum veluti in alio *stomacho* elaboretur, & novo modo occurrentes succi misceantur. Hinc fructus ex *hortensi* furculo, *sylvestri* Arbore inserto, meliores evadunt; quoniam Succus nutritius, qui per Plantarum partes ascendit, in priori stomacho decoquitur, & non nisi exactè digestus in secundo recipitur. Imo si aliquis incisiones multiplicaverit, & inserto furculo alio superinduxerit, experietur, mi-

X.

Quedam Arbores versus Meridianum ponuntur.

XI.

Aqua in Plantarum alimentum cedit.

XII.

Quomodo fructus Institione furculi, reddantur meliores.

tiores.

.X

ad hunc modum
-vixit, quod
-solummodo

tiores semper gigni fructus, quoniam Materia Alimentitia, per tot ductus transeundo, melius præparatur, & magis defæcata in posteriori Stomacho recipitur. Hujus rei exemplum *Gassendus* ex *Plinio* refert, de *Corellio Equite Romano*, qui cum in agro Neapolitano inseruisset *Castaneam* suomet furculo, facta est *Castanea*, quæ ab eo nomen accepit, inter laudatas; & cum postea *Hæres* ejusdem *libertus* iterum inseruisset, facta est minus quidem copiosa, sed melior tamen quam *Corelliana*.

XIII.

Ramus insiti de-
cisus, non tam
laudabilem fru-
ctum, quam ip-
sum insitum fert.

Contrarium accidit, si decisus *insiti* ramus, solo imponatur. Quia ubi ramus ille Terræ affixus est, radicisque egit, ex ipsa sola Alimentum haurit, & unâ, continuâque percolatione præparatur. Quo fit, ut minores, deterioresque fructus producat quam ipsum insitum, ex quo depromptus est. Quia in eo duplex sit succi coctio, in *Trunco* nimirum, in quo ramus insitus est, & in ipso *insito*. In Ramo autem deciso, & terræ affixo, unica duntaxat coctio peragitur.

ARTICULUS OCTAVUS.

De Plantarum Germinatione.

I.

Plantæ sur-
sum germen e-
mittunt.

Omibus Stirpibus ingenitum est, germen in *sublime* emitte-
re, quamvis in declivi serantur, & deorsum propende-
ant. E diverso *radices* loca inferiora petunt, & non nisi rarò
in Terræ superficie versantur.

Hujus rationem reddere arduum non erit, si attendatur,
qualiter germinatio fiat, & cujus opera, vis seminalis humo se
exerat. Cum enim germinatio quædam Plantæ dilatatio sit,
qua succi interventu, protenditur, & versùs cacumen excre-
scit: Cumque nulla expansio sine *Calore* fiat, evidens est, illud
quod è *Planta* erumpit rudimentum, à Calore proficisci, & e-
jus impulsu sursum tendere. Nam id Caloris est genium, in
sublime ferri, & eò obvia Corpora propellere. Par est de
Plantis in *declivi* crescentibus ratio: Nam sicuti Ignis, in de-
flexo loco accensus, non loci declinationem sequitur, aut ad
Angulos ipsi declivitati rectos ascendit, sed ad perpendiculari-
um;

lum: Ita Stirpes, quæ in collibus nascuntur, sursum semper evehuntur, quoniam à Calore diriguntur, qui eò tendit. Verum est, quòd Radix, ob eandem causam sursum ferri debere videatur, quum Calore utique dilatetur, & ejus opera, fibras suas protrahat; sed quod in contrarium pergat, & in Terram demergatur, ejus alimento tribuendum est, quòd talem situm occupat, ut omnes ejus partes debeant extendi. Nam sicuti funalis *flamma* sensim deorsum nutat, & ad ceram depascendam inferius devehitur, ut eam ad partes superiores transmittat: Ita *Calor* intra Radices contentus, ad imas earum partes pergit, ut attractum inde alimentum *irrunco, ramis, foliis*, nutriendis transfundat.

Omnia bulbacea, cujusmodi sunt *Capæ, Aloes, Acetabulum, Crocus, Scilla, Porrum*, & aliæ similes rotundæ ac tunicatæ radices, Humo avulsæ germinant, & caules proferunt. Imo in Carnario laquearibus suspensæ, etiam per hyemem turgent, & profiliunt.

Ratio est, quòd *Bulbi* non quemadmodum cæteræ Stirpes, per radicum filamenta alimentum exsugunt, sed illud supernè attrahunt, illum nempe succum, qui in eorum Corporibus, & crassis illis, quibus cinguntur, tunicis, delitescit. Unde fit ut hæ radices humore assatim imbotæ, multumq; succi alimentitii intra membranas continentes, Calore excitatæ, se proferant, & caules procreant. Id ita fieri cotidiana experientia demonstrat; Quia dum bulbacea pullolant, sensim imminuuntur, quia *succus* quo turgebant, exhauritur, & in *Caules*, & Semina abit. Ut patet in *pulegio*, & herba quadam, à Latinis *Orpinagria* nuncupata, qua Rustici ædes suas adornant, alligata scilicet asserculo, aut bacillo, & ad parietem constituta. Sed id potissimum in majori *sempervivæ* deprehenditur, quæ per duos, tresve annos, ramos profert, modò ejus radix linteo oleo asperso involvatur, & singulo semestri renovetur.

Observarunt tamen nonnulli in *Aloe Americana Serrati-folia*, quotannis folia arefcere, & totidem postmodum procreari, quamvis oleo non aspergatur, & solo rubro panno (uti fieri solet) circumducta in Culina suspendatur.

Id aliunde non procedit, quam quòd succus nutritivus in hac planta circuletur, & à Radice ad Folia, & vicissim ab ibi-

II.

Quomodo Capæ à Terra avulsæ germinant.

V.

III.

Cur in Aloe Americana quedam folia nascantur & decidunt.

lis,

lis, iterum ad radicem transferatur. Quippe quomodo fieri potest, ut radice firma ac solida, uti prius, permanente, tantum alimenti suppeditetur, ad nova folia procreanda, nisi succus prædictus, è corruptis foliis ad radicem denuo protrudatur, ad novam productionem?

IV.

Ut Rosa circa
Novembrem ger-
minet.

Si *Rosæ* vertex, immediatè postquam germinavit, abscindatur, circa ejusdem Anni *Novembrem*, flore redintegrato, florebunt. Non exactè quidem in *Vertice* qui ferrum passus est, sed ex furculis, qui quasi stolones erant. *Bacon.*

Ratio est, quòd Succus intra *plantam* contentus, futurum alioquin *Verticis* alimentum (etiam post germinationem) propter ejus resectionem, factò ad circumlaterales furculos divortio, *Rosæ* tardioris fœtum geret. Idem continget, si *Gemmae* *rosæ* decerpseris, ubi in primos intumuerit nodos. Imò probabile est, *Rosæ* germinationem posse retardari, si Arboris corpus *flo* circumligato stringatur, eò quòd Ligatura ad succum aliquatenus retinendum facit, & succrescenti Arbori moram.

V.

Quare *Abies* &
similes, ramos
tantum in ver-
tice emittunt.

Rami & folia, in quibusdam Arboribus, non nisi in vertice prosiliunt, quemadmodum videre est in *Abiete*, *Picea*, *Cupresso* & *Cedro*, quæ solis comis virent. Aliæ autem, ramos undiquaq; protrudunt, & se omni ex parte foliis contegunt.

Oritur hæc germinationis diversitas, à *poris*, per quos Alimentum à radice ad fructum, & ramos transmittitur. Quippe si recti fuerint, & perpendiculari lineâ deducantur, iis veluti fistulis, succus sursum defertur, eodem semper tramite servato, donec ad cacumen delatum; ob nimiam copiam, illic erumpere cogatur, & in ramos abire. Accedit etiam, quòd Succus qui in hujusmodi Arboribus ascendit, viscidus sit, & quadam *Pinguedine* imbuatur. In iis verò Arboribus, quæ circumfusus habent ramos, meatus defleuntur, & succus interfluens, à latere viam sibi aperit, & corticem penetrando in multam sobolem erumpit. Vel etiam, quia non ita tenax est, ac viscidus, sicut in *resiniferis*: sed sicut copiosus Ignis, per *Tubulum*, fistulæ instar, pertusum ascendens, quædam illius partes per foramina exiliunt: ita succus per Arborum poros sublatus, per patentes *vias* erumpit, præsertim ex furculis, ubi ob teneritudinem exitus est liberior, & faciliior Pluri-

Plurimas Stirpes folia nunquam destituunt, & per *Hyemem* summumque frigus, ea, incorrupto virore serunt: ut *Laurus*, *Cypressus*, *Hedera*, *Rosmarinus*, *Abies*, *Buxus*. Aliæ autem sub finem Autumni, virorem amittunt, & suis ornamentis exuuntur.

VI.
Cur quædam
Arbores semper
virentia folia
servant.

Causa *Viriditatis* in quibusdam Plantis; ex eo provenit, quod folia solidiorem habeant materiam, calidioribusque succis perfundantur, quam ut pori in quibus fluunt, à superveniente frigore intercludi queant. Defrondescent autem aliæ, nudæque per totam *Hyemem* remanent, quia earum folia delicatiora sunt, quam ut premente algore, eorum meatus non obturantur, & ita sufficiens Alimentum radicibus, aut foliis nutriendis admittant.

Surculi molles, & quibus nondum latera tempus firmavit, iis ad Instum ineptiores sunt, qui cum trunco ætate conveniunt, & aliquam duritiem sunt adepti.

VII.
Surculi molles
ad Infitionem
sunt inidoni.

Ratio potissimum ex eo petenda est, quod ut *Infitio* feliciter procedat, debeant *rami* fibræ ita cum *trunci* fibris adaptari, ut Alimentum è Radice proveniens, ad utrumque liberè traducatur. Debent enim inter illas quædam oscula, vel potius *Anastomoses* interjacere, per quas Cibus transeat, & ab una in aliam transferatur. Molliores autem surculi, propter teneriorem fibrarum plexum, ita inter *fibros* constringuntur, ut coarctatis eorum poris, haurire Alimentum haud valeant. Atque sic aut infelicitè crescunt, aut brevi extinguuntur. Surculum enim *Anniculum* esse oportet, ut agglutinari possit, & cum trunco cohærere. Sic è diverso Stipites aridi, aut quos longa ætas sicciore effecit, infitioni inutiles redduntur, quia iis Humor deest, quo tanquam glutine, utriusque fibræ connectantur, & in unam Plantam abeant. Uti videmus *Terram aridam* sterilem esse, & vix aliquando semini excitando idoneam.

Fructus, ubi ad maturitatem pervenerunt, Arborem deserunt, & sponte in Terram delabuntur.

VIII.
Cur fructus ma-
turi ex Arbori-
bus decidunt.

Id provenit, quod eo tempore, nimium laterales fructuum fibræ intumescunt, nec amplius Alimentum continere valent. Unde fit, ut quod ad partes superiores ascendebat, aditu negato, deorsum refluat, & ipsum pedicolum siccum & exsiccum relinquat. Hinc quidam fructus cum pedicolo, ut *Poma*, *Pyra*:

alii sine pedicelo, ut *Pruna*, *Mala aurea*, *Armeniaca*, &c. decidunt, prout transcurrent materia proximius, aut remotius pediculos destituit.

IX.

Unde Cervorum
cornua decidunt
singulis annis.

Non ab eadem causa oritur, quod *Cervi* singulis annis, stato tempore, cornua mutant, & Capitis ornamenta deponant, ut quidam opinantur; sed à contraria potius causa: A nimia scilicet succi *salini* copia, quo *Cervi*, ea tempestate, turgescunt; Quippe Materia illa, ab Animalis corpore continuo exhibita, & ad Caput indefinenter protrusa, antiqua cornua de loco deturbat, quæ postmodum frigidi Aëris occurso condensata, in teneriora Cornua abit, priorémque locum occupat.

ARTICULUS NONUS.

De Plantarum Interitu.

I.

Cum Plantæ à
solo avulse non
statim emori-
antur.

Plantæ solo avulse languescunt, & quamvis ligna Tempore verno amputata, aliquamdiu in Terra jacentia germinant, ab ea tamen sublata, sensim deficient, & emoriuntur.

Stirpes, Terra detractæ, non statim marcescunt, quoniam succus aliquantisper fluere perseverat, nec tam citò pori mutantur, quin ad extremas ejus fibras Alimentum pergere queat. Plantarum autem mors nunquam sequitur, nisi cum succus iners redditur, & à Subtili Materia incalescere, & sursum propelli amplius non potest. Calore enim deficiente, omnis Motus cessat, ac proinde non amplius *germinatio*, non *nurtitio* peragitur, in quibus Plantarum vita consistit. Hinc Stirpes tempore hyberno, non nisi improprie Mortuæ dicuntur, quia licet tunc temporis, extra se nihil proferant, & sensibilis Succus transcurfus non appareat, negari tamen non potest, quin aliquis insit, cum eadem prorsus dispositiones maneant, quæ in Viventibus Corporibus reperiuntur, & alia sit earum conditio ab iis quæ exaruerunt.

II.

Succus per to-
tum corpus plan-
tæ circulat.

Amplius enim dubitari non potest, quin succus in Plantis, pari ratione, qua *Sanguis* in Animalibus decurrat, & perenni circuitu per totum Plantarum corpus moveatur: Id in *La-*

Encæ,

Asuca, *Attractili*, *Chelidonio majori* potissimum deprehenditur, in quibus succus nunquam quiescit, & summo cortice desquamato perpetuò profluit, ut in Animalibus Sanguis, vena incisa. Deinde, Plantarum succus non extravasatus deprehenditur, & veluti liquor in spongia contentus cum in ipsis vasa cernantur, Animalium venis analoga. Quæ in iis Plantis planius discerni possunt, quæ albo, rubro, aut flavo succo opplen-
tur.

Oleum plantis maximè noxium est, quibus nunquam non lethale est, si ad earum penetralia perveniat. Idem de *Mercurio* observant *Chymici*, ubi ad intimam usque medullam penetrat.

III.
*Oleum plantis
valde est ini-
micum.*

Ratio est, quòd oleum *Uligine* sua, plantarum meatus obstruit, eosque ita occupat, ut succi Alimentitii particulæ dividere illud non queant. Quo fit, ut plantæ, alimenti defectu, paulatim deficiant, & demum arescant & extinguantur. *Mercurius* plantis venenum est, eò quòd sua subtilitate, earum interiora subeundo, fibrarum plexum solvit, ac lacerat, novamque partium dispositionem inducit. Soluta autem plexu, percolatio amplius fieri non potest; sine qua, plantas deficere necesse est.

Ventis perflantibus, Arbores interdum arescunt, & surculi ita *exucci* evadunt, ut manibus faciliè frientur.

IV.
*Quando Ventis
plantis nocent.*

Id provenit, quod *Venti* hujusmodi, *Nitroso* spiritu, aut *Vitriolico* multum referti sunt, qui virentes, tenerosque Arborum frutices invadentes, tabifica labe inficiunt, in quantum tenella stamina, quæ Nervorum instar, foliis ac fruticibus infesta sunt, frigidi Aeris afflatu ita comprimuntur, ut Alimentum è radice delatum haurire amplius non possint. Quo fit, ut semoto omni humore, Arbores siccantur, & exarescant.

Summa surculi extremitas nonnunquam arescit, dum interim superior pars stipiti adhærens, vegeta perseverat.

V.
*Segmentum sur-
culi cur arescit.*

Id variis modis contingere potest: Vel pororum *obstructione*, vel nodo, vel fibrarum plexus solutione. Eo enim obice, alimentum impeditur, ne solito ritu ascendat, & ulterius permeare possit. Quare Humore, qui inerat, exhalato, obstructoque aditu, ne alius succedat, fit ut *segmentum* emoriatur, & aridum evadat.

VI.

Quomodo Contusione aut Terebratione Arbores moriantur.

Arbores sæpè *contusione* tabescunt, & *fissione*, *terebratione*, similiq; alio vulnere enecantur.

Ratio est, quòd *Contusione*, ordo partium perturbatur, obstruunturque viæ, ne Alimentum decurrat, & ad partes ultiores traducatur. Unde fit, ut quæ supra *Contusionem* sunt, succi inopia marcescant, & quæ infra illam sunt, præ nimia copia turgescant & suffocentur. *Fissione* quoque, seu alio inflicto vulnere Plantæ intereunt, quia tunc materia alimentitia ejus poros permeare desinit, nec ut antea diffundi potest. Quòd autem Nonnullæ, ut *Pinus*, *Abies*, *Terebinthus*, vulnere accepto proficiant, & solito fecundiores reddantur, id ob Humoris exuberantiam provenit, cujus aliqua portione per *Vulnus* elapsa, Plantæ veluti pondere exoneratæ, fructus suos facilius proferunt, & vim suam *genitalem* expeditius exerunt.

VII.

Cur quedam Plantæ calore, aliæ frigore pereunt.

Quædam Plantæ, nimio æstatis fervore pereunt, præsertim *novellæ*, quas ætas nondum contra Aëris intemperiem firmavit. Aliæ frigori cedunt, & nimia Hyemis asperitate obriescunt & emoriuntur.

Causa est, quòd Plantarum Vita in *Calidi* & *Humidi* temperie, ut dictum est, constituitur; Aded ut *Humor* in vivente, sine Calore admixto, aut *Calor* citra *Humorem*, diu foveri non possit. Unde alterutro horum prædominante, & consortem suum destruyente, necessum est Corpus interire, & Vita privari. *Novellæ* igitur citius aliis, nimio æstatis Ardore interimuntur, quia *Calor* externus, tenera earum Corpora facile penetrat, quorum partes vehementius agitando, *Humorem* non è truncis solùm, sed & ex ipsis radicibus extrahit ac depascit; cujus jactura, cum à Terra, quæ etiam nimium incalcescit, reparari non queat, necessum est Plantas *exsiccare* & exarescere. Aliæ autem *acri Hyeme* perimuntur, quia Poris præ frigore contractis, *Calor* intrinsicus exire compellitur, cujus absentia, cum *succus* non promoveatur, & non satis Alimentum è radicibus eliciatur, oportet *Nutritionem* in Plantis cessare, & alias Vitæ functiones interrumpi. Ob eandem rationem, Plantis mors à *Ventis* imminet, qui si *fervidi* sint, & Calorem in Corporibus procreant, meatus laxant, & reconditum *Humorem* exhauriunt. Si verò *gelidi* sint, & frigus intensum adferunt, poros comprimunt, & Calore expulso, vim *genitalem* debilitant, ac depopulantur.

Plantæ

Plantæ Sylvestres, & quæ locis montosis delectantur, longius vivunt, quàm urbana, quæ in Hortis crescunt, & stercore saginantur.

Sylvestres Plantæ longioris vitæ sunt quàm hortenses.

Causa esse videtur, quod Plantæ, quæ in Hortis adolescent, nimia succi copia sese quodammodo ingurgitent, & nativum Calorem alimenti exuberantia extinguant. Nam cum Cultura, pro scopo habeat, lætiores, aut præcoces fructus ex Arboribus educere; tota in hoc occupatur, ut agros uberes & fertiles efficiat; parum autem sollicita, an robustæ evadant, modò luxurient, & largius fructus profundant. Certum est autem, nimia materiæ alimentaris copia, Plantarum poros dilatarî, & minùs adhærente vitali Humore, Calorem quoque evanescere, & elabi. Ad Vitæ brevitatē hortensium Plantarum etiā conducit, quod lætamen, quo reficiuntur, illas undique ambiat, & haud longè à Terræ superficie positum sit; quo fit, ut illarum radices, non ita profundè dimittantur, & non nisi leviter Terram penetrent. Sylvestres autem, quum macra materiæ circumcingantur, & hausto parcius alimento altius deprimantur, firmiores evadunt, & exterioribus incommodis magis resistendo, vitam longiorem ducunt. Ambigi enim non potest, quin Radicum expansio, & crassities ad Plantarum diuturnitatem conferant, & longiori Tempore durent, quo profundius Terram penetrant, & per majores angustias irrepunt.

Hinc observant Hortulani, Plantas illas brevè interire, quæ calidâ irrigantur: quia licet eo pacto, Accretionis opus citò promoveatur, & fructus præcoces prodeant: quoniam tamen Plantarum fibræ insolito eo Calore, plus æquo laxantur, nimiumque succi hauriunt, aut materia alimentaria obruuntur, aut earum pori, intrusorum corpusculorum mole obstruuntur.

Uti calido, sic frigido humore, irrigatio non succedit. Hinc fit, ut putealis, ac fontana Aqua tantillum quiescere debeat, postquam hausta est, ut Aëris calore temperetur, & frigiditatem tantillum exuat.

IX.
Aqua calida Plantis mortem adfert.

X.
Nec minus nocet irrigatio frigida.

HISTORIÆ NATURALIS PARS OCTAVA.

De Animalibus.

ARTICULUS PRIMUS.

De Animalibus sponte genitis.

I.
*Ut nascentur
quedam Ani-
malia absque
Semine.*

Nihil magis inter Authores tritum, quàm Animalia absque *semine* progigni; ut *Cimices*, ac *Pediculi* ex sordibus humanis; ex libris *Blatta*, ex ligno *Cossi*, ex vestibus *Tinea*, & innumera alia, quæ sine ullo Animantis congressu, nascuntur, & prodeunt.

Nonnulli *Medici*, specie tenus duntaxat rerum spectatores, quoniam harum productionum principia non intuentur, & Causas, quæ hujusmodi Animalia generant, non oculis deprehendunt, earum formationem *equivocam* appellant; quasi à dissonis Principiis profiscerentur, & nullam cum ipsis cognitionem haberent: Sed reverà eodem jure, quo cæteræ *generationes* univocæ sunt nuncupandæ, quum eadem necessitate fiant, & non minùs quàm aliæ, semen prævium, requisitæque in eo dispositiones exigant. Quicquid enim in Natura gignitur, à *semine* promanat, & nihil casu, aut ludente *Natura*, in Terra producitur. Verum est, quòd illa semina potissimum interna sint, & non oculis semper sese offerant, sed talia in Corporibus latere, negari non potest; quum videamus

mus *Pediculos, Erucas, Tipulas, &c.* apprime elaboratas esse, & omnes inter se, partium similitudine convenire. Quippe nihil ipsis ad perfectionem deest, & non minus quoad Internas, quam Externas partes, completæ dicuntur. Quis enim imaginari potest tantam Membrorum *varietatem*, tam concinnam singulorum *formam*, tam miram omnium *proportionem* ac nexum temerariè produci, & non determinatum aliquod semen supponere? Nam si *monedulam*, si *feles*, exempli causa, à Semine derivari existimamus, quòd nimis elaborata esse putemus, ut à vago Agente compingi queant, quidni idem de aliis Animalibus erit censendum, eam in eis non minus animadvertatur Artificium, & eorum partes non minus inter se corresponsdeant?

Nascuntur igitur *Cimices, Pediculi, Eruca* & similes, dum multæ feminales particulae, à Subtili Materia, seu Calore agitatae, ita inter se disponuntur, ut figuras, organaque convenientia componant. Non autem hic Motus temerè, & casu perficitur, sed juxta Naturæ Leges, aut vires seminarias, ex materia scilicet idonea, & Calore determinato procedit. Quod fit, ut ita exagitatae Materiae partes, non modò ad *Cordis, Venarum* formationem, & earundem cum *Arteriis* unionem concurrant; sed etiam ad principium *Cerebri*, sensorium, & fibrarum, nervorum & spirituum motorium concinnandum, quibus suppositis, ad perfectiora instrumenta fit progressus, ad ea nimirum, quæ sensationi, locali Corporis motui inserviunt, & famulantur.

II.

Omne Animal à semine derivatur.

Ad hanc Animalium productionem refertur id quod *Herbor Boëtius* in sua Scotiæ descriptione memorat; in littore Scotico, ex quadam Arbore aviculas progigni, fructu ejus scilicet deciduo, & in mare delabente. Quod idem in *Herbrido* littoribus fieri asserit, idque duobus modis. Uno, dum navibus, aut tabulatis in littore derelictis, & diu in statione manentibus Vermes oriuntur, qui capite sensim, pedibus, alis, ac demum plumis comparatis, *Anatum*, aut *Anserum* similitudinem referunt, & quemadmodum ipsi in Cælum feruntur. Altero modo, dum quædam conchæ excluduntur, ipsi præsertim algæ hærentes, Aviculæ prodeunt, quæ idè ex Arborum fructibus proficisci existimantur, quod circa illud tempus potissimum excludantur, quo Arborum folia, quæ in littoribus crescunt,

III.

De Anates in Scotia ex arboribus nascuntur.

crescunt, aut fructus in mare decidunt. Enimverò si in fructibus etiam in Arbore pendentibus, *Vermes*, & *Culices* procreantur, quidni ex iisdem fructibus Aviculæ gignantur, quæ avolent, & per Aërem aliarum more serantur?

IV.

*Pisces ut ex rore
progignuntur.*

A Viris fide non indignis accepi, quod *Siberiis* supra Aquam, seu fluentem, sive stagnantem, suspensa locetur, ac illi ante Solis ortum, cespites rorulenti ita imponantur, ut herbulae cum guttulis rosis non excussis deorsum vertantur, quotcumque, exorto deinceps, & Sole calefaciente, rosis guttula in Aquam deciderint, ex iis totidem pisciculos, pro herbarum, quibus rosis guttulae infederint, diversitate oriri. *Gassendus*.

Id si verum est, fieri existimat Vir præclarus, quod ex lacubus, fluviiis, maribus, piscinis, macellis, & universim ex locis piscem olentibus, semina variè exhalari, & per Aërem translata ac commixta, & unà cum rore concreta, atque in herbis decidua, earum spiritu sic foveri, eamque dispositionem sortiri, ut intra Aquam excepta, in tales pisces excludantur. Ad eum modum, quo ex rore *Solanæ* foliis insidente, & Solis æstu accedente, *Vermes*, ut testatur *Scaliger*, gignuntur. Et quemadmodum in *Chili Provincia* Meridionalis Americæ, Arbor nascitur, ex cujus foliis *Serpentes* exigui decidunt, eò quod Terra, è qua alimentum suum haurit, tota Serpentibus scateat, eorumque seminum sit feracissima.

V.

*Ut Muræ ex
quisquiliis, &
Papilioes ex
rosido humore
progignuntur.*

Muræ ex quisquiliis, ex fimo bubulo *Scarabei*, ex humore rosido *Papilioes*, *Locustæ*, *Cicadæ* progerminant. Imo ex ipsi *Aquis* præsertim stagnantibus, diversa Animalcula, *Tipulæ* vocata, oriuntur.

Causa alia esse nequit præter semen, quod inter *quisquilias*, *fimum bubulum*, *madoem aëreum* eo modo coaluit, quo intra Animalium Corpora concrevit & abfolvitur. Nam quod aliud principium effingi potest, cum videamus post Aquarum inundationes, multa insecta in agris progigni, post pluviam *Ranas* pullulascere, quæ non oriuntur, nisi quia aut semina illuc devehuntur, aut antea derelicta, Humorem requirunt, quo subigantur. Minutissimorum piscium meminit *Lemnius* libro secundo de occult. natur. Miracul. quos *Aphias* vocat, qui ex spuma Maris apud *Batavos* copiose generantur, ubi post diuturnas siccitates copiosi imbres ingruunt. Siquidem cum

ostia

ostia *Mosæ* ac *Rheni*, assiduo Oceani influxu salsescunt, æstivis præsertim mensibus, flumina illa affluentia pluvia diluta, atque irrigata Pisciculis hujusmodi undique scatent; qui ubi grandescere incipiunt, inito complexu posteritati insistant. *Mures* igitur ex putredine enascuntur (quod de aliis idem censendum) vel quia fordibus primordia à *Muribus* relicta inerant: vel quia Terrestres particulæ Calore agitatae, ita concreverunt, ut primum earum rudimentum componerent, ex quo cætera sensim progenita sunt.

Sic *Ukrani*, æstate præsertim siccior, Locustarum examinibus plurimum infestantur, eò quòd hujusmodi insecta, priusquam intereant, ducenta aut trecenta ova in *Autumno*, post se singula relinquunt, quæ postmodum æstivo calore accedente in *Locustas* erumpunt. Quæ nisi succedente pluvia enecentur, aut Ventis borealibus in Euxinum mare depellerentur, totum frumentum corrumpere, magnūque damnum *Provinciis*, quas pervagantur, inferrent. Sunt qui magna cum diligentia observarunt, nulla unquam Insecta, à carnibus aut piscibus generari, nisi prius à *Muscis* tacta fuerint, seminēque suo illa aspererint: Ac proinde verminationem in *Carnibus*, non nisi à *Muscis* procedere, iis prorsus similibus, quæ postmodum in *Carnibus* producantur.

Virgilius *lib. 4. Georg.* asserit ex bimo juvenco, si naribus obstruatur, plagisque perimatur, visceribus integra pelle tunsis, *Apes* progenari, modò id sub Verni temporis initium peragatur, & antequam herbæ in flores explicentur, quippe

VI.

Locustæ à Muscarum seminibus derivantur.

VII.

Ut ex juvenco Apes progignuntur.

— teneris tepefactus in ossibus humor

Æstuat, & visenda modis Animalia miris,

Trunca pedum primò, mox & stridentia pinnis

Miscentur, tenuēque magis, magis aëra carpunt.

Id fieri credendum est, quod Juvenci sub Veris principium, thymo, & casia pascantur, quæ in flores mox eruptura, semina continent, quibus Apes aluntur: Unde à subtili materia, omnia corpora percurrente, agitata, & simul cum odore saniem subeuntia, vicem coaguli agunt, idoneam materiam effingentis. Nam ubi contusus fuerit juvenco,

*Sic positum in clauso relinquunt, & ramea costis
Subjiciunt fragmenta, thymum, casisque recentes.*

VIII.

Qui Vermes intra fructus efformantur.

Vermes intra fructus progenerantur, & *Musca*, quæ in æstate adedò numerosæ sunt, nullo concubitu efformantur, quum toto Muscarum genere destructo, nullæ supersint, quæ illas producant.

Vermes intra fructuum pulpas nascuntur, non sponte, quasi nihil in Fructu præfuerit, ex quo oriri possint, sed Semine præmisso, dum scilicet floribus *Apes*, aut *Musca* insidentes, quædam Semina post se relinquunt, quæ intra fructus intercepta, urgente Calore explicata sunt, & in Vermes abierunt. Ita non spontaneo motu *Musca* prodeunt, sed coitu præmisso, ovisque editis, quæ in Terra promiscuè dispersis, Calore verno postmodum fantis, natæ sunt. Quippe si *Plinio* credimus, *Musca*, sicut & *Formica*, *Scarabei*, *Apes*, *Aranea*, *Vespa* & similia Animalcula congregiuntur & commixtione generant. Quod hoc maxime argumento probatur, quòd annis quibusdam *Musca*, *Locusta*, &c. copiosiores sunt, magisque agros depopulantur, ac Homines infestant : Quod certè aliunde oriri non potest, quàm quòd clementi Hyeme conservata sint semina, & parvam ex frigore, aut Telluris humore cladem subierint. Hinc *Plinius* lib. decimo cap. 65. Unde vis tanta messes populetur murium agrestium, ita præsertim occidente deinceps multitudine, ut nec exanimis reperiantur, neque exstet, qui murem hyeme in agro defoderit ; Nisi quia semine propagantur, & eorum primordia in Terra derelicta sunt.

IX.

Alique muscæ viviparæ sunt.

Ququam asserat *Aldrovandus* lib. 1. de Insect. quasdam Muscas, viviparas esse. Tiro, inquit, cum essem, è grandioribus Muscis, unam albis pictam lineis, specie illectus, cepi, ea in manûs vola aliquamdiu retenta, plusculos edidit vermiculos candidos, propria mobilitate insignes. Etsi fateatur hanc unicam Muscam deprehendisse, quæ vivos, ac se moventes vermiculos in utero contineret : subesse tamen suspicio potest, ceteras ejusdem Tribus, esse Viviparas.

X.

An Equi in Lusitania ex Vento nascantur.

Quædam Animalia ex Vento nascuntur, ut de Hispaniis, & Cappadociis Equabus *Plinius* refert, lib. octavo cap. 42. Constat, inquit, in Lusitania circa Olyssiponem oppidum, & Tagum

gum annum, Equas favonio flanti obversas, animale concipere spiritum, idque partum fieri, & gigni perniciosissimum, sed triennium vite non excedere. Cui favet Siletius Poeta lib. 3.

Hic adeo cum ver placidum, flatibusque tepescit,
Concubitus servans tacitos, grex prostat equarum,
Et venerem occultam genitali concipit aura.
Sed non multa dies generi, properatque senectus.

Id quidem à Veteribus creditum est, sed vereor ne non satis exacta indagine; quippe peragi Generatio non potest sine Maris & Fœminæ interventu; ni forte Hippomanes pro foetu accipiat, quod Equi, dum Vento exponuntur, emittunt. Ego Londini degens, Lusitanos quosdam rogavi, an verum esset, quod de Lusitanarum Equarum fecunditate Antiqui Authores prodiderunt, an tantum apud eos Ventus valeret, ut Viventium Pater dici mereretur. Ex iis Nonnulli, rem se penitus ignorare profitebantur. Alii, quos fortè Veterum lectio ad veritatem indagandam sollicitarat, assererebant audivisse quidem Equas interdum informes quasdam massas carneas enixas esse, sed quæ nihil cum equina forma haberent similitudinis. Idque etiam rarè, & non nisi cum nimium saginantur, & nimia coeundi cupidine æstuantibus Mares denegantur. Unde mirari subit, Plinium, Columellam, & alios accuratos rerum naturalium Scriptores, hanc genituram pro certissima divulgasse, quam ipsi haud observant, nec satis firmis testimoniis assertam publicarent.

Nec minore incertitudine asserit Elianus lib. 2. de Animal. Vultures Vento concipere, & Vulvam ad Boream aperire, ut eo veluti comprimantur, & impleantur. Cum inter Vultures, Mas & Fœmina reperiatur: atque communi naturæ præscripto gaudeant. Imo jam compertum est, annis singulis nidificare, & sæpe etiam statis temporibus permisceri. Non refert quod quædam Animalia, ova, hypernemica dicta, à Vento quasi subventanea dixeris, edant, ut gallina, perdices, quæ coitus adhuc expertes, subventaneos illos partus emittunt; quoniam hujusmodi Ova sterilia sunt, atque aliis minora, plusque humoris continent, quam ea, quæ fecunda gignuntur. Unde fit, ut Avis incubatione, humor ille crassescere nequeat, sed sibi semper similis permaneat.

Y y 2

In

XI.
Vultures non
Vento concipi-
unt.

fertis, locisq; siticulosis, ac Sole torridis nascitur, in quibus stirpes quædam ex soli conditione, atque Aëris ambientis qualitate, illam naturam adsciscunt, qua fingi texique in lintea possint.

ARTICULUS SECUNDUS.

De Animantibus ex Semine productis.

Quædam Animalia, unius tantum sexus esse existimantur, & absque Maris adminiculo generare, & fœtum emittere; ut de *Rubellionibus* & *Passeribus* inter pisces, refert *Aristoteles quarto Hist. capite undecimo*. Qui dum capiuntur, omnes ova habere deprehenduntur. Idem de *Testaceis* jactatur, quæ proprio Semine imprægnantur, & citra coitum, sibi similia procreant, & enituntur.

I.
*An Rubelliones
unius sint tan-
tum sexus.*

Qui *Aristoteli* patrocinantur, & quæque ejus scripta defendunt, non ægrè admittunt rem ita se habere, quoniam sic ille censet, sic scribit. Nos verò, qui Veritatem *Aristoteli* præferimus, nihilque amplectendum esse ducimus, quod cum ratione & Experientia non consentit, illud ut fabulosum rejicimus; quum inculpatæ fidei Homines noverimus, qui *Rubelliones* sine ovis aspexisse se asserant, & *Passeres* inter se commiseri. Enimvero rationi adversatur, Animal se solo propagari, & sine alterius opera, suam protrahere progeniem. Unde facilè crediderim, *Aristotelem* id recitasse, non tam propria ratione, aut experientia innixum, quàm Piscatorum fide, quos ad piscium indolem detegendam conduxerat. Idem de *Testaceis* est opinandum, cum plurimi testentur se *Buccinas*, & *Purpuras* congregientes vidisse; imo certis quibusdam temporibus convenire, ad rem generationis peragendam.

Catuli nonnunquam parentum defectus referunt, & ipsis per omnia assimilantur. Canem proponit *Gassendus*, quæ catulos integros enixa, postquam deinceps habuit lapidis ictu cruo confectum, catulos omnes edidit claudos. Mulieris cujusdam à se in Barbaria visæ meminit *Eques Digbaus*, quæ duos in sinistra manu pollices habebat, eam Puellæ quatuor, quas pepererat, in hoc vitio imitabantur.

II.
*Ut Catuli pa-
rentum defectus
referunt.*

Una.

Una apud Medicos horum, ac similium Effectuum Causa adfertur, nempe *seminis* ex omnibus Corporis partibus defluxus. Quippe cum Sanguis motu perpetuo, per Corpus Animalis deferatur, ambigi non potest, quin portio ejus subtilior, quæ generationi est subjecta, omnes ejus partes permeando, ab unaquaque illarum concoquatur, & quodam peculiari modo afficiatur. Aded ut, singularum *Qualitates* induat, & secum ad *Cor*, ad quod proficiscitur, devehat, in quo ab alia crassiori secernitur, & in receptaculis à Natura destinatis reconditur. Et illud *Semen* est, quo Animal ad sui similium generationem utitur. Unde si contingat Animal, ex quo spermatica illa materia elicitur, membro aliquo carere, aut partis alicujus exuberantia onerari, Nulla illius membri virtus Sanguini inerit, ac proinde fœtus mutilus nascetur, & certa aliqua parte destitutus. Si verò Animali partes multiplicentur, ut in *Afra Muliere* memorat *Digbeu*, aut exuberantia succrescat, deformitatem quoque in fœtu adferet; nisi hæc redundantia alterius parentis semine temperetur, aut Sanguinis superfluitas castigetur.

III.

Parentum Vicia
in liberos redun-
dant.

Sic qui *podagra*, *chiragra*, *epilepsia*, *elephantiasis*, morbisque aliis contagiosis vitati sunt, iisdem infirmitatibus fœtus suos imbuunt. Matres præsertim, cum eis alimentum suppeditent, & cum sanguine corporis habitum, Animisque mores communicent. Hinc passim evenit, ut impudicæ, aut temulentæ sibi similes liberos procreent, & vicia sua illis affricent.

IV.

Cur Fœminæ
ante profluentes
menses non con-
cipiunt.

Fœminæ (quarum nomine non Mulieres modò, sed & *Equæ*, *Vacæ*, *Oves*, *Sues*, *Canes*, cæteraque vivipara intelliguntur) quibus Menses non profluunt, conceptui sunt inidoneæ. Unde illæ quas menstruus sanguis deseruit, steriles fiunt, & omnem fœcunditatem deponunt.

Ratio est, quòd Conceptus tunc Temporis alimento caret, & *semen* in utero non satis firmiter adhærescit. Quippe vasis obseratis, Vulva lævis efficitur, & injectum in eam semen illico desluit, nec satis coagulari potest. *Aspera* enim magis Humorem continent, & ægrius apprehensa relinquunt. Unde Fœminæ, quibus sicci aridique sunt uteri, liberis procreandis sunt inhabiles, quòd genituram retinere non valeant, nec sufficienti Sanguine madescunt. Menstrui enim stillicidio vul-

va irriganda est, ut impleri queat, & semine concepto in fructum intumescere. Hinc foeminae inceptis *Mensibus*, vel præcipuè cessantibus, citius imprægnantur & concipiunt: Quoniam tunc Humore quodam roscido *uterus* madescit, & *semen* facilius allicit, & retinet.

Muli passim steriles habentur, & sui similes generare impares.

v.
An mula steriles, & quam ob causam.

Hoc inter Antiquos pro vero jactatum est, & variae quæsitæ tantæ orbitatis causæ: Sed frustra, cum *Mula* inveniantur, quæ pepererint, ut cuidam in *Arvernia* nuper contigit, quæ *ginnum*, hoc est, parvum mulum edidit. Imò *Theophrastus* apud *Plinium*, testis est, *Mulas* in *Cappadocia* parere, non illas modo, quæ ex *Asino* & *Equa* generantur, sed etiam quæ ex *Equa* & *Onagris* mansuefactis prodeunt, quamvis id raro accidat, ob partium scilicet, quæ *Asinæ* & *Equæ*, quæ uterum constituunt, diversitatem. Quippe foetus *Asininus* *carunculis*, *Placentis*, *Zonis* gaudet, quibus *Equinus* foetus destituitur. Quare necessum erit, ut cum utrumque *Mula* participare non possit, sterilis efficiatur, ni per accidens aliud contingat.

Nimia *Seminis* effusio, Cerebro ac Nervis plurimum noxia est, iisque notabilem debilitatem progignit: Ut ii experientur, qui *Veneri* nimium indulgent, aut se fœdis pollutionibus inquinant.

VL
Nimia frequens seminis effusio Cerebro infesta.

Censuit olim *Hippocrates*, & à plurimis Medicis etiamnum creditur, humorem genitalem, in vasa spermatica à Cerebro derivari, cujus evacuatione facta, Cerebri vires infirmari necessum est. Verum, cum nulli peculiare ductus à Cerebro extent, qui prædictum humorem ad partes spermaticas deferant, rationi consentaneum est admittere, nobilem hunc humorem, è *Massa Sanguinaria* procreari, cujus pars aliqua, non minus ad genitalia, quam ad ipsum Cerebrum dimittitur. Quod autem nimia humoris genitalis dispendia, Cerebro labem inferant, eique debilitatem concilient, id ex eo oritur, quod *Sanguis*, ut amissi per effusionem seminis jacturam reficiat, subtiliorem sui partem ad Cerebrum impendat, delegatis nimirum in partes spermaticas, maximis spirituum animalium copiis. Imò cum Sanguis è propria substantia, genitalibus satis elargiri nequeat, à Cerebro, novam materiam antè

VII.

Puella, & seniores Fœminæ
fœminas potius
quàm mares procreant.

antè concessam mutuatur, repetitque, ut illuc rependat.

Puellæ, quæ tempestivè concubitum admittunt, quæque non satis adhuc firmo Corpore congregiuntur, *Fœminas* potius, quàm *Mares* generant: sicut & ætate provectæ mulieres, & quæ aliquantulum in *senectutem* vergunt.

Conceptionis hujus Causa, in caloris defectum refundenda est, quæ in novellis Mulieribus & senescentibus imperfectus est, & æstum virilem non æquat. A diversis enim *seminem* viribus, *Mas*, aut *fœmina* provenit, & prout unum in aliud dominatur, varius sexus nascitur. Hinc si muliebri semen virili vigore antecedit, fœmina procreatur; sin autem masculinum præstet, maris progignendi vim utero confert. Cum autem juvenulæ & declinata jam ætate *Mulieres*, modicum calorem habeant, nec tantum valeant, quantum ætate florentes; fit ut ad fœminæ conceptum aptiores sint, & in sui generis sexu proferendo accommodatiores reddantur.

VIII.

Quomodo filii
passim Parentibus
aut Cognatis
assimilantur.

Proles passim alterutri Progenitorum similes sunt, aut etiam utriusque effigiem referunt. Aliæ autem *Avorum*, *Atavorum*, *Cognatorumve* formas ostentant: Ut Filia illa *Sicula*, quæ non Patri, sed ejus Matri similis generata est. Sic mulier illa *Græca*, cujus meminit *Plinius*, quæ adulterii delata, quòd filium atro Colore tinctum genuisset, à crimine immunis judicata est, ubi constitit, quòd quarto gradu ex *Æthiope* esset procreata.

Communis est Medicorum opinio; si fœminæ semen abundantius præstet, *Genetrici* prolem assimilari: sin autem Viro copiosius effluat, *Genitori*: Si ex utroque vis æqualis emanat, amborum effigiem referre. Quod *Lactantius lib. de opific. capite 12.* his propemodum verbis expressit, quibus lubentiùs utor, ne juvenis, videar illa arcana curiosius scrutari. Cum femina inter se mista coalescunt, si *Virile* superaverit, *Patri* similem provenire, sive Marem, seu Fœminam: Si muliebri prævaluerit, progeniem cujusque sexus ad imaginem respondere *maternam*. Id autem prævalet è duobus, quod fuerit uberius, alterum enim quodammodò complectitur, ac concludit. Hincque plerumque fieri solet, ut unius tantum lineamenta prætendant, si verò æqua fuerit ex pari semine permistio, figuras quoque misceri, ut *soboles* illa *communis*, aut neutrum referre videatur, quia totum ex altero non habet,

aut

aut utrumque, quia partem de singulis mutuata est.

Hinc fit ut Sapientes, nonnunquam stupidos, parumq; sanæ mentis liberos generent. Quia quum rebus subtilioribus vacent, eorûmq; animi seriis occupentur, parum re Venerè afficiuntur, illisque remissiùs incumbunt. E contrario, qui in Venerem ardentius incallescunt, liberos plerumque procreant, eorum mores, ac studia, animique motus æmulantes. Liberi enim, quibus omnis animi vis, ac vitalis spiritus, ex seminis facultate infusus est, simili fermè cum progenitoribus conditione existunt, candemq; cum eis naturam sortiuntur. Hinc

IX.
Cur Sapientes
stultos interdum
procreant.

*Fortes creantur fortibus, & bonis.
Est in Juvencis, est in equis patrum
Virtus; nec imbellem feroces
Progenerant Aquile Columbam.*

Horat. lib. 4. Carminum, Ode quarta.

Matronæ *Hollandicæ*, ut animadvertit *Lemnius*, ex Leporis obtutu Infantes edunt, labello supremo bifido, ac bifurcatim dissecto. Simili ratione Nonnulli *Simis* existunt naribus, ore *distorto*, labris indecorè prominentibus, totòque Corporis habitu deformi.

X.
Unde fit ut in
Hollandia bi-
furcatis labris
Infantes sepiùs
nascentur.

Id oritur, quòd Mulier conceptûs, ac gestationis Tempore, oculis totâque mente ac cogitatione in monstrosas quasdam species fuerit defixa. Ea enim est *Imaginationis* efficacia, ut ubi aliquid Mulier defixis oculis intuetur, aliquid conspectis, aut cogitatis cognatum efformet. Sic Mulier illa quæ abjecto pudore, dum maritus abesset, alteri se submisit, Infantem edidit non Adultero similem, sed absentis Mariti imaginem prorsus referentem. Cujus Causam lepide *Tho. Morus* hoc Epigrammate describit.

*Quos ante conjux quatuor
Natos Sabine protulit,
Multum ecce dissimiles tui,
Tuos nec ipse deputas.
Sed quem tibi puellulum
Enixa jam nuperrimè est,*

Z. z

Solum

XI

Solum tibi simillimum
 Pro quatuor complecteris,
 Adulterinos quatuor.
 Vocas, repellis, abdicas.
 Atque graves tradunt Sophi
 Quodcumque Matres interim
 Imaginantur fortiter
 Dum liberis datur opera,
 Eius latenter, & voras
 Certas & indelebiles
 Modòque inexplicabili
 In semen ipsum congeri.
 Quibus receptis intimè
 Simulque concretescentibus
 A mente matris insitam
 Natus refert imaginem.
 Quum tot abesses millibus,
 Dum gignit uxor quatuor,
 Quod esset admodum tui
 Secura, dissimiles parit:
 Sed unus omnium hic puer
 Tui refert imaginem,
 Quod mater hunc dum concipit
 Sollicita de te plurimum,
 Te tota cogitaverat,
 Dum pertimescit anxia,
 Ne tu Sabine incommodus,
 Velutque lupo in fabulam
 Supervenires interim.

XI.

Ut rebus visis
 proles similes
 evadunt.

Sic refert Galenus, Mulierem quandam, puerum edidisse,
 non patri, qui natura deformis, vultuque illiberali erat, sed
 speciosæ imagini similem, ad quam ut oculos sæpius dirigeret,
 maritus præmonuerat. Ita alterius foeminae Portans meminit,
 quæ statuam marmoream, pueri obesuli imaginem referen-
 tem, proprio instinctu, contemplandam sibi proposuerat, eam-
 que Mentis intuitu sæpius perpenderat, puerum enixa est, co-
 lore pallido, obeso corpore, & marmori prorsus similem. Id
 non Hominibus peculiare est, sed & ipsis brutis Animantibus
 commune.

commune. Nam quid, ut *Jacobi* foetus Versicolores nascerentur, effecit? nisi quod Oves variegatas virgas intuerentur, & imaginatio corporea objectorum similitudinem imprimeret.

Androgyni, seu alio nomine *Hermaphroditi*, aliquando nascuntur, qui utrumque sexum participant. Frequentes inter Barbaros esse, præsertim in *Virginia, America Provincia*, referunt *Historici*, quibus ob robur Corporis, *Indi* veluti jumentis ad Regum suorum annonam portandam utuntur.

Cùm ex seminum victoria, Masculus Fœminæ generetur, videtur *Hermaphroditorum* origo æquali eorum vigori esse tribuenda; dum nimirum utriusque parentis genitalis materia, tanquam in libra collocatur, & neutrum alteri præponderat. Nam sicuti *Mas* generatur, ex prædominante viri semine, *Fœmina* verò, dum muliebri semen prævalet, & masculinum absumit: Ita *Hermaphroditi* progignuntur, dum utriusque genitalis materia æqualis est, & pari robore pollet ac commiscetur. Unde credendum est eos populos, è quibus passim *Androgyni* emergunt, plurimum seminis emittere, & æquam *Maris* ac *Fœminæ* esse superfluitatem, dum hujusmodi vitiosi infamæque Conceptus efformantur. Advertendum tamen est in *Hermaphroditis*, *Genitalium* alterum semper irritum esse, eò quòd unum, ne alterum perfectè compingatur, impediat.

XII.
Unde nascuntur
Hermaphroditi:

ARTICULUS TERTIUS.

De Monstris.

Belluæ nonnunquam *Bicipites* generantur: ut de *Porcæ, Agno, Vitula*, refert *Licosthenes*. Imò in pago quodam, qui ad *Argentinensem* Episcopatum spectat, *Sugenheim* nomine, *Anser* monstruæ planè formæ in ovo inventus est, duobus Capitibus, totidémque linguis, collo unico, quatuor pedibus, quorum duo, eum locum occupabant, ubi in aliis alæ emergunt, reliqui verò circa podicem apparebant, alæ verò duæ circa collum expansæ. *Licosthenes* anno Domini 1496.

I.
Unde oriuntur
Monstra.

Talium Monstrorum origo, ex Seminis copia, & superflui-

tate deducitur; dum scilicet genitalis materiæ portio ad Caput, aut Membrum aliud efformandum destinata, in plures partes dividitur, & multis ejusdem formæ delineandis inservit: Quod potissimum fit, dum *semina* non simul subeunt, sed unum alteri superinducitur; quæ cum in utero confundantur, necessum est, ut illa coalescant, & à se mutuo separentur. Caput autem præ cæteris aliis Corporis partibus excrescit, quoniam spermatica materia, quæ illi effingendo inservit, abundantior est, utpote quæ ex Capite derivatur, & ex illius nutritionis Alimento est residua. Sic feminis superfluitas, multiplicium in *Anser* membrorum causa fuit, quod cum uni efformando nimium esset, & duobus non sufficeret, in partes alias erupit & discriminatum est.

II.

Quomodo gemini nascuntur inter se conjuncti.

Gemini aliquando nascuntur, Corporibus in unum conjunctis. *Constantia*, ad locum Acronium duo Infantes, Masculus & Fœmina, duobus capitibus, quatuor brachiis, totidemque pedibus, membris omnibus absolutis, sed circa umbilicum conjunctis corporibus nati sunt. *Licosthenes* anno 1063.

Hic *Bicorpor* fœtus, non ex redundantis materiæ influxu tantum, sed & ex ipsa uteri angustia oriri potest; dum aliqua seminis portio, quæ situ ab alia secreta, in membrum Corporis, aut *Embryonem* ab alio distinctum, compingi cœperat, ob spatii angustiam, alteriusque vicinæ partis compressionem, incrementum accipere non valet. Unde necessum est, ut magnitudine debitâ careat, aut alteri Membro connectatur & adhærescat. Sic provenit ut *Gemini pulli*, ex ovis nascantur, non Bicipites modò, sed & toto Corpore impliciti: Quia cum *vitelli* ex quibus procreantur, gemini sint, & communi *membrana* involvantur, non possunt non inter se uniri, & veluti unum componere. Idem in *fructibus* contingit, si in arctis locis excipiantur, priusquam ad debitam magnitudinem pervenerint. Unde apparet, quàm inconsultè agunt *Matres*, quæ toto gestationis tempore, domi inertes, & otiosæ degunt, & cruribus decussatis, deflexoque nimium in genua corpore, acus operibus incumbunt, & fœtus suos nimia compressione fatigant. Quippe illa corporis contractione, non rarò *obstipos, gibbosos, loripedes*, membrisque aliis *distortos* Infantes generant & enituntur.

Nascuntur.

Nascuntur interdum infantes absque Manibus & Pedibus, quorum loco aliqui demissam cuspidem habent : ut ille cujus mentionem *Aldronatus* facit, qui à vertice ad hypochondria, humanam figuram referebat, ab *umbilico* autem relicta Homi-
nis figura, in formam pyramidalem terminabatur, referens in cuspide similitudinem caudæ Suis implexæ.

III.
Ut oriuntur in-
santes absque
manibus & pe-
dibus.

Causa hujus deformitatis, à materiæ seminalis defectu pe-
tenda est, quæ cum in principio formandis omnibus corporis
membris non sufficeret, ad quæ effingenda destinata est; re-
siduo interiùs ejus corrupto : aut si quid superfluit, adeò te-
nue & exiguum fuit, ut firmum membrum componere non
valens, in exiles quasdam & fœtui indecoras abierit. Mate-
riæ enim inopia, causa est, non modò cur *brachium*, aut *crus*,
seu utrumque deficiat : verùm etiam cur congruâ cæterarum
partium magnitudine servatâ, nonnullæ difformiter exiles ma-
neant.

Mulieres, quæ oras *Maritimas* incolunt, rudem sæpenu-
merò, atque inelaboratam massam, quæ ferri aciem respuit,
proferunt : imo non rarò quiddam specie difformi, quod pal-
pitet, ac vitale existat, formamque inchoati operis obtineat.
Lemnius de occultis natur. mirac.

IV.
Interdum massæ
informes fœtus
loco procreantur.

Insueti hujus partus rationem idem *Lemnius* refundit in VI-
rorum incontinentiam, qui mulieres indebito tempore ine-
unt, & non observatò à naturâ cursu congregiuntur. Nautæ
siquidem ubi ex longa diutinâque peregrinatione, in Portum
sunt delati, confestim uxores subigunt, nulla habita Men-
strui decursus ratione, quo tempore congressus noxius esse so-
let, ac perniciosus. : Quippe tunc semen, ut dictum est antea,
coalescere nequit, nec debitè cum mulieris sanguine uniri.
Quo fit ut genitura defluat; vel si omnino cohærere contin-
gat, non possit natura non confusam, malèque cohærentem
materiam elaborare. Aut si quid efficere tentet, operisque
manum admoliatur, monstruosam quandam formam, ab Homi-
nis specie prorsus alienam, Embryoni inducat. Quam ob rem,
non est quod quisquam magnoperè miretur, unde tot monstro-
si partus, tot deformes Hominum species, tot passim Vari, Di-
storti, Mutili; cum non aliunde quàm ex enormi Concubitu,
atque intempestiva Venere hæc proveniant; vel potius ex vi-
tiosò corruptoque progenitorum Semine, in posteros deriven-
tur.

Mogun,

V.

Due puellæ Moguntinae fronte sibi adherentes.

Moguntinae duæ Puellæ natæ sunt, in vertice fronte tenus *inseparabiliter* connexæ, seseq; mutuo inspicientes, quæ simul gradiri, somnum capere, & è lecto surgere cgebantur. Ambæ ad Annum *decimum* vixere, sed una prius moriente, alia ab ipsa ferro avulsa, post paucos dies etiam extinguitur. *Monsternus in Cosmogra.*

Hujus monstri causa, alteri rei, meo judicio, tribui non potest, quàm *Secundinarum*, in quibus involvebantur, fracturæ, ex qua utriusque Caput cohæsiō consecuta est. Quod quis facile admittet, si eventum, qui huic Monstro occasionem dedit, perpendat. Duæ *Mulieres*, inter se sermones miscebant, quarum *uni* uterus tumeat; superveniens inopinatò altera, apprehensa utriusq; Capita concussit, & inter se collidit: quo factò prægnans terrefacta, Embryoni percussione notas induxit. Potuit enim *Imaginatio* collisionis effigiem, spirituum animalium opera, ad tenera puellarum corpuscula devehere, & ita utriusque Capita afficere, ut inter se quoque colliderentur, & Membranæ, quibus à se invicem disjungebantur, frangerentur, & frontes se immediatè contingerent. Unde adhærentia illa in posterum perseverante, & membris illis alimento incrementibus, *Puella* ita inter se connexæ sunt, ut separari amplius nequirent.

ARTICULUS QUARTUS.

De Partu Animalium.

I.

Unde oritur abortus in Mulieribus.

Contingit haud rarò, Fœminas *immaturum* fœtum edere, & ante Tempus à Natura præstitutum, effluxum pati, aut *Abortum*.

Fit *effluxus*, dum feminalis materia, primùm dies aliquot coalita, ob Uteri lævorem, ac lubricitatem præmatuè delabitur, & effluit. Sic ut indigestum quiddam, ac futuri tantùm fœtus adumbratio decidat, ad *salicis* istius modum quam *Plinius Frugiperdæ* appellat, quæ semen amittit, priusquam omnino maturitatem sentiat. *Abortus* autem fit variis modis, interdum ex parte Infantis, dum *Cotyledones* aded infirmæ sunt,

ut

ut acetabula cito frangantur, vel *membrane* illum involventes ita tenues, ut præpropere dissringantur, & Humoribus erumpentibus, langueat foetus & deficiat. Aliquando ex parte *gestantis*, si debilioris, quam par est, naturæ sit, & tanto oneri ferendo non sufficiat. Nonnunquam etiam subita aliqua consternatione, aut noxia Aeris temperie: Quo pacto censet *Alianus*, mulieres in plagis *Australibus* magis abortui obnoxias esse, quam quæ *Septentrionales* incolunt, quodd illic artus magis laxentur, & quæ ad partum conducunt partes, facilius solvantur.

Vipera nonnisi enecta, foetus edit, quippe Catulos tertia die intra uterum includens, singulos diebus singulis parit viginti ferme numero. Itaque cæteri tarditatis impatientes prærumpunt latera & matrem interimunt. Unde *Mantuanus*, II.
An Vipera dis-
sectis lateribus.
pariat.

— Et moriens infausto Vipera morsu.

Id ab *Herodoto* ad nostra ferme Tempora, pro indubitato habitum est, *Viperam* nimirum Marem in coitu exanimari, capite in os *fœmina* exserto, & præ voluptate ab ea exciso. Deinde foetus intra se excludere, qui ejus uterum lacerant, & abroso demum pectore, in lucem erumpunt. Verum, hujus contrarium illi experiuntur, qui *Viperas* in vasis vitreis asservant, aut illas in vivariis, *Pharmacis* suis componendis alunt. Hanc fabulam ex eo originem habuisse suspicor, quodd *Vipera*, in membranis suis circumseptæ nascantur, quas cum aliquæ, nonnisi post diem tertium à partu effringant; aliæ autem illis intra Uterum exuantur, *Membranam* nonnulli pro *Utero* sumpserint, scripserintque *Viperarum Catellos*, earum latera perrumpere, & Matri mortem corrosione adferre. Verum est, quod *Aco* Piscis venter, dum parit, ob Piscium multitudinem dehiscat, sed non id Catellorum morsu peragitur, sed solius cuticularis rimæ apertura, sub imo Ventre delitescentis, qua contra aliorum piscium morem, *alvus* ejus distenditur, dum prægnans est, & in qua *Ova* sua recondit. Quippe *Rondeletius* *Autopsia* edoctus, testatur dum hujusmodi Piscem secaret, se in illa rima plurima ova invenisse: imo in duobus aliis, cum rimam inspiceret, ova quædam deprehendisse jam exclusa, pluresque alios foetus jam perfectos, quorum nonnulli

nonnulli grandiores movebantur, alios adhuc imperfectos, quorum oculi & rostra tantummodò deprehendebantur. Ex quo colligi potest, *Acum* non tam *Catulos* parere, quàm illo aditu laxato expellere : & *viperam* catellorum partu nihil detrimenti pati.

III.

Unde post certum è suscepto semine tempus, Animalia pariunt.

Animalia, certum & determinatum pariendi Tempus servant. *Elephantes* enim biennio, utero gravescunt : *Eque* viginti & duobus mensibus : *Cameli* duodecim : *Vacca* decem : *Oves* quinque : *Canes* duobus, &c. *Aves* definito tempore à suscepto semine foetus emittunt : *Mulieribus* quoque nonus, & decimus pariendi mensis assignatur, quod spatium si prætervehatur, partus non naturalis, aut legitimus existimatur.

Communis horum omnium est Causa, quòd partus jam grandior non sufficienti Alimento satius commoveatur, vimque faciat, ut uberius nutrimentum sibi comparet : Tum etiam quòd arctis limitibus inclusus, & *membris* quibus involvitur nimium compressus, carceris sui parietes concutit, ut libertatem acquirat. Quod non in grandioribus duntaxat *Animalibus*, & *Viviparis* contingit, sed & in *Oviparis*. *Pullus* enim in ovo reclusus, quum vitello alatur, eo ablumpto, comparare aliud molitur, & putamine *Matris* *tunfionibus* effracto, sponte egreditur. Sic ovum è *gallina* utero erumpit, dum formatione perfecta, ita Uterum gravat, ut eo quodammodo irritatus, nititur illud propellere, & ab importuno onere se liberare.

IV.

Cur Animalia Capite demisso nascantur.

Cuncta Animantia, si juxta Naturam nascuntur, inversa deferuntur, & in Caput prona os uteri aperiunt.

Ratio est, quòd Corporis pars ab *umbilico* ad caput, multò eà sit ponderosior, quæ ab eodem *umbilico infernè* demittitur. Cùmque graviora propendeant, & ad loca humiliora deferantur, necesse est, ut Infantis Caput ad Uteri orificium primò deducatur ; sicut è duabus lancibus gravior declinat, altera ad locum superiorem tendente. Quòd si aliter eveniat, partus ille non Naturalis dicitur, quasi Naturæ ordinem pervertat. Ut dum *pedibus* ad exitum accedit, vel uno tantum pede *porrecto*, alium ad latus inflectit, aut dum una *manu*, vel *ambabus*, matricis *ori* se offert, &c.

V.

Cur Infantes se primo, non autem octavo mense vitales sint.

Censent antiqui Medici partum *septimestrem*, sive Infantem mense septimo natum, vitalem esse, *octimestrem* autem, ut plurimum mortualem.

Hujus

Hujus causam *Hippocrates* septem Planetarum ordini attribuit, qui rebus humanis præsent, & alternis vicibus dominantur; aded ut, secundum illum, primus mensis *Saturno* respondeat, secundus *Jovi*, & sic de aliis usque ad *Mercurium*, qui Planetarum est infimus: quo circuitu peracto, denuo ad *Saturnum* revertendum est, qui cum frigida sit indolis, & viribus deficiat, mirum non est, si Fœtus octavo mense editus vitalis non sit. Verum, unde *Hippocrati* illa Errantium Siderum potentia constat? In quo Vis tanta consistit? Quibus Instrumentis involutum membranarum Infantem impetunt? Sed quia hæc ut Sapientis, seu potius Vigilantis somnia esse existimo, magis *Plinio* ad stipulorum asserenti contrarium in *Egypto* accidere, & nihil in ea Regione familiarius, quam octimestres partus vivere. *Cæsoniam* Caii Principis uxorem in exemplum adducit, quæ in mense octavo, in lucem edita est: Huic sententiæ favet *Cardanus*, qui *Cardinalem Sfondanum*, & alios refert octimestres genitos esse, & longam etiam posthac ætatem duxisse. Quidni potius eo mense maximè vitales esse asseratur, quum vigorem potius testentur, dum ordinatum à Natura tempus anticipant, & diutius carcere includi dedignantur, nisi maternæ infirmitatis id vitium sit, & irritato nimis utero Partus acceleretur?

Infantes, qui *gravidæ* lac sugunt, infirmæ passim valetudinis evadunt, morbosque contrahunt; uti in pluribus, quam par est, cernitur, qui ob *Nutricum* Avaritiam, longas infirmitates contraxerunt.

Ratio est, quod dulcior, crassiorque liquoris alimentarii portio, à fœtu attrahatur, & non nisi quod serosum, excrementitiæque pravitas est, ad mammas sursum feratur. Nam licet *Mammae*, ut loquitur *Hippocrates*, ampliores reddantur, eo quod quicquam pingue è ventre attrahant: Quia verò ante partum, viæ nimis angustæ sunt, quam ut pinguioribus dulcioreque Lactis partes pertransire queant, sit ut nisi serosum ad mammas transmittatur, quod *Infantibus* maximè noxium est.

Mulier nostra memoria, viso thoroso viro, morsu ejus Armos appetiit, quod ille ne quid incommodi accideret, haud gravatè admisit; verum, illa necdum satiata, iteratò tentavit; At *vir* illam repulit, nec denuò in corpore suo lanienam

A a a

pati

III
en me d'après
l'histoire de
l'Egypte

VI.
Pueri gravidæ
lac sugentes,
morbos contra-
bunt.

VII.
Ut *Mulier* mor-
tum sætum pe-
perit.

pati sustinuit. Mulier mœrore affecta, parturire occepit, & quum *Geminos* gestaret, alterum mortuum edidit. *Levinus de Occulte. Nat. Mirac.*

Hujus ratio alia non subit, quàm quòd contracto mœrore Mulieris Animo, spiritus vitales imminuti sint, & humores fœtui alendo destinati, aliò fuerint averfi, nec ad uterum, uti solebant, delati. Adeo ut *Infans*, Alimento, quo illum Mater expleri voluit, destitutus, elanguesceret ac demum moreretur. Meatibus enim, ac conceptaculis, per quæ commectus in Uterum dirigi solent, occlusis, frustrari Alimento Infantem necesse est, ac Vita privari.

VIII.

Mulier pugione percussa eas notas Embryoni impressit.

Ex Muliere quadam in Gallia, pugione confossa, Embryo e ductus est, toridem livefcentibus notis aspersus, atque in eisdem prorsus partibus conspicuis, quibus icta Mater fuerat.

Quoniam Embryo materno Utero gestatus, unum Corpus cum *Genetrico* efficit, & sicuti eadem Alimenti specie fovetur, sic iisdem spiritibus secundùm omnes sui partes vegetatur, quemadmodum ex Semine ex omnibus parentis partibus decido antea formatus est. Quare mirum non est, si tenerum Corpusculum, iisdem, quibus Corpus maternum casibus obnoxium sit, ac ipsi facilius Nota inuratur, quoniam animales spiritus qui conceptam Imaginem devehunt, à Matre determinantur, dum aliquam sui Corporis partem tangit, ac eum veluti designat.

ARTICULUS QUINTUS.

De Fame, & Siti.

I.

Cur Animantia aliquando fame & siti torquentur.

Omnia Animantia, fame interdum torquentur, & si *Chameleon* excipiat, qui nec Cibo, nec Potu alitur, nulla sunt; quæ non Ventriculi Vellicationem sentiant; vel exuccas fauces experiantur.

II.

Chameleon non solo aëre nutritur.

Antequam hujus Affectionis in Animalibus causa afferatur, falsum est Chamæleones solo Aëre, uti olim creditum est, vivere, cum experientia compertum est, illos Vermiculis, qui ex mactris farinaceis colliguntur, plurimum delectari: Unde lingua,

lingua, ut promiscue utuntur, quam jaculi instar tanta cele-
ritate evibrant, ut pene Oculorum aciem effugiat.

Quare molestiæ illius causâ, quæ per Famem sentitur, est
quod in Ventriculum magna acris cujusdam liquoris copia desu-
it, qui illuc è Corde per Arterias delatus, ad modum Aquæ
fortis, inter manducatorum ciborum particulas irrepat, & il-
los diluendo, Chylum componit. Cum verò Humor ille, nul-
los in Ventriculo cibos diluendos invenit, vim suam in mem-
branulis, quibus Ventriculus constat, exerit, atque hoc pa-
cto Nervos, quorum extremitates hisce membranulis adhæ-
rent, eo agitat modo, quo ad Esuriæ sensum efficiendum re-
quiritur. Unde mirum non est, si Ventriculo inani, consum-
ptisque nativo Calore cibus, fames succedat, & Animalia Ven-
tris corrosionem sentiant. Pari ratione, Animalia bibendi cu-
piditate ducuntur, dum serum Sanguinis, quod per Arterias
ad Ventriculum & guttur, sub Aquæ specie affluere solet, &
ita illas partes humectare; interdum etiam sub Vaporis specie
advenit, atque ita guttur & Oesophagum exsiccatur, eadèmq[ue]
opera nervos eorum eo modo exagitat, quo ad bibendi deside-
rium excitandum requiritur.

Hinc rationem reddit Helmontius, cur passeres aded voraces
sint, cibusque plurimum absumant, ed quod acidum guttur ha-
beant, quod plures se expertum esse testatur.

Unde facile Antiquorum Medicorum error detegitur, qui
Ciborum digestionem Calori Ventriculi assignarunt, existima-
runtque eorum alterationem extraordinarii cujusdam æstus
esse effectum. Quippe si certa quædam Ovinum, alteriusve A-
nimalis ossium quantitas sumatur, quorum una portio lebeti A-
qua repletæ, & igni fervido appositæ injiciatur: Altera verò
Canis devoranda tradatur: Ad oculum patebit, nihil decre-
menti Ossibus accedere, etsi per aliquot horas, Aqua cum
impetu bulliat. Portio autem à Cane sumpta, facta post
tres, aut quatuor horas, stomachi sectione, apparebit, pene
tota in Chylum conversâ. Hujus contrarium accidere debe-
ret, si à solo Calore, Ciborum coctio perageretur, cum ambi-
gi nequit, quin Catæbi Calor, Canis Ventriculi æstus pluri-
mum excedat.

Cibus in Stomachum delatus, & in Chylum conversus, albe-
scit, & lacteum colorem nanciscitur.

III.

Unde provenit
Fames in Ani-
malibus.

IIII

Unde provenit
Fames in Ani-
malibus.

IIII

Unde provenit
Fames in Ani-
malibus.

V.

Non Calor in
Stomacho, sed
acidus succus
coctionem cibo-
rum perficit.

VI.

Quare Cibus in
Stomacho rece-
ptus albescit.

Id à *sulphureis* particulis, unà cum salinis dissolutis provenit, ubi fuerint cum acido fermento commistæ. Usus enim quotidianus no experimur, quod si liquori *Sale*, aut *Sulphure* imprægnato humor *acidus* imponatur, lacteum ei colorem conciliari. Ut patet in *spiritu cornu Cervi*, aut fuliginis, sale volatili plurimum referto, qui acido liquori admixtus, albicantem Colorem acquirit, & lactis similitudinem refert.

VII.

*Febri laborantes
difficilius san-
tantur, si sint
famelici.*

Inter eos, qui *febris* laborant, difficilius si sanantur, qui cibos appetunt, quique suo morbo magis edaces redduntur. Hinc Medicorum observatio, diuturnas esse febres, quæ *famelicos* homines efficiunt; breviores autem, quæ *siticulosos*.

Ratio est, quòd *siticulosi*, affuso Liquore facile mitescent, qui cum sudore extra Corpus transmittatur, nihil residuum post se relinquit, quo febris alatur. *Famelici* verò, & quibus febris acido salisq; humore accenditur, cum in cibum nimis avidi sunt, stomachum cibis fatigant, & ita morbum alunt. Irregularis est ciborum appetitus, nec semper eodem tenore nos movet.

VIII.

*Unde accidit ut
aliquando nullo
vescendi deside-
rio teneantur.*

Accidit sæpe, ut benè etiam valentibus nulla insit ciborum cupido, & diu sine ullo dolore impasti maneamus. Puellæ cujusdam meminit *Rogerius Baconus*, quæ viginti annorum spatio nihil comedit. Et Galli Sacerdotis, qui Tempore *Nicolaï V. Pontif.* biennio, omni cibo & potu abstinuit.

V.

Variis ex Causis contingere potest hæc inappetentia, interdum *obstructionibus*, dum liquor *famem* generans arcetur, & omnis illi ad Ventriculum aditus denegatur. Aliquando frigidis quibusdam ac glutinosis humoribus, quibus vis ejus retunditur, impediturque ne vim suam in membranulas exerceat. Nonnunquam corrupto Sanguinis Temperamento, quo fit, ut ille acer succus, ab arteriis in Ventriculum impulsus, degeneret, & diversæ sit à solito naturæ. Quippe iis assentiri nequeo, qui *Famem* à liquore è Liene veniente fieri autumant: Nam brevis *vasis venosi* ligatura, quæ inter Ventriculum & *lienem* interjacet, sua intumescencia in vivo animali obstat, ne aliquid ex liene ad Ventriculum effluat. Id quoque valvulæ in venoso illo vase existentes ostendunt; cum ita sint dispositæ, ut aliquid quidem è Ventriculo in lienem transmitti possit, non autem ex liene, per Venas aliquas in Ventriculum effluere.

Quoad Anglicam illam Puellam, à *Rogério Bacono* memoratam, arduum est, tam diurnæ inediæ, ac imbibentiæ causam liquidò aperire, ni dicatur, ex summa Cerebri humectatione, tenuem quandam, ac pituitosam Materiam à Capite in Stomachum deluxisse, quæ Corpori in Alimentum cederet. Quemadmodum quædam Animalia videmus, *Ursos* nimirum, *Glîres*, *Taxos*, totam hyemem, sine Cibo extrinsecus assumpto transigere, & sola pinguedine nutriri. Vel dici potest, quòd vitalis flamma, seu innatus (ut Philosophorum vulgus loquitur) calor in *Virgine* illa leucophlegmatica placidè moveretur, parùmque Sanguinis, quod Corpori in Alimentum cedit, consumeret.

IX.

Ut Puella quædam per multos annos sine cibo & potu vixit.

Sunt qui vix Cibis saturantur, & nova semper edulia concupiscunt, cuiusmodi sunt illi, qui *Canina* Fame ducuntur. Meminit *Frisius*, lib. 1. *Cosmocrit. cap. 7.* Mulieris cuiusdam, suæ ætate, adeò grandævæ, quæ ne ad momentum quidem absque ciborum ingestione vivere potuit, quin illico anxia supra modum exiliret, & tanquam injecto laqueo, strangulanda quamprimum videretur. *Maximinus Imperator*, qui Alexandro Mammeæ filio successit, quadraginta carnis libras, die uno esitabat, vinique amphoram, hoc est, octo congios hauriebat.

X.

Niqui cur semper Cibum appetunt.

Potest illa Voracitas ex duabus Causis procedere: *Primum*, quòd tanta sit Acidi Succi in Ventriculo copia, ut licet alimentum ingeratur, adhuc tamen adeò acer, pungensque remanet, ut ab eo Stomachus corrodatur, & vehementem adhuc vellationem sentiat. Cum autem cibus in Ventriculo, non eo, quo par est modo, solvitur, fit ut corruptus ille *chymus* plerumque per os regrediatur, & tanquam inutile, ac onerosum alimentum egeratur. *Secundò*, potest indefessa illa cibi Cupido à Vermibus oriri, qui in Ventre scatent, & ni continuo pabulo alantur, Ventriculum mordent, & variis ictibus pungunt. Ut de *Muliere* quadam narratur, quæ postquam duodecim digitorum *Vermem* excrevisset, esurire conquevit: Et alia desit, postquam centum excrevisset Vermiculos.

Quidam dies aliquot nulla Fame laborant, & quamvis inani Stomacho, nullum cibum appetunt, & jejuni diu citra aliquam molestiam permanent.

XI.

Qui fit ut aliqui absque Cibo & sine edendi desiderio manent.

Hoc illis provenit, quòd Liquor ille, qui suo acore *Membranulas* afficit, nimium dilutus sit, quàm ut vellicare Ventriculum

culum possit. Vel quòd id temporis possit à Sanguine puro recedere, vel in sudorem abire, vel per transpirationem insensibilem, vel per urinam. Qua ratione, confirmari illa *Historia* potest de quodam *Homine*, quem sub Terra tribus septimanis conditum fuisse referunt, & hausta tantum propria Urina, vitam tuitum esse: Nam cum sub Humo latens concluderetur, Sanguis ejus per transpirationem insensibilem, minùs quàm in Aere libero minuebatur, arctiùsque intra Venas recludebatur.

XII.

Mulieres pręgnantes insolitis cibis vescuntur.

Mulieres *Pręgnantes*, primis præsertim tribus mensibus, cum nimirum vomitus accedunt, & fœtus minus absument, insolitorum ciborum usu delectantur. Nonnullæ *stercoribus* vescuntur, aliæ *corium*, aliæ ex *vestimentis fila*, *lacertas*, *carnem crudam*, *librorum cortices* devorant.

Insoliti hujus Appetitus Causa, ex ipsius Famis ratione deducitur; nam cum liquor, qui ex *Sanguinis* massa, per Arteriarum extremitates, in *stomachum* continuo illabitur, in illum, ciborum defectu, ut dictum est, vires suas convertit, nervorum ejus filamenta solito vehementius agitando. Si verò humor ille, ejus sit temperamenti, ut vires suas in certos quosdam Cibus exercere valeat potius, quàm in alios, ad eum modum quo *Aqua fortis* facilius Metallum dissolvit quàm ceram; singulari quadam ratione stomachi nervos afficit. Unde fit, ut *Anima* in hos potius, quàm alios cibos feratur, & vehementiori desiderio appetat, quod aliàs respueret, & averfaretur.

XIII.

Cur macri sint quidam, quamvis multum comedant.

Nonnulli quamvis plurimum comedant, *exuati* tamen semper, ac macilenti vivunt: Alii è contra, licet minùs edant, *obesi* sunt, ac crasso pinguique Corpore.

Id oritur, quod aliqui fibroso sanguine constant, mollioremque plexum habent. Unde novarum fibrarum accessione, necessum est, Carnes plurimum inflari, & pinguedinem exudare. Qui verò macilenti sunt, sicciore *fibras* habent, duriorique plexu gaudent, qui accessionis incapax, augeri dilatarique non potest.

ARTICULUS SEXTUS.

De Motu Cordis, è Sanguinis Circulatione.

COR Corpori exemptum, diu Animantibus palpitat, & Motum sensibilem præ se fert: Imo si in partes dissectur, aut in minuta frustra dividatur, non statim Motum suum amittit, sed aliquamdiu pulsat, præsertim in *Piscibus*, quorum Cor diutius agitur, quam Animalium terrestrium.

Quidam hunc motum ab Animæ facultate proficisci existimant, cujus vim Cor à Corpore ablatum intrinsecus servat, & aliquamdiu retinet. Verum, quo pacto humanum Cor pulsationem suam ab *Anima* mutuari potest, cum illa indivisibilis sit, & partes à Corpore sejunctas non attingat? Satiùs hunc motum *Sanguini* intra Cordis fibras contento acceptum referimus, qui in Corde oculis etiam sæpe deprehenditur, vel intra ejus fibras delitescere supponendum est. Pauxillum enim Sanguinis, ex una Cordis parte in aliam tantillo calidiorem illapsi, huic pulsationi efficiendæ sufficit. Imo quò minor est Liquoris alicujus copia, is eo facilius rarefcit, & dilatatur. Nam sicuti quædam Corporis nostri membra, eo facilius *Motum* aliquem repetunt, quò frequentius eam antea exercuerunt: sic Cor quoniam à primo suæ formationis momento, continuâ reciprocatione, *Diastoli & Systoli* assuevit, minimavi ad hoc continuandum impelli potest. Unde quum nonnullæ Sanguinis reliquæ in exemptis Cordibus semper dilabantur, fit ut iis Calore dilatatis, aliquamdiu pulsent, & vicissim intumescant, & deprimentur.

Si quis Arteriæ *solidum* Corpus aliquod intrudat, ut via Sanguini ocludatur, illicò Arteriæ motus cessat: imo si incisæ Arteriæ *Fistula* argentea, aut *Calamus* indatur, & Arteria subinde vinculo super Arteriam constringatur, idem planè effectus sequetur, quamvis illum Sanguis permeet.

Prioris Experimenti ratio evidens est, quia Arteriarum pulsus, à Sanguine fit rarefacto per vices, in Arterias desluente: dum nimirum Sanguis *Arteria magna*, Cordi proximæ partem occupans, totum alium Sanguinem in ea, ejusque ramis con-

I.

Cur Cor *Piscium*
à Corpore avul-
sum & disse-
ctum moveatur.

VI.

II.

Arteriæ pulsus
sistitur immisso
in ea calamo
antifistulæ.

tentum:

tentum protrudit, & concutit. Corpore autem crasso in *Arteriam* detrufo, Sanguinis cursus impeditur, & illa Sanguinis portio *Aortam* ingrediens, alias in ea contentas partes trudere non valet. Quoad secundum Experimentum, distinctione opus est, ut ritè explicetur; aut enim Tubus *Arteriæ* injectus, tantæ crassitie est, ut totam *Arteria* capacitatem oppleat, & ita internæ ejus superficiei connectatur, ut Sanguini innatare non possit, & intus tam angustam cavitatem habeat, ut non nisi ægrè à *Sanguine* penetretur. Eo casu, constat *Tubulum* etiam omni vinculo solum, *Arteriæ* motum sisturum. Aut intrusus in *Arteriam* Tubulus, ejus est cavitatis, ut liberum Sanguini transitum præbeat, & tunc sive vinculo constringatur, sive non constringatur, nullo pacto *Arteriæ* pulsationem impedit.

III.

Cur Venæ non
pulsant sicut ar-
teriæ.

Venæ non pulsant, licèt non minùs quàm *Arteriæ* sanguine oppleantur, & per varias *Anastomoses* illis jungantur.

Ratio est, quòd Venarum extremitates, per quas Sanguis ingreditur, earum alveis, in quos defluit, angustiores sunt: Quo fit, ut ex angusto loco in latiore transeundo, magnam Virium suarum partem amittat. Unde licèt continuo affluxu *Venas* implere possit, tumidasque reddere, non autem distinctis Subsultibus agitare, qui ad sensibilem pulsationem efficiendam sufficiant.

IV.

Venis ligatis
brachium intumescit, & contin-
nuata ligatura exsiccatur.

Si Hominis *Brachium* constringatur, aded ut Venæ omnes, quæ eo tendunt, vinculi pressione, nullum ampliùs Sanguini aditum præbeant, *Brachium* illud, brevi temporis spatio, supra modum inflabitur; sed posthac paulatim detumescet, & si ligatura non solvatur, exsiccabitur, & arefcet.

Venis ligatis, *Brachium* intumescit, & præter solitum assurgit, quia Sanguis ex Arteriis in ipsas defluit, qui cum transitum non reperiatur, non potest non illas inflare, & earum molem augere. Paulatim autem minuitur hic Tumor, flaccescuntque *Venæ*, quia Sanguis in Venis ligatis stagnans, brevi tempore crassus efficitur, & nimis diu vinculo Venas premente, non ramuli Venarum modò obstruuntur, sed & ipsarum Arteriarum meatus occluduntur, impediunturque ne ampliùs Sanguinem in Venas transmittant. Unde Sero sanguinis in iis contenti, per insensibilem transpirationem elabente, necessum est, *Brachium* detumescere, exsiccari, & arefcere.

Mulieres

Mulieres mensibus singulis, Sanguinis fluxum patiuntur, ubi ad certam pervenire etatem.

V.
Unde Mulieres
menstruum pati-
untur.

Profluvii hujus causam, nonnulli in nigrosam Salem refundunt, qui in Sanguine fermentationem excitat. Unde orificia Tubulorum, qui ad Uterum pertingunt, Sanguinis effervescentia dilatata, Sanguinem liberè hauriunt, illumque inde foras effundunt. Ubi verò citra impedimentum fluit Sanguis, collectum fermentum abstergit; non modo prorsus ablimili, quo Aqua è terra, quam abluit, Nitrum ejicit. Restituto deinde in priorem statum Utero, idem fermentum eodem modo, quo prius colligitur, & ni obstaculum adsit, æquali temporis spatio, parique mole congestum, & ad similem exaltationem erectum, novam fermentationem in Utero procreat.

Moribundi, interdum citra omnem Sanguinis circulationem aliquamdiu vivunt: Id Anatomici deprehendunt, dum Cadaveribus dissectis, Venam Cavam inanem, & omni sanguineo liquore destitutam sæpe inveniunt.

VI.
Moribundi ali-
quandiu inter-
dum vivunt
Sanguine non
fluente.

Id contingere potest, per vasorum Sanguini transmittendo intervenientium contractionem. Nam licet Sanguis moribundi, in minoribus primùm, & longè à Corde distitis Venis refrigeretur, calorisque defectu incrassetur; ac proinde solitus Sanguinis motus, ex Arteriis in Venas demigrantis sistatur: potest tamen Vena Cava nonnihil calidi & fluidi Sanguinis continere, quem, se contrahens, Cordi tanquam fomitem ministrat, ad eum modum, quo Vesica porcina Aëre distenta, ore ab ejus Urethra amoto, spontaneâ contractione, Aëris partem expellit, & foras agit. Quippe non nisi moribundus, cessante Sanguinis circuitu extinguitur, cum omnis vitalis fomes in Vena Cava contentus, absumptus est, & omni propemodum Sanguine Vena Cava eximitur.

Chirurgi ad Phlebotomiam instituendam, brachium mediocri cum adstrictione, supra locum in quo scissionem cogitant, ligant, quo Venæ magis intumescant, & Sanguis copiosius effluat.

VII.
Cur Chirugi
brachium ligant
in Venæ scissio-
ne.

Ratio apud eos luculenta est, qui Sanguinis circulationem, per Corpus humanum fieri admittunt. Quippe vinculum moderate adstrictum, obstarè quidem potest, ne Sanguis qui jam in brachio est, ad Cor per Venas revertatur, non autem ne novus semper ex Arteriis, in venas Cordis motu trudatur

& affluat. *Arteria* enim infra *Venas* collocantur, & durior est ipsarum cutis, quàm ut à levi arctione comprimi & deflecti queat. Accedit etiam, quòd Sanguis è *Corde* proveniens, majori cum impetu, per *Arterias* ad *manum* pergere nitatur, quàm inde ad *Cor*, per *Venas* regredi.

VIII.

Experimentum
probans motum
Sanguinis.

Id alio Experimento probari potest: nam si turgentibus in manus, exempli causa, *Venis*, Sanguis versùs ramos digito prematur, *Vena* versùs ramos turget, tronco interim subsidente, qui statim retracto digito assurgit, & inflatur. Quia nimirum Sanguinis motus, à *Ramis* versùs *Truncum* fit, quidum digiti appositione impeditur, necessum est, ut *Truncus* flaccescat, & *Rami* tumescant. Unde si contingat, quemadmodum in *Plenitudine*, ut meatus, deducendo, per totum corpus Sanguini, constringantur, Animali periculum imminet, ni *Phlebotomia* adsit, quâ capillarium intercostalium Pori denudò aperiantur, & Sanguini sueta via restituatur.

IX.

Quomodo quædam
Animalia
Corde extracto
moveantur.

Quædam Animalia, *Corde* abscisso, adhuc moventur, ut *Lacerta*, *Anguilla*, & similes. Vidi ipsè *Ranam*, quæ *Corde* detracto, aliquamdiu substitit, & non nisi post horæ quadrantem, extincta est, sive moveri desiit.

Ratio esse potest, quòd Motus in Animalibus, ope subtiliorum earum Sanguinis partium fiat, quæ à *Corde* ad *Cerebrum*, per *Magnam Arteriam* commeant: cum autem magna earum copia, in *Cerebri ventriculis* existat, factum est, ut *Rana* aliquamdiu duraret, cum dubium non sit, quin novi etiam spiritus ex Sanguine in *Arteriis* contento effluerint. Capite autem truncato, moveri omnino desiit, quia nulli amplius spiritus ex *Arteriis* in musculos migrare potuerunt. Unde si quæ Animalium partes, capite exsecto adhuc moventur, id à solis spiritibus proficiscitur, qui in ipsis Musculis adhærent; ut in abscissis *Lacertarum caudis* cernitur.

ARTICULUS SEPTIMUS.

De Animantium Actionibus.

Atatchlus, sive *Tatus* in Brasilia, Caelo pluyente supinus cubat, & in Ventre inter laterum crustas Aquam colligit; eoque in statu, imbre transacto, interdum per diem integrum perseverat: donec sitibundus *Cervus* incautè occurrat, qui ore admoto humorem hauriat; quem ubi haurientem *Aiatchlus* sentit, se claudit, & duris laminis, quibus armatur, Cervi labra & nares comprehendit, nec unquam prædam laxat, donec hinc & inde discurrentem, & spiritus angustia fatigatum interimat. Non minor in *Vulpibus* nostris *astutia* deprehenditur, quæ mortuas se simulant, ut *Gallinas*, *Anas* &c.; ad se alliciant, & omni semoto motu, imprudentius accedentes arripiant, & devorent.

I.
Ut *Aiatchlus*
Cervum decipiat.

Multi judicium Brutis Animantibus assignant, licet imperfectum, & ut eorum nomine utar, *umbratile*, quo actiones suas dirigunt, & cogitationis specie, quæ meditantur, efficiunt; ea ratione ducti, quod *linguâ*, *auribus*, *oculis*, cæterisque sensuum *Organis* prædita sunt: ac proinde probabile esse, illa sicut & nos sentire. Quia verò in nostro sentiendi modo, perceptio, sive cogitatio includitur, similem quoque iis assignari debere Cogitationem asserunt. Verum, non satis ad *Cogitationis* naturam animadvertisse videntur, dum illam Brutis Animantibus tribuunt: quippe non illa *Corpori*, sed soli *Menti* propria est. Alioquin cætera Animalia Intellectu & Voluntate donarentur, & non Hominibus *equalia* modò, sed & *superiora* asserere necessum esset; cum videamus illa solo intuitu objecta consequi, & id quod moliuntur, prima quâ tentant vice, obtinere, quod vix sapientissimis inter homines conceditur, qui longo duntaxat discursu colligunt, quæ ipsa simplici apprehensione cognoscunt, & assequuntur.

Affectus quidem in *Brutis* agnosco, quibus ad sua agenda impelluntur, non autem *Cogitationem*, & provenientes ex illa cogitandi modos. Unde *Aiatchlo* contingere potuit, ut lassus, & sub dio quiescens, delapsam Aquam in Ventre post
pluviam

II.

Passiones sunt in
Brutis non Rati-
onales.

pluviam contineret, ad quam hauriendam *Cervus* accedens, *Aiatochlum* evigilaverit, qui subito expectatus constrictis laminis, *Cervi* buccam comprehenderit, & prædâ nactus sit, cujus casus postea memor, sollicitante fame, eo artificio usus fuerit, ad novam prædâ comparandam. Quæ certè omnia sine ulla *rationis* ope, aut consilio, sed sola partium Corporis dispositione, & *organorum* ordinatione peragi possunt.

III.
An Canes semitas eligendo discunt.

Canes, amisso ferè vestigio, consistunt, & si contingat plures semitas exempli causâ, tres occurrere, duabus *odoratu* explorâtis, Tertiam absque ulla hæsitacione ingrediuntur, velut non amplius dubitandi, sed certi *feram* illâ iter suscepisse.

Hæc actio, quæ aliquid *rationis* præ se ferre videtur, solius corporei Organi est opus. *Canes* enim dum summo ardore *feram* persequuntur, contingere potest, ut primam semitam leviter indagent, ac proinde illâ neglectâ, ad alias explorandas se conferant; sed nullum in ipsis bestię vestigiorum odorem percipientes, ad primam denuò, per quam fera elapsa est, revertuntur, in qua hausto odore, submotâ omni cunctatione, ductum ejus sequuntur, & *feram* vestigant.

IV.
Quomodo Cameli saltandi modum addiscunt.

Cameli, qui maximè musicâ delectantur, saltare docentur: visi sunt *Alcaici*, qui tripudia miscerent, & ordine servato, ad *Tympani* sonum, interdum in orbem, interdum laxatis, disjunctisque Corporibus moverentur.

Cameli hoc pacto instruebantur, cum adhuc juvenuli, tenerisque artubus essent: In Hypocausto includebantur, cujus pavimentum calorem imbiberat, mox *Atrabata*, aut *Tympanum* præ foribus pulsabatur; Bestię ob Caloris molestiam alterum *pedem* exigebant, & motu continuo se agitare cogebantur. Sic continuato per multos menses hoc exercitio, ita assueti erant, ut cum in publicum prodibant, liberòque *Aëri* exponerentur, audito *Tympani* sono, more solito pedes attollerent, & *salutationem* simili agitatione molirentur.

V.
Unde oritur Vocis diversitas in Gallina.

Gallina, cum pullos vocat, *crocitat*: cum pullos ad fugam, ob milvum, hortatur, *extendit vocem* in longum, & extollit; cum capitur, *clamat anxie*, repetitque quasi singultiens; cum ovum parit, *exultat*; cum pullos deducit, voce *asperiore*, crassiore, atque rariore utitur, quàm cum illos ad se vocat; cum cubat, *voce demissa*, & ab aliis dissimili utitur. Ut adnotavit *Cardanus lib. 5. de Varietat. cap. 82.*

Sonorum

Sonorum hæc diversitas, quæ in *Gallina* aliisve Animantibus deprehenditur, à variis eorum *Affectibus*, sive passionibus provenit, quæ illa agitant, & corporis dispositionem immutant. Nam cum *Vox* per halitus emissionem ex ore, per *Arteriam Asperam* perficiatur, constat pro varia Instrumentorum, quæ ad Vocem formandam concurrunt, dispositione, peculiare Voces oriri debere. Et cum pro diversis, quibus commoventur passionibus, organa diversam dispositionem fortiantur, inde fit, ut Animantia differentes edant voces, & variis sonis suas molestias, aut voluptatem testentur, qui ad bestias ejusdem generis, aut etiam diversi delati, illas diversimodè afficiunt. Sic *Cercopitheci* ejulatus, cæteros alios allicit, & ad opem ipsi ferendam longè etiam dissitos evocat. Sic *Porcus*, dum à *Cane* impetitur, suo *grüngrün*, reliquos in locis proximis ad sui auxilium invitat. Ita *Gallina*, diversis pipationibus, varias suas passiones significat, pro varia organorum vocalium dispositione, quam dominatrix passio, in ipsius Corde inducit. Aded ut, qui Brutorum Animantium interna penetraret, & reconditiores eorum Affectus scrutaretur, posset sine ullo negotio, earum Vocum causam detegere, & à quo cordis motu impellantur, manifestare. Quemadmodum in *Dissertatione de Carentia Sensus & Cognitionis in Brutiis*, latius ostendi.

Lepores, ut insequentium Canum odorem vim eludant, vestigia sua disturbant, fruticesque maxime vitant, ne pili iis affricati, odorem prætereuntibus Canibus præbeant. Interdum ad sepes contendunt; alias se gregi ovium immiscunt, quatenus fortiori Odore suo, is qui ex eodem Corpore emanat, absorbeatur, & sensibilis amplius non fiat. Imo si nimium à Canibus premantur, multoties eandem Viam remeantur, aut magno saltu, in cavum, seu cubile suum prosiunt.

Omnes illæ Actiones, quæ à quibusdam Leporum astutia, vel prudentiæ imputatur, nonnisi unius passionis, Timoris scilicet, Effectus sunt. Nam quid Leporibus, dum insequuntur Canes, magis obvium esse potest, quàm ea loca quærere, in quibus abscondantur, & eorum gratiâ, ab Hostibus se incolumes servent? Cum *sylvæ* absunt, in quibus occultentur, obiectæ *Danæ*, aut *Oves* eorum oculos ferunt, ad quas tanquam ad asylum feruntur; inter quas delitescunt, donec Canum insequen-

VI.

Quæ causa astutia quam Lepores ostendunt.

insequentium larratu, ad iter continuandum compellantur. Vel si prius quàm ingruant Canes, fugam capeſſant, eorum pavori adſcribendum eſt, quo agitati Cerebri ſpiritus, eos quieſcere non ſiunt: ut in *deſeſſis* Hominibus cernimus, qui itatim quieſcere non valent, ſed aliquantulum ob commotos ſpiritus moveri coguntur. Quod fortè cauſa eſt, quòd *Lepores* iteratis ſaltibus, huc & illuc proſiliant, & cubile ſuum, elato in Aëre corpore, ingrediantur. Nec alia ratio reddi poteſt, cur fatigati Lepores tot *flexus* agitent, & eadem veſtigia ſe-
pius repetant, quàm quòd metu nimio concuſſi, diſtrabantur, & à cœpto itinere revocentur, ni Canum in perſequendo per-
tinacia ad curſum priorem tenendum adigant.

VI.

*Que Avium ars
in nidis ædifi-
candis, & pullis
educandis.*

Aves, miro artificio, in ſectibus educandis pollent; quip-
pe ſtatim à coitu, *nidis* extruendis incumbunt, *muſcum*, *paleas*,
ſeſtucas, *plumas* congerunt, nidum in orbem compingunt, *ovis*
emiſſis incubant, *pullos* excludunt, eos mirà ſollicitudine
alunt, & *volatum* ſuum edocent.

Hæc omnia abſque *Ratiocinio* peragi poſſunt: maniſeſtum
enim eſt *Avibus*, ſtatis temporibus, innatum eſſe congregi, ad
quod, vel anni *tempeſtate*, vel *cibis*, quibus tunc veſcuntur,
impelluntur. Conſtat etiam ex coitu *ova* produci, quæ in
ſemine ventre concluſa, non poſſunt non geſtanti, dum ad
aliquam magnitudinem pervenerint, moleſta eſſe; quo fit,
ut ſe iis exonerandi cupientes, locum iis reponendis idoneum
præparent, & rebus mollioribus, quibus tunc ob ovorum
pondus maximè delectantur, inſtruant; non alio rationis
ductu, quàm *Feles* & *Canes*, quæ imminente partu, locum
catulis ſuis edendis commodum quærent. *Ovis* ſponte ex
utero delapſis incubant, ob certum tunc temporis fibrarum
plexum, quo ad hoc diſponuntur; ut videmus in *Gallinis*, quæ
certo anni tempore humi requieſcunt, ac ſi *ovis* aſſiderent,
quamvis illis nulla ſupponantur. Quod ſatis oſtendit, illas
eâ tempeſtate, aliquâ Corporis intemperie affici, quam *incu-
batus* levat & tollit. Ex quo patet, hæc omnia non Diſcurſu
aliquo, aut Cognitione fieri, ſed ſpirituum motu, vel reli-
quarum Corporis partium diſpoſitione: Sicuti *Fontes* artiſi-
ciales, *Horologia* & ſimilia *Automata*, humano artificio elabo-
rata, quæ per ſolam ſuarum partium concinnitatem, admi-
randa quædam facere videntur.

Echeneis,

Echeneis, seu Remora Navem retardat, & validis etiam ventis magnoque remigum conatu propulsam sistit, ac remoratur. Navem Francisci Cardinalis Taronensis, cum aliquando à Gallia maritimo itinere pergeret, ferunt, narrante Petro Melata Bononiensi, in medio detentam cursu.

Quid retinendum
De Remora quæ
Navis in mari
sistit.

Tanta Echeneidis vis, omnium quos legi Philosophorum subtilitatem obtundit, & remoratur, qui lubenter Ingenii sui tenuitatem agnoscentes, se tanti stupendi Effectus Causam ignorare profitentur, & ultro ad Asinorum asylum, occultam nempe qualitatem recurrunt: Nec immerito, arduum enim est, rei alicujus, quæ nunquam exitit, virtutem nosse, & quomodo nondum editum Animal mira operetur. Quippe si Authorum scripta, qui Remora meminerint, attentè pervolvantur, luculenter apparebit, illius vim non ex propria sententiâ, sed aliena duntaxat fide asserere. Unde Aristoteles secundo Historiar. postquam Echeneidis naturam, ac effectus recensuit, subjungit, ut aliqui volunt. Plinius lib. 9. Hoc carinis adharente, naves tardius ire creduntur. Plutarchus lib. 2. Quæst. conviv. Erant tunc qui Cheremorianum viderent, tanquam commentum fabulosum. Et multi alii, quos hic recensere nimis longum esset, qui hunc pisciculum ut merè fabulosum, & à fide alienum esse existimant.

At consistere Naves, & ulterius pergere subito prohibita sunt: Esto. An propterea id pisciculus expes, secundum Aristotelem; Murex & Limaci similis, secundum alios, & vix cubiti longitudine efficit? Quidni potius ad Maris æstum extemporaneum recurrunt, qualem in freto Siculo multi experti sunt, cujus occursum Naves plenis etiam velis in vectæ retardantur, aut etiam omnino immotæ detinentur? Quis hatarum ignorat vehementissimos flatus, è Maris fundo nonnunquam erumpere, & Aquam summâ vi contra carinâs propellere? Annon hæc retardandis, aut sistendis navigiis sufficiunt absque exigua molis pisciculi opera? Imò certè, & quæ solum ut causas immobilitatis navium agnosco. Præterea, si tantum remora præstare potest, quidni idem isti Navi recepta efficit, dum sæpe gubernaculo adhaerentem excepere Nautæ, & in navim secum detulere? Unde non absque causa Cæsar Imperator ab Astura Antium remigans, admiratus est, quomodo Echeneis, qui ejus quinqueremi adhæsisse ferebatur, in navigium..

gium delatus, non item polleret, & vim suam non transfunderet.

VIII.

Ut Bruta Animantia tempestates, pluvias, &c. indicant.

Bruta Animantia *Ventos, Serenitatem, Pluviam, &c.* portentunt; *Echini* sese affigentes tempestatis signa sunt; *Halcyones* nidulantes futuram tranquillitatem loquuntur. Imo *Aves* nostræ domesticæ, ut *Anates, Anseres, Galli, &c.* non dubiam fidem imminuentis mutationis Cœli faciunt.

Hoc habent Animantia, à perfecta organorum suorum dispositione. Nam cum in Aëre quædam sint earum mutationum præjudicia, Animantia ob sensum quibus pollent, vivacitatem, facilius illas quam *Homines* præsentunt, quorum imaginationes objectorum varietate distrahuntur, & sensus obtusiores habent. Non nisi tamen improprie Animantia prædicere dicuntur, nisi quis velit *tubercula* in pedum digitis eminentia, & *luxatos* olim artus præscientia, & rerum futurarum cognitione præditos esse.

IX.

Ut præfagiunt Homines futuram tempestatem.

Quicquid enim luxatum, fractum, solutumque fuerit in aliqua Corporis parte, omnia futuram tempestatem significant, quod non absque acerbissimo cruciату, iis contingere solet, qui aliquid latentis abditique Morbi ex scôrtorum contagio contraxerunt. Hi siquidem quando Boreales Venti spirare incipiunt, doloribus citius infestantur: eo enim tempore, Nervi intenduntur, Musculi rigescunt, & humoribus vitiatis, membris infixis, acerrimè torquentur. Hujusmodi enim partibus *intemperies* quædam, tempestati externæ cognata ac familiaris subest, quæ carnificinam quandam intimo membrorum recessu exercet. Nec alia ratione *Rana* præter solitum coaxantes, *Porci* in sceni manipulum irrumpentes; *Hirundines* juxta Aquarum superficiem volitantes; *Boves* Cælum olfacientes, ex Aëris humiditate pluviam præsentunt.

ARTICULUS OCTAVUS.

De Animalium Aversione & Concordia.

I.

An Basiliscus Hominem visu enecet.

Basiliscus ea est Veneni acuitate, ut *Serpentem* quantumlibet magnum, immisso spiritu, suffocet: Imo si *Historia* eis

cū habenda fides est, ejus cavernis admotum hominem si aspi-
ciat, solo intuitu perimit. Hinc *Mantuanus*,

*Natus in ardenti Libya Basiliscus arena,
Vulnerat aspectu luminibꝫq; necat.*

Haud mihi facile persuadere queo, *Basiliscum* solis oculis
posse tantam homini perniciem adferre. Nam unde tam fu-
nesta Visui malignitas? Quā vi ejecti ex oculis radii, ut to-
tum Hominis Corpus trajiciant, & vitam etiam distanti ex-
tinguant? Crediderim potius, si verum est quod de Basilisco
jactatur, non tam spiritibus ex oculis emissis, quā protuso
ex ore Halitu exitiosum esse. Cū constet eum *frutices* ne-
care, frangere *saxa* & *herbas* non contactas modò, sed &
afflatas etiam exurere. Hinc ejus Venenum reliqua Serpen-
tium genera fugiunt, & illum ut communem pestem aversan-
tur. Unde *Lucanus* lib. 9.

*Sibilq; effundens cunctas terrentia pestes,
Ante venena nocens, latè sibi submovet omne
Vulgus, & in vacua regnat Basiliscus arena.*

Tam noxius igitur Halitus ore afflatus, ad hominem, eum
casu aspicientem perveniens, suā subtilitate & violentiā, to-
tam ejus *substantiam* pervadit, & *fibrarum* plexum invertendo,
ita affligere potest, ut minùs ad Vitæ munia habilem efficiat.

Idem de *Draconibus*, tempore Philippi Regis Macedonum
narratur: nam cū Milites inter duos montes transeundo,
moribundi conciderent: *Socrates* quidam erecto altè speculo
chalybeato, duos in utroque monte Dracones conspexit, con-
tra se mutuò exhalantes pestilentem spiritum, cujus vi quic-
quid interceptum esset, moreretur. *Libanius de origine rerum.*

II.

*Idem præstant
Dracones.*

Tanta est inter *Gallum* & *Leonem* Antipathia, ut ille cro-
citante suo sonitu, alarumque plausu, huic formidinem ter-
rorémque incutiat. *Elephas* *Suis* grunntu pavet, & quamvis
ferarum fortissimus, ita eo strepitu concutitur, ut omnibus
penè artubus contremiscat.

III.

*Leo Gallum hor-
ret, & Elephas
Suis grunntum
non tolerat.*

Talis aversio in utroque hoc Animante, oritur ex organo-
rum contextura, quæ talis est, ut *Galli* cantus, & *Suis* grun-

nitus ad ipsa delati, cum quadam vellicatione penetrent, & cum aliquo acore discerpant: quo fit, ut hujusmodi strepitus eorum Auribus excepti, illos Cerebri poros aperiant, non in Musculos duntaxat, membris movendis idoneos, sed etiam in illas Cordis fibras, quæ timori excitando inserviunt. Manifestum est enim, multos sonos nobis ingratos esse, & ad varias Passiones excitandas nos commovere. Quis non expectitur se ad *Serre*, aut rerum aliarum *stridorem* exhorrescere, & omnem dissonantiam averfari? Pavet igitur *Leo* ad *Galli* cantum, & *Elephantus* ad *Suis* grunnitum terretur, quoniam ita sunt disposita eorum organa, ut iis offendantur, & sine læsione penetrari non queant.

IV.

Cur Elephas colorem rubrum non patitur.

Ad eandem Causam refertur, quod in *Macchabaorum* Historia refertur, *Elephantos*, turribus ligneis eorum dorso erectis, & armato Milite instructis, ad rubentium Uvarum, atq; Mororum conspectum, ita esse exasperatos, ut sanguinolento illo colore excitati, atrocius in Hostem irruerent, majorisq; cum impetu ferrentur. Quoniam ita dispositos habent oculos, ut rubro eo colore male afficiantur, & à radiis à tali corpore effluentibus, ii Cerebri meatus aperiantur, qui Cordis fibras aperiunt, furori excitando idoneos.

V.

Camelus Equum, Mus Felem, &c. aversatur.

Camelus Equum odio prosequitur, nec unquam absque rixis & pugna cohabitare queunt. *Mustela* *Busonem* exhorret, nec nisi reluctans, & invita ad illum accedit. *Mus Felem* fugit, & ut hostem evitat. *Attagines* *Cervis* insidiantur, qui eorum tergis insidentes, pilos vellicant, & carnem rostro impetunt, &c.

Peripatetici, nudo nomine *Antipathia* has omnes inimicitias explicant, difficultati se satisfecisse existimantes, si dicant naturale quoddam odium inter Animalia intercedere, quo se fugiunt, & averfantur. Verum, quis illud ignorat, an hoc responso doctiores simus? Non, an dissentiant Animantia queritur, sed quo pacto, & in quibus motibus illa discordia consistat. Certè alio modo fieri non potest, quàm à Passione aliqua in Cerebrum per Sensus externos, Nervorum ope, tracta. Ea enim est in Animalibus Cerebri dispositio, fibrarumque plexus, ut à tali specie externis proveniente, talis Affectio oriatur. Non alià ratione, quàm Calor quædam Corpora indurat, alia autem emollit, & liquat. Odor igitur

tur *Cameli* aded *Equi* Cerebrum perturbat, ut penitus ad certamen ineptus reddatur. *Equi* halitus tantum in *Elephantem* potest, ut eum in rabiem agat, & furore percellat. Qui certè effectus, non in aliud, quàm in talem organorum dispositionem, talèmq; fibrarum plexum refundi potest. Eo modo, quo Sanguinis color *Elephantem* & *Taurum* exasperat: *Panthæra* odor *Simias* attrahit, & *Leoni* timor viso *Gallo* incutitur.

Sanguis ex vulnere exprimitur, tametsi obligatum obductumque sit, si ille qui facinus admisit, ex adverso constitutur. Unde *Jurisperiti* in quibusdam regionibus, semi-probationis locum habere dicunt, si interfecti *Hominis* cadaver Sanguinem emittat.

Lemnius lib. 2. de occultis Natura miraculis, Causam hujus effectus in imaginationem rejicit. Tanta, inquit, ac tam valida latentis nature vis, atque Imaginatio, modo aliquid vite supervsit, aut corpus mortuum incalcescat, ut sanguis ebullire, accensaque bile effervesce incipiat. Alii ad Antipathiam inter Cadaver, & Homicidam recurrunt, quasi adhuc quædam spirituum colluctatio restet, ei similis, quæ necis tempore horrorem incussit. Sed illa apud me parum ponderis habent, qui rem dubiam esse existimo, imo si fas est tot hujus casus Assertoribus contradicere, omnino falsam. Cum ipse Cruorem ex Occisi naribus, & ore effluere post tertium, aut quartum diem aspexerim, sicario absente, imo defuncto. Deinde nemo adhuc visus est, qui rei Veritatem ausus fuerit jura-mento attestari, sed solâ referentium fide, vel Scriptorum autoritate innixi.

At interdum contingit, ut ad Homicidæ conspectum, cruentum Cadaver fiat, non repugno: Igitur quoniam Intersector adest, aut adesse suspicio est? Cur non potius naturalibus Causis id adscribunt; quod factu facile est, si quæ circa Cadavera passim contingunt, examinent? Corpus in conclave desertur, quod multi spectaturi confluunt, Aer tot Hominum halitu incalcescit, & Sanguis jam frigidus tepido illo Calore excitari potest, & tantillum è naribus, aut ore erumpere. Unde colligi potest, quàm iniquus testis sit ille Sanguis, quàmque leves sint illæ conjecturæ, quæ à Judicibus sumuntur ad Intersectoris præsentiam; nisi cum *Platone* occisorum animos, illos persequi veliat, à quibus luce orbatî sunt.

Omniſub umbra locis adero, dabis improbe pœnas.

Virgil. 4. *Æneid.*

VII.

*Beſtiæ averſan-
tur ſui ſimilium
Interſectores.*

Beſtiæ ſibi ſimilium Interſectores averſantur, & eos ſuo modo perſequuntur. Miratus ſum ipſe, cùm nuper ruri verſarer, unius pagi *porcos, ſcroſas*, imo & ipſos etiam *porcellos*, Viro prætereunte grunnire, & omnes velut invaſuros in eum obtutum vertere. Tantæ novitatis cauſam ſciſcitantî, à muliere reſponſum eſt, virum illum *lantionem* eſſe, qui eo die quosdam porcos in eodem pago maſtârât.

Cauſa iſtius averſionis in *Suis* eſſe potuit, quòd interſectorum porcorum odor, aut aliquid *Sanguinis* viri veſtimentis adhæſerit, qui jam corruptus, & à naturali temperie degenerans, ſenſum illorum offendebat, & quendam in ipſis horrorem creabat. Ambigi enim non poteſt, quin naturalis *Temperamenti* depravatio, ingratham impreſſionem Animantibus, præſertim ejusdem ſpeciei reddat, efficiâtque, ut illa Animantia eâ magis lædantur, quàm ſi ab aliis diverſæ ſpeciei efflueret, & derivaretur.

VIII.

*Quædam Inſecta
oleum averſan-
tur.*

Si Inſectorum corpora, præſertim *Bombycis, Cicade, Apis, Locuſtæ, & Veſpæ*, melle aut cleo ita perfundantur, ut puncta nigricantia, per corporis longitudinem extantia ocludantur, Animalia repente intereunt, nec ullâ arte poſſunt ad vitam revocari.

Quia, ut optimè animadvertit *Malpighius*, Inſecta non tantum *pulmonem* habent, ſed ita abundant, ut quilibet ipſorum annulus, ſive ſectio, duobus pulmonibus polleat, quin etiam quæque pars etiam viſcerum, derivatis pulmonibus gaudeat. Cùm autem nigricantia illa foramina ſint veluti tot hiatus, qui ad totidem *Tracheas*, ſeu aſperas Arterias ducunt, quæ mox in Cor, ſpinalem Medullam, & alias partes internas, Aërem ingerunt; mirum non eſt, ſi oriſicitiis illis obturatis, ob Reſpirationis ſcilicet defectum, Animalcula illa concidant & emoriantur.

ARTICULUS

ARTICULUS NONUS.

De Somno & Vigilia.

Infantēs, & pueri somno facili capiantur, & eo correpti diu dormiunt, nec facili expergiscuntur.

I.
Cur Infantes
multum sint som-
no dediti.

Pueri enim multo Humore perfunduntur, cujus crassitie pori plexus *Choroidis*, aut arteriarum *Carotidum* obducuntur, & nullam amplius spiritibus animalibus viam præbent. Quemadmodum enim videmus navium *Vela* nonnunquam corrugari, eò quòd Ventus placidiùs spiret, nec satis illis expandendis sufficiat: Ita ubi non tanta est animalium spirituum à Corde proficiscentium copia, ut *Cerebri* medullam impleant, omnèsq; ejus meatus apertos teneant, necessum est Somnum oriri. Cùm autem in pueris, ac Infantibus, magna Humorum vis exundet, eorum ad Cerebrum appulsu, spirituum animalium motus minuitur, & Cerebri pori facili obstruuntur.

Hinc oritur, ut qui frigidius humidiusque Cerebrum habent, quale habent decrepiti, facili in somnum labuntur: Ex opposito, qui sicciori calidiorique sunt temperamento, insomnes penè noctes ducunt, & ætate vigentes, minùs somnum capiunt.

II.
Qui facili in
somnum labun-
tur.

Papaver, Crocus, Mandragora, & similia, Narcotica virtute pollent, & stuporem sumentibus inferunt.

III.
Papaver, Crocus,
&c. somnum
concilians.

Causa videtur esse, quòd hujusmodi plantæ multo uliginoso Humore abundant, quo oppleti *Choroidis* plexus pori, spiritus à Corde venientes ad Cerebrum transmittere nequeunt. Nam sicuti quædam Plantæ *Lienem*, aliæ *Hepar* obstruunt, impediuntque ne munere solito perfungantur: Ita Papaver, Mandragora, Crocus, &c. sentientem plexum obducendi vim habent, efficiendique ut pauciores spiritus à Corde ad Cerebrum mittantur. Somnifera enim, sive extrinsecus applicentur, sive intra sumantur, Humectationem quandam per Corpus spargunt, refrigerationemque inducunt, quibus spirituum copia minuitur, vel eorum motus retardatur. Pari ratione, qui Rheumate, aut Catarrho laborant, facili in somnum incidunt, & quodam marcore premuntur, ob Humoris copiam, quæ Nervo

IV.

*Lethargia ut
Hominem in
Somnum indu-
cit.*

Nervorum *capita* occupat, & eorum meatus obstruit.

Quidam morbi, ut *Lethargia* & alii gravedinem conciliant, & demum stuporem pariunt.

Quia materia morbifica, quæ apud Medicos frigida *pituita* esse existimatur, multum Humoris suppeditat, qui in Cerebrum delatus, nimium illud madefacit, & ejus Ventriculos præsertim posteriores occupat: Unde fit, ut talis Somnus non modò Sensuum exteriorum ligamen sit, & vinculum, sed & omnium rerum oblivio. Quocirca qui *peste* corripuntur, cum somnolenti sint, si se somno, & *quieti* dedant, citius inficiuntur, ac sepius natura contagioni resistit: Et homines si in *venenatis* potionibus, somno opprimantur, gravius affliguntur, & virus promptius vitalia corripit; quoniam nimius vapor naturales facultates opprimit, & inertes, atque ad expugnandum malum inhabiles reddit.

V.

*Cur Gallus circa
noctem me-
diam experge-
fiat.*

Gallus mediâ nocte expergesit, & somnum circa id tempus constanter abruptum. Unde *Manuanus*,

Jam cecinit mediam volucris Titania noctem.

Cicero secundo libro de *Divinat.* arbitratur *Democritum* optimis verbis causam explicuisse, cur ante lucem Galli canant: Depulso enim de pectore, & in omne corpus diviso, & mitigato cibo, cantus edere, quiete satiatos, qui quidem silentio noctis, ut ait Ennius, *favent faucibus rursus cantu, plausuque premunt alas.* Verùm, non satisfacere videtur *Democritus*, quoniam si à Somno post mediam noctem, ob cibum digestum, Gallus cessaret, sequeretur quòd postmodum non amplius quieti indulgeret, quod experientiæ adversatur. Præterea in *Meridie* satur canit, necnon à *coitu*. Dici potest melius, quòd Sol noctis meridianum prætergressus, & ad Auroram jam declinans, gelidam noctis auram antea immotam agit, & propellit, cujus frigido appulsu expergesfactus *Gallus*, alis perstrepat, & cantum edit. Vel quidni ipsi Gallo certa dormitionis tempora, sicut & cæteris Animantibus concedatur, ad quæ, motu sibi innato evigiletur, & spiritibus concitatis, in Cantum prorumpat, & vigiliam suâ crocitante voce teneatur?

Statim

Statim à prandio, aut cœna, facile somnus conciliatur: Hinc plurimorum post cibum contracta dormiendi *consuetudo*, ad quam natura invitât, & cui nonnisi ægrè obluçantur.

VI.
*Unde post cibum
in somnum pro-
clives sumus.*

Causa hujus propensionis, ex ipsa Ciborum concoctione petenda est: cum enim tunc temporis, spiritus in Ventriculū, ad ciborum *concoctionem* evocentur, necessum est, Cerebrum spirituum jactura, eo tempore refrigerari, & quendam Soporem contrahere, adeo ut, qui remanent, ad Nervorum meatus apertos retinendos non sufficiant, aut impediendum, ne sponte laxentur, & inter se complicantur. Hinc experimur externas Corporis nostri partes, post cibum sumptum refrigerari, *caput* tantillum demitti, *palpebras* cadere, ni seriò rei alicui incumbamus, & spiritibus animalibus utamur.

Difficilius Somnus abruptitur in *Luce*, quàm in Tenebris. Id enim *verno*, aut *æstivo* tempore experimur, in quo Solis lumine cubiculi fenestras pervadente, segniùs, majorique cum difficultate expergiscimur, quàm *hyeme*, dum Sol à nobis abest, & caligine undique circumcingimur.

VII.
*Qui fit, ut diffi-
cilius in Luce
quàm in tene-
bris, expergisca-
mur.*

Non illud à Lumine, tanquam à Causa effectrice provenit, quasi Lumen conciliandi Somnum vim habeat; sed ex accidenti duntaxat, in quantum imbecilles jam oculi, & subito frigore percussi, connivere & obduci denuò coguntur. Cum enim tunc *palpebras* aperimur, lumen instat, feritque oculos, qui inassueti radios remittendi, eorum percussu offenduntur, & contractis iterum palpebris, occasionem dant in somnum relabendi. Hinc fit, quòd in clara luce expergesfacti, apertiq; oculis, dolorem sentiamus; quippe Lumen non sensim, sed improvisò Retinam otiantem percellit.

Qui incommodè decumbunt, & sive *lodicum* plicis, *cubilis* duritie, vel etiam *vesica* levandæ desiderio molestantur, sæpe evigilant, somnūque interrumpunt.

VIII.
*Qui incommodè
decumbunt, fa-
cile excitantur.*

Ratio est, quòd animales spiritus, qui tempore Somni fiunt, & continuò per *Cor* Sanguinis motu generantur, possint in tanta copia tandem convenire, ut Nervorum orificia reserandi vim habentes, illos eo modo complent, quo necessarium est, ad illorum filamenta extricanda, & dandam Animæ occasionem, ea objecta percipiendi, quæ Corpus infestant. Quodcunque enim gravamen Sensum aliquem, ac Motum supponit, qui Somno inimicus est, illūque impedit.

Experimur

IX.

Cur lectio atten-
ta post pastum
somnum conciliat.

Experimur lectione attentâ, statim à pastu, facîle nos in somnum labi: non autem si Ludis theatricis adsumus, aut rem ludicram spectamus.

Ratio est, quòd gravis attentio, & seria mentis exercitiâ, sanguinem versùs caput copiosius deducunt, ac simul versùs Cerebri medullium, omni ex parte congregant. Quo fit, ut sanguine *Cerebrum* penetrante, magni succi nervosi alluvies, eò affluat, à quo spiritus illicò suffocantur, eorùmq; intervalla occupantur. Non idem nobis accidit, si statim à pastu, lautiori scenico Ludo intersumus, quoniam tunc spiritus animales cum voluptate diffusi, *Cerebrum* distendunt & ampliant, adeò ut eâ inflatione coarcti meatus, soporifero humiori viam præcludant, obténtque, ne intra *Cerebrum* irruat.

X.

Coffee abigit
somnia.

Potus ille, jam in Anglia vulgaris, *Coffee* nominatus, somnolentiam maximè abigit, ac vigiliam insolitam, indefessumque animalis facultatis exercitium producit. Quippe liquore illo epoto, potest quis serà nocte, studiis, aut contemplationi operam dare.

Hunc effectum Clarissimus *Willis*, in particulas *Coffee* adustas refundit, quæ Sanguini, ac mox succo nervoso commistæ, Cerebri poros suâ agilitate, ac inquietudine apertos detinent, atque spiritibus copulâ quâvis aliâ exutis, cætra ac stimulos, à quibus ad munia sua diutius exequenda excitantur, addunt. Sicuti pervigilii causam esse existimat, *Sanguinem* torridum, & atrabilarium, qui Cerebro exteriori succum nervosum aslatum, & particulis adustis refertum suppeditat. Qui nec intra Cerebri poros diutius manere, nec spiritus animales blandè complecti & continere idoneus est.

XI.

Librationis motu
Pueri somno
corripiuntur.

Motu librationis, Somnus *Pueris* inducitur. Quoniam reciproca hæc agitatio, Cerebri humores commovet, quorum appulsu in Cerebrum, nervorùmq; originem, obstructions procreantur. Quemadmodum si *Humor* cum impetu aspergatur, profundius subit, præsertim si corpus illud, in quod incurrit, tenerum sit ac molle, quale *Puerorum* Cerebrum esse constat.

ARTICULUS DECIMUS.

De Morbis & Interitu Animalium.

Nulla sunt Animalia, *Morbis* penitus exempta : Sed pro varia eorum temperie, diversis Corporis malis affliguntur. Quædam artuum tremore laborant : Aliorum fauces *Anginâ* stringuntur : nonnullis *Jecur*, vel pulmones intumescunt.

I.
Que causa morborum in Animalibus.

Causa in promptu est ; quod *Sanitas* quædam Corporis dispositio est, quâ suis muniis perfungendis idoneum redditur : Unde si contingat partium Temperamenta alterari, aut ejus organa intercepti, necessum est ; eo ordine inverso, Animal agrotare, & à primævo statu delabi. Sic artuum tremor, à Nervorum debilitate, aut prava affectione oritur, quam fortè transacta convulsio post se reliquit ; vel frigidus Humor, per occultos meatus irrepit, & ad hunc motum sollicitat, & adigit. Sic *Angina*, quorundam fauces perstringit, ut vix respirare, nedum quicquam deglutire valeant ; quoniam *Inflammatio*, aut malignus Humor, ita nervos occupat, ut motui penè inhabiles reddantur, & faucibus aperiendis, vix sufficiant. Sic *Jecoris* intumescencia iis provenit, quibus ventriculus à quibusdam humoribus obstruitur, nam cum per *Jecur*, sanguis percoletur, contingere potest, ut ille qui à *Liene* per *Vas splenicum* traducitur, aut à *Mesenterio* defluit, corruptus sit, porósque quos transiturus est, obducatur, & viam sequenti occludat. Pari modo de cæteris *Morbis*, qui Animalibus contingunt, disserendum est, qui semper eorum actiones pervertunt, & facultatibus impedimento sunt, ne Vitæ munera liberè exequantur.

Morbus quem passim *Gallicum* vocant, in Neapolitana ob-
sidione initium acceperit, cum antea ignotus esset, & nonnisi
Indis, & *Canibalis* familiaris.

II.
Origo Morbi Gallici.

Causam tam fœdæ ac diræ Luis, *Galli* in quosdam Mercatores referunt, qui ex Mauritania, mercibus vendendis ad obsidionem appulsi, carnem Hominum nuper interfectorum, sale conditam, loco *Thunnorum*, seu porcorum marinorum pretio commutabant. Quo cibo Milites pasti, morbum

D d d

illum

illum contraxere, qui postea contagione irrepit, & *Mulieres* quibuscum congregiebantur, infecit. Nec *Gallorum* ratio à Vero dissentit, quum manifestum sit *Canibales*, qui Carne humanâ vescuntur, hoc morbo maximè affligi, atque etiam *Indos*, cum primùm detecti sunt, venerea lue infectos esse. Quod Caro humana, fœdos & graves vapores generat, quibus appetitum Caput vitiatur, & *Cerebri* fibrarum plexus corumpitur.

III.
Cur Febricitantes
irrequieti
sunt.

Solent passim *Febricitantes* totâ nocte, veluti sopore gravati jacere, cum interim vix per horæ momentum quiescant, sed multa secum obmurmurent, & irrequieti maneant.

Ratio à *Poris*, seu vestigiis in Cerebro, per quæ animales spiritus deferuntur, petenda est, qui à crassiori materia, è Sanguinis massa suffusa, plurimùm obstruuntur. Quoniam tunc spiritibus à sueta dilatatione prohibitis, *Sopor* jamjam gravis vigere videtur: sed quia spiritibus illis *Corpuscula* quædam acria, seu aculeata adhærent, quæ illos ad motus incitent, fit ut aliqui vias utcunque præclusas infringant, & obliquo cursu sese offendant. Unde talis eorum Agitatio utpote confusa, propter obstacula divaricata, functionis animalis requiem, & cessationem faciliè interturbat.

IV.
In Paralyfi Cor-
pus exsiccatur.

In *Paralyfi*, partes resolutæ paulatim marcescunt, & vix præter ossa & pellēm, quicquam relinquitur, quamvis Sanguis copiosè affluat, & solito ritu per totum Corpus circumagatur.

Id oriri existimandum est, quòd eo in morbo, *Nervi* malè afficiantur, munerèque suo fungi nequeant. Non enim *Sanguis*, ut olim creditum est, adæquatum est partium Corporis alimentum: sed *Succus* quidam à Cerebro & spinali Medulla, Nervis mediantibus ad illas transfusus: Cumque in *Paralyfi* Nervi obstruantur, inducerèque alimentum ampliùs non valeant: mirum non est, si Corporis partes in *Paralyfi* arescant, & carnosæ earum substantia minuatur ac pereat. Hinc fit, ut qui spongiosos humidósque poros habent, ob majorem receptam succi alimentaris copiam, pinguescant; in macritudinem autem ii proni sunt, qui Sanguine abundant, & ob nimium caloris, arctos habent meatus, & nervos succo hau-
riendo parùm patentes.

E'phan.

Elephantiasis, seu *Lepa* vulgaris, tum is qui *Sromacæe* & *Scelotyrbe* dicitur, nunc mitiores sunt, quàm Annis superiori-
bus, quibus Homines mirum in modum cruciabantur, & into-
lerandos dolores sentiebant.

Causa est, quòd aut sumptis Medicamentis mitigata sit
mali sævitia: vel natura iis malis assueta, *Callum* obduxerit,
& leviora videantur, quæ diu tolerata sunt. Ita nonnulli
observantur, in vegeta ac florenti ætate, oppidò excarnificari,
qui minùs provecta ac declinante, minùs torquentur. Cujus
ratio esse potest, quòd ardor ebullitiòque minuat; vel *Nat-
ura* diuturno malo assueta, tanquam familiari ac domestico
obluctari desinat, aut etiam corruptis Humoribus nutriatur,
aut illis haud lædatur. Sicut enim viles illi *Homines*, qui
latrinas evacuant, aut *cloacas* proluunt, tetrum odorem non
percipiunt, ita lue *Venerèa*, exempli causâ, correpti, tanquam
Sensum amiserint, non ampliùs Corporis vitia, non Naturæ
detrimenta percipiunt. Quod Natura & Morbus inter se con-
sistent, & unius *Humores*, cum alterius *Humoribus* commi-
secantur.

Quædam Febres à frigore incipiunt, quo non extremæ
membrorum partes duntaxat frigeſcunt, sed & quodam hor-
rore, totum Corpus contremiscit, & concutitur.

Hujus causa est, quòd Febres à quodam Humore manant
in *Mesenterium*, aut aliam Corporis partem, delapso, qui per
Venas fluens, seque eo pacto Sanguini admiscens, ad *Cor* de-
mum cum eo defertur, ubi obstat quominus Sanguis, prout
suevit, illic caleſcat & dilatetur, atque cum calorem, quem à
Corde mutuatur, ad cæteras Corporis partes deferat; ex quo
necessum est, quandam Tremorem oriri, & Febricitantes
membrorum succussu corripì. Quod nunquam nisi in initio
paroxyſmi contingit. Nam quemadmodum *lignum viride* recens
injectum, ignem extinguit, aut ejus ardori obluctatur; semel
verò accensum, acriorem flammam emittit, quàm aliud lig-
num: Sic postquam vitiatuſ ille Humor fuerit aliquamdiu
Sanguini permixtus, demum caleſcit, & magis quàm ipſe *San-
guis* in *Corde* dilatatur, quod quidem *paroxyſmi* æſtum facit,
qui durat, quoad corrupta illa materia tota exhalata fuerit,
aut ad naturalem Sanguinis constitutionem redacta.

v.
Unde quidam
Morbi nunc mi-
tiores sunt quàm
superioribus an-
nis.

VI.
Cur Febres non-
nullæ à frigore
incipiunt.

VII.

Unde oritur Fe-
briam diversifi-
catas que homi-
nem affligunt.

Febres, quæ tantopere Homini familiares sunt, non co-
dem semper modo Corpus ejus affligunt. Quædam enim
indiesinenter fervescunt: Aliæ *intermittuntur*, & inducias præ-
bent: nonnullæ *cunctantiùs*, tardiùsque invadunt: Alteræ
anticipant, & præter insolitum invalescunt.

Tota harum omnium Februm differentia, à morbifica ma-
teria oritur, quæ Febris *paroxysmum* accendit. Nam licet illa
in priori *paroxysmo*, tota expurgata fuerit, quidam tamen
fomes, seu perversa dispositio eo in loco remanet, in quo Hu-
mor primùm vitiatus est, quo fit, ut is qui eò de novo tendit,
illic coaguletur, & denuò corrumpatur, qui post certum ali-
quod tempus maturescens, adinstar prioris versùs Cor desluit,
& eadem *symptomata* procreat. Unde si Humor morbificus,
qui in eundem locum succedit, in quo prior corruptus fuerat,
trium dierum maturatione indigeat, priusquam Sanguini im-
miscetur, Febrem *quartanam* efficit: si duobus duntaxat illi
opus est, *Tertianam*; ubi autem materia illa continuo ap-
pulsu Cor subit, & illud indesinenter vellicat, *continuum* pro-
creat. Demum si Sanguis ita vitiatus est, ut intra tempus
illud, quo ultima depravati Humoris gutta effluxit, & illud,
quo prima coaliti recens humoris gutta fluere cœperit, pu-
rificari nequeat, novum *incrementum* Febris accipit, & arden-
tiùs inflammatur.

VIII.

Accessus Ce-
phalalgie etiam
certi.

Pari ratione, de periodicis *Cephalalgie*, seu Capitis do-
loris accessionibus philosophandum est, quæ *quotidiane* sunt,
ob materiam morbificam, stato tempore, ad plenitudinem as-
surgentem ac effervescentem. *Varie* autem, à pastu scilicet,
vel ante pastum, eò quòd alimentorum coctionis & distribu-
tionis munera, modò citiùs, modò tardiùs perficiantur.

IX.

Car macilenti
sunt qui egro-
tant.

Qui Febre laborant, aut Calore insolito stimulantur, sen-
sim extenuantur, & macilenti evadunt.

Ratio est, quòd *Sanguinis* vel succi nutritii particulæ, quæ
Corpori alendo inserviunt, & in membris, ad quæ accedunt,
subsistere deberent, celeriùs agitentur, quàm ut in iis im-
morari possint, & nutrimentum præstare, sed membra illa
sub sudoris specie pertranscunt, aut per insensibilem Trans-
pirationem trajiuntur. Unde Corpus exhauriri necessum
est, & alimenti defectu extenuari: pari modo; quo Stirpes
exsiccantur, virorémque omnem amittunt, dum nimio Solis
æstu,

æstu, Succus ad earum nutritionem deputatus, intra earum poros nimium celeriter percolatur, & nulla facta ibi mora elabitur & defluit.

— Morbos acutos frequenter deliria comitantur, quibus Ægroti maxime discrúciantur, & in varias ac molestas Cogitationes distrahuntur.

X.
Unde nascuntur
deliria in mor-
bis acutis.

Id ex eo contingit, quòd animales spiritus, qui fortuito, citràque aliquam determinationem in Cerebro divagantur, motibus propriis feruntur, ad quosdam ejus poros aperiendos, eo modo quo antea, ad objectorum præsentiam aperti sunt. Quo fit, ut objecta illa sub iisdem imaginibus percipiantur, ac si reverà adessent, & ita Animam in Cerebro residentem afficiant, ac si eorum speciebus feriretur.

Sic Ebrii quâdam Delirii specie afficiuntur, dum spirituosæ Vini, aut Cerevisiæ particulæ, stomachi calore effervescentes, Cerebri poros occupant, & spiritus in eis hospitantes, aut prorsus obruunt, aut in motus confusos agunt. Quippe agilia liquoris hausti corpuscula, ita Cerebri quantumvis sani meatus aperiunt, medullarésque ductus pervadunt, ut rationis ac phantasiæ opera perturbent, ac planè destruant.

XI.
Ebrii quâdam
insaniæ (specie)
afficiuntur.

HISTO-

HISTORIÆ NATURALIS PARS NONA.

De Homine.

ARTICULUS PRIMUS.

De Sensu Tactûs.

I.
De Muliere quæ
queriebatur se in
abscisso crure
adhuc dolores
sentire.

CUldam nobili in *Delphinatu* fœminæ amputatum est crurum alterum, quod *Gangrena* invaserat; sed ita solerter, tantâque industriâ, ut cruris amissio, ne quidem illi in suspicionem venerit, fallente eam crure ligneo, quod pannis involutum *Chirurgi* apposuerant. Diu tamen post abscissionem conquerebatur, se puncturis & acerbis cruciatibus affligi, non in Crure modò, sed & in ipsius digitorum extremitatibus. Nec ab illo quæstu desiit, etiam postquam ipsi res detecta est, asserens se dolores adhuc in Crure sentire.

Causa alia esse nequit, quàm quòd talis est Corporis nostri constitutio, ut nulla ejus pars, ab alia parte aliquantum remota agitari queat, quin pari ratione ab intermediis moveri possit, quamvis remotior nihil ad motum prorsus conferat. Qui enim funis ABCD ultimam partem D trahit, eodem modo prima pars A movebitur, quam moveri posset, si ab una ex intermediis B vel C traheretur, ultimâ parte D remanente immota. Ita cum Nobilis Mulier, *Cruris Pedisque* articulo-

rum

rum dolorem sentiret, id contingebat, quod nervi, qui prius ex Cerebro ad pedem descendebant, tuncque in femore juxta genu terminabantur, ibi eodem modo moverentur, ac prius moveri debuissent in pede, ad sensum hujus vel illius digiti dolentis, Animæ in Cerebro residenti imprimendum.

Sic in nobis nonnunquam contingit, ut si diutius cubito innitatur, stuporem in *auriculari* digito sentiamus, ed quod deductus à Cerebro in eum digitum *Nervus*, plus æquo compressus, pari affectu sensorium commune agitet, ac si in auriculari digito premeretur.

II.

Ut Tactus decipitur.

Dum quis ex improvise, & mente ad alia distractus, contingitur, statim contremiscit, & quodam horrore subito corripitur.

III.

Cur quis ex improvise tactus horrescit.

Causa videtur esse, quod repentino illo ictu, sibi malum aliquod inferri apprehendens, illud refugit, & in sese contrahere nititur. Tunc enim spiritus animales repente concitantur, & in majori copia ad Cerebrum tendunt, quam ut inde ordine in Musculos deduci possint. Quod enim ad Animam per sensus venit, eam magis afficit, quam quod illi à ratione repræsentatur, licet ut plurimum minus veritatis habeat. Unde quia inopinato illo contactu, levis sit in Corpore impressio, & malum, quod sibi imminere apprehenderat, minus esse cognoscit, illico ad se redit, & omnem horrorem, post exiguum tempus, deponit.

Hinc oritur, quod dum nos ipsos, hoc est, manu propria aut tangimus, aut titillamus, non ita concutimur ac inhorrescimus: quoniam non id ex improvise, sed pro lubitu agimus, ac proinde cum quem volumus modum adhibemus, nullius mali apprehensione concutimur, quæ præcipua est talis horroris causa.

IV.

Cur qui se titillant non concutiantur.

Titillatio in pedum *plantis* maximè excitatur, quæ patientem quâdam lætitiâ afficit, & grato pruritu delectat.

V.

Cur Titillatio maximè in Plantis pedum excitatur.

Gignitur Titillatio dum nervi in universi Corporis *Cutem* desinentes, solito vehementius agitantur: sed ita tamen, ut nulla inde læsio sequatur, sive cum filamenta, quæ à Cerebro ad cæteras remotiores Corporis partes deferuntur, pari impetu trahuntur, sic ut nec rumpantur, nec à membris, quibus adhærent, separantur. Qui pruritus in pedum *plantis* potissimum percipitur, ob cutis tensionem, quæ levi contactu impellitur,

pellitur, & motum ad Nervos sensuum organa transmittit. Vel etiam ob insolentiam, quâ spirituum agitatio promovetur, & ipsis vis nova accedit. Sic *penna* aut *juncus*, labia aut malas leviter percurrans, Titillationem excitat, ob cutis tenuitatem, & rarum in illis partibus contactum. Quippe si res illis durior apponatur, aut frequentius urgeantur, *Titillationem* non admittunt, nec insolito modo concutiuntur. Læticia verò ex Titillatione sequitur, quòd objecta motum aliquem in nervis excitant, qui ipsis nocere posset, nisi satis virium haberent ad resistendum illi, aut, nisi Corpus bene dispositum esset, quod in Cerebro efficit impressionem, quæ cum à Natura instituta sit, ad contestandam hanc bonam dispositionem ac robur, eam Animæ exhibet ut bonum, quod ad ipsam spectat, quatenus cum Corpore conjuncta est.

VI.

Ut quidam morbi Tactum in homine tollunt.

In *Leprosi*, *Elephantiasæ affectis*, & *Maniacis* quibusdam Tactus interdum perit, locomotivâ facultate integrâ remanente. Maniacos enim passim nudis pedibus incedere, humi decumbere, cute interim adeò obstupecente, ut Cultelli incisiones, aut aculeos in Corpus adactos nequaquam persentiant.

Quamvis id explicatu arduum sit, eò quòd *Nervi* & motuum instinctus, & sensibilem impressiones ad Cerebrum deducunt: Dici tamen potest, non easdem fibras, quæ motui famulantur, *Sensui* inservire. *Musculosæ* enim fibræ, & *tendinosæ* potentiam motivam exequuntur: *membranaceæ* autem speciem sensibilem excipiunt, eamque ad Cerebrum traducunt. Quare fieri potest, ut Tactus læsio, aut etiam amissio fiat, propter noxam Membranis exterioribus illatam, cum scilicet earum fibræ à crassa materia obducuntur, aut à frigoris excessu constipantur. E diverso contingit in *Paralyti*, ut Sensus, non autem motus inhibeatur, eò quòd non eadem fibræ sunt sensus & motus organa.

VII.

Cur cute detracta, objecta acutius sentiuntur.

Detracta ex aliqua Corporis nostri cuticula acutius objecta sentiuntur.

Quia licet Cuticula filis interspersa sit, quibus ad Cerebrum affectio transmittitur, multas tamen insensibiles fibras continet, adinstar carnis mortuæ, quæ ab objecto non afficiuntur. Unde fit, ut illas citra ullum dolorem, aut sensum cultello amoveantur. Vel dici potest, quòd duriores sunt, quam ut ullam

ullam impressionem admittunt. Fibrae enim interiores, & quae carnem component, cum teneriores sint, ac nervosae, magis idoneae sunt, quae ut exiguam etiam affectionem admittant: Ac proinde Corporis asperitate acrius punguntur.

Qui alicui Corporis parti diu innititur, stupidam illam, & motui inhabilem reddit, seu ut vulgo dicitur, obdormiscen- tem, ut praemonitum est.

IX.
VIII.
Ut pars Corporis obdormiscit.

Id oritur, quodd eà compressione sistuntur spiritus, eisque accessus intercluditur. Quo fit, ut parte Corporis relaxatâ, punctiuncula sentiatur, spiritibus nimirum denuò agita- tis, & interruptum motum repetentibus.

Vulgatum est, *Feminas* aestivo tempore *Venere* impendio delectari: *Mares* autem frigido caelo, hyemalique tempesta- te, seminarum concubitus appetere.

IX.
Mares hyeme, saemine autem aestate concubi- tum magis ap- petunt.

Causa est, quodd spiritus animales in calidiore & sicciorè Corpore, quale masculinum est, *Aestas* magis exhalando dissipat. *Hybernium* autem gelu magis condensat, integròsque conservat. In Corporibus enim frigidis & humidis (qualia sunt seminarum) aestus fovet, provocatque spiritus, Hyems autem obtundit *Bacon.*

Inter omnia Animalia, Homo *sentiendi* facultate praecellit, & primas rerum qualitates, aliàsque ad Tactum in genere spectantes qualitates, ut *Humiditatem, siccitatem, duritiem, & gravitatem*, & similes distinctius percipit.

X.
Homo Tactu ca- tera Animalia superat.

Eam praerogativam *Aranea* pallim tribuunt, quae uti *Aper* auditu, gustu *Simia*, *Vultur* odoratu nos praecedunt, ita sentiendi facultate vegetiore pollere creditur. Sed nonnisi Tactus vigor *Aranea* assignatur, ob sensum motus, dum in tela medio residens, *Muscam* in remotissima etiam parte impe- gisse sentit. Quod certè mirum videri non debet, cum lineae aequales sunt, quae à centro deducuntur. Unde in medio, insidiis inhærens, & filorum extremitates pedibus tenens, facile quae circa illam geruntur, deprehendit. Homo verò sentiendi praerogativa eminet, ob insignem *Cutis* temperiem, subtilémque fibrarum plexum, quibus cætera Animalia antecedit. Ex- quisita ejus tangendi vis, in *vola* manus, extremisque *digitis*, potissimum dignoscitur, quoniam in illis partibus, Nervorum filamenta exilia sunt, & facili negotio commoventur. Unde fit, ut Naturæ instinctu, dum aliquid Tactu explorare ag-

gredimur, manum admovemus, & digitorum extremitatibus utimur.

XI.

Ut Tactu ob-
jectum unum du-
plex esse putatur.



Tactus interdum efficit, ut objectum duplex sentiri videatur, quum tantum sit unicum. Globus enim G, duobus digitis D & A decussatis attingitur, instar duorum sentitur. *Descr. in Dioper.*

Ratio est, quod dum hi digiti se mutuo ita decussatos retinent, Musculi eos deducere nituntur A in C, & D in F. Unde fit, ut partes Cerebri, ex quibus Nervi his Musculis inservientes originem ducunt, disponantur eo modo qui requiritur, ut iidem digiti A in B, & D in E esse, & consequenter duos ibi globulos H & I tangere videantur.

ARTICULUS SECUNDUS.

De Gustu.

I.
Sic idem cibus
non semper nobis
gratus est.

Non semper idem Cibus placet; qui enim jejuno acceptus est, depasto ingratus redditur, & potus qui sitibundos delectat, ebriis fastidium facit.

Ratio est, quod res sapida Affectionem in organo gustatorio imprimit, pro contextura, ac dispositionis ratione, quam imbuitur. Sic Lingua *exucca*, & quæ nimium arefcit, nihil esculenti percipit; & è contrà, quæ nimio Humore turget, ejusque pori liquidisque Corporibus opplentur, nullo Sapore moveri potest. Cum igitur diversa sit Linguae jejuni, ac saturi dispositio, fit ut idem Cibus, aut etiam idem Potus, non eodem modo, in ejus rimis, & exiguis poris excipiantur, ac proinde variam in illa affectionem inducit. Vel illud oriri potest ex *Temperamenti* mutatione, dum saliva ex Stomacho profecta, *qualitatibus* Humoris, quo stomachus repletur, se Ciborum particulis immiscet, quæ ori insunt, & earum actionem promovet.

II.
Prit aliquando
gustatio à situ
nervorum.

Potest quoque contingere, ut ex vario Nervorum gustui famulantium situ, omnis gustatio tollatur: ut cujusdam *La-*
zari

Quoniam farina, ex qua fit panis, cum fermento & sale ut plurimum subigitur, quorum alterum aliquid acuminis impertit: simplex enim partes acriores efficiuntur, quam quæ solutæ sunt, & minori nexu sibi adherent. Hinc panis recens magis placet, fitque gustus organo gravior, quia minus intertextæ ejus particulae, à saliva melius subiguntur, & lenius intimum palati tractum movent, & afficiunt.

VI.

Quare qui cibos non sapiunt, eos olfacere non videntur.

Qui Sapo- res percipiendi facultate carent, Olfactu quoque destitui videntur. Ut in *Coriza* interdum observatur, ubi Olfactu percunte, Gustatus quoque aboletur.

Hujus consequentiæ Causa, à corpusculis pendet, quæ utriusque Sensui famulantur. Quippe illa eadem sunt, & nonnisi secundum variam expansionem discrepant. *Odoris* enim Sensus, à particulis halituum in Aëre volantibus proficiscitur, quæ Aëri, quem inspiramus, admixtæ, ad Nares advehuntur. Particulæ autem, quæ gustui inserviunt, minus quidem subtiles sunt, & Humore aliquo imbibendæ sunt, ut Linguae organum ferire possunt, eadem tamen sunt, & in hoc solum distinguuntur, quod Humore dilutæ, & Saporem faciunt, & exhalatæ perq; Aërem transmissæ, Odorem.

VII.

Cur gustu deficiant, deficiat & olfactus.

Vel aliter dici potest, cum Clarissimo *Willisio*, quod gustatus privatio sæpe alterius defectum inducit, eod quod utraque sensoria prope, confusa, simul ab eadem materia serosa & Sanguine suffusa obrui, ac nimis inferciri apta sunt: etenim Membranae tubulatæ Narium, & ipsius Linguae compages, textura admodum rara, & velut spongiosa constant. Quare utriusque organi pori, & meatus à colluvie serosa inundari, atque fibræ sensiles in utrisque pariter obsrui solent. Cui accedit, quod cum Nares & Lingua humore continuo madere debeant, utraque feri exundantis depluvium, ut gravius, & plusquam aliæ partes luunt, ita ambæ eidem malo, leviori quavis de causa, ex æquo obnoxia existunt.

VIII.

Cur Aegri dulces cibos aversantur.

Aegroti, & qui invalido sunt Corpore, dulcia omnia respiciunt, solisque acidis & acribus delectantur.

Aegri dulces cibos aversantur, ob vitiatum Sanguinem, malignamque Humoris morbifici qualitatem, qui cum ut plurimum *Bilis* sit, & in linguam utpote teneram irrumpat, innumeras obstructions facit, impeditque ne admotos cibos ritè percipiant. Hinc ægris acris placent, quod eorum Lin-
gua

gua uliginoso quodam tegumento cooperiatur, quod *dulcia* subire, & pervadere non possunt. Secus *acida*, quæ partibus longis, & parum flexilibus constant. Nec aliam ob causam, pecora *salem* appetunt, ejusque esu maximè capiuntur, quàm quòd eorum lingua scabra asperaque sit, & quædam crusta obtegatur.

Si quis *dulcia* prælibaverit, cibos alios accuratioris gustus non percipit.

Quia esculenta non gustantur, nisi in quantum lingua corpuscula sapida, per manducationem in minutias redacta, infert, & intra poros insinuat: Cùm autem *Dulcia viscosa* sint, lingueque meatus plurimùm obstruant, impediunt, ne particula sapida supervenientes, ingerantur, & sensorium afficiant. Quare ut gustandi facultas iterum restitnatur, solitum est acribus aut falsis vesci, eò quòd lingue meatus referant, & viscositates inhærentes deterunt & amovent.

IX.

Cibi dulces impediunt ne alii gustentur.

ARTICULUS TERTIUS.

De Olfactu.

Inter Animantia, Homo hebetioris esse *Odoratus* existimatur, & emissos è Corporibus Halitus obtusius excipere.

I.

Homo hebetior est odoratus.

Hujus causa, ex ipsius *Cerebri* constitutione petitur, quod cùm spongiosum sit, multoque Humore perfundatur, odoris vim retundit, minusque ab illis afficitur. Hinc qui *Catarrho* laborant, supervacaneoque humore corripuntur, sæpius nihil Olfactu hauriunt, quòd *pituitosus* Humor, nares & os cribri-forme obfideat, ad quod appulsi halitus concresecunt, & quodammodò suffocantur. Sic etiam sub Aquis nullus propemodum *Odor* excipitur, Humore nimirum exhalata corpuscula excipiente, eorumque diffusionem impediante.

Qui patulas *Nares* habent, quibusque ossis spongiosi meatus ab initio distrahuntur, facilius fortiusque odores excipiunt.

II.

Habentes largas nares melius olfaciunt.

Quia major Halituum copia, per illas Cavitates ad *Cerebrum* defertur, qui in illis collecti, mutuoque impetu *Cerebri* nervos appetentes, majorem Affectionem imprimunt;

haud

haud dispari modo, quo vibratus Aër per amplam & excavatam aurem, copiosius meatum *auditorium* subit, & *fumus* melius per patentem *Caninum* ascendit, quàm per angustiorrem.

III.

*Bos, Capra, &c.
alia Animalia
odoratu excedunt.*

Hinc per Anatomiam videmus in *Capra*, *Bove*, *Pecore*, & similibus Animalibus, quæ herbaceis vescuntur, *processus mammillares* ampliores esse, quàm in carnivoris Animantibus: Quoniam exquisito magis Olfactus organo indigent ad distinguendas varii generis herbas, & sibi convenientes à noxiis seligendas. Ob eandem rationem, Bruta Animantia longè majoribus quàm Homo, nervis olfactoriis donantur, eò quòd illa *odoratu* duntaxat, tanquam indice alimentum discernunt: Homo verò, utpote ratione præditus, plurima discursu cognoscit, & ad pabulum capessendum, non tam *odoratu*, quàm *visu* & *gustu* fertur.

IV.

Putidus olentem suum halitum non sentit.

Homo *putidus* olentem ex se halitum non sentit, nec graveolentiâ suâ tangitur.

Quia Olfactus organum ita dispositum est, ut inspiratus odoratus, nonnisi prout in adversas fibras incidit, sentiri queat. Sunt enim in Navibus valvulæ seu cavernulæ, quarum ostium versus extremum nasi apertum est, ac proinde Olfactus tantummodo fit, cum à foris emissus halitus *Nares* subit, & in adversas fibras incidit. Cum verò expirato halitui præfatæ fossulæ non pateant, quia nempe in adversas fibras non incidit, fit ut organum non tangatur, ac proinde nulla affectio sequatur.

V.

Odor continuus desinit sentiri.

Qui rem odoram diu Naso admotam retinent, aut in loco odoribus referto, per aliquid tempus degunt, nullum amplius odorem percipiunt.

Id ipsis contingit, quòd è Corporibus halitus perpetuò evaporentur, & successivè ad nares per Aërem devehantur, quas ubi subierint non illico regrediuntur, sed illic aliquamdiu inhærent, & Cerebri appendices ita opplent, ut qui superveniunt penetrare eas nequeant, & vim novam Sensorio facere. Illud in iis manifestum apparet, qui vestes *Felis sudore*, vulgò *Civette*, aut Castoris *resficulis* refarciunt, aut etiam *Jasmino* pulvere crines aspergunt: Quippe post tempus aliquod olfacere illa desinunt, & tanquam non amplius respirarent, nullo halitus odore afficiuntur. Quare qui *flores*, exempli causâ, odorantur,

odorantur, aut loci fragrantiam explorare volunt, illos Naso per *vices* admovent, & locum sæpius repetunt, ut Aromatum particulis ex organo discedendi tempus concedatur, & supervenientibus viæ pateant.

Contingit nonnumquam, ut prægnans *tetro* odore aboriat: novi ego in *Anglia* sceminam, quæ lucernæ extinctæ sufflito, partum nondum maturum emisit, nec sine vitæ discrimine enixa est.

VI.
Quomodo interdum prægnans gravi odore abortum patiatur.

Ratio est, quod fœdi odores stringendo præterlabuntur, & ita organum comprimunt, ut talis motus ad Cerebrum transmissus, Uteri quoque fibras, quæ cum fœtûs fibris connectuntur, afficiat, talemque determinationem inducat, ut fœtus, ruptis *umbilicariis* valis, erumpat & excutiat. E diverso gratus odor prægnantes refocillat, virésque earum reficit, quoniam eo tempore gravi fœtidôque halitu inficiuntur, ac proinde odore suavi tanquam lenimento recreantur, & quodammodo reviviscunt; ni fortè *Vulva* nimium corrupto humore laboret, & cruditatibus turgescat.

Odores minùs tempore *hyberno* percipiuntur, quàm *æstivo*. Hinc *Canes* venatici melius æstate, quàm frigidis mensibus, feram insequuntur.

VII.
Odores æstate melius, quàm hyeme percipiuntur.

Alia hujus Experimenti causa esse nequit, quàm quod *Calor*, qui *æstate* dominatur, Corporum meatus expandat, atque dilatat; quo fit, ut halitus facilius diffundatur, & circumcinctum Aërem percurrat. Frigus verò per Condensationem poros comprimit, obstatque ne Corporum particule resolvantur, & in Vaporem abeant. Eo ferè modo, quo fumus Calore Ignis excitatus extenditur, contrahitur verò, dum gelu circumambitur, & per frigidum Aërem ascendit. Quanquam etiam dici possit, *æstatem* odoribus recipiendis magis aptam esse, quàm Hyemem, quod *Hyeme* Corporum meatus contrahantur, parùmque halitus ex illis educatur: *Æstate* verò, odores ob Aëris calorem nimis dissipentur, & eorum copia perturbetur organum, ac distrahatur.

Qui *simis* naribus sunt, fœtidum halitum ut plurimum spirant. Hinc tot Poetarum in *Simos* scommata, quibus eorum graveolentia taxatur.

VIII.
Quare simi ut plurimum fœtidum halitum emittunt.

Id contingit, quod *pori*, per quos defluens ex Cerebro humor ad Nares pergit, obstruuntur, aut nimis angusti sunt,

ut.

ut per illos liberè delabi queat: quo fit, ut illic concrescendo, corrumpatur & putrescat. Addi etiam potest, quòd Simi vi-
tiosos Pulmones ut plurimum habeant, quia cùm Aër per bre-
viorē narium cochleam traduci, purgarique nequeat, ne-
cessum est, Cerebrum ac Pulmones infici, & graveolentiam
procreare.

IX.

Ingeniosi bre-
viores sunt Olfac-
tū.

Qui ingenio præstant, obtusiorē sunt Olfactu, imo hanc
sentiendi facultatem interdum penitus amittunt.

Causa est, quòd ii maximè Ingeniosi sunt, quibus *Cerebrum*
probè defæcatur, exonerato scilicet superfluo ac excrementitio
pituitoso Humore, quo expeditum Cerebrum promptius effi-
citur, ad ea opera exequenda, quæ ab Ingenii facultate pen-
dent. Illi autem, quibus *Pituita* defluit, & ad Nares con-
tinuò delabitur, non possunt non hebetiore Olfactu fieri, quòd
pituita Nares obducatur, & advenientes odores arceat, & vim
eorum obtundat.

ARTICULUS QUARTUS.

De Auditu.

I.

Cur auribus mu-
tilli confusè So-
nos excipiant.

HI quibus abscissæ sunt Auriculæ, referunt se omnes Sonos
confusè haurire, aded ut sibi quandam *Cicade* strido-
rem, aut defluentis *Aque* murmur audire videntur.

Ratio est, quòd Aures exteriores ad modum Infundibulo-
rum excavatæ sunt & ampliatæ; ita ut vibratus Aër per earum
helices, & anfractus transendo, colligatur & intendatur.
Aër enim eo copiosius meatum auditorium ingreditur, quo
ex ampliori spatio veniens, ad angustias defertur. Unde *sur-
dastr*i facultatis suæ defectum, admotà *manu*, aut *cornu* im-
posito suppleant, quatenus in tortuosis sinibus Sonus amplietur,
& vi majori Aures subeat. Sic Animalia, quibus mobiles
sunt aures, strepitu excepto, illas erigunt, ut copiosior, di-
rectiorque sonus introrsum cogatur. Abscissis itaque Auri-
culis, *Sonus* rectà in meatum auditorium incidit, deestque illa
determinatio, quam ex tali illapsu & incidentia adipiscitur.
Ac proinde Sonus non alio modo illis advenit, quàm si ex
variis

variis partibus proveniret; ut contingit in *Cicada* stridore, & murmure *Aque defluentis*.

Cantilena si *tibia* conjungatur, suavior redditur, magisque *Auditus* organum demulcet, quàm si ad *lyram* cantetur.

II.

Cantilena tibiae juncta suavior est, quàm lyre conjuncta.

Quia *tibia* sonus magis continuus est, minúsque distrahitur. Nam quum modulis delectemur, magisque volupe sit motus proportionatos audire; illis magis capimur, qui quendam Tenorem servant, & repetitis ictibus Animum pulsan. Addi etiam potest, quòd Sonus *tibiae*, quemadmodum vox, flatu perficiatur, ac proinde facilius inter se commisceantur. *Lyra* enim asperitatem quandam efficit, & quomodocumque pulsetur, quandam acerbitem Auribus generat.

Qui *Tarantula* veneno infecti sunt, *Musica* curantur: Unde si quis illis admotus, *Barbyro* aut *Citharâ* desideratum Soni, vel Cantus modum canat, æger veluti somno expergefactus, subito cubili assurgit, & tanto conatu per aliquot horas pedes movet, ut *saltando* virus è Corpore sudoribus expellatur.

III.

A Tarantula percussa, Musica sanatur.

Tam mirabilis Effectus causa, *musica* instrumento motui tribuenda est, quo *Tympanum*, mox *Cerebrum* percussa, eorum operâ Arteriæ, Nervi, & Musculi excitantur: Adeò ut pulsata vehementius *cytharâ*, æger se ab illo veneno liberaturus saltet, atque eo modo prohibeat, ne vis Veneni ulteriùs grassetur, sed continuo Corporis concussu excutiat, & per sudores transmittatur. Sic ut *cythara* motus in nervis agitationem sollicitat, ut veneni vim, quod Arterias occupat, dissipat.

Quòd si contingat, nonnullos *saltatione* non curari; quippe notum est, quòsdam *Tarantulae* veneno correptos 30 aut 40 annis citra curationem saltasse; id provenit, quòd virus Arterias, Nervos, & in ipsis contentos spiritus occupans, nimis tenax ac viscosum sit, quàm ut rarefieri & exhalare queat.

IV.

Cur aliqui saltatione non curantur.

Et si nonnulli auribus malè affectis sint, Auditusque sensu destituti esse videantur, si tamen ingens fiat *fragor*, exempli causâ, *Campanarum*, *Tympani bellici*, &c. alloquentium verba excipiunt, & ad præsentium interrogata respondent.

V.

Sordi magno fragore juvantur ad audiendum.

Id ex parte *Tympani* in Auris antri recessu collocati provenit, quòd laxatum, nullam à Soni impulsu affectionem admittit. Magno enim constrepente fragore, *Tympanum* debitam tensionem acquirit, quo fit, ut munere suo satis commodè fungatur. Sic ratio prompta redditur, cur *Surda-*

stres ille Aurelianensis prope campanile vitam agens, sermocinantium voces facile audiat, dum plures campanæ resonant: & omni strepitu cessante, denuò obsurdescat, nec amplius adstantium colloquia capiat. Ita Nobilis quidam *Juvenis* prope *Oxoniam* natus, etli per plurimos annos audiendi facultate orbatus, adstantium sermones facile excipiebat, dum per *Londonenses* plateas Rhedâ vehebatur, & plurimum strepitûs circa illum fiebat. Quoniam vehementi illo sono, tympanum ad debitam tensionem adigebatur, turgescentiâque acquirebat.

VI.

Cur ut facilius
audiamus spiri-
tum intra pectus
cohibemus.

Spiritu intra pectus retento, exactius venientem Sonum excipimus, quàm si contrarium fiat. Hinc in omni Auscultatione, quæ è longinquo venientes sonos aucupatur, spiritum cohibere solemus.

Hujus ratio est, quòd omnis *Exspiratio* motus sit, ut loquitur *Verulamius*, ad extrâ, repellens potiùs, quàm attrahens vocem. Sic ubicumque in rem aliquam operosius incumbimus, & vehementem laboris intensiorem adhibemus, spiritum intra retractum quodammodò sistimus. Difficilior enim soni fugientis captatio, quædam laboris species est.

VII.

Non omnis sonus
aqué citò exci-
pimus.

Passim accidit, præsertim in confusa *Sonorum* & vocum multitudine, ut certi alicujus Hominis Verba audiamus, alterius autem eodem etiam tempore loquentis, nonnisi postea percipere animadvertamus.

Hujus ratio est, quòd unius *Sonus* cum alterius sono acceptus, non eodem prorsus temporis momento, ad commune sensorium deferatur; sed unus post alterum *aurem* penetret. Unde eo in casu probabile est, quòd prior *Sonus*, unâ tantum *Auris cochleâ* superatâ, statim à primo nervi auditorii ramo, ad organum commune citiùs transmittatur: posterior verò utpote sensibilis, quoniam in eodem nervo simul devehire non potest, alio circuitu per secundam cochleam facto, tandem à secundo auditorii nervi ramo aufertur, ac proinde *priori* superveniens, posteriùs excipitur.

VIII.

Et cubiculo me-
lius verba foris
prolata audin-
tur, quàm è con-
tra.

Si quis intra Cubiculum constitutur, clariùs distinctiùsque verba, quæ foris prolata sunt, excipit, quàm foris positus voces audit, quæ intra cubiculum pronuntiantur.

Id oritur, quòd *Sonus* per Aërem diffusus, Corporum objectu reflectatur, ut *Echo* satis prædicat; nam cum intra Cubiculum,

Cubiculum multi sunt obices, exempli causâ, *parietes, tabulata, &c.* quæ appulsas Voces remittunt, sit ut Sonus robustior sit, magisque aures feriat, quàm in Aëre libero, ubi illa obstacula non reperiuntur, è quibus soni resulent. Hinc qui de summo aliquo loco loquitur, melius ab eo auditur, qui in inferiore est, quàm è diverso, de imò loquens, ab eo qui supremum locum occupat: quoniam plura Corpora occurrunt, è quibus reflecti vox potest, dum deorsum tendit, quàm dum in Auras evolat, & per Aërem divagatur.

Sonus *Campana* ita nonnunquam audiri accidit, ut non è loco *ubi est*, & à quo profectus est, provenisse judicetur, sed ex loco *opposito*.

IX.
Cur Campana non semper in loco ubi est, auditur.

Illà fallacia procedit à soni reverberatione, qui ultimò aures feriens, ex eo loco proficisci existimatur. Nam sicuti res per radiorum reflectionem non *ubi est*, sed illic ex quo radii ultimò derivantur, apparet: ita *Campana* aliudque Sonorum Corpus eo in loco esse judicatur, ex quo Sonus ultimò ad aures pervenit. Sonus enim percussus per *obliquam* lineam, ad partem oppositam pervenit. Sic *Campana* versus Septentrionalem plagam pulsata, eam ad Meridionalem audire videmur, si cubiculi, in quo sumus, fenestra, circa illam partem aperta sit. Ita si *Mendicans* prope sublatam fenestram vitream, dum in Rheda sedemus, loquatur, alteri apertæ, aut demissæ adstare nobis videtur.

Si quis utramque aurem, aut earum alteram probè obturet, tremulum quoddam murmur audiet.

X.
Unde oritur murmur quod clausis Auribus percipitur.

Hujus causa, ab Aëris agitatione in auribus inclusi, petenda est: nam cum ex auribus plurimum Halitus continuo effluat, si obice appposito, effluvium istud sistatur, Aër intra aurium cavitates constrictus, & angustius spatium nactus, in *Tympanum* agit, impellitque: Ex qua agitationis vehementia, quoddam murmur oriri necesse est, & aures eo modo afficere, ac si ab objecto sonoro esset profectum. Quod ita fieri ex eo manifestum est, quòd externo strepitu vehementi edito, bombus ille internus sedatur, non aliam certè ob causam, quàm quia nova agitatio intrinsecus inducta, tumultuantem Aërem dirigit, cumque in radios efformat.

Urinator ille tam celebris in *Gallia*, *Machinâ* suâ obvolutus, quæ degenti in Aëre auditionem non adimit, testatus est, se

XI.
Quare Sonus sub Aquis non auditur.

cùm in fundo Oceani decem plus minùs orgyas non procul *Diepa* versaretur, non obaudiisse prorsus ictus tormentorum aliquot, quibus è portu solvens navis iussit, iussaque fuit solvere. *Gassendi*.

Quia Sonus procreari nequit, nisi in mobili subjecto: Aded ut, si medium illud, per quod transferendus est, nullum tremorem concipere valeat, aut aliorum Corporum tremori obluetetur, nullum strepitum producere possit. Quare cùm tanta sit *Aqua* moles, ut à commoto Aëre agitari nequeat, ejusque tremoribus resistat: mirum non est, si strepitus supra *Aquas* excitatus, ad fundum usque non perveniat. Nam sicuti videmus *lapidem* ex alto etiam loco in *fluvium* cadentem, nullum Sonum cùm ad fundum pervenit, edere, quamvis in alios *Lapides* impingat: ita exterior *Sonus* notabilem *Aquarum* altitudinem sic penetrare nequit, ut ab illo excipiat: Cùm ipsi, qui *supini* natant, vix quicquam audiant, quamdiu immerfas aures habent, & infra *Aquæ* superficiem reconduntur.

XII.

Pisces in Aquâ non audiunt.

Unde evidenter deducitur *Pisces* surdos, seu auditu destitutos esse, si *Pisces* Cetaceos, ut *Delphinem*, *Phocam*, seu *Vitulum* marinum excipias: qui capite extra aquam exserto, sonum excipiunt, vocemque ore emittunt. Ratio autem, cur *pisces* cæteri auditu carere videantur, est, quod muti sunt; eaque esse videatur inter vocem auditumque societas, ut quæ *Animalia* voce carent, eadem quoque auditu destituantur, quo vocabulum simul ac res per ipsam significata apprehendatur: Quod si dicatur *pisces* remorum strepitum fugere, admonerique passim *Piscatores*, ne *Cymbam* concutiant, aut retibus, dum gregem circumdant, strepitum edant: id fit, ne aquæ motu, remi impetu excitato, aut nave nimium concussâ, motum illum *pisces* tactu, aut visu excipiant. Utî in *Piscina* licet observare, ubi *Lucii*, alique *pisces* in ea natantes, nullo sermone, aut murmure terrentur, sed factâ etiam minimâ præter solitum aquæ agitatione, statim aufugiunt, & loca alia quarunt. Quod si interdum ad cibum vocati accedunt, id contingit, aut quod viri aspectu excitentur, aut ejus voce, aqua commoveatur.

ARTICULUS QUINTUS.

De Visu.

SI quis propius *Pulicem* intueatur, & in *Equum*, aut aliud similis magnitudinis Animal procul distans, oculos conjiciat, æquales apparebunt, & sub eadem magnitudine conspiciuntur.

I.
Quomodo *Pulex* & *Equus* ejusdem magnitudinis videri possunt.

Illud ex *Optica* manifestum est, quòd nimirum videndi facultas, seu potius *Anima* in Cerebro residens, objecta majora, vel minora apprehendat, prout sub majore, vel minore angulo oculis offeruntur. Cùm autem *Pulex* proximè visus, & *Equus* remotius, sub eodem angulo videantur, ab *Anima* æquales esse judicantur. Evidens enim est, objectum majus percipi, quòd majorem nervo optico, sive retinæ affectionem imprimit: minus autem, quo minor organi portio afficitur. Hinc quòd res à nobis magis recedit, eò minor apparet, & quòd magis accedit, nobisq; propius admovetur, major: eò quòd objectum, quòd amplius à nobis removetur, eò acutiore minorèq; angulo apparet, atque minorem affectionem imprimit. Horum omnium ratio est, quòd dum objectum recedit, seseq; paulatim oculis subtrahit, non solùm secundùm circumferentiam minuitur, sed etiam secundùm omnes, quæ ad oculum obvertuntur, partes; quia licet semper pari modo radios ex singulis punctis remittat, eorum tamen plurimi pro ratione recessus & elongationis, oculum præterlabuntur, & aliò distrahuntur.

Imago in Speculo spectata, tantundem ultra illud videtur, quantum citrà Spectator constituitur.

II.
Cur imago in speculo ultra ipsum esse videatur.

Quoniam Spectator Imaginem suam in Speculo intuetur, non tanquam in eo defixam, sed veluti à seipso allapsam, ac proinde eodem modo se res habet, ac si Spectator ex ipso Speculo seipsum contemplaretur, quo fit, ut eadem distantia iteratò reciproca comparatione apprehenditur. Et quoniam efficit reflexio, ut necesse non sit, quòd Spectator in locum Speculi transferatur, nec illius situm mutet, ut ad ipsum convertatur, fit ut post axem, qui à Spectatore in Speculum dirigitur,

rigitur, axem continuò excipiat, qui è Speculo ad Spectatorem tendit: & propter sitûs invariationem utrumque habet pro eadem continuata recta linea, cujus medium sit è Spectatore in Speculum, dimidii reliquum ex Speculo ad imaginem ultra Speculum, ubi Spectator ex quo prodit, repræsentet.

III.

Contractâ Pupillâ, objecta interdum desinunt videri.

Objecta Pupillæ contractione interdum penitus evanescent: Ut si quis oculos in illustre aliquod Sidus, exempli causâ, *Venerem* aut *Jovem* dirigat, & Pupillam arte aliquâ constringat, Sidus antea visum, paulatim disparebit, & demum oculum effugiet.

Hujus Phænomeni ratio, ex parte ipsius *Pupille* desumitur, quæ pro coarctationis aut dilatationis ratione, efficit ut objectum videatur, aut evanescat. Cum enim *contractâ* Pupillâ pauciores radios sub minori angulo excipiat, efficit ut objectum minus appareat; ac proinde si ita pauci sint, ut insensibili angulo comprehendantur, retinam nullo modo, quantum ad visionem requiritur, afficient; & sic ut illa affectio non percipitur, ita nec objectum, quod illâ mediante sentiri debet, amplius deprehendetur. Juvat etiam ad insensibilem illam affectionem reddendam, quòd in Pupillæ contractione, *Crystallinus* aliquantum laxetur, quo fit, ut retinæ *fundus* tantulum retrogrediatur, debiliórque fiat elapsorum radiorum incidentia; quæ duo sufficiunt, ut ad Pupillæ *contractionem*, objectum dispareat, & quod antea videbatur, postmodum videri desinat.

IV.

Cum Sidera noctiu majora, minora autem de die apparent.

Hinc oritur, quòd *Sidera* interdiu minora appareant, majora autem noctu, & cum Hemisphærium nostrum tenebris obtegatur; ob Pupillæ scilicet contractionem in luce, & ejusdem in tenebris expansionem. Constat enim *Pupillam*, luce superfusâ angustiorē reddi, ac proinde pauciores ex flamma radios oculos ingredi, minorēque retinæ portionem affici. Tenebris autem per Aërem diffusis, patet Pupillam dilatari, ac proinde plures radios ad oculum appellere, & majori retinæ portione affectâ, majorem quoque in ea objecti speciem procreari. Hinc etiam provenit ut *Stellarum* magnitudo vesperti gradatim augeri videatur, mane autem decrescere: quoniam Pupilla tempore vespertino sensim dilatatur, matutino autem sensim contrahitur, & minùs semper ac minùs retina afficitur. Sic *Lucernæ* flamma, si ex centesimo passu interdiu

interdium aspiciatur, exigua admodum æstimatur: adventante autem crepusculo augetur, donec per noctis tenebras fax quædam ingens reputetur.

Strabonem constat tam certâ oculorum acie fuisse, ut à *Lilibæo*, portu Carthaginienfium, egredientes classes intueretur, in iſſque ſingulas Naves numeraret. Distantia verò centum triginta quinque millia paſſuum erat. Refertur etiam *Hiſpanum* quendam *Lopem* in Gadibus fuiſſe, qui ex edito monte, quem vocant *Calpen*, per fretum illud oppoſitum acie penetra- bat, & ex Europa, Africæ littus (cujus tractus vel teſte *Cleandro* in Epistol. ad *Jacob. Labocum*, mari tranquillo trium aut quatuor horarum eſt) colluſtrabat, quæque ibi agebantur, indicare poterat. *Fonten.*

V.
Ut aliqui ad
longam diſtan-
tiam objecta de-
prehendunt.

Tam mira oculorum acies, ab eorum duplici diſpoſitione maximè pendeat. Primum, à cryſtallini docilitate, ſcilicet proceſſum ciliarium uſu, dum nimirum ſecundùm diverſam radiorum, ab objectis reflexorum, incidentiam, *Cryſtallinus* ita adaptabatur, & eo modo diſponebatur, quem exacta pro- jectio requirebat. Secundò, oportuit ut retinæ Capillamenta ita fuerint exquiſitè diſpoſita, ut minimam affectionem reci- perent. Quia licet quæ oculis intuemur, nonniſi quatenus colore quodammodo diſcrepant, dignoſci queant: non tamen diſtincta colorum perceptio ex eo duntaxat pendet, quòd omnes radii à ſingulis Corporum punctis provenientes, in fundo oculi in totidem aliis circiter coeunt: ſed etiam ex mul- titudine Capillamentorum nervi optici, quorum extremitates in illo ſpatio continentur, quod Imago in oculi fundo occupat. Unde dubium non eſt, quin *Strabo*, & *Lopes* ille *Hiſpanus*, tam accurato retinæ plexu gauderent, tanquæ docilem *Cryſtallinum* habuerint, ut præ cæteris diſtinctius objecta contemplari poſ- ſent, & illa ad tam ingentem diſtantiam proſpicere.

Si bacillus in extremitate ignitus, celerimè circumrotetur, apparet in oculis noſtris igniti circuli imago, quamvis bacillus in omnibus circuli punctis non ſit.

VI.
Corpus apparet
ubi non eſt.

Quoniam bacillus in partibus retinæ in circulum diſpoſitis, impreſſionem facit, ſic ut motus celeritate priores agitatæ, ejus impreſſionis aliquantulum adhuc retineant, dum in ulti- mas agitatur. Nam hic motus non eodem individuo tempore, ſed diverſis momentorum vicibus, ita celeriter peragitur, ut
ignis.

ignis vibratio oculo impressa, in primis retinæ partibus maneat, quando bacillus ad alias circuitus sui partes deflexit. Unde mirum non est, si radii oculum per Pupillam ingressi, eodem tempore *viroris, rubedinis, nigredinis, albedinis*, aliorumve colorum sensationem interdum efficiant, quia radii diversis coloribus modificati, diversis momentorum vicibus, se mutuo quam celerrimè sequentibus, in retinam impingunt, agitationemque suam aliquantulum relinquunt, donec alii radii, Pupillam mox ingressi, in aliis retinæ partibus motum suum vicissim impertiant, illicque cum aliis aliquantisper eum relinquunt.

VII.

Hi quibus ablata est, Catara-cta confusè res intuentur.

Illi quibus *Cataracta* ablata est, nonnisi confusè objecta visibilia discernunt: Hinc vitreis convexis indigent, ut distinctè illa conspiciant.

Ut id evidentius explicetur, advertendum est, *Cataractam* non pelliculam quandam esse (ut diu creditum est) inter crystallinum humorem & *uveam* subortam, quæ veluti jam maturescens, acu immisâ diripi, & ad inferiorem oculi partem fisti queat: Verùm ipsum *Crystallinum* esse, qui temporis tractu flaccescit, & ab ipsis processibus ciliaribus separatur, quemadmodum glans matura à suo calice secernitur. Quippe nullo negotio remouetur, & in ipsum vitrei humoris fundum deprimitur, exiguâ interim vitrei parte, ejus loco succedente. *Cataractâ* igitur ablata, necessum quoque est, humorem *crystallinum* tolli, aut ad minus magis planum, seu minùs convexum reddi. Quò fit, ut radii à singulis objecti punctis provenientes, non satis franguntur, aut convergentes evadunt, ut in retina, dum eò pervenerint, uniantur, unde confusam esse visionem necesse est. Cui infirmitati crystallina lens convexa succurrit, quæ efficit, ut radii qui antea divergentes erant, convergentes fiant, & cum tali dispositione oculum ingrediantur.

VIII.

Parvi colores post Solem conspectum apparent.

Si quis Solem, aut lumen aliud fulgidum conspexerit, varios colores ipsi intueri videtur.

Quoniam ea est mentis nostræ natura, ut per vim *motuum*, qui in illa Cerebri parte occurrunt, unde tenuia nervorum opticorum fila oriuntur, coloris sensum percipiat. Unde cum agitatio, quâ adhuc post clausos oculos nervi optici capillamenta palpitant, & quasi contremiscunt, non satis valida sit,

ad

ad lumen tam illustre reddendum, quàm illud fuit, à quo venit, colores minùs intensos, & velut dilutos repræsentat. Quòd verò hi colores à motu producantur, ex eo faciliè deducitur, quòd paulatim expallefcendo mutantur, & ad se invicem transeuntes, sensim evanescant.

Montis fastigium longè ultra visibilem *Horizontem* exportecti, nobis apparet cum ipso colle conjunctum; & Sol dum *oritur* & *occidit*, cum ipso Horizonte adhærere & uniri videtur.

Hujus apparentiæ causa est, quòd res à nobis indistantes cernuntur, dum radii cohærent, & absque aliorum Corporum interpositione, ad oculos nostros appellant; quod in casu posito contingit. Quippe licet inter *Solem* & *Horizontem* immensa distantia interjaceat, multaque Corpora in ea contineantur; quia tamen ex illis nulli ad nos radii perveniunt, sed ex ipso tantum *Sole* & *Horizonte*, sit ut illa inter se contigua & cohærentia cernantur. *Horizontis* enim distantia non alio pacto à nobis cognoscitur, quàm ex Corporum diversitate, inter nos, & illa interpositorum: Unde si contingat, spatia illa intermedia obtegi, nihilque eorum ad nos transmitti, illa quæ ita procul videmus, contigua esse judicamus, & nullo intervallo dirimi. Quare censet *Gassendus*, Canes ideo *Luna* allatrare, quòd ipsam præter domus fastigium extortam esse apprehendant, tanquam non magis distantem, quàm ipsum tectum; neque majorem, quàm sit tecti portio ab ea comprehensa.

Hinc si ex sublimi loco fossas plurimas aspiciamus, earum latera ab invicem dissita faciliè nobis apparent, quoniam per radios oculo nobis exhibentur, quibus multi ex fundis allapsi sese immiscentes, sursum quoque feruntur. Si verò fossas illas ex loco humili seu *horizontaliter* intueamur, earum latera indistantia nobis videntur, quoniam nulli radii è fundis prodeuntes, ad oculum perveniunt; & qui è lateribus prodeunt, cohærentes adveniunt.

Ebrii duplicatum objectum vident. Idem de Furiosis existimat *Virgilius* 4. *Ancid.*

*Eumenidum veluti demens videt agmina Pentheus,
Et Solem geminum, & duplices se offendere Thebas.*

IX.

Cur montis sum-
mitas longè di-
stantis contigua
monti videatur.

X.

Fossæ è loco hu-
mili spectate
conjunctæ appa-
rent.

XI.

Cur Ebrii gemi-
na objecta vi-
deant.

Id præstant atri malignique vapores, seu è Vino provenientes, seu per morbi intemperiem excitati, qui dum nervorum opticorum situm pervertunt, ita Cerebrum simul concutiant, ac si radii ab objectis emanantes, ex detortis oculis provenirent. Unde qui à Natura, aut casu aliquo detortos habent oculos, res duplices intuentur.

XII.

*Eur in Tenebris
videmus quæ
sunt in luce, &
non è contrâ.*

Experimur quotidie, res quæ in *luminoso* loco sunt, à nobis in *Tenebris* existentibus deprehendi; non autem è diverso, è loco lucido, ea notantur, quæ in *Tenebris* ponuntur.

Ratio est, quòd ad oculum in caliginoso loco constitutum, Luminis radii dirigi possint, aut ex eo ita reflecti, ut nonnulli eorum in locum obscurum penetrent, si interjectum foramen satis pateat, & per illud Lumen in intuentis Pupillam illapsum, ad retinam usque perveniat. Non potest autem is, qui in medio Lumine est, res quæ in obscuro loco sunt, deprehendere, quoniam ab eo nulli radii profisciscuntur, qui directè, aut per *reflexionem*, retinam contingere queant; ni fortè tenebræ aliquo modo dilutæ sint, & quosdam luminis radios remittant; quia tunc nihil obest, quominus pauci radii è rebus reflecti, oculum sensibiliter afficiant, & aliqualem rerum Imaginem repræsentent.

XIII.

*Hyperborei infirmi
sunt oculis.*

Qui Septentrionalem plagam incolunt, quique *Hyperborei* dicuntur, infirmis passim oculis sunt, visumque hebetem habent.

Quia cum inter nives perpetuò versentur, quæ lucem potissimum reflectunt, necesse est, ut eorum oculi perstringantur. Vel quia eorum retina externo fulgore indurata, minus affectionis ad visum necessariæ exprimendæ, vel excipiendæ capax est. Cum videamus Crystallinum frigore concrefcere, eamque rigiditatem adipisci, ut nec flecti, nec contrahi, vel explicari queat.

XIV.

*Myopes objectâ
distantiâ non
citantè perspicuntur.*

Qui prominulos habent oculos, & quibus Crystallinus globosior est, ut *Myopes*, objectâ nimium distantia distinctè non intuentur.

Quia luminis radii, in oculos prominulos appulsi ac refracti, citius coeunt, quàm ad fundum oculi perveniant. Quippe non in *retina*, sed citra, scilicet in humore *vitreo* picturam exhibent. Hinc *Myopes* conspiciunt concavis uti solent; quoniam illis radii distrahuntur, nec tam citò concurrunt.

Objectum

Objectum in Speculo plano, tantum quantum est, exhibetur; In convexo verò minus apparet, & in concavo majus.

Ratio est, quòd Speculum planum, omnes ex singulis rei punctis directè obversis, radios versùs oculum remittit, & sic necessum est, rem tantam, quanta est, repræsentari. Convexum autem, ob incidentiæ obliquitatem, magnam radiorum partem huc illuc variè dispergit, ac proinde pauci sunt, qui in sensorium diriguntur. Concavum è diverso, non eos duntaxat radios, qui è plano reflectuntur, ad oculum remittit, sed quàm multos etiam alios, qui ex particularum devexitatis regiunculis adveniunt, & punctorum aliò obversis. Quo fit, ut rei figura augeatur, & repræsentatum objectum magnitudine excedat.

Quidam Juvenis *cæcus*, dum oculum versùs nares digito comprimeret, aliquid cernebat, cùm antea nihil prorsus intueretur.

Quia per illam oculi compressionem, *CrySTALLINI*, vel *Uveæ* convexitatem mutabat. Unde projectionis mutatio sequebatur, ac proinde alia affectio pari modo, si folium libri, tenuioribus literis, oculis proponamus, & eorum altero obsecrato, alterum duobus digitis premamus, literas augeri, & majores evadere deprehendemus.

Tubi *Optici* ope, totus *Solis* discus videri nequit, licèt tota imago in chartam oppositam projiciatur.

Quia Tubus *Opticus*, ob cavitatem suam, plures radios distrahit, nec patitur in oculum incidere; in chartam autem omnes radii incidunt, & ampliorem in ea *Solis* effigiem efformant.

Si quis, posito in Vas lapide, aut calculo, ita Corpus disponat, eoque in statu constitutur, ut calculum amplius discernere nequeat, Aquà tamen in vas infusà, illico oculis etiam immotis, calculum in vasis fundo hærentem videbit, qui antea non apparebat.

Hujus rei alia causa assignari non potest, quàm quòd lucis radii, antea è calculo reflexi, nullo corpore interjecto, directè in *Ærè* mittebantur, ac proinde nonnisi frontem, vicina sive oculi partes feriebant: Aquà vero infusà, radii per eam transiendo, refringuntur, & ita ad oculum allapsi, calculum ipsi visibilem conspicuùmque efficiunt. Sic videmus, quòd ex ra-

XV.

Objectum variatur, prout in diversis speculis exhibetur.

XVI.

Cæcus, qui comprimendo oculum, aliquid videbat.

XVII.

Cui totus Sol non videatur Tubo Optico.

XVIII.

Ut calculus in fundo vasis videtur per liquoris infusionem.

diorum refractione, in *Horizonte* facta, sub 34 aut proximè minutis, Sol altior nobis appareat, quàm apparet, si Vapores abessent, per quos lucis radii transmittuntur: ac proinde cum ejus Diameter dimidii gradus sit minutorum 30, totus conspici potest, etsi occultetur, & totus infra Horizontem reverà existat.

XIX.

Uideres per vitrum convexum conspectæ majores videntur.

Res per Lentem crystallinam *convexam*, majores quàm verà sunt, apparent: ut in *Senibus* experimur, qui literas è propinquo videre nequeunt, convexis perspicilli Lentibus, visui suo auxiliantur. Item in illis qui *pulicaria* Lente convexa, sensorio applicita, Pulicis pilos, & tenuissima quæque corpuscula discernunt & intuentur.

Ratio est, quòd in Vitro convexo inter res visibiles, & oculum posito, radii qui prius in Iridem ac remotius appellabant, in Pupillam cogantur; sic ut oculus radios excipiat, ex particulis objectorum antea occultis: cumque radii antè cohærentes illis interpositis diffusi sint, plurisque ex qualibet parte, particulæ visæ, necessum est, ut eà ratione ampliuntur, & ipsum totum majus exhibeant. Ubi enim Visionis angulus augetur, oportet, ut res visibilis proximè adhibita, ob magnam radiorum cum decussatione oculi Pupillam versus retinam ingredientium, divaricationem, magnam in oculi fundo imaginem effingat.

XX.

Per Telescopium res majores apparent.

Hinc sit, ut per Tubum Opticum, seu *Telescopium* res distantiſſimas magnas videamus, & illas distinctissimè conspiciamus. Id enim utilitatis adfert Telescopium, ut efficiat quòd visibile objectum, ob magnam Tubi *Pupillam*, pluribus radiis, & ob extimi Vitri convexitatem, radios congregantem, sub majore Visionis angulo decernatur: & præterea magna fiat radiorum divaricatio, qui Tubi *Pupillam*, seu extimam ejus extremitatem cum decussatione, versus oculi retinam subeuntes, efficiant, ut magna rei videndæ imago, in fundi oculo pingatur.

XXI.

Cur simplex objectum à duobus oculis cernitur.

Objectum, quod per *geminos oculos* ad Cerebrum transmittitur, *simplex* apparet, quamvis nervi etiam optici non coeant, ut patuit in quodam Juvene, quem *Vesalius* disparatos habuisse deprehendit.

Simplicitatis objecti causa, in quendam glandulam in Cerebri medio sitam, quam Medici passim *Conarion* appellant, refunditur; in qua duæ illæ imagines, quæ à duobus oculis proveniunt,

proveniunt, uniuntur, antequam ad *Animam* perveniant. Nulla enim in Cerebro pars reperitur, quæ non sit *gemma*. Nam quod ad *Cerebellum* spectat, nonnisi superficie, & nomine tenus unum est; imo manifestum est, ejus *processum vermiciformem*, & medullam *spinæ* dorsi, ex quatuor partibus constare; quarum quidem duæ ex duabus Cerebri medietatibus, aliæ verò duæ ex duabus Cerebelli medietatibus proveniunt: *Septum* verò lucidum quod duos anteriores Ventriculos separat, geminum quoque est. Ac proinde sola illa *pinealis* glandula restat, in qua species à geminis oculis venientes convenire possint, priusquam ad *Animam* deferantur.

Homo pictus, in omnem partem circumjacentem, obtutum dirigere videtur, & singulos quodammodo intueri. XXII.

Hujus ratio est, quòd *Hominis picti* oculus in *plano* sit, ac proinde ab omnibus ejus punctis ad spectantis oculum radii duci possunt. Cùm verò viventis *Hominis* oculus, *convexus* sit figuræ, & magna ejus pars occultetur, undique radios remittere non valet, ut in sculptis imaginibus cernimus, quarum efficti oculi cùm porrigantur, & curvitatē quandam præ se ferunt, radios quoque versum emittere nequeunt. Unde homo pictus singulos adstantes respicere videatur.

ARTICULUS SEXTUS.

De Imaginatione.

Multa inadvertentibus nobis occurrunt, quæ antea *Sensibus* nostris nunquam fuerunt obvia, aut aliquod sub vestigium reliquerunt; ut dùm *Hippocentaurum*, exempli causâ, *Scyllas*, *Scropodes*, *Chimæras* imaginamur, quæ qualia ea formamus, nunquam se oculis ingesserunt. I. Unde multa nobis obveniunt, de quibus antea non cogitavimus.

Licet fortè, quæ *Imaginatione* percipimus, non prius in *Sensibus*, quoad eorum compositionem fuerint, ambigi tamen nequit, quin eorum partes, è quibus illa constata sunt, Cerebrum aliquando subierint; aut si fortè non per seipsa, saltem per quædam alia, quæ aliquam cum illis cognitionem habebant. Etenim cùm *Equus* & *Homo*, exempli causâ, passim oculis nostris objiciantur, & utriusque species super *Imaginationis*

tionis organo exarentur, illas faciliè componimus, & *Hippocentaurum*, siue Animal ex Homine & Equo constans apprehendimus. Pari ratione, de cæterarum rerum vestigiis differendum est, quorum intuitu multa efformamus, quæ antea sub Sensus nostros non ceciderunt.

II.

Cur qui ex alta
Turri terram as-
piciunt, Verti-
gine corripiun-
tur.

Qui præter solitum, *Pontes* pertranseunt, aut ex alta *Turri* in Terram oculos dirigunt, *Vertigine* corripiuntur, omniâque objecta visibilia circumrotari imaginantur.

Id ab Imaginatione provenit, quæ ex Corporis *sic* aut *in-cessu*, periculum apprehendit, vereturque, ne sibi aliquid mali contingat. Unde plurimum sollicita, quo pacto spiritus in nervos transmittat, ac eos sueto affluxu & irradiatione pervertit. Dùmque eos in meliorem ordinem dirigere conatur, nimia sollicitudo in confusionem quandam, ac motum anomalum cogit. Eam ob causam *Audaces* & *Ebrii*, quia illis parum de spirituum animalium regimine curæ est, talem *Vertiginem* non patiuntur.

III.

Quomodo febricitantes imagi-
nantur se pati
que non patiun-
tur.

Quidam morbo correpti, ut solent *Febricitantes*, multa se facere arbitrantur, quæ reverà non faciunt, & illos dolores sentire, quorum omnino expertes sunt. Quendam enim novi, qui *Tertianâ* laborans, sæpius querebatur, se Humeri vulnere multum torqueri, cum nullum tamen vulnus haberet.

Illud ex eo contingit, quòd species, quæ super glandula *pineali*, per cursum spirituum exarantur, aut ope vestigiorum, memoriæ excitantur, æque vivæ sint, nec minori robore polleant, quàm quæ à *Sensibus* proficiuntur. Cum enim spiritus animales tunc temporis, plus æquo agitentur, quàm Sanitas exigit, ad aliquarum specierum creationem, cum memoriæ vestigiis concurrunt; quæ nobis omnia representant, tanquam extra nos existentia, & Sensibus nostris præsentia. Accidit etiam nonnunquam in morbo, ut objecta nullam impressionem faciant, cum qua mens species illas conferre possit, quas memoria, aut spirituum impetus illic procreant.

IV.

Sagæ solâ ima-
ginatione loca
dissita invifunt.

Sic verisimile est, quòd *Sagæ*, seu *Veneficæ*, alto somno sepultæ, loca valde dissita se invifisse, & *Palatia*, *Urbes*, *Huminum*, *Fœminarumque cohortes* spectasse se imaginantur, eaq; ad amissim, veluti oculis essent intuitæ, describunt. Quod certè

certè nonnisi Dæmonis ope peragitur, qui illarum Imaginationi rerum earum ideas repræsentat, ac ita fortiter imprimat, ut se hujusmodi spectaculis interfuisse nullatenus dubitent.

Quædam notæ, seu characteres, vi *Imaginationis* maternæ foetibus inuruntur: ut patet in illis *Matribus*, quæ rem aliquam vehementer appetunt; nam si se in *gena*, aut alia Corporis parte tangant, rem illam, exempli causâ, *Cerasum*, aut *Uvas*, in tali foetus membro imprimunt. Cujusdam Nobilis Fœminæ meminit *Forestus*, quæ gravida, cum brachium fregisset, filium peperit, cujus quoque brachium fractum est.

V.
Que est causa
notarum in foetibus impressarum.

Hoc oritur, quod *Cerasi*, aut *Uvarum* imago, in Cerebro parentis impressa, motu spirituum, ad Infantis partem deferitur, propterea quod eadem dispositio, quæ in Matris Cerebro inest, illique istius fructus deliderium movet, in *Infantis* etiam Cerebrum transit, & parti signatæ respondet. Unde Mater se in illa parte fricans, quo tempore istiusmodi cupidine tenetur, Imaginationis suæ effectum illuc producit. Quia Mater se tangendo, statim illi in mentem subit character foetus imprimendus, ex quo pudoris cujusdam, vel etiam timoris motus nascitur, sine quibus nulla Infantium corporibus nota inuritur. Cum itaque unumquodque Infantis membrorum, unicuique Parentis membro respondeat, & utriusque fibræ ac humores continentur, mirum non est, si Nobilis illius Fœminæ Filius, cum rupto brachio editus est, & iisdem remediis ad Infantis & Matris brachium adhibitis, ambo separatim sanati sunt.

In eandem causam refundi potest, quod in Pharmacopolæ Uxorē, *Bonomæ* contigit, quæ quum gravida *Angues* excoriatos, & Aëri expositos, in ædibus vicinis per fenestram spectasset, *Prolem* anguino capite enixa est. Sic Mulier altera in *Sicilia*, teste *Aldrovando*, cum *Astacum*, seu Cancrum marinum, Piscatoris manu captum observasset, ac impotentiùs exoptasset, *Astacum* marinum omnino similem, unâ cum foetu peperit.

VI.
Quam potens est
Imaginationis
vis.

Persina Ethiopissa, imaginem albi Infantis in congressu contemplata, candido vultu filium produxit: E contra Regina alia alba, nigrum infantem genuit.

VII.
Quomodo factum
ut Ethiopissa
filium album pepererit.

Quidam Medici id *Spermati* tribuunt, quod pro varia qualitatibus

litatis ratione, diversas formas inducit: Unde si subflavescat, colorem *rufum* tribuere asserunt: si cinericium colorem præ se ferat, *pullum*: si candidi coloris est, *album*. Quamvis hæc vulgaria sint, & fortè etiam vera, nihilominus maiorem sibi partem hoc in opere Imaginatio vendicat. Quia cum Nervi, per quos spirituum cursus indefinenter feruntur, à Cerebro in omnes Corporis partes protendantur, *Imaginationis* vis præsertim, si paulò vehementior sit, in viscera operando, humorumque motus excitando, nigrum vel album colorem inducere potest. Sic *Oves Jacob*, pro diverso appositarum virgarum intuitu, foetus varii coloris ediderunt.

VIII.

Imaginatio mira patrat.

Eam ob causam Hippocrates, fœminam adulterii suspicione laborantem, quia prolem Marito prorsus dissimilem pepererat, liberavit, cò quòd Mulier illa, *picturam* in cubiculo appensam, fixius esset intuita, cui similem puerum ediderat. Pari ratione, Nobilis illa Mulier, ex illustri *Ursinorum* familia excusanda est, quæ filium instar Ursi villosi genuit, quòd eo tempore, quo uterum gesserat, frequenter *Ursorum* imagines (quæ Ursinorum sunt insignia) oculis ac mente volvisset.

IX.

Abiciendi à conspectu prægnantium Castelli deformes.

Quare nihil improbandum magis censet *Lemnius*, apud lasciviores quasdam mulierculas, quàm quòd Catellis Simiisque sese impensius oblectent, quòdque illos sinu gestent, demulceant, foveant, blandèque contrectent. Quoniam eorum consuetudine & aspectu, animo nescio quid alienæ formæ concipiunt, & foetui ingratum, minùsque speciosum vultum affingunt. Unde Catellos illos *Camusios* vulgò dictos, ablegandos esse censet, ne quas imprægnari contingit, aliquid deformitatis adfiscant.

X.

Cur deliri quidam eundem semper sermonem retinent.

Quorundam Mentis tanta insania occupat, eorumque iudicium ita pervertitur, ut perpetuò eadem loquantur, nec ad aliorum verba attendant, aut respondeant. Phreneticum *Parisii* vidi, qui integro die sermones eosdem repetebat, & si casu interrompebatur, à loquentis ore pendebat, tanquam ad singula responsurus, sed finito alloquentis sermone, eandem quam priùs *fabulam* recitabat.

Id talibus obvenit, quòd tanta spiritus animales perturbatio occupat, ut aliorum verborum impressionem haud sinat, nisi exiguo tempore, *glandule* inhærere: quo fit, ut prima rerum imagine, quæ detinebatur, illicò revertente, tanquam dictorum

dictorum obliiti, ad ea respondere non valeant: sed tantum conformiter ad ea, quæ *glandulam* impellunt, & menti eorum, tunc temporis, obijciuntur. Mihi enim facile persuadeo, hujusmodi Homines *Phrenesi* non infici, nisi dum illorum Anima, in *glandula* motus imperium non habet; aut quia ita commoti sunt animales spiritus, atque adæquabili cursu super ea feruntur, ut eam citra modum ac mensuram concutiant, innumeratque species super ea excitant, quæ statim effluunt & elabuntur. Aut etiam quod cursus spirituum *glandulam* quibusdam *Memoria* vestigiis ita tenaciter imbuunt, ut eadem semper Imago repræsentetur, à qua se explicare Anima nequeat.

Aliqui sibi persuadent *Nasum* tantæ molis habere; ut nullæ eis januæ perviæ sint. Alii se *Reges* esse credunt; ut servus ille *Hispanus*, cujus *Joannes Huartius* meminit, qui se Regem arbitratus, prudentissimos in morbo de regimine faciebat discursus. Quidam apud Montanum imaginabatur totam mundi superficiem ex subtilissimo esse vitro, subtus Serpentes latere, & in lecto tanquam in Insula morari, unde si egredere-
tur, facile in *Serpentes*, vitro fracto, incidere posse. *Fontanus*.

Hujus extravagantæ causa ex jam dictis deduci potest; quippe dum per tenacem aliquam spirituum dispositionem, & firma quædam *Memoriæ* vestigia, *Glandula* ad eam Cerebri partem convertitur, ubi pori referantur, quorum apertura, *Regis, Serpentis, Vitri*, &c. species revocari potest, aut etiam eo ipso tempore efformantur, Anima talem speciem intuita, se ipsi *Regi, Serpenti, Vitro*, quæ per illam speciem repræsentantur, conjunctam considerat, & veluti unum totum cum illa componentem. Novi ego quendam Londini, qui se *Archiepiscopum* Cantuariensem esse diceret, à *Rege* creatum, & præfenti indubie successurum: cum interim in rebus aliis cæteris sapiens videretur, & nullo alio phantasmate laboraret; nam sua sollicitè curabat, tempus seriis impendebat, & muneri exequendo, cui adstringebatur, solers & providus incumbebat. Quod illi contingere arbitror, dum *spirituum* agitatio, à quibus antea *Glandula* trahebatur, eo tempore cessat, quamdiu nihil illi obijcitur, quod pristinos illos motus renovare possit: donec ipsius *paroxysmus* revertatur, & tanquam Febri obnoxiis nova accessio superveniat.

XI.
Quidam in morbo se Reges esse imaginantur.

ARTICULUS SEPTIMUS.

De Memoria.

I.
Cur Infantes pa-
rum memoriâ
valeant.

Pueri & Infantes minùs Memoriâ pollent, citiùsque quæ didicere, obliviscuntur, quàm dum grandiores sunt, & ad ætatem mediam pervenerunt.

Ratio est, quia Memoria ex quibusdam *vestigis* in Cerebro manentibus pendet, postquam rei alicujus species illi impressa est: unde si contingat aliquas Cerebri partes per *Accretionem* aut *Diminutionem* immutari, necesse quoque est vestigia illa perturbari, & nonnulla ex illis evanescere. Cùm autem *Pueri* & *Infantes* continuò augeantur, illisque semper aliquid novæ substantiæ accedat, plicæ in Cerebro, spirituum animalium transcurso efformatæ, faciliè pervertuntur, & pristinum suum ordinem amittunt. Quemadmodum *placæ* in *papyro* faciliè evanescunt, si quæpiam deterantur, & nova aliqua substantia superinducatur. Addi etiam potest, quod puerorum Cerebrum nimis molle ac humidum sit, ut tenaciter commissâ retineat: nam licet faciliè ea recipiat, non tamen eorum distinctionem retinet, perinde se habet, ac lutum plurimâ aquâ maceratum.

II.
Quidam facile
auditas harmo-
nias referunt.

Quidam Homines, nullo negotio *Melodias* addiscunt, easq; postmodum citra meditationem, aut ullum Cerebri laborem cum exacta Symphonia proferunt.

Id provenit, quòd spiritus animales, à distinctis Harmoniæ auditæ accentibus, intra *Cerebellum* agentes, in peculiare Schismaticos disponantur, juxta quos, cùm in Nervi auditorii processum utrobique vocalem effluant, velut sponte quâdam, & quasi specierum successione, automata, plectri modulos, quos auribus exceperunt, voce edunt. Eâdem ratione *Cytherædus*, licet rei alteri intentus, digitos tamen modulaminis numeros, antea edoctos, ita agit, ut fides miro discrimine & celeritate exactè pulset.

III.
Tabaci fumus
nocuit memoriæ
cujusdam Docti.

Nicoriane fumus, Cerebro afflatus, *Memoriam* nonnunquam labefactat, hebetemque reddit: Ut Homini erudito, felicique ingenio semel contigit, qui antea memoriâ excellebat.

Id.

Id accidere potuit, ab inspirati *fumi* corpusculis, quæ Cerebrum ita subierunt, ut vestigia illa, quæ rerum imagines referunt, obstruerent, ac proinde inutilia ad recordationem redderent. Exhalato tamen eo halitu, priorem facultatem recuperavit, & quæ quondam noverat, rescivit. Non aliâ ratione in *Apoplexia*, ubi sanguis è vasis suis in Cerebri substantiam effunditur, omnes rerum antea cognitarum ideas penitus obliterat, nullis earum in Cerebro remanentibus vestigiis.

Senes ubi ad decrepitam ætatem pervenerint, omni penè *Memoriâ* cadunt, nihilque eorum, quæ paulò antè fecerunt, recordantur. *Juventus* autem suæ gesta meminert, atque illa pertinaciter retinent.

IV.
Senes non recordantur ea, quæ nuper fecerunt; bene autem quæ in *Juventute*.

Perit *Senibus* Memoria, ob nimiam Cerebri siccitatem. *Arida* enim non ita facile dimoveri, & impressionem suscipere queunt: aut si penetrari se patiuntur, statim se pristino statui restitunt, & lota priora occupant. *Senes* verò, quæ olim memoriâ complexi sunt, retinent, quod Cerebri partes *induruerint*, & ejus pori, quibus antea spiritus cursitarent, quandam facilitatem acquisierunt ad alicujus objecti præsentiam, spiritibus ad eos venientibus, eadem ratione se aperiendi. Hinc *exacta* tempora maximè extollunt, quoniam olim factorum memores sunt, & quæ nuper ipsis contigere, statim obliviscuntur.

V.
Cur rem nostram sine alia, cui conjuncta est, recordari non possumus.

Si res aliqua, quam antea novimus, *Memoriæ* excidat, & denud postmodum illius recordemur, statim etiam illud occurrir, quod cum illa conjunctum est. Ut si *Hominis* recordemur, statim mentem subit *injuria*, quam ab illo accepimus.

Ratio est, quod quando *Memoriæ* vestigia, rei alicujus Imaginem super Glandulam reduxerunt, spiritus simili modo per eosdem poros revertentes, aliam quoque speciem reducunt, cui prior fuit conjuncta: Quo fit, ut spiritus in eosdem musculos fluentes, corpus nostrum disponunt ad easdem iterum actiones edendum, quas edidit occasione objecti, quod eos primò excitavit. Id non in Homine tantum, sed & in *Bestiis* contingere experimur. Si enim *Canem* in nos involaturum *suspe* excipiamus, & ad fugam adigamus; quamvis postmodum ei Cani absque *baculo* occupamus, non minùs se fugæ committet, quàm si nos armatos cerneret. Quoniam ope

plagarum, quibus exceptus est, cursum spirituum junxit, quem noliter aspectus excitabat, cum eo cursu, quem flagella produxerunt. Adeo ut, duabus illis viis in Cerebro occurrentibus, & in unam confusis, parvi referat, quænam illarum aperiat, ad motum *musculorum* efficiendum, & easdem actiones excitandas.

VI.

Magis mane memoriâ valemus, quàm aliâs.

Quæ *matutino* tempore mente revolvimus, facilius *Memoriæ* mandamus, firmiusque in hærent, quàm quæ reliquo diei decursu.

Quia eo tempore, Cerebrum liberum est, & nullis adhuc rerum vestigiis impeditur: Nam quemadmodum in *Charta*, plicarum multitudo, & in *Aëre* sonorum copia confusionem parit: Ita in *Cerebro*, rerum multarum delineatio, *Vestigia* perturbat, & non sinit ut illa in debitis locis reponantur, & secundum naturam propriam percipiantur. Sensus enim pluribus intentus, faciliè distrahitur, & minor fit, quo magis ad distincta contemplanda occupatur. Accedit etiam, quod Cerebrum tempore *matutino*, minus Vaporibus impediatur, utpote ciborum digestionem jam peractâ, ac proinde fibræ magis expeditæ fiunt, ad celeriores Cerebri motus, & novam affectionem induendam.

VII.

Quidam post morbum, suorum parentum nomina obliiti sunt.

Morbus interdum omnem *Memoriam* adimit, & illam ita labefactat, ut qui antea memoriâ pollebant, rerum penè omnium post infirmitatem *obliviscantur*. Quidam, teste *Plinio*, ex alto delapsus, Parentum, Cognatorum, & Propinquorum nomina, quoad vixit, oblitus est. *Messale Corvino*, ex morbo, non famulorum & affinium modò, sed & proprii nominis *Memoriâ* excidit.

Id contingit, quod *Ægritudinis* vis, vel *Ictus Capiti* inflictus, Cerebri dispositionem immutat, & poros ope spirituum efformatos pervertit. Quo fit, ut *Vestigia* expungantur, vel fibrarum plexus eo statu relinquatur, ut ad prædictam functionem minus idoneus evadat. Nam sicuti infusus *papyro* humor, omnes ejus plicas eluit, sic ut dum aruerit *papyrus*, nulla amplius supersint: ita fieri potest, ut Humor morbosus ita invalescat, ut omnes Cerebri plicas tollat, & nulla amplius *vestigia* earum rerum remaneant, quæ ægrotus antea noverat. Ex opposito evenire potest, ut qui obtuse antea erant memoriæ, *felicem* ac vegetam iisdem de causis

caulis acquirant: Ut de *Clemente Sexto Pont. Max.* refertur, qui felicis adeò fuit memoriæ, ut quod semel legisset, non amplius oblivisceretur. Quam facultatem ei obvenisse *Petrarcha* scribit, ex inflicto Capiti vulnere, quo indubiè quædam obstructions dissolutæ sunt, & Cerebri meatus aperti, quibus commoda transcurrentis spiritibus via fieret. Alterius meminit *Fulgosus lib. primo cap. 6.* tempore *Friderici Secundi Imperatoris*, qui hausto è vena Sanguine, servatâ rerum cæterarum memoriâ, non legere amplius, non literas exarare noverat, ac si utrumque nunquam didicisset. Anno autem transacto, renovatâque Venæ sectione, legendi scribendisque scientiam recuperavit, & sibi ipsi quodammodò restitutus est.

Nec dissimili ratione fit, ut qui ingenio in Juventute maxime pollent, solerter sua exequuntur: Affectâ autem ætate, tardiores evadunt, & parum pristini ingenii præ se ferunt. Quod vel à Sanguinis vitio provenit, vel à Cerebri obstructione, aut liquore nervoso, qui cum secundum modernos Medicos, spirituum animalium sit vehiculum, post nimiam agitationem, aut Vaporem vappescit. Hinc intempestiva Ingenia, & quæ ante solitum tempus maturescunt, non diu vigent, & brevi occidunt.

VIII.

Cur præmatura Ingenia citò deficiunt.

ARTICULUS OCTAVUS.

De Somniis & Insomniis.

Somnia ut plurimum interrupta sunt, & nonnisi raro aliquâ connectione coherent.

I.

Cur Somnia interrupta sunt.

Illud ex eo procedit, quòd spiritus diversimodè agitati, & variarum impressionum vestigia reperientes, per quosdam Poros potiùs, quàm per alios cursum suum dirigunt. Spiritus enim animales, Cerebri plicas percurrendo, earum series quodammodò instant, & pro varia eorum agitatione, uno tenore illas commovent, aut ab una in aliam transiliunt. Hinc si contingat, quòd spiritus unâ Vestigiorum serie relictâ, in aliam atque aliam, & ita porro subsiliat, necessum erit, varias

rias *Imaginationes* oriri, quæ nullo inter se nexu coherent, & se cum quadam interruptione comitentur. Unde *Aristoteles* tales *Impressiones*, quæ per somnum in Cerebro formantur, *Raris* ex subere confectis comparat, quæ *Sale* graves, in aquam demerguntur, quæque *Sale* demum colliquato, alternatim enituntur, & nullo ordine servato, in *Aqua* superficiem emergunt.

II.

An sint aliqui
qui nunquam
somniaut.

Aristoteles lib. de Insomn. cap. ult. nonnullos citat, qui nunquam somniasse observati sunt. Talem fuisse temporibus suis *Cleonem* è *Danlia* *Plutarchus* memorat. Cum quodam *Londini* Medicinæ Doctore familiaritate sui conjunctus, qui mihi non semel protestatus est, se nihil unquam per quietem vidisse.

Quamvis fortè hujusmodi Homines somniasse se haud fuerint recordati, non tamen Somniorum expertes fuisse dicendi sunt. *Anima* enim nunquam ab omni *Cogitatione* cessat, & quantumcumque *Corpus* sopiatur, illa *essentiam* suam non amittit, quæ in *Cogitatione* constituta est. Quod igitur tales Homines *Cogitationum* nocturnarum non meminerint, non inde convincitur eos nullas habuisse; quum nobis usu veniat, non *Somniorum* duntaxat, sed & *Cogitationum*, quas expergefacti habuimus, non reminisci, quamvis interim certi sumus aliquid nos per Somnium vidisse, aut rem aliquam distinctè percepisse. Sic *Cleon*, sic memorati ab *Aristotele* Viri, non à somniis liberi fuerunt, sed eorum solum immemores, quorum species propter Temperamenti qualitatem obliterarentur.

III.

Unde oriatur
Incubus inter
dormiendum.

Nonnulli inter dormiendum se opprimi imaginantur, veluti *Damon* aliquis pectori eorum incumberet, & respirandi facultatem adimeret. Hinc talis suppressio, quam Latini *Incubum* vocant, à Græcis veluti *Insultor* appellatur.

Talis Corporis fatigatio, ab Humore crasso ac pituitoso, ut vult *Fernelius*, provenit, quæ intestinis adhærens, *Diaphragma* & *Pulmones* fatigat, quorum impulsibus agitata *Glandula*, illud menti repræsentat, tanquam *phantasma* quoddam quod in pectus insilit, & respirationem suffuratur. Nam quæ nobis per Somnum offeruntur, Cerebrum fortius afficiunt, quam quæ per Sensus vigilando eidem ingeruntur. Sic dum Somno indulgemus, si *pituita* in ore abundet, fit ut certos aliquos cibos masticare, & multâ iteratione moliri videamur,

mur, quod nunquam nobis per vigiliam contingit. Ita licet fortè Humor ille fuliginosus, dum *supini* decumbimus, leniter irreat, & Nervos tactorios commovens, levi impetu *Glandulam* agitet, nihilominus opprimi videmur, & molestis suppressionibus fatigari, quæ nobis vigilantibus nunquam contingunt.

Sic Humor genitalis in vasis spermaticis turgescens, illa eum quadam irritatione agitans, *impudica* Somnia procreat: Sic cibi crassiores & dyspepti, cum in cœna sumuntur; quoniam Ventriculum onerant, etque gravedinem conciliant, somnos *perturbatos* producant, & *phantasmatum* terribilissimis infestos efficiunt.

Quibusdam solenne est, intempesta nocte à cubili surgere, & ea perficere, quæ vigiles aggredi non audent. Quidam sursum deorsumque rapiuntur, & nullo fulti adminiculo, *summa* arborum ac domuum fastigia ascensu superant. Cujusdam Nobilis meminit *Horstius*, qui turrim conscendit, & spoliatis avium nidis, se iterum funis ope demisit.

Medici illa à Sanguine turgido, & Spirituum fervescentia fieri autumant, quæ in mentis sedem delata, ea motuum instrumenta agitant, & ad illos Effectus peragendos impellunt. Quo fit, ut Corpus *spiritibus* animalis impulsu, in sublime feratur, ejusque vi etiam per Somnum ad tales actiones incitetur. Sed hæc omnia sine *Imaginationis* adminiculo evanida fore existimo, quæ penè sola difficilia illa præstat & operatur. Imagination enim non solum ab objectis externis incitatur, sed & ab illis, quæ per Somnum representantur: Unde reservatis rerum speciebus agitata, facultatem motricem stimulat, & ad ea peragenda impellit, quæ spectantibus admirationem stuporemque incutiunt.

In Somniis eadem munia & actiones nobis observantur, quibus interdum intenti & occupati sumus. Unde *Claudianus* lib. 3. *Præfat.*

Omnia quæ sensu voluntur vota diurno,

Tempore nocturno reddit amica quies.

Venator defessa thoro dum membra reponit,

Mens tamen ad sylvas, & sua lustra redit.

Judicibus

*Judicibus lites, auriga somnia currus,
 Vanæque nocturnis meta cavetur equis.
 Gaudet amans furto: permutat navita merces,
 Et vigil elapsas querit avarus opes.
 Me quoque misarum studium sub nocte silenti,
 Artibus innumeris sollicitare solet.*

Ratio est, quòd partes Cerebri, quæ antea objecti exterioris actione concussæ fuerant, faciliùs à spiritibus animalibus commoveantur, quàm illæ, quæ in quiete manserunt. Unde cùm rerum earum *Vestigia*, quas primùm sumus imaginati, aperta sint, & quodammodò hiantia remaneant, *spiritus* ea transcurrento, easdem Imaginationes Animæ referunt, quas vigilando ei imprefferant. Quare nisi malè constitutum sit corpus, & noxiis humoribus perturbetur, non aliæ Cogitationes Animo obversari possunt, quàm quæ illum per Vigiliam occuparunt.

VII.

*Qui accidit ut
 quidam per som-
 num lotium e-
 mittunt.*

Quidam inter dormiendum, Lotium emittunt, & quasi *parietis* adstant, aut *matulam* manu tenerent, urinam faciunt.

Id nunquam accidit, nisi cum *Vesica* turget, & contra solitum extenditur, quoniam tunc *Sphincteris* vellicatio, ita poros in superficie interiore Ventriculorum Cerebri aperit, ut spiritus super *Glandem* discurrentes, cursum suum versus Nervos illos capiant, qui *Lotio* emittendo inserviunt; ac proinde talem motum procreant; ut in Anima non solum *Urina* faciendæ appetitus producatur, sed & *parietis*, aut *matula* imago oriatur; quibus qui somniant ad hunc finem uti antea solebant.

ARTICULUS NONUS.

De Externis Passionibus.

I.

*Sanguinei in
 risum maximè
 proclives.*

Letæ indolis Homines, & Sanguinei, facile in risum prorumpunt, nec se continere valent, si alius rideat, aut aliquid *Ludicrum* in eorum sensum inopinatò incurrat.

Hæc Passio in hujusmodi Hominibus oritur à fibrarum mobilitate,

bilitate, quæ ad objecti ludicri præsentiam concitantur & tripudiant. Quæ affectio in *Diaphragma* traducta, quædam vultus actio cum voce sonora, & *inarticulata* conciliatur. Quippe in hoc sita est Risus ratio, quod Sanguis ex *dextra* Cordis cavitate, per Venam *Arteriosam* profectus, subito, & iteratis vicibus Pulmones inflat, efficitque, ut Aër, quem continent, vi per Asperam Arteriam erumpere cogatur, in qua format vocem inarticulatam & sonoram, & tam *Pulmones* sese inflando, quàm hic *Aër* exeundo, omnes musculos *Diaphragmatis*, *Pectoris*, & *Gutturis* impellunt: quo pacto vultus musculos movent, qui aliquam cum illis connectionem habent. Unde mirum non est, si *Ingeniosi* interdum, & multæ rationis compotes, cohibere se nequeant, quantumvis ad motum illum reprimendum summas vires adhibeant.

Si quis horrore percellitur, *Comas* erigit, juxta illud *Virgili*.

II.

Unde in horrore
pili eriguntur.

Obstupui, steteruntq; comæ, & vox faucibus hæsit.

Quia cum Sanguis, horrore vi, versus præcordia excurrat, externæ Corporis partes, præsertim *cutis*, constringuntur: fieri autem nequit, quin cute contracta, pori quoque comprimantur, & sic *pili* assurgant. Quoniam Corporis meatus, instar thecarum, in quibus reconduntur pili, se habent, qui pro diverso illorum situ, variam quoque positionem sortiuntur. Eundem effectum aliquis Affectionis motus in aliis Animalibus, ut *ira*, exempli causâ, in *Cane*, *timor* in *Gallina*, quæ plumas surrigit, si adlit hostis, qui eam appetat.

In quibusdam observatur, quod à Cibo sumpto, ex Ventriculi repletionem, *suspiria* ducant, & veluti morbo afficerentur, spiritum ab imo pectore trahant.

III.

Quidam suspiria
ducunt post cibum
sumptum.

Id fieri ex Motu existimo, quo *Natura* ad Ciborum succum, per Cor citius transmittendum utitur, quatenus Stomachus iis promptius sublevetur: Suspiria enim pulmonem agitando, faciunt, ut Sanguis, qui in eo continetur, citius per Arteriam venosam, in sinistram Cordis ventriculum defluat, & sic novus Sanguis ex Ciborum succo è Stomacho per Jecur & Cor ad Pulmonem usque affluente conflatus, in illum facilius admitti possit.

IV.

Cur quidam tristes cibum magis appetunt, alii autem eundem respiciunt.

Quibusdam, dum *Mœrore* afficiuntur, Alimenti appetentia tollitur, eisque cibis omnis fastidio est. Alii è diverso, ubi Tristitiâ languescunt, cibum acrius desiderant, in cûmqûe propensius feruntur.

Oritur hæc differentia, cò quòd primæ Tristitiæ origo, quæ nonnullis è Vitæ principio affecit, ea fuerit, quòd non satis Alimenti hauserint, còque cibo fuerint destituti, qui appetitum fatiaret. In aliis autem, quod illis grave noxiûmqûe fuerit alimentum, quod primi acceperunt. Ac proinde in his, spirituum motus, qui cibi appetentiam tollit, semper cum Tristitiâ conjunctus remansit. Ea enim est Corporis ac Animæ nostræ *conjunctio*, ut *cogitationes* illæ, quæ aliquos corporis motus ab inennte vita comitatæ sunt, illos etiam nunc comitentur.

V.

Subita lætitiâ in Lipothymiam, interdum etiam mortem inducit.

Quidam Animo deficiunt, *Lipothymiam*que patiuntur, si summâ Lætitiâ corripiantur: ut *Mulier* illa, cujus meminit *Valerius Maximus*, quæ ad conspectum filii, quem jamdudum in prælio interfectum esse credebat, exanimata est. Audivi in *Anglia*, de cujusdam Mercatoris uxore, quæ maritum in Indias Orientales profectum, & Amicorum *tumore* defunctum desleverat: ubi post tres annos vivere audivit, & præ foribus adesse, complexura accurrens, cecidit, & in limine ad mariti pedes extincta est.

Id fieri existimo, quòd ingens illa *lætitiâ*, præter solitum, Cordis orificia referando, *Sanguis* Venarum tanto cum impetu, & ea copia cor ingressus est, ut illic non satis citò dilatari & rarefieri potuerit, ad *Valvulas* illas removendas, quæ harum Venarum ostia claudunt: quo factum est, ut Ignis in Corde suffocaretur, & Vita quæ in ejus *motu* consistit, periret.

VI.

Cur Tristes facillè lachrymas emittunt.

Tristes, & qui Animo deſiciuntur, facillè lachrymas profundunt, præſertim ſi extremus non ſit mœror, & cum aliquis Amoris ſenſus comitatur.

Quia licet ex omnibus Corporis nostri partibus Vapores prodeunt, nulla tamen est, quæ plures quàm *Oculi* ſuppeditet, tum ob Nervorum Opticorum magnitudinem, tum etiam ob *Venularum* multitudinem, per quas cò tendunt. Cùm verò *Tristitiâ* Sanguinem refrigerando, oculorum meatus contrahat, & Vaporum agitationem remoretur, non ad lachrymas eliciendas ſola *Tristitiâ* ſufficit, niſi accedat *Amor*, qui Sanguinem

Sanguinem versus Cor emittat, & Vaporum quantitatem au-
geat. Unde constat Tristes non perpetuò lachrymas fundere,
sed nonnisi per intervalla, dum objectum, quod amant, re-
currit, & de novo Imaginationi objicitur. Antiqui hunc Ef-
fectum Brutis Animantibus tribuere; Equi, *Plinio* teste, amis-
sos dominos lugent, & eorum desiderio lachrymantur. De
Pallantis Equo ita scribit *Virgilius*.

*Post bellator equus, positus insignibus æthon,
It lachrymans, guttisque humectat grandibus ora.*

Gemitus sæpe cum fletu miscetur, præsertim in *Pueris* &
Mulieribus, qui quamvis ambo in Risum proni sunt, acutiores
tamen clamores in fletu, quàm in risu emittunt.

VII.
*Unde oriuntur
gemitus in La-
chrymantibus.*

Producuntur *ejulatus*, dum Pulmones à Sanguinis copia eos
ingredientis momento instantur, qui inde Aërem, quem con-
tinebant, expellit, qui Aër per guttur transmissus, eos ejulatus,
& clamores procreat, qui *fletum* comitantur. Quoniam verò
Nervi, qui vocis organis expandendis coarctandisve inservi-
unt, ad eam Vocem magis acutam, vel graciliorem efficien-
dam, cum illis annectuntur, qui in Lætitia, Cordis orificia
aperiunt, & illa cum Mœrore contrahunt, fit, ut hæc organa
eodem tempore dilatentur aut contrahantur. Hinc in *placstu*
supercilia contrahuntur deprimunturque, cujus contrarium
in *Risu* experimur.

Amantes passim *suspiria* ducunt, & in sollicitudinis ac Do-
loris argumentum, Anhelitus ab imo pectore trahunt.

VIII.
*Cur Amantes
sepenumero su-
spirent.*

Illud ex eo provenit, quòd in *Amore* Spei aut Lætitiæ ima-
ginatio Arteriæ *Venose* orificium aperit, quod Mœror antea
contraxerat: unde cum paululum illud Sanguinis, qui in
Pulmonibus restabat, momento in *levam* Cordis cavitatem,
per hanc *Venosam Arteriam* delabatur, eoque cupidine eam
Lætitiæ obtinendi impellatur, quo, eodem tempore, omnes
Diaphragmatis & Pectoris musculi agitantur; fit, ut Aër ce-
lerrimè per os in Pulmones propellatur, ad locum eum occu-
pandum, qui ab illo Sanguine derelinquitur.

Tristes non eundem semper vultum referunt: Interdum
enim *palescunt*, aliàs *rubeo* colore perfunduntur.

IX.
*Tristes in vultu
varium colorem
preservant.*

Tristitia ad pallorem adigit, quoniam Cordis orificia con-
trahendo,

trahendo, efficit ut Sanguis tardiùs in Venas defluat, & frigidior spissiorque factus minus loci occupet: quo fit, ut in latiores tantùm & Cordi proximiores se recipiens, remotiores derelinquat, quarum magis conspicuæ sunt, quæ in vultu apparent: Et eo pacto *pallidus* redditur, & *macilentus*. Dum verò Tristes *rubent*, & quendam Ardorem in facie præ se ferunt, id non tam *Tristitia*, quàm aliis Affectibus, qui huic passioni junguntur,tribuendum est, *Amori* scilicet, aut *Desiderio*, vel etiam aliquando ipsimet *Odio*. Quippe hæ Passiones, Sanguinem commoventes & calefacientes, qui ex *fecore*, *Intestinis*, aliisque partibus interioribus profiscuntur, eum ad Cor propellunt, & inde per *Aortam* ad venas facici, eam rubentem reddunt.

ARTICULUS DECIMUS.

De Naturalibus quorundam Inclinationibus & Aversionibus.

I.
Unde fit, ut uni
Aleatorum magis
favemus.

SI in duos Aleatores casu incidamus, ambos æquè nobis ignotos, nescio quo naturæ instinctu, uni potiùs favemus, quàm alteri: Atque si duos in sphaeristerio, pila ludentes aspiciamus, eorum alteri victoriam optamus.

Id ex eo potissimùm provenit, si ea propensio non diutiùs perseveret quàm eorum lusus durat, quòd *Voluntas nostra*, quæ indifferentiam fugit, affectatque circa aliquod objectum determinari, occasionem reperit, se alicui parti jungendi, quamvis Mens nulla evidenti ratione ducatur, quæ ad favendum uni potiùs quàm alteri alliciat, & ad victoriam uni parti exoptandam sollicitet: sed solum versus aleatorem aut lusorem protrahi se sinat, qui suaviùs ejus Cerebrum pro dispositionis ejus ratione, eo tempore demulcet. Si verò Affectio illa lusui superstes est, & finito certamine adhuc Cordi inhæret, id ex vestigiis inclinationum nostrarum oritur, quarum originem satis dilucidè, ni fallor, in *Institutione Philosophicæ* ostendi *part. 9. cap. 14.* Quod ne actum agam, à repetitione abstinco.

Multi.

Multi in qualibet Regione, aut etiam Provincia reperiuntur, qui *Casum* averfantur, quorum aliqui, non ab ejus duntaxat esu abhorrent, sed etiam ne videre quidem eum sine molestia possint.

Causam hujus Aversionis *Eques Kenelmus Digbeus* esse existimat, quod Infantes è prægnantibus nutricibus lac suxerint, in quarum uberibus, ob conceptum fœtum coagulatum est, & tenerum Infantis stomachum offenderit. Unde fit, ut *Infans* per totam vitam ab eo cibo abhorreat, quem post vitæ primordiâ fastidivit. Sic Advocatus quidam *Londoni*, postquam semel in sorbili ovo, pullum penè formatum imprudentiùs deglutisset, ova in posterum ita averfatus est, ut ad illa denud sumenda, *Medicorum* etiam hortatu, nunquam adigi potuerit. Hanc quidem in plurimis Causam esse facile admiserim, cur *Casum* tantum hauscant; sed adduci nequeo, ut admittam omnes, qui lac coagulatum sugunt, *Casum* averfari, cum videamus plurimas Mulieres, præsertim è plebeiis & ignobilioribus ita fœcundas, ut quotannis prolem effundant, quas toto gravitatis decursu lactant, nec eas ablaçant, nisi fuerint partui proximæ. Ac proinde si omnes Infantes *Casum* fastidirent, qui prægnantium lac haurirent, quàm immensus foret eorum numerus? Quàmque brevi temporis spatio *Casus* vilesceret? Existimo igitur variam esse hujus *Aversionis* causam: una caseatum illud lac esse potest: Alia vehemens matrum *pica*, sive irregularis quorundam ciborum appetitus, quibus si Infantes fraudentur, illud non raro post nativitatem abhorrent. Aut etiam certa Stomachi ac Ventriculi dispositio, cui talis cibus adversatur.

Nobilissimus quidam Vir in *Anglia*, mihi maxime notus, tantum *Candelæ Sebaceæ* recens extinctæ suffitum horret, ut si casu famulorum negligentia, contingat hujusmodi Candelam extinguì, ejus odore ita percellitur, ut totus commoveri, & artibus contremiscere videatur.

Id illi aliâ ratione contingere non potest, quàm quòd ejus organum ita secundum insensibiles particulas attemperetur, ut subtiliores *sumosi* illius halitus particulæ, in ejus Naribus motum ingratum, hoc est, odorem abominandum generet, eo ferè modo, quo *sumus* in oculos incidens, ad lachrymas sollicitat, & linguam ipsam pungit & vellicat.

Nonnulli.

II.

Qui fit, ut multi *Casum* averfentur.

III.

Quare candelæ extinctæ fœtor aliquos male afficiat.

IV.

CH. nonnulli Fe-
les, aut alia A-
nimalia tanto-
pere horrent.

Nonnulli quorundam Animalium aspectum haud patiuntur, imo non mediocriter perturbantur, si in eodem loco cum illis etiam non visis manere compellantur. Quidam aded *Felis* praesentiam averfantur, ut illa conspecta, in *Lipothymiam* incidant.

Ratio est, quod illi tale habeant Sanguinis & spirituum Temperamentum, ut Halitus è *Felù* corpore jugiter emanans, & ad *Pulmones* atque *Cerebrum* per respirationem transmissus, Sanguinem & spiritus, quibus immiscetur, coagulet, figat, aut modo insolito exagitet. Unde mirum non est, si tantam perturbationem sentiant, & *lipothymiam* quandoque patiantur. Si contingat alios Homines non his Passionibus corripi, id oritur, quod diversi sint Temperamenti, & ab halitu *Felù*, per circumstantem Aërem evaporato non afficiantur.

V.

Rosarum odorem
quidam abhor-
rent.

Sic existimandum est, *Oliverium Carassam* rosarum odorem abhorruisse, dum quotannis, Rosarum tempore, Roma secedere, seque intra hortos in Quirinali claudere cogeretur; custodiis ad ostia dispositis, ne quis aut salutantium, aut familiarium, *rosam* inferret. Nec dissimili ratione, Nobilis illa Angla, referente D. *Digbeo*, ab odore rosarum abhorruit, ut cum quidam Dormientis genu *rosam* imposuisset, experturus, num tanta illi esset cum flore illo antipathia, quanta dicebatur, pullulæ in genu ortæ sunt.

VI.

Ratio hujus a-
versionis.

Quippe dubitari non potest, quin *Olfactûs* sensorii fibræ in Hominibus diversimodè configurentur, quo fit, ut res odoræ, non pari modo, omnes afficiant, cum videamus quædam objecta, utpote asperis effluviis & pungentibus prædita, sœtida & tetra à nonnullis haberi; quæ eadem aliis, utpote fibras in eo organo robustiores sortitis, grata sunt & suavia. Fœminam nobilem in *Anglia* novi, quæ putridarum carnum odore maximè delectatur, & candelæ extinctæ suffitum habet in deliciis.

VII.

De Fœmina,
quæ *Vespa* o-
dit.

Ita Nobilis quædam *Oxonii* Fœmina, aded *Vespa* horret, ut quum æstivis mensibus, hoc Animal per domos versatur, se in referatum quoddam cubiculum recipit, nec triclinium, aut locum alium patentiore ingredi audet, donec per nuntios, quibus fidem habet, referatur, hoc *insectum* aut periisse, aut videri amplius desiisse.

Quidam à Natura ad quasdam Passiones incitantur : nonnulli enim indolem ad *Iram* propensam habent, & levi ex causa effervescent : Alii ad *Tristitiam* propendent : Alteri *Latitia*, *Timori*, &c. sunt obnoxii.

Harum Passionum diversitas ex fibrarum plexu, & diversa humorum habitudine proficiscitur. Quippe flava Bilis ad *iram* stimulat, atra ad *tristitiam*, pituita ad *metum*; copiosior sanguis ad *letitiam*. Quoniam Bilis fibras vellicat, *Melancholia* comprimit; Sanguis dilatat, pituita obstruit. Quos Effectus non per vigiliam modò, sed & per somnum deprehendimus. Quibus flava Bilis redundat, *faces*, *incendia*, *pugnas*, *rixas* mente concipiunt : ut sanguinei *tripudia*, *cantilenas*, *risus*, *jocos*, ac *lasciva* quæque. Pituitosi largam *Aqua* copiam, & ita de cæteris, prout humoribus abundant, & turbatis spiritibus concutiuntur.

F I N I S.

INDEX Rerum.

A.

A Bies cur ramos in vertice emit- tit	336
Abortus in muliere unde	358
Absynthium vermes enecat	308
Acari corpusculum innumeris constat partibus	17
Acerba stuporem dentibus pariunt	64
Acida refrigerant, acerba autem cale- faciunt	65
Acus chalybea cur aqua innatat	171
Adamas an igni cedat	247
Adamantis fulgoris causa	248
Adiantum aquam refugit	ibid.
Egroti dulces cibos aversantur	396
Aegyptus non pluviam experitur	270
Aer levior imbre imminente	214
Aer calefactus non in ignem degenerat	258
Aer ut rarefit & condensatur in ther- mometra	21
Aer cur vi erumpat e vasis pneumaticis	37
Aer terra proximior, magis calidus	209
Aer ut gravis redditur	210
Aeris gravitas unde probetur	212
Aeris vis elastica in scolopetis	210
Eolipila non patitur vacuum, dum aqua dilatur	9
Eolipila non admittit vacuum	11
Es nisi accensum liquefieri potest	200
Es facile aruginem contrahit	236

Estus in plenilunio majores	189
Estum maris diversitas unde	187
Ethiopissa ut filium album genuit	415
Aetna ut ardet	200
Aiathtius ut cervum decipit	371
Albumen ovi ut in pullum convertitur	117
Alcatorum cur uni favemus	420
Allium coctione amaritudinem exuit	312
Amantes saepe suspirant	427
Anates in Scotia ut ex arboribus oriuntur	343
Animantia absq; semine ut procreantur	342
Animantia cur capite demisso nascantur	360
Animantium tempus pariendi	ibid.
Apes cur strepitu revocantur	83
Apes ex juvencis progignuntur	345
Aqua cur aliquando ascendat	7
Aqua communis Nitro indurefcit	24
Aque distillata non olent eo tempore quo flores fragrant	71
Aqua ut per calcem plumbi evehitur	99
Aqua in vapores dilatur	20
Aqua opacior nebula	31
Aqua ut e vase exilit digiti circumdu- ctione	37
Aque qualitates per concoctionem va- riantur.	41
Aqua cur effluat e cacabo igni appposito	43

I N D E X.

Aqua rarefit dum gelatur 51
Aqua difficilius quam oleum congelatur 165
Aqua an in fundo fluminis lentius decurrat 169
Aqua in vitro cur assurgit aut depimitur 26
Aqua cedit in plantarum alimentum 333
Aqua non semper elevatur ab alia copiosiore 167
Aque gravitas non sentitur in fundo fluminis 166
Aqua in antliis altius quam ad 31 pedes ascendere non potest 213
Aqua salsa quomodo percolatur 183
Aqua salsa igni extinguendo inepta 185
Arbor in Japonia ferro amica 321
Arbores recta sunt vite brevioris 302
Arbores quaedam cur semper virides sint 309, 337
Arbores ut contusione moriuntur 340
Arborum trunci cur sunt rotundi 303
Arborum corticis durities unde ibid.
Argentum quomodo album est 231
Argentum acutiorem sonum edit quam aurum 232
Argentum injecto sulphure in pulverem redigitur ibid.
Arteria pulsus immisso calamo quomodo sufficitur 367
Arcus cur post inflexionem recurrit 33
Artes indicant mundum non diu extitisse 109
Afcletarion ut mortem Domitiani presciuit 160
Aspera corpora aliquid albedinis ostendunt 28
Asytia Tati animalis in Brasilia 371

Avium ars in nidis exstruendis 374
Aure obturatâ murmur auditur 78
Auri ductilitas unde proveniat 227
Auribus muti non nisi confusè sonos excipiunt 400
Aurum acrius urit, quam flamma 44
Aurum an detur potabile 230
Aurum igne consumi nequit 226
Aurum calefactum ceteris metallis acrius urit 228
Aurum ut Regia aqua dissolvitur ibid.
Aurum fulgurans accensum, magnum strepitum edit 229
Aurum nullis morbis succurrit ibid.

B.

B *Aculum post longam inflexionem frangitur* 34
Balnea diversis coloris gradibus sentiuntur 44
Barbiti sonus a surdo audiri potest 75
Basiliscus non hominem visum enecat 376
Baxana radix venenum presentissimum 317
Bestie avversantur sui similium interfectores 380
Bononiensis lapis lumen in tenebris retinet 87
Brassica quomodo degenerat in rapam 328
Brassica vinea inimica 319
Bruta animantia ut tempestates indicant 376

C.

C *Ape quomodo terrâ avulsa germinant* 335
Calamin-

I N D E X . I

Calamintha feles delectat	315	Chalybs mollior evadit, si lente refrige-	retur	239
Calculus, ut oritur in corpore humano	241	Charta oleo peruncta pellucida evadit		90
Calor ex duobus liquoribus accensus	194	Chirurgi cur venam ligant in vena se-	ctione	369
Calor cineres vertit in vitrum	48	Chorda una saepe duplicem sonum parit		79
Calor ex frigidis corporibus oritur	46	Chorda ut aequali temporis mensura re-	currit	34
Calx aqua aspersa cur calefit	45	Chordarum unisonarum, una pulsâ, al-	tera contremiscit	76
Camelus equum aversatur	378	Chorda longitudine inaequales diversum	sonum edunt	81
Cameli ut saltare edocentur	372	Chorda sonus cur cessat appposito digito		ibid.
Campana non semper ubi est auditur	403	Cibus ad somnum allicit		383
Candela extincta faetor aliquibus noxiis	429	Cibus idem non semper nobis gratus est		396
Candela lumen majus noctu apparet	88	Cicuta frigore animalia interimit		316
Canes semitas eligendo non discurrunt	372	Cineres multum aqua hauriunt		203
Canes odoratu alia animalia excutunt	72	Cineres apti maculis detergendis		206
Canicula nullam vim habet ad morbos	procreandos	Cineres plantas hyeme à frigore ruentur		ibid.
Carbo ut ignem conservat	207	Cineres ut terram fecundam reddant		207
Carbo addita aqua incalescit	208	Clavus calefit dum percussus moveri de-	sinat	44
Carbo ingreditur compositionem pulveris	pyrit	Coati lignum Mexicanum varium colo-	rem in aquam inducit	97
Cassium cur aliqui aversantur	429	Caelum non obstat corporum moribus		122
Castanea in igne præpitat	22	Caelum cur carulei coloris apparet		ibid.
Castor & Pollux quomodo boni sunt an-	gurii	Coffe somnum abigit		384
Cataracta ablata visus confusior redditur	408	Collis mariensis fons patitur interru-	ptionem	172
Catuli parentum defectum ut referunt	339	Colores post conspectum Solis apparent		408
Cavea hyberno tempore non sunt calidae	44	Colores per tactum à cæco distincti		95
Cerevisia nova unde intumescit	20			
Cervina pellis ut supra alias emergit	104			
Cervorum cornua ut decidunt quotannis	338			

I N D E X.

Cometa ut ex uno loco in alium migrant 121
 Cometa vagantur per caelos 146
 Cometa sub eadem semper magnitudine videntur 147
 Cometa post paucos menses evanescent 149
 Cometa tardius in fine sui motus progrediuntur ibid.
 Cometa nihil certi portendunt 152
 Cometa in summo caelo nullam habent parallaxim 147
 Cometarum barba & cauda 150
 Condensata corpora albescent 20
 Corallium sub aquis molle, aëri expositum durêscit 249
 Corde extracto quedam animalia vivunt 367.
 Corium extensum cur ad priorem statum reducitur 37
 Corpora non admittunt vacuitates 3
 Corpora locum suum secum adserunt 5
 Corpus ut existere deprehenditur 1
 Corpus quid secundum Antiquos 2
 Corpus mathematicum à Physico non distinguitur 4
 Corpus semper manet divisibile 15
 Crepusculi causa 126
 Crystallus igni impositus perspicuitatem amittit 32
 Crystallus non à frigore fit 246
 Cibi diversae materiae sibi impositi aequaliter descendunt 60
 Cubica corpora inaequaliter descendunt 55
 Cucumeres oleum refugiunt 319
 Cucumerum semina lacti imponenda, ut facilius crescant 331
 Cucurbita cur citius quàm alia plante

crescant 318
 Cuncta detracta objecta acutius sentiuntur 392
 Cyrene sylva absq; semine è terra erupit 326

D.

Deliriorum causa in morbis acutis 389
 Deliri cur eundem semper sermonem repetunt 416
 Deliri se Reges esse aliquando imaginantur ibid.
 Demersi cur emergunt post aliquod tempus 36
 Descensus corporum fit per numeros impares 58
 Dierum singulorum in mundi origine productiones 111
 Dictamnus ferrum è corpore extrahit 323
 Distantia partium non probat Epicuri vacuum 4
 Distillata aqua tempore florum non olet 71
 Divisibilitas corpori propria 14
 Divisibilitas non est aequalis in omnibus corporibus 27
 Dodonæ fons accensas faces extinguit 172
 Doliorum asseres aëre humido comprimuntur 19
 Dormientes ut interdum ambulant
 Dulcia magis saturitatem conciliant 64.

E.

Ebrii gemina objecta videntur 409
 Ebrii quâdam specie insaniam afficiuntur

I N D E X.

<i>untur</i>	389	<i>Febres quædam à frigore incipiunt</i>	387
<i>Eclipsis Luna incipit ab occasu</i>	127	<i>Febricitantes famelici cur difficulter cu- rantur</i>	364
<i>Echo ut pluries vocem repetit</i>	81	<i>Febricitantes cur inquieti sunt</i>	386
<i>Echo nonnisi in una parte auditur</i>	82	<i>Febricitantes imaginantur pati quæ non patiuntur</i>	414
<i>Edendi desiderio omnino interdum care- mus</i>	364	<i>Febrium diversitatis causa</i>	388
<i>Effluvia è corporibus solidis</i>	261	<i>Feles aliqui maximè horrent</i>	430
<i>Egroti cur macilenti fiunt</i>	388	<i>Feles ut noctu vident</i>	89
<i>Elementa ad mundi destructionem con- spirant</i>	116	<i>Felina pellis ut scintillas emittit</i>	294
<i>Elephas ut suis grunnitum horret</i>	377	<i>Ferrea pars quæ limâ teritur, calefit, non autem ipsa lima</i>	45
<i>Entia rationis quomodo formantur</i>	413	<i>Ferrugine sistuntur mulierum menstrua</i>	238
<i>Equi in Lusitania an ex-vento nascan- tur</i>	346	<i>Ferrum in ignem injectum augetur</i>	19
<i>E tenebris videmus quæ sunt in luce, non è contrâ</i>	410	<i>Ferrum interdum in Æs commutatur</i>	237
<i>Ethesiarum origo</i>	263	<i>Ferrum diutius evadit, si in aquam can- dens injiciatur</i>	ibid.
<i>Euripus an in die pluries motus recipro- cet</i>	190	<i>Filii passim parentibus similes</i>	352
<i>Eurus passim mane sentitur</i>	261	<i>Filtratio non fit nisi in panno humido</i>	168
<i>Exercitus quid sint, qui in aëre viden- tur</i>	295	<i>Fixæ cur tantum noctu apparent</i>	131
<i>Exhalatio difficilior sursum fertur quam vapor</i>	260	<i>Flamma circa crines puerorum unde</i>	194
<i>Exhalationes quæ è corporibus salutes & noxia</i>	259	<i>Flamma cur sursum ascendit</i>	192
<i>Extensio corporis est constitutiva</i>	4	<i>Flatus è pulmonibus emissus non auditur</i>	74
F.		<i>Flores à suo sale regenerari possunt</i>	224
		<i>Flumina non tantum versùs occasum de- currunt</i>	179
<i>Fame cur interdum non teneamur</i>	364	<i>Flumina tantum in declivi decurrunt</i>	178
<i>Fames in nonnullis penè perpetua</i>	365	<i>Fluvius lethe inebriat</i>	175
<i>Famis & sitis causa</i>	352	<i>Fluxus & refluxus maris causa</i>	186
<i>Fatui ignes quomodo homines ad flumina ducunt</i>	293	<i>Fluxus cur nullus in fluminibus</i>	190
<i>Fatui ignes fugientes sequuntur</i>	ibid.	<i>Fluxus nullus in mari Mediterraneo</i>	188
<i>Fax noctu agitata in speculo distanti, eodem instanti cernitur</i>	87		

I N D E X.

<i>Fluxus in plenilunio major</i>	189
<i>Fœmina ante profluentes menses non concipiunt</i>	350
<i>Fœniculum lactis quantitatem auget</i>	308
<i>Fœnum inclusum calefit</i>	196
<i>Fœtorum diversitas in arboribus</i>	304
<i>Fons qui vini odium ingenerat</i>	176
<i>Fontes olei ut generantur</i>	177
<i>Fontes quomodo in vertice montium oriuntur</i>	176
<i>Fontes quidam tantum hyeme decurrunt</i>	178
<i>Fontes unde subito scaturiunt</i>	180
<i>Fornicatio pedum unde</i>	393
<i>Fortis aqua metalla dissolvit</i>	171
<i>Fraxinus serpentes abigit</i>	323
<i>Frigus ex calidis corporibus ortum</i>	47
<i>Frigus quadam corpora à corruptione servat</i>	53
<i>Fructus immaturi cur acerbi</i>	65
<i>Fructus varium habent saporem</i>	67
<i>Fructus frigore corrumpuntur</i>	52
<i>Fructus odorem mutant</i>	311
<i>Fructus maturi cur decidunt</i>	337
<i>Fructuum saporis diversitas unde</i>	311
<i>Fulgur prius videtur quàm tonitruum</i>	80
<i>Fulmen aurum in bursa, illà intacta consumit</i>	284
<i>Fulmen cur in turres decedit</i>	ibid.
<i>Fumus ad motum fidium contremiscit</i>	77

G.

<i>Gallici morbi origo</i>	385
<i>Gallina vocis diversitas unde</i>	372
<i>Gallus circa mediam noctem cur expersgiscitur</i>	382

<i>Gassendi opinio de divisibilitate materie</i>	16
<i>Gemini quomodo nascantur</i>	356
<i>Gemmarum & unionum eadem est figura</i>	244
<i>Glacies æstivo tempore intacta servatur</i>	52
<i>Glans stannica magis corpori noxia, quàm plumbea</i>	234
<i>Globus plumbeus facilius super putrino, quàm super incudem complanatur</i>	26
<i>Globus magis penetrat corpus remotum, quàm nimis propinquum</i>	36
<i>Græci ignes non possunt aquis extinguï</i>	195
<i>Grandinis insolita magnitudinis causa</i>	274
<i>Grandinis minora grana perspicua, non autem majora</i>	ibid.
<i>Grandinis grana varia sunt figura</i>	275
<i>Gravia descendendo motum accelerant</i>	61
<i>Gravitas corporum unde</i>	60
<i>Gutta cadentes cur rotundæ</i>	269
<i>Gutta pluvie latiores æstate quàm hyeme</i>	273

H.

<i>Halones non nisi dum serenum est apparent</i>	297
<i>Halones ut fiunt duplices</i>	ibid.
<i>Halones non videntur circa Solis occasum</i>	ibid.
<i>Halius in hyeme, non æstate videtur</i>	260
<i>Havre de graces æstus</i>	187
<i>Hedera vino adversatur</i>	319
<i>Heliotropium unde ad Solem vertitur</i>	103
<i>Herba</i>	

INDEX.

Herba viva manū contactum refugit	320
Herbe quaedam curant vulnera	307
Herbarum odor unde nascitur	310
Herbarum odor idem praestat quod herbe ipse	315
Hermaphroditi unde nascantur	355
Hibiscus plumbum liquidum refugit	322
Hirundines cur imminente tempestate circa terram volitent	281
Homines olfactu aliis animalibus cedunt	72
Hominum variarum inclinationum causa	431
Homo tactu cetera animalia excedit	393
Homo pictus cur singulos adstantes inueniri videtur	413
Homuncionis vultus in Luna apparentis ratio	144
Horologii P. Lini explicatio	104
Hyperborei infirmis sunt oculis	410

I.

I ctero laborantes nullum saporē percipiunt	66
Idēro laborantes omnia amara gustare se putant	395
Ignes lucentes sine calore	191
Ignes qui urunt & non micant	ibid.
Ignes in aëre geniti non durant	295
Ignis calor non est productivus	43
Ignis acutiorem saporē creat	64
Ignis hyeme vehementior	193
Ignis scintilla videri potest ad	50 leucas
	85
Ignis quomodo ex ligno generetur	116
Ignis ut ē chalybe educitur	195

<i>Ignis subterraneus ad summum atheni mon-</i> <i>tium quomodo ascendit</i>	201
<i>Imago cur in speculo ultra illud videtur</i>	405
<i>Incubus unde oriatur</i>	422
<i>Indivisibile nihil in corpore</i>	4
<i>Infantes parum memoria valent</i>	418
<i>Infantes in Hollandia multi bifurcatis</i> <i>labris</i>	353
<i>Infantes octavo mense nati vitales</i>	360
<i>Infantes multum somno dediti</i>	381
<i>Ingeniosi hebetiore sunt olfactu</i>	400
<i>Insitio juvat ad fructus meliorationem</i>	333
<i>In luce difficilius quàm in tenebris ex-</i> <i>pergiscimur</i>	383
<i>Instrumenta musica cur excavantur</i>	75
<i>Iridem etiam Luna generare potest</i>	292
<i>Irides tres aliquando vise</i>	290
<i>Iridis inversa causa</i>	289
<i>Iris primaria vegetior quàm secundaria</i>	288
<i>Iris ut pluviam insinuat</i>	290
<i>Iris non omnibus eadem apparet</i>	ibid.
<i>Iris suavem odorem spirat</i>	291

L.

L Ac gravidarum sugentes morbos
earum contrahunt 361
Lac herbarum qualitatem retinet 399
Lac & sanguis cur opaca 32
Lacte & sanguine interdum pluit 271
Lachrymantibus unde gemitus oriuntur 427
Letitia subita Lipothymiana & mor-
tem interdum inducit 426
Lamina alba marmorea minus calescit
91
Lapides

I N D E X.

Lapides frigore corrumpuntur	42
Lapides in Provincia Galliae Rhombi figuram habent	240
Lapides vitrei quomodo nascuntur	ibid.
Lapides an in fluminum fundo procreati	242
Lapides ut oriuntur in superficie terre	243
Lapidum durities unde	22
Lapidum origo in fontibus	243
Lapidum pretiosorum color varius	246
Lapidum navi qui oriuntur	ibid.
Lapis corio agglutinatus interdum non dilabitur	8
Lapis è mali summitate ad pedem relabitur	55
Lapis cur est insipidus	63
Lapis qui in aceto movetur	241
Lapis in fulmine generatur	285
Lateres cocti crudis sunt graviore	57
Laurus an à fulmine eximatur	287
Leo ut gallum horret	377
Leporum astutiarum causa	373
Lethargia ut hominem in somnum inducit	382
Lignum in quibusdam stagnis in ferrum evadit	239
Lingua morbum detegit	395
Lingua nihil sapit, si nimium humida sit, aut sicca	65
Lutea quaedam incombustibilia	348
Liquida quomodo firma fieri possunt	27
Liquor interdum ad corporum duritiem conducit	ibid.
Lithargyrum aceti acrimoniam castigat	220
Locusta à muscarum seminibus derivantur	345
Londinenses cui morbo obnoxii	259

Luccerna ardentes in sepulchris repositae	197
Lumen transmissum per duos parietes cubiculi, non cernitur ab eis qui in eo sunt	84
Lumen facilius per vitrum, quàm per aquam traiecitur	89
Luminis radii non se impediunt	86
Luna semper eodem modo terra obversatur	133
Luna est corpus scabrum	ibid.
Luna in Coniunctione non cernitur	134
Luna sub majori diametro cernitur in plenilunio	137
Luna color ut tempus praesagit	138
Luna Eclipsis quibus idem apparet	ibid.
Luna discus interdum minor apparet	134
Luna celerius quàm terra movetur	136
Luna velocior in plenilunio & novilunio	137
Luna cur in terram non labatur	ibid.
Luna macula quaedam temporaria	143
Luna crescens cur apparet denticulata	145
Luna nihil habet dominis in hac inferiora	154
Luna cur tota nitida in plenilunio	146
Lupus an raucedinem inducat	101

M.

Macula Solis circa Eclipticam apparent	140
Maculae Solis interdum in faculas abeunt	142
Macularum extrema interdum fulgida	140
Magnes cur versus polum Borealem dirigitur	250

M agnes

I N D E X.

<i>Magnes vim suam ferro communicat</i>		<i>Memoria penitus in quibusdam morbo</i>	
	252	deleta	ibid.
<i>Magnes armatus plus attrahit quam nudus</i>	253	<i>Meminisse unius rei non possumus, sine alia cui conjuncta fuit</i>	ibid.
<i>Magnes calefactus vim suam amittit</i>	254	<i>Mens finita non potest aliquid de infinito determinare</i>	17
<i>Magnes ut mutatis polis vim suam amittit</i>	255	<i>Mercurii gravitas unde</i>	218
<i>Magnete in partes diviso, poli ejus mutantur</i>	250	<i>Mercurii fluiditatis causa</i>	219
<i>Magnetis declinationis causa</i>	251	<i>Mercurius quomodo dicitur attrahere aurum.</i>	ibid.
<i>Mahamedis sepulchrum non sustinetur à magnetibus</i>	256	<i>Mercurius noxiis sumentibus</i>	220
<i>Mammonis fons an frigeat & algeat</i>	173	<i>Mercurius ut exuit suam acrimoniam</i>	ibid.
	48	<i>Metalla ex nemoribus inflammatis detecta</i>	216
<i>Manus frigida igni admotæ corripitur</i>	48	<i>Metalla in radicibus montium versus Orientem proveniunt</i>	ibid.
<i>Mauna diversitas in variis regionibus</i>	280	<i>Metalla calcinata fluunt</i>	217
	181	<i>Metalla ut solo vapore solvuntur</i>	218
<i>Mare non est terræ altius</i>	181	<i>Metalla ut in vaporem abeunt</i>	ibid.
<i>Mare cur falsius in æstate</i>	182	<i>Metalla inveniuntur in quibusdam fluviis</i>	217
<i>Mare in occasum defertur</i>	184	<i>Metallica terra quare sterilis</i>	ibid.
<i>Marina aqua ut colorem mutat</i>	40	<i>Metallorum diversitas unde oriatur</i>	215
<i>Marina aqua fluviali graviore</i>	187		
<i>Marina aqua graviora onera sustinet, quam fluvialis</i>	184	<i>Mexicæ lignum colorem varium aqua conciliat</i>	97
<i>Maris aqua de nocte scintillat</i>	224	<i>Misena Regio ignibus terrenis obnoxia</i>	199
<i>Maris salsedo unde</i>	183		
<i>Marmor cur semper frigidum est</i>	49	<i>Monstra unde oriuntur</i>	355
<i>Marmor frigidum reddit aërem</i>	51	<i>Monstra absque pedibus & manibus</i>	356
<i>Marmor politum nigrius apparet quam asperum</i>	91	<i>Monstra quomodo geminata</i>	ibid.
<i>Massæ informes à mulieribus ut emittuntur</i>	357	<i>Montis summitas longè distantis Horizonti contigua videtur</i>	409
<i>Massæ informes unde oriuntur</i>	ibid.	<i>Morbi temporis lapsu mitescunt</i>	387
<i>Mathematici nihil certi prædicere possunt</i>	156	<i>Morborum causa in animalibus</i>	385
<i>Mel ut fit ab apibus</i>	280	<i>Moribundi interdum sine sanguine vivunt</i>	369
<i>Memoria magis matutino tempore vegeta</i>	420		

I N D E X.

<i>Mortua corpora non sunt vivis graviora</i>	59
<i>Motus fieri potest sublatq vacuo</i>	6
<i>Motus corporum fit per circulum</i>	ibid.
<i>Moventur corpora in circulo non perfectō</i>	7
<i>Mucor in corporibus unde provenit</i>	29
<i>Mule non omnes sunt steriles</i>	351
<i>Mulier pugione icta, Embryoni similes notas impressit</i>	362
<i>Mulier abscisso cruce, querebatur se pedis digitis dolere</i>	390
<i>Mulierum menstrua ferrugine sistuntur</i>	238
<i>Mundi partium dispositio</i>	116
<i>Mundi fabrica opificem pradicat</i>	ibid.
<i>Mundi finis ex rerum defectione</i>	114
<i>Mundi ortum historia testantur</i>	108
<i>Mundus est corruptibilis</i>	187
<i>Mundus quo anni tempore productus</i>	110
<i>Mures ut ex sterquiliniis nascuntur</i>	344
<i>Mus quare selem fugit</i>	378
<i>Musico quaedam vivipare</i>	346
<i>Musica mores corrumpit</i>	78
<i>Musici dulcedo unde</i>	67

N.

<i>Napellum & Arsenicum animalia enecant</i>	316
<i>Nardum absque semine nascitur</i>	324
<i>Nares largæ melius odores excipiunt</i>	397
<i>Nasus ex carne excisus non perit, eo pereunte</i>	101
<i>Nebula confert ad objecti parvitatem aut magnitudinem</i>	269
<i>Nebula quando est pluvie nuntia</i>	ibid.

<i>Nebula in vere frequentiores</i>	267
<i>Nebula circa auroram nascuntur</i>	268
<i>Nigrum corpus ex duobus pellucidis constitutum</i>	32
<i>Nili inundationis causa</i>	119
<i>Nitro aqua indurescit</i>	24
<i>Nivem contrectantibus manus incalescunt</i>	277
<i>Nix ut per calorem condensatur</i>	47
<i>Nix rosea aut pilosa unde</i>	275
<i>Nix nocturno tempore conspicua</i>	276
<i>Nix agris fertilitatem conciliat</i>	277
<i>Nomina nullam vim habent</i>	101
<i>Notarum in fetu impressarum causa</i>	415
<i>Nubes ut librantur in aëre</i>	267
<i>Nubes altissima ex glacialibus particulis constant</i>	268
<i>Nubium ordo supra se invicem unde ib.</i>	

O.

<i>O Belisus suo loco restitutus</i>	19
<i>Objecta, contractâ pupillâ, desinunt videri</i>	406
<i>Objectum quomodo à duplici oculo simplex videtur</i>	412
<i>Odor suavis ex malè olentibus nascitur</i>	69
<i>Odor nonnisi ad certam distantiam sentitur</i>	ibid.
<i>Odor calore comparatur</i>	70
<i>Odor suavis & reter in certis hominibus, unde proveniat</i>	71
<i>Odor continuus desinit percipi</i>	396
<i>Odore animalia sibi convenientia explorant</i>	68
<i>Odore gravi pregnantēs sepe abortum patiuntur</i>	396
<i>Odores</i>	

INDEX.

Odores aestate melius quam hyeme sentiuntur	399
Oleum plantis inimicum	339
Omphacii acerbitas unde	66
Ossa non magis in plenilunio replentur	104
Ostrea ut rubescunt	41
Ovi albumen durum evadit	24
Ovis quare lupum fugit	100
Oxygala vulgo Syllibub ut conficitur	25

P.

P alma femina maris confinio deletatur	318
Panis ex germinante tritico confectus fermentatur	21
Panis recens ut liquorem attrahit	99
Panis ut in sanguinem convertitur	110
Panis ad modum spinarum linguam vellicat	395
Pannus Soli expositus colorem variat	96
Papaver quomodo somnum conciliat	381
Papaveri vis inest sanguinem sistendi	308
Parhelia an clades prænuntient	299
Pariendi tempus in animalibus varium	360
Pavonis cauda veros refert colores	90
Pepo carnem molliorem reddit	316
Phases in Venere quomodo contingunt	121
Phoca non est fulmini impenetrabilis	287
Pila intronisso aëre durior evadit	26
Pisces putrescentes nullum colorem in Machina Boiliana præ se ferunt	94
Pisces ex rore progignuntur	344

Pisces in aqua non audiunt	404
Piscium cor à corpore avulsam movetur	367
Planeta nihil conferunt inferioribus	156
Planta in Arabia odorifera	70
Planta cur passim virides sint	309
Planta purgant per fermentationem	314
Planta requirunt ubique eundem situm	329
Planta ut in alias degenerant	ibid.
Planta felicius crescunt in agro plano quam declivi	331
Planta augentur vento Australi	332
Planta à solo avulse non statim moriuntur	338
Planta sylvestres longioris vite, quam hortenses	341
Planta non humiditatem procreant	155
Plantarum odium	303
Plantarum vis diuterica	302
Plantarum quedam sunt cavate	ibid.
Plantarum vis purgativa	313
Plantarum vis vomitum excitandi	314
Plantarum affectiones secundum loca in quibus crescunt varie	327
Plantarum alie frigore, alie calore encantantur	340
Plato quid censuerit de mundi exordio	107
Pluit interdum nullâ nube in cælo visâ	273
Plumbum in aurum converti nequit	230
Plumbum cur facile liquecat	234
Plumbum quibusdam morbis occurrat	235
Plumbum liquatum baculo agitatam in pulverem redigitur	ibid.
Pluvia gutta cur rotunda	269

I N D E X.

Polita corpora sejungi possunt absq; vacuo 13
Polita corpora nulla exactè dantur ib.
Polita aliquid asperitatis habent 28
*Polita corpora fortius agunt quàm asperi-
 oria* 30
*Politum corpus nonnisi ab una parte vi-
 detur* 92
Poma congelata ut restituntur 49
*Pomum concussum qualitatem novam
 acquirit* 39
Portulaca tollit dentium stuporem 306
Portulaca veneno obstat 318
*Pregnantes mulieres unde insolitis cibis
 vescuntur* 366
*Principium quod habuit, habiturum est
 finem* 113
Priscorum opinio de mundi duratione 114
Præna efficit quasdam herbas teneriores 279
*Præna partes connectuntur, cur non
 etiam grandinis* ibid.
Prussia lachryma in pulverem redigitur 37
Pudiana arbor hominis afflatum odit 321
Puella juniores nonnisi puellas generant 352
Pulegium in Japonia angui inimicum 323
*Pulex & equus quomodo ejusdem mag-
 nitudinis esse videntur* 405
*Pulvere sympathetico vulnera non cu-
 rantur* 101
Pulvis albus figmentum est 76
Pumex non potest levigari 29
Putei aqua an in hyeme calidior 174
*Putei aqua turbida sit accedente Terra
 motu.* 202

Pyraustæ nascuntur in flammis 348
*Pyrii pulveris granum quantum dilata-
 tur* 22

Q.

*Qualitates ut vulgò explicantur in-
 intelligibiles* 39
Quantatum natura 40

R.

*R Adices plantarum alia rotunda,
 alia exiles* 302
Radices plantarum cur alba sunt 310
Radix omni planta necessaria 301
Ranis quomodo pluât 272
Remora non naves sistit 375
*Rheumate laborantes odores non perci-
 piunt* 72
Ros in locis humidis frequentior 279
Ros si mane abest, signum est pluvie ib.
Rosa ut circa Novembrem germinet 336
Rubedo in ortu Solis pluviam indicat 129
Rubelliones non sunt unius sexus 350

S.

*S Age solâ imaginatione loca dissita in-
 visunt* 414
*Sagitta aequè celeriter descendit ac ascen-
 dit* 59
*Sal cur nonnisi in certa aqua quantitate
 dissolvitur* 11
Sal ut dissolvatur in aqua 24
Sal aqua motu dissolvitur ibid.
Sal in ignem immisus cur crepitat 223
Sal facile in liquorem abit 224
Sal fluidus Metalla dissolvit ibid.
Sal quomodo linguam pungit 225
Sal

I N D E X.

<i>Sal est carniū conservatiūū</i>	<i>ibid.</i>	<i>Sol quomodo per aliquot dies tenebrosus</i>	<i>ibid.</i>
<i>Sal terra fertilitatem conciliat</i>	<i>226</i>	<i>fuit</i>	<i>142</i>
<i>Salamandra non in igne vivit</i>	<i>348</i>	<i>Sol operum naturalium pater</i>	<i>153</i>
<i>Salis ope aqua in glaciem convertitur</i>	<i>50</i>	<i>Sol est causa humiditatis & frigiditatis</i>	<i>ibid.</i>
<i>Salis tres species</i>	<i>222</i>	<i>Sol quomodo tempestates producit</i>	<i>ibid.</i>
<i>Salis granum oleo mixtum, impedit ne</i>		<i>Sol quando pluviam indicat</i>	<i>273</i>
<i>lampas tam citò consumatur.</i>	<i>226</i>	<i>Sol ut noctu interdum apparet.</i>	<i>298</i>
<i>Sanguis an ad intersectoris presentiam</i>		<i>Soles unde multi nascuntur in uno cir-</i>	<i>ibid.</i>
<i>decurrat</i>	<i>379</i>	<i>culo</i>	<i>ibid.</i>
<i>Sanguinei in risum proclives</i>	<i>424</i>	<i>Solis calor post solstitium vehementior</i>	<i>127</i>
<i>Sanguinis pars inferior, cur nigrior</i>	<i>95</i>	<i>Somnia cur interrupta sunt</i>	<i>421</i>
<i>Sapone oleum ex panno tollitur</i>	<i>25</i>	<i>Somnia omnibus hominibus communia</i>	<i>422</i>
<i>Sapor varius in corporibus</i>	<i>63</i>	<i>Somniamus passim de iis quæ vigilanti-</i>	<i>ibid.</i>
<i>Sapor in dentibus ab acerbis causatur</i>	<i>64</i>	<i>bus occurrunt</i>	<i>423</i>
<i>Sapor exactius tempore matutino senti-</i>		<i>Somniantes ut lotum aliquando emit-</i>	<i>424</i>
<i>tur</i>	<i>66</i>	<i>tunt</i>	<i>424</i>
<i>Sapor non est in rebus sapidis</i>	<i>68</i>	<i>Soni ab hominibus & avibus tantum</i>	<i>77</i>
<i>Scorpio in corpore humano natus</i>	<i>325</i>	<i>creantur</i>	<i>77</i>
<i>Scorpius morsui applicatus virus educit</i>	<i>102</i>	<i>Soni equali tempore expanduntur</i>	<i>79</i>
<i>Seminis frequens effusio cerebro nocet</i>	<i>351</i>	<i>Sonus à liquidis corporibus fieri potest.</i>	<i>73</i>
<i>Sene oleo Tartari admixtum, colorem</i>		<i>Sonus ut in orbem diffunditur</i>	<i>74</i>
<i>aqua immutat</i>	<i>41</i>	<i>Sonus facilius per trabem quàm aërem.</i>	<i>78</i>
<i>Sensus quoad substantiam rei non deci-</i>		<i>transmittitur</i>	<i>78</i>
<i>piuntur</i>	<i>2</i>	<i>Sonus duplex unde in una chorda oritur</i>	<i>79</i>
<i>Simi foetidum halitum habent</i>	<i>399</i>	<i>Sonus in ovali cubiculo à distanti faci-</i>	<i>83</i>
<i>Sicula in aqua non ponderat</i>	<i>62</i>	<i>lius auditur</i>	<i>83</i>
<i>Sol est calidus</i>	<i>124</i>	<i>Sonus ope Tubi augetur</i>	<i>ibid.</i>
<i>Sol sphericam habet figuram.</i>	<i>ibid.</i>	<i>Sonus auribus clausis unde oritur</i>	<i>403</i>
<i>Sol sub eadem magnitudine semper cerni-</i>		<i>Sonus sub aquis non percipitur</i>	<i>ibid.</i>
<i>tur</i>	<i>125</i>	<i>Sorga fons falsas habet aquas</i>	<i>178</i>
<i>Sol in Zona torrida ferventior</i>	<i>126</i>	<i>Spherica corpora equaliter descendunt,</i>	<i>53</i>
<i>Sol cur homines denigret</i>	<i>ibid.</i>	<i>est mole inæqualia</i>	<i>53</i>
<i>Sol oriens major apparet quàm meridia-</i>		<i>Spiritus vini refrigerat</i>	<i>47</i>
<i>nus</i>	<i>128</i>	<i>Spongia cur liquore extenditur</i>	<i>186</i>
<i>Sol quomodo tremere videtur</i>	<i>ibid.</i>		
<i>Sol per Telescopium obscurus apparet</i>	<i>139</i>		

Spongia

I N D E X.

Spongia ut aquam attrahit 18
 Stannum illud vas ab igne tuetur 233
 Stannum calcinatum est non calcinato gravius ibid.
 Stella ut quadam evanescent 124
 Stella fixa propria luce fulgent 129
 Stella apparent interdum ubi non sunt 130
 Stelle cur tantum noctu apparent ibid.
 Stella nova interdum nascuntur 131
 Stella ut in Cometas abeunt 132
 Stella quo sensu dicuntur esse in signa 154
 Stella noctu cadentes quid sint 295
 Stigia aqua ut agunt in metalla 171
 Stirpes quadam vim habent calefaciendi, aliæ refrigerandi 308
 Succinum est res fossilis 246
 Suffimenta minus è propinquo sentiuntur 70

Sulphur ubi maximè abundat 221
 Sulphur cur facillè inflammetur 222
 Succi molles ad insitionem inutiles 337
 Sympathetico pulvere vulnera non curantur 101

T.

Tabaci fumus nocuis memoriae cuiusdam 418
 Tactus sic per nervos 319
 Tactus quis ex improvviso inhorrescit 391
 Tarantulâ percussî, musicâ sanantur 401
 Tepidum ut calidum nobis apparet 43
 Terra punctam est cælo comparata 161
 Terra ut in aëris medio stat 162

Terra & cæli productio 110
 Terra motus in Campania causa 198
 Terra novales aliis fertiliores 330
 Testudinis fides intumescunt aëris humiditate 18
 Thales non prædixit olei caritatem ope Astrologia 157
 Therma ut incallescunt 171
 Titillatio maximè in plantis pedum excitatur 391
 Toricellii experimentum ad probandum vacuum 12
 Tranados nautis formidabiles 281
 Tristes facillè lachrymantur 426
 Tristes varium colorem præ se ferunt 427
 Triticum ex cineribus generatur 209

V.

Vacuum non requiritur ut corpus moveatur 5
 Vacuum non probatur per bombardam pneumaticam 8
 Valva secundum tempestates facillè aut difficulter clauduntur 18
 Vapores ut in aquam convertuntur 120
 Vapores copiosiores in æstate, quàm hyeme 257
 Vapores non equaliter ex omni parte terra assurgunt 248
 Vena cur non pulsant 368
 Venis ligatis cur brachium intumescit ibid.
 Venti orientales sicciiores occidentalibus 262
 Venti circa litus maris noctu à terra proveniunt 263
 Venti

I N D E X.

<i>Venti artificiales quomodo conficiuntur</i>	262	<i>Vitrum contusum album videtur</i>	93
<i>Ventus aëre frigidior</i>	266	<i>Vitrum oblongum diversas refert colores</i>	ibid.
<i>Vermes in aceto generantur</i>	118	<i>Vitrum cur est fragile</i>	203
<i>Vermes ut intra fructus nascuntur</i>	346	<i>Vitrum frigidum igni admotum frangitur</i>	ibid.
<i>Vertigine corripiuntur, qui ex Turri aspiciunt</i>	414	<i>Vitrum contusum Deleteriam parit</i>	205
<i>Vesica ut resilit in terram impacta</i>	211	<i>Vitrum vi ignis liquefcit</i>	ibid.
<i>Vesuvius certis tantum temporibus flammam emittit</i>	200	<i>Vitulina caro coëctione albescit</i>	96
<i>Vetula ut infantes fascinat</i>	102	<i>Vitulus an pluerit secundum Avicennam</i>	272
<i>Vini spiritus refrigerat</i>	59	<i>Voces melius intra quam extra cubiculum audiuntur</i>	407
<i>Vini spiritus flamma linteum non urit</i>	197	<i>Vox ut in omnium auribus diffunditur</i>	79
<i>Vinum per manicam Hippocratis debilitatur</i>	185	<i>Vultures non vento concipiunt</i>	347
<i>Vipera non dissectis lateribus parit</i>	359	<i>Vua cur acerba</i>	65
<i>Vesit acutissimi qui sint</i>	407		
<i>Vitri pelluciditas unde</i>	202		
<i>Vitri rigiditas ex quo oritur</i>	204		
<i>Vitrioli spiritus dentibus nocivus</i>	97		
<i>Vitrum ferro candenti rescatur</i>	19		
<i>Vitrum cur est charta pellucidius</i>	30		
<i>Vitrum ut redditur obscurius</i>	31		
<i>Vitrum ferro candenti secatur</i>	46		

Z.


Zephyri certo tempore in mari Mediterraneo flant 264.
 Zephyrus, passim sentitur vespere 261.
 Zonis temperatis venti irregulares 266


Errores sic corrigantur.

Pagina 118. lege unum contactum, pag. 124. leg. Sol, pag. 310.
 lin. 21. leg. oriantur, pag. 327. lin. 6. leg. decedit.

VA1
1553648

INDEX





186

C

28

